

Samantapāsādikāya Vinayaṭṭhakathāya

Atthavaṇṇanābhūtā

Bhadantacoḷiyakassapattherena katā

Vimativinodanīṭikā

(Paṭhamo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1960

© Buddhasāsana Society

Ṭikā Series 04

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka ခ kha ဂ ga ဃ gha င ṅa
 ဇ ca ဈ cha ဇ ja ဈ jha ဠ ṅa
 ဋ ta ဌ tha ဍ ḍa ဎ ḍha ဏ ṇa
 တ ta ထ tha ဒ da ဓ dha န na
 ပ pa ဖ pha ဗ ba ဘ bha မ ma

ယ ya ရ ra လ la ဝ va သ sa ဘ ha ဠ ḷa ၵ ṁ

VOWELS IN COMBINATION

◌◌◌◌ = ā ◌◌◌◌ = i ◌◌◌◌ = ī ◌◌◌◌ = u ◌◌◌◌ = ū ◌◌◌◌ = e ◌◌◌◌ = o

က ka ကာ kā ကိ ki ကိ kī ကု ku ကု kū ကေ ke ကေ ko
 ခ kha ခါ khā ခိ khi ခိ khī ခု khu ခု khū ခေ khe ခေ kho ...

CONJUNCT-CONSONANTS

ကက kka	ဃ ငာ ṅha	ဏ ဏာ ṇha	ဈ သာ dhya	ဠ ပာ pla	ဣ လာ lla
ကွ kka	ဇ ငာ cca	ဇာ ṇာ ṇa	ဇာ သာ dhva	ဠ ပာ pba	ဣ လာ lya
ကျ kya	ဇာ ငာ ccha	ဇာ ṇာ ṇa	ဇာ ဏာ nta	ဠာ ဃာ bbha	ဣ လာ lha
ကြိ kri	ဇာ ဣာ jja	ဇာ ṇာ ṇa	ဇာ ဏာ ntva	ဣ ဃာ bya	ဣ ဝာ vha
ကွာ kla	ဇာ ဣာ jjha	ဇာ တာ tta	ဇာ ဏာ ntha	ဠာ ဗာ bra	ဣာ တာ sta
ကွာ kva	ဠာ ဣာ ṅṅa	ဇာ တာ ttha	ဇာ ဏာ nda	ဠာ မာ mpa	ဣာ တာ stra
ဈာ khya	ဠာ ဣာ ṅṅha	ဇာ တာ tva	ဇာ ဏာ ndra	ဠာ မာ mpha	ဣာ သာ sna
ဇာ khva	ဠာ ဣာ ṅṅca	ဇာ တာ tya	ဇာ ဏာ ndha	ဠာ မာ mba	ဣာ သာ sya
ဠာ gga	ဠာ ဣာ ṅṅcha	ဠာ တာ tra	ဇာ ဏာ nna	ဠာ မာ mbha	ဣာ သာ ssa
ဠာ ggha	ဠာ ဣာ ṅṅja	ဇာ သာ dda	ဈာ ဣာ nya	ဠာ မာ mma	ဣာ သာ sma
ဈာ gya	ဠာ ဣာ ṅṅjha	ဇာ သာ ddha	ဈာ ဣာ nha	ဈာ မာ mya	ဣာ သာ sva
ဠာ gra	ဠာ တာ ṭta	ဈာ သာ dya	ဠာ ပာ ppa	ဠာ မာ mha	ဣာ သာ hma
ဣာ ṅka	ဠာ တာ ṭtha	ဠာ သာ dra	ဠာ ပာ ppha	ဣာ သာ yya	ဣာ သာ hva
ဣာ ṅkha	ဠာ သာ ḍḍa	ဠာ သာ dva	ဈာ ပာ pya	ဣာ သာ yha	ဠာ သာ ḷha
ဣာ ṅga					

၁ ၂ ၃ ၄ ၅ ၆ ၇ ၈ ၉ ၀
 1 2 3 4 5 6 7 8 9 0

Vimativinodanīṭikā

Paṭhamabhāga

Mātikā		Piṭṭhāṅka	
Ganthārambhakathā	1
Ganthārambhakathāvaṇṇanā	1

Bāhiranidānakathā

Paṭhamamahāsaṅgītikathāvaṇṇanā	10
Dutiyasaṅgītikathāvaṇṇanā	24
Tatīyasaṅgītikathāvaṇṇanā	26
Ācariyaparamparakathāvaṇṇanā	32

Verañjakaṇḍavaṇṇanā

Paṭhamajjhānakathāvaṇṇanā	71
Dutiyajjhānakathāvaṇṇanā	73
Tatīyajjhānakathāvaṇṇanā	73
Catutthajjhānakathāvaṇṇanā	76
Pubbenivāsakathāvaṇṇanā	77
Dibbacakkhuñṇānakathāvaṇṇanā	81
Āsavakkhayañṇānakathāvaṇṇanā	85
Upāsakattapaṭivedanānakathāvaṇṇanā	86
Vinayapaññattiyācanakathāvaṇṇanā	91

1. Pārājikakaṇḍa

1. Paṭhamapārājika

Sudinnabhāṇavāraṇṇanā	99
Makkaṭivattthukathāvaṇṇanā	107

Mātikā		Piṭṭhaṅka
Santhatabhāṇavāra		
Vajjiputtakavatthukathāvaṇṇanā	...	119
Catubbidhavinayādikathāvaṇṇanā	...	120
Padabhājanīyavaṇṇanā	...	127
Sājīvapadabhājanīyavaṇṇanā	...	130
Paccakkhānavibhaṅgavaṇṇanā	...	133
Mūlapaññattivaṇṇanā	...	138
Anupaññattivaṇṇanā	...	139
Paṭhamacatukkavaṇṇanā	...	141
Ekūnasattatidvisatacatukkakathāvaṇṇanā	...	143
Santhatacatukkabhedakathāvaṇṇanā	...	146
Rājapaccatthikādicatukkabhedakathāvaṇṇanā	...	147
Āpattānāpattivāraṇṇanā	...	147
Pakiṇṇakakathāvaṇṇanā	...	148
Vinītavatthuvaṇṇanā	...	153

2. Dutiyapārājika

Dhaniyatthuvaṇṇanā	...	163
Pāḷimuttakavinicchayaṇṇanā	...	166
Padabhājanīyavaṇṇanā	...	170
Pañcaviṣati-avahārakathāvaṇṇanā	...	172
Bhūmaṭṭhakathāvaṇṇanā	...	175
Ākāsaṭṭhakathāvaṇṇanā	...	179
Vehāsaṭṭhakathāvaṇṇanā	...	179
Udakaṭṭhakathāvaṇṇanā	...	179
Nāvaṭṭhakathāvaṇṇanā	...	180
Yānaṭṭhakathāvaṇṇanā	...	181
Bhāraṭṭhakathāvaṇṇanā	...	181
Ārāmaṭṭhakathāvaṇṇanā	...	182

Mātikā	Piṭṭhaṅka
Vihāraṭṭhakathāvaṇṇanā	183
Khettaṭṭhakathāvaṇṇanā	183
Vatthuṭṭhakathāvaṇṇanā	184
Araññaṭṭhakathāvaṇṇanā	184
Udakakathāvaṇṇanā	185
Dantaponakathāvaṇṇanā	187
Vanappatikathāvaṇṇanā	187
Haraṇakakathāvaṇṇanā	187
Upanidhikathāvaṇṇanā	188
Sunkaghātakathāvaṇṇanā	192
Pāṇakathāvaṇṇanā	193
Catuppadakathāvaṇṇanā	194
Ocarakakathāvaṇṇanā	194
Oṇirakkhakathāvaṇṇanā	194
Samvidāvahāarakathāvaṇṇanā	195
Saṅketakammakathāvaṇṇanā	195
Nimittakammakathāvaṇṇanā	195
Āṇattikathāvaṇṇanā	196
Āpattibhedavaṇṇanā	197
Anāpattibhedavaṇṇanā	198
Pakiṇṇakakathāvaṇṇanā	198
Vinītavatthuvaṇṇanā	199
Kusasānkāmanavatthukathāvaṇṇanā	199

3. Tatiyapārājika

Paṭhamapaññattinidānavaṇṇanā	206
Ānāpānassatisamādhikathāvaṇṇanā	209

Mātikā		Piṭṭhaṅka
Padabhājanīyavaṇṇanā	...	223
Vinītavatthuvaṇṇanā	...	233

4. Catutthapārājika

Vaggumudātīriyabhikkhuvatthuvaṇṇanā	...	240
Adhimānavatthuvaṇṇanā	...	241
Savibhaṅgasikkhāpadavaṇṇanā	...	242
Padabhājanīyavaṇṇanā	...	243
Vattukāmvāarakathāvaṇṇanā	...	246
Anāpattibhedakathāvaṇṇanā	...	247
Vinītavatthuvaṇṇanā	...	247
Nigamanavaṇṇanā	...	250

2. Saṅghādisesakaṇḍa

1. Sukkavissatṭhisikkhāpadavaṇṇanā	...	252
2. Kāyasaṃsaggasikkhāpadavaṇṇanā	...	258
3. Duṭṭhullavācāsikkhāpadavaṇṇanā	...	264
4. Attakāmapāricariyasikkhāpadavaṇṇanā	...	266
5. Sañcarittasikkhāpadavaṇṇanā	...	267
6. Kuṭikārasikkhāpadavaṇṇanā	...	272
7. Vihārakārasikkhāpadavaṇṇanā	...	280
8. Paṭhamaduṭṭhadosasikkhāpadavaṇṇanā	...	280
9. Dutiyaduṭṭhadosasikkhāpadavaṇṇanā	...	293
10. Paṭhamasaṅghabhedasikkhāpadavaṇṇanā	...	295
11. Dutiyasaṅghabhedasikkhāpadavaṇṇanā	...	297
12. Dubbacasikkhāpadavaṇṇanā	...	297
13. Kuladūsakasikkhāpadavaṇṇanā	...	298
Nigamanavaṇṇanā	...	304

Mātikā

Piṭṭhaṅka

3. Aniyatakaṇḍa

1. Paṭhama-aniyatasikkhāpadavaṇṇanā	305
2. Dutiya-aniyatasikkhāpadavaṇṇanā	307

4. Nissaggiyakaṇḍa**1. Cīvaravagga**

1. Paṭhamakathinasikkhāpadavaṇṇanā	310
2. Udositasikkhāpadavaṇṇanā	317
3. Tatiyakathinasikkhāpadavaṇṇanā	321
4. Purāṇacīvarasikkhāpadavaṇṇanā	322
5. Cīvarapaṭiggahaṇasikkhāpadavaṇṇanā	324
6. Aññātakaviññattisikkhāpadavaṇṇanā	325
7. Tatuttarisikkhāpadavaṇṇanā	326
8. Paṭhama-upakkhaṭasikkhāpadavaṇṇanā	326
9. Dutiya-upakkhaṭasikkhāpadavaṇṇanā	327
10. Rājasikkhāpadavaṇṇanā	328

2. Kosiyavagga

1. Kosiyasikkhāpadavaṇṇanā	333
4. Chabbassasikkhāpadavaṇṇanā	333
5. Nisīdanasanthasikkhāpadavaṇṇanā	334
6. Eḷakalomasikkhāpadavaṇṇanā	335
7. Eḷakalomadhovāpanasikkhāpadavaṇṇanā	335
8. Rūpiyasikkhāpadavaṇṇanā	336
9. Rūpiyasamvohārasikkhāpadavaṇṇanā	343
10. Kayavikkayasikkhāpadavaṇṇanā	347

Mātikā			Piṭṭhaṅka
3. Pattavagga			
1. Pattasikkhāpadavaṇṇanā	347
2. Ūnapañcabandhanasikkhāpadavaṇṇanā	349
3. Bhesajjasikkhāpadavaṇṇanā	349
4. Vassikasāṭṭikasikkhāpadavaṇṇanā	355
5. Cīvara-acchindanasikkhāpadavaṇṇanā	358
6. Suttaviññattisikkhāpadavaṇṇanā	358
7. Mahāpesakārasikkhāpadavaṇṇanā	359
8. Accekacīvarasikkhāpadavaṇṇanā	360
9. Sāsaṅkasikkhāpadavaṇṇanā	361
10. Pariṇatasikkhāpadavaṇṇanā	362

Vimativinodanīṭikāya paṭhamabhāge mātikā niṭṭhitā.

Vinayapiṭaka

Vimativinodanīṭikā

Namo tassa Bhagavato Arahato Sammāsambuddhassa.

Ganthārambhakathā

Karuṇāpuṇṇahadayaṃ, **sugataṃ** hitadāyakaṃ.
Natvā **dhammañca** vimalaṃ, **saṃghañca** guṇasampadaṃ.
Vaṇṇanā nipuṇāhesuṃ, vinayaṭṭhakathāya yā.
Pubbakehi katā nekā, nānānayasamākulā.
Tattha kāci suvitthiṇṇā, dukkhogāhā ca ganthato.
Viraddhā atthato cāpi, saddato cāpi katthaci.
Kāci katthaci apuṇṇā, kāci sammohakārini.
Tasmā tāhi samādāya, sāraṃ saṅkheparūpato.
Līnatthañca pakāsento, viraddhañca visodhayaṃ.
Upaṭṭhitanayañcāpi, tattha tattha pakāsayaṃ.
Vinaye vimatiṃ chetuṃ, bhikkhūnaṃ lahuvuttinaṃ.
Saṅkhepena likhissāmi, tassā līnatthavaṇṇanaṃ.

Ganthārambhakathāvaṇṇanā

Vinayasamvaṇṇanārambhe ratanattayaṃ namassitukāmo tassa
visiṭṭhaguṇayogasandassanattamaṃ **yo kappakoṭṭhipīti**-ādimāha.
Visiṭṭhaguṇayogena hi vandanārahabhāvo, vandanārahe ca katā vandanā
yathādhippetamattham

sādheti. Ettha ca samvaṇṇanārambhe ratanattayapaṇāmakaraṇappayojanaṃ tattha tattha bahudhā papañcenti ācariyā, mayaṃ pana idhādhippetameva payojanaṃ dassayissāma. Tasmā samvaṇṇanārambhe ratanattayapaṇāmakaraṇaṃ yathāpaṭiññātasamvaṇṇanāya anantarāyena parisamāpanatthanti veditabbaṃ. Tathā hi vuttaṃ “tassānubhāvena hatantarāyo”ti. Ratanattayapaṇāmakaraṇena hi rāgādidosavigamato paññādiguṇapāṭavato āyu-ādivaḍḍhanato puññātisayabhāvādito ca hoteva yathāpaṭiññātasamvaṇṇanāya anantarāyena parisamāpanaṃ.

Tattha paṭhamaṃ tāva bhagavato vandanaṃ kattukāmo “yo kappakoṭīhipi -pa- tassā”ti āha. Imissā pana vinayadesanāya karuṇāppadhānañāṇasamuṭṭhitatāya karuṇāppadhānameva thomaṇaṃ āraddhaṃ. Esā hi ācariyassa pakati, yadidaṃ ārambhānurūpathomaṇā. Karuṇāggahaṇena cettha aparimeyyappabhāvā sabbepi buddhaguṇā nayato saṅgahitāti daṭṭhabbā taṃmūlakattā sesabuddhaguṇānaṃ. Tattha **yoti** imassa aniyamavacanassa nāthoti iminā sambandho. **Kappakoṭīhipi appameyyaṃ kālanti** kappakoṭīgaṇanāvasenapi “ettakā kappakoṭīyo”ti pametuṃ asakkuṇeyyaṃ kālaṃ. **Api**-saddena pageva vassagaṇanāyāti dasseti. Appameyyaṃ kālanti ca accantasamyoge upayogavacanāṃ, tena kappakoṭīgaṇanāvasena paricchinditumasakkuṇeyyamapi, asaṅkhyeyyavasena pana paricchinditabbato salakkhaṃ caturasaṅkhyeyyakappakālaṃ accantameva nirantaraṃ pañcamahāpariccāgādi-**atidukkarāni karonto khedaṃ** kāyikaṃ parissamaṃ pattoti dasseti.

Lokahitāyāti sattalokassa hitāya. Nāthatīti **nātho**, veneyyānaṃ hitasukhaṃ āsīsatīti attho. Atha vā nāthati veneyyagate kilese upatāpeti, nāthati vā yāceti veneyye attano hitakaraṇe yācitvāpi niyojetīti **nātho**, lokapaṭisaraṇo lokasāmi lokanāyakoti vuttaṃ hoti. **Mahākāruṇikassāti** yo karuṇāya kampitahadayattā lokahitatthaṃ atidukkarakiriyāya anekappakāraṃ tādisaṃ dukkhaṃ anubhavitvā āgato, **tassa mahākāruṇikassāti** attho. Tattha kiratīti **karuṇā**, paradukkaṃ vikkipati apānetīti attho. Dukkhesu vā kiriyati pasāriyatīti karuṇā. Atha vā kiṇāṭīti karuṇā, paradukkhe sati

kāruṇikaṃ hiṃsati vibādheti, vināseti vā parassa dukkhanti attho. Paradukkhe sati sādḥūnaṃ kampanaṃ hadayakhedaṃ karotīti vā karuṇā. Atha vā kamīti sukhaṃ, taṃ rundhatīti karuṇā. Esā hi paradukkhāpanayanakāmatālakkaṇā attasukhanirapekkhatāya kāruṇikānaṃ sukhaṃ rundhati vibādheti. Karuṇāya niyutto **kāruṇiko**, mahanto kāruṇiko **mahākāruṇiko**, **tassa namo** atthūti pāṭhaseso.

Evam karuṇāmukhena saṅkhepato sakalasabbaññuḡuḡehi bhagavantaṃ thometvā idāni saddhammaṃ thometuṃ **asambudhanti**-ādimāha. Tattha buddhanisevitaṃ yaṃ asambudhaṃ jīvaloko bhavā bhavaṃ gacchati, tassa dhammavarassa namoti sambandho. Tattha **asambudhanti** asambuḡjhanto, yathāsabhāvaṃ appaṭivijjhanatoti vuttaṃ hoti. Hetu-attho hettha antapaccayo. **Yanti** aniyamato sapariyattiko navalokuttaradhammo kammabhāvena niddiṭṭho. **Buddhanisevanti** tasseva visesanaṃ, sammāsambuddhena, paccekabuddhasāvakaḡbuddhehipi vā gocarāsevanabhāvanāsevanāhi yathārahaṃ nisevitaṃ, ajahitanti attho. Tattha pariyaṭṭiphalanibbānāni gocarāsevanavaseneva nisevitāni, maggo pana bhāvanāsevanavasenāpi paccavekkhaṇaññādivasena gocarāsevanavasenāpi nisevito. **Bhavābhavanti** bhavato bhavaṃ. Atha vā hīnapaṇiṭādivasena khuddakaṃ mahantaṅca bhavanti attho. Vuḡḡhatthopi hi a-kāro dissati asekkhā dhammāti-ādīsu¹ viya. Atha vā bhavoti vuḡḡhi, abhavoti hāni. Bhavoti vā sassatadiṭṭhi, abhavoti ucchedadiṭṭhi. Vuttappakāro bhavo ca abhavo ca bhavābhavo, taṃ bhavābhavaṃ. **Gacchatīti** upagacchati. **Jīvalokoti** sattaloko. **Avijjādikilesajālaviddhamsinoti** dhammavisesanaṃ. Tattha na vidati dhammānaṃ yathāsabhāvaṃ na vijānāṭiṭi avijjā, aññāṇaṃ. Sā ādi yesaṃ taṅhādīnaṃ, teyeva kilissanti etehi sattāti kilesā, teyeva ca sattānaṃ vibādhanatṭhena jālasadisāti jālaṃ, taṃ viddhamseti sabbaso vināseti sīlenāti **avijjādikilesajālaviddhamsi**, tassa.

Nanu cettha sapariyattiko navalokuttaradhammo adhippeto, tattha ca maggoyeva kilese viddhamseti, netareti ce? Vuccate—maggassāpi

1. Abhi 1. 2 piṭṭhe.

nibbānamāgama kilesaviddhamsanato nibbānampi kilese viddhamseti nāma, maggassa kilesaviddhamsanakiccaṃ phalena niṭṭhitanti phalampi “kilesaviddhamsi”ti vuccati, pariyattidhammopi kilesaviddhamsanassa upanissayapaccayattā “kilesaviddhamsi”ti vatthuṃ arahatīti na koci doso.

Dhammavarassa tassāti pubbe aniyamitassa niyāmakavacanaṃ. Tattha yathānusiṭṭhaṃ paṭipajjamāne catūsu apāyesu saṃsāradukkhe ca apatamāne dhāretīti dhammo. Vuttapakāro dhammo eva attano uttaritarābhāvena varo pavaro anuttaroti dhammavaro, tassa dhammavarassa namo atthūti attho.

Evam saṅkhepanayeneva sabbadhammaguṇehi saddhammaṃ thometvā idāni ariyaṃghaṃ thometuṃ **guṇehīti**-ādimāha. Tattha guṇehi yo yutto, tamariyaṃghaṃ namāmīti sambandho. Silādayo guṇā cettha lokiyalokuttarā adhippetā. “Vimuttivimuttiñāṇaṃ”ti vattabbe ekadesasarūpekasesanayena “vimuttiñāṇaṃ”ti vuttaṃ, ādisaddapariyāyena pabhutisaddena vā vimuttiggahaṇaṃ veditabbaṃ. Tattha **vimuttīti** phalaṃ. **Vimuttiñāṇanti** paccavekkhaṇañāṇaṃ. **Pabhuti**-saddena chaḷabhiññācatupaṭisambhidādayo guṇā saṅgahitāti daṭṭhabbā. Kusalatthikānaṃ janānaṃ puññātisayavuḍḍhiyā khettasadisattā khettanti āha “khettaṃ janānaṃ kusalatthikānaṃ”ti. Khittaṃ bījaṃ mahapphalabhāvakaraṇena tāyatīti hi **khettaṃ**. **Ariyaṃghanti** ettha ārakattā kilesehi, anaye na iriyanato, aye ca iriyanato, sadevakena lokena “saraṇaṃ”ti araṇīyato upagantabbato, upagatānañca tadatthasiddhito ariyā, aṭṭha ariyapuggalā, ariyānaṃ saṃgho samūhoti ariyaṃgho, taṃ ariyaṃghaṃ.

Idāni ratanattayapaṇāmajanitaṃ kusalābhisandaṃ yathādhippete payojane niyojetvā attanā saṃvaṇṇiyamānassa vinayassa sakalasāsanamūlabhāvadassanamukhena saṃvaṇṇanākaraṇassāpi sāsanaṃmūlatam dassetuṃ **iccevamiccādigāthādvayamāha**. **Puññābhisandanti** puññoghamaṃ, puññappavāhaṃ puññarāsinti attho. **Tassānubhāvenāti** tassa yathāvuttassa puññappavāhassa ānubhāvena balena hatantarāyo vinayaṃ vaṇṇayissanti sambandho.

Aṭṭhitassa susaṅghitassa bhagavato sāsanaṃ yasmim̐ ṭhite patiṭṭhitaṃ hotīti yojetabbaṃ. Tattha **yasminti** yasmim̐ vinayapiṭake. **Ṭhiteti** pālito ca atthato ca anūnaṃ hutvā lajjipuggalesu pavattanaṭṭhena ṭhite.

Sāsananti sikkhattayasaṅgahitaṃ sāsaṇaṃ. **Aṭṭhitassāti** kāmasukhallikattakilamathānuyogasaṅkhāte antadvaye aṭṭhitassa, “parinibbutassapi bhagavato”ṭipi vadanti. **Susaṅṭhitassāti** antadvayavirahitāya majjhimāya paṭipadāya suṭṭhu ṭhitassa. **Amissanti** bhāvanapumsakaniddeso, nikāyantaraḷaddhīhi asaṃmissaṃ katvā anākulaṃ katvā vaṇṇayissanti vuttaṃ hoti. **Nissāya pubbācariyānubhāvanti** pubbācariyehi saṃvaṇṇitaṃ aṭṭhakathaṃ nissāya, na attano balenāti adhippāyo.

Atha porāṇaṭṭhakathāsu vijjamānāsu puna vinayasamvaṇṇanā kiṃpayoṇāti? Āha **kāmañcāti**-ādi. Tattha **kāmananti** ekantena, yathicchakaṃ vā, sabbasoti vuttaṃ hoti, tassa saṃvaṇṇitoṃ vinayoti iminā sambandho. **Pubbācariyāsabhehīti** mahākassapaṭṭherādayo pubbācariyā eva akampiṃyāṭṭhena uttamaṭṭhena ca āsabhā, tehi pubbācariyavarehīti vuttaṃ hoti. Kīdisā pana te pubbācariyāti? Āha **ñāṇambūti**-ādi. Aggamaggañāṇasaṅkhātena ambunā salilena niddhotāni nissesato āyatim anupattidhammatāpādanena dhotāni visodhitāni rāgādīni tīṇi malāni kāmāsavādayo ca cattāro āsavā yehi te **ñāṇambuniddhotamalāsavā**, tehi khīṇāsavehīti attho. Khīṇāsavabhāvepi na ete sukkhavipassakāti āha “visuddhavijjāpaṭisambhidehī”ṭi. Tattha **vijjāti** tisso vijjā, aṭṭha vijjā vā. Paṭisambhidāppattesupi mahākassapaṭṭherādīnaṃ uccinitvā gahitāya tesāṃ saddhammasamvaṇṇane¹ sāmattiyaṃ sātisayanti dassento āh “saddhammasamvaṇṇanakovidehī”ṭi.

Kilesajātaṃ, parikkhārabāhullaṃ vā sallikhāti tanuṃ karotīti sallekho, appicchatādiguṇasamūho, idha pana khīṇāsavādhikārattā parikkhārabāhullassa sallikhanavaseneva attho gahetabbo. Sallekhena nibbattaṃ sallekhiyaṃ, tasmim **sallekhiye**, dhutaṅgapariharaṇādisallekhapaṭipattiyanti vuttaṃ hoti. **Nosulabhūpamehīti** sallekhapaṭipattiyā “asukasadisā”ṭi natthi sulabhā upamā etesanti nosulabhūpamā, tehi. **Mahāvihārassāti** iminā nikāyantaraṃ paṭikkhipati. Vihārasīsenā hettha tattha nivāsīnañceva tehi samaladdhikānañca sabbesaṃ bhikkhūnaṃ gahaṇaṃ daṭṭhabbaṃ. Tasmā tesāṃ mahāvihāravāsīnaṃ diṭṭhisīlavissuddhiyā pabhavante

1. Saddhammasamvaṇṇana... (Ka)

saññāṇabhūtatā dhammasaṅgāhatā mahākassapattherādayo “mahāvihārassa dhajūpamā”ti vuttā, tehi **ayaṃ vinayo saṃvaṇṇito** sammā anūnaṃ katvā vaṇṇito. Kathanti āha “cittehi nayehi”ti. **Vicittehi nayehi sambuddhavaravayehi** sabbaññubuddhavaraṃ anugatehi, bhagavato adhippāyānugatehi nayehi vuttam hoti.

Evam porāṇaṭṭhakathāya anūnabhāvaṃ dassetvā idāni attano saṃvaṇṇanāya payojanavisesaṃ ajjhesakañca dassetuṃ **saṃvaṇṇanāti-**ādimāha. Tattha **saṅkhatattā**ti racitattā. **Na kañci attham abhisambhuṇṭīti** na kañci attham sādheti.

Saṃvaṇṇanam tañcāti-ādinā attano saṃvaṇṇanāya karaṇappakāraṃ dasseti. Tattha tañca idāni vuccamānaṃ saṃvaṇṇanam **samārabhanto** sakalāyapi mahā-aṭṭhakathāya idha gahetabbato mahā-aṭṭhakatham **tassā** idāni vuccamānāya saṃvaṇṇanāya **sarīram katvā** mahāpaccariyaṃ yo vinicchayo vutto, tatheva kurundīnāmādīsu **vissutāsu aṭṭhakathāsu yo vinicchayo** vutto, tatopi vinicchayato yuttamattham **apariccajanto** antogadhattheravādam katvā **saṃvaṇṇanam** sammā **samārabhissanti** padatthasambandho veditabbo. Ettha ca attho kathiyati etāyāti aṭṭhakathā tthakārassa ṭṭhakāraṃ katvā. **Mahāpaccariyanti** mahāpaccarīnāmikaṃ. Ettha ca paccarīti uḷumpaṃ vuccati, tasmim nisīditvā katattā tameva nāmaṃ jātam. “Kurundīvallivihāro nāma atthi, tattha katattā ‘kurundī’ti nāmaṃ jātan”ti vadanti. **Ādisaddena** andhakaṭṭhakatham saṅkhepaṭṭhakathañca saṅgaṇhāti.

Yuttamatthanti mahā-aṭṭhakathāyena, catubbidhavinayayuttiyā vā yuttamattham. “Aṭṭhakathānyeva gahetvā saṃvaṇṇanam karissāmī”ti vutte aṭṭhakathāsu vuttattheravādānaṃ bāhirabhāvo siyāti tepi antokattukāmo “antogadhattheravādan”ti āha, theravādepi antokatvāti vuttam hoti.

Tam meti gāthāya sotūhi paṭipajjitabbavidhim dasseti. Tattha **dhammappadīpassāti** dhammo eva mohandhakāraviddhamāsanato padīpasadisattā padīpo assāti dhammappadīpo, bhagavā, tassa. **Patimānayanāti** pūjentā manasā garuṃ karontā **nisāmentu** suṇantu.

Buddhenāti-ādinā attano saṁvaṇṇanāya āgamanasuddhidassanamukhena pamāṇabhāvaṃ dassetvā anusikkhitabbataṃ dasseti. Tattha yatheva buddhena yo dhammo vinayo ca vutto, so tassa buddhassa yehi puttehi mahākassapattherādīhi tatheva ñāto, tesāṃ buddhaputtānaṃ matimaccajantā sīhaḷaṭṭhakathācariyā yasmā pure aṭṭhakathā akaṃsūti sambandho veditabbo. Tattha **dhammoti** suttābhidhamme saṅgaṇhāti. **Vinayoti** sakalaṃ vinayapiṭakaṃ. **Vuttoti** pālito ca atthato ca **buddhena** bhagavatā vutto. Na hi bhagavatā abyākataṃ nāma tantipadaṃ atthi, tattha tattha bhagavatā pavattitapakiṇṇatadesanāyeva hi aṭṭhakathā. **Tatheva ñātoti** yatheva buddhena vutto, tatheva ekapadampi ekakkharampi avināsetvā adhippāyañca avikopetvā ñāto veditoti attho. **Tesaṃ matimaccajantāti** tesāṃ buddhaputtānaṃ matisaṅkhataṃ theraparamparāya uggahetvā ābhatam¹ abbotchinnaṃ pālivaṇṇanāvasena ceva pālimumuttakavasena ca pavattaṃ sabbaṃ aṭṭhakathāvinicchayaṃ apariccajantā. **Aṭṭhakathā akaṃsūti** mahā-aṭṭhakathāmahāpaccari-ādikā sīhaḷaṭṭhakathāyo akaṃsu. “Aṭṭhakathāmakāmsū”tipi pāṭho, tatthāpi soyevattho.

Tasmāti yasmā tesāṃ buddhaputtānaṃ adhippāyaṃ avikopetvā pure aṭṭhakathā akaṃsu, tasmā. **Yaṃ aṭṭhakathāsu vuttaṃ**, taṃ sabbampi pamāṇanti yojanā. **Hīti** nipātamattaṃ hetu-atthassa tasmāti imināyeva pakāsitattā, avadhāraṇattho vā, pamāṇamevāti. Yadi aṭṭhakathāsu vuttaṃ sabbampi pamāṇaṃ, evaṃ sati tattha pamādalekhāpi pamāṇaṃ siyāti āha “vajjayitvāna pamādalekhan”ti, aparāparaṃ likhantehi pamādena satim apaccupaṭṭhapetvā aññattha likhitabbaṃ aññattha likhanādivasena pavattitā pamādalekhā nāma, sā ca samantapāsādikāyaṃ tattha tattha sayameva āvibhavissati. Puna **yasmāti** padassa sambandhadassanavasena ayaṃ atthayojanā—yasmā aṭṭhakathāsu vuttaṃ idha imasmim sāsane sikkhāsu sagāravānaṃ paṇḍitānaṃ pamāṇameva, yasmā ca ayaṃ vaṇṇanāpi bhāsantarapariccagādimmattavisiṭṭhatāya atthato abhinnā, tato eva pamāṇabhūtāva hessati, tasmā anusikkhitabbāti.

Tatoti tāhi aṭṭhakathāhi. **Bhāsantarameva hitvāti** sīhaḷabhāsamyeva apanetvā. **Vitthāramaggañca samāsavitvāti** porāṇaṭṭhakathāsu

1. Āgataṃ (Ka)

yathāṭhāne vattabbampi padatthavinicchayādikam ativitthiṇṇena vacanakkamena ceva vuttameva atthanayam appamattakavisesena punappunam kathanena ca tattha tattha papañcitam tādisam vitthāramaggam pahāya sallahukena atthaviññāpakena padakkamena ceva vuttanayasadisam vattabham atidisitvā ca saṅkhepanayeneva vaṇṇayissāmāti adhippāyo.

Sāratthadīpaniyam¹ pana vinayaṭikāyam “porāṇaṭṭhakathāsu upari vuccamānampi² ānetvā tattha tattha papañcitam ñatticatutthena kammena -pa- upasampannoti bhikkhūti ettha³ apalokanādīnam catunnampi kammānam vitthārakathā viya tādisam vitthāramaggam saṅkhipitvā”ti vuttam, tam tantikkamam kañci⁴ avokkamitvāti ettheva vuttam vuttam. Aññattha pāḷiyā vattabham aññattha kathanāhi tantikkamam vokkamitvā kathanam nāma. Tathā hi vuttam “tatheva vaṇṇitum yuttarūpaṃ hutvā anukkamena āgataṃ pāḷim pariccajitvā samvaṇṇanato sīhaḷaṭṭhakathāsu ayuttaṭṭhāne vaṇṇitam yathāṭhāneyeva vaṇṇanato ca vuttam ‘tantikkamam kañci avokkamitvā’ti”. Tasmā yathāvuttanayeneva attho gahetabbo. Katham pana vitthāramaggassa saṅkhipane vinicchayo na hīyatīti? Āha “vinicchayam sabbamasesayitvā”ti. Saṅkhipantopi punappunam vacanādimeva saṅkhipanto, vinicchayam pana aṭṭhakathāsu sabbāsupi vuttam sabbampi asesayitvā, kiñcimattampi aparihāpetvāti vuttam hoti. **Tantikkamam kañci avokkamitvāti** kañci pāḷikkamam anatikkamitvā, anukkameneva pāḷim vaṇṇayissāmāti attho.

Suttantikānam vacanānamatthanti verañjakaṇḍādīsu⁵ āgatānam jhānakathādīnam suttantavacanānam sīhaḷaṭṭhakathāsu “suttantikānam bhāro”ti vatvā avaṇṇitabbaṭṭhānam⁶ attham tamtamānuttānurūpaṃ sabbaso paridīpayissāmāti adhippāyo. **Hessatīti** bhavissati, karīyissatīti vā attho. Ettha ca paṭhamasmim atthavikappe “bhāsantarapariccāgādikam catubbidham kiccaṃ nipphādetvā suttantikānam vacanānamattham **paridīpayantī** ayam vaṇṇanā bhavissatī”ti vaṇṇanāvasena samānakattukatā veditabbā. Pacchimasim atthavikappe pana “heṭṭhā vuttabhāsantarapariccāgādikam katvā suttantikānam vacanānamattham paridīpayantī ayam vaṇṇanā amhehi karīyissatī”ti evam ācariyavasena samānakattukatā veditabbā.

Ganthārambhakathāvaṇṇanānayo niṭṭhito.

1. Sārattha-Ṭī 1. 23 piṭṭhe.

2. Vakkhamānampi (Sī)

3. Vi 1. 28 piṭṭhe.

4. Kiñci (Sī, Ka)

5. Vi 1. 5 piṭṭhe.

6. Avaṇṇitaṭṭhānam (?)

Bāhīranidānakathā

Idāni saṃvaravinayapahānavinayādīsu bahūsu vinayesu attanā “taṃ vaṇṇayissaṃ vinayan”ti evaṃ saṃvaṇṇetabbabhāvena paṭiññātaṃ vinayaṃ dassento āha **tatthā**ti-ādi. Tattha **tatthā**ti yathāvuttāsu gāthāsu. **Tāvasaddo** paṭhamanti imasmiṃ atthe daṭṭhabbo, tena paṭhamaṃ vinayaṃ vavatthapetvā pacchā tassa vaṇṇanaṃ karissāmāti dīpeti. **Vavatthapetabboti** niyametaḃbo. **Tenetam vuccatī**ti yasmā vavatthapetaḃbo, tena hetunā etaṃ vinayo nāmāti-ādikam niyāmakavacanaṃ vuccatīti attho. **Assāti** vinayassa. **Mātikā**ti uddeso. So hi niddesapadānaṃ jananiṭṭhāne ṭhitattā mātā viyāti “mātikā”ti vuccati.

Idāni saṃvaṇṇetabbamatthaṃ mātikaṃ paṭṭhapetvā dassento āha **vuttaṃ** **yenā**ti-ādi. Idam vuttaṃ hoti—etaṃ tena samayena buddho bhagavā verañjāyaṃ viharatīti-ādinidānavacanapaṭimaṇḍitaṃ vinayapiṭakaṃ yena puggalena vuttaṃ, yasmim kāle vuttaṃ, yasmā kāraṇā vuttaṃ, yena dhāritaṃ, yena ca ābhatam, yesu patiṭṭhitaṃ, etaṃ yathāvuttavidhānaṃ vatvā tato tena samayenāti-ādipāṭhassa atthaṃ anekappakārato dassento vinayassa atthavaṇṇanaṃ karissāmīti.

Ettha ca **vuttaṃ yena yadā yasmā**ti idam vacanaṃ tena samayena buddho bhagavāti-ādinidānavacanamatthaṃ apekkhitvā vattukāmopi visum avatvā “nidānena ādikalyāṇam, idamavocāti nigamanena pariyoṣānakalyāṇan”ti vacanato nidānanigamanānipi satthudesanāya anuvadhānattā tadantogadhānevāti nidānassāpi vinayapāḷiyaṃyeva antogadhattā vuttaṃ yena yadā yasmāti idampi vinayapiṭakasambandhamyeva sāmāññato sabbattha sambandhamupagacchati.

Idāni pana taṃ visum nīharitvā dassento **tattha vuttaṃ yenā**ti-ādimāha. **Tatthā**ti tesu mātikāpadesu. **Idanti** tena samayenāti-ādinidānavacanaṃ. **Hi-**saddo yasmāti attho daṭṭhabbo, yasmā buddhassa bhagavato attapaccakkhvacanaṃ na hoti, tasmāti vuttaṃ hoti. **Attapaccakkhvacanaṃ na hotī**ti attanā paccakkham katvā vuttavacanaṃ na hoti.

Atha vā attano paccakkhakāle dharamānakāle vuttavacanāṃ na hoti.
Tadubhayenāpi bhagavato vuttavacanāṃ na hotīti attho.

Paṭhamamahāsaṅgītikathāvaṇṇanā

Paṭhamamahāsaṅgīti nāma cesāti ettha ca-saddo
vattabbasampiṇḍanatto, upaññāsatto vā, upaññāsoti ca vākyārambho
vuccati. Esā hi ganthakārānaṃ pakati, yadidaṃ kiñci vatvā puna aparaṃ
vattumārabhantānaṃ ca-saddappayogo. Yathāpaccayaṃ tattha tattha
desitattā vipparikkhānaṃ dhammavinayānaṃ sabhāgatthavasena saṅgahetvā
gāyanaṃ kathanāṃ saṅgīti, mahāvisayattā pūjanīyattā ca mahatī saṅgīti
mahāsaṅgīti. Dutiyādiṃ upādāya cesā “paṭhamamahāsaṅgīti”ti vuttā.
Nidadāti desanaṃ desakālādivasena aviditaṃ viditaṃ katvā nidassetīti
nidānaṃ, tattha **kosallatthaṃ**.

Veneyyānaṃ maggaphaluppattihetubhūtāva kiriyā nippariyāyena
buddhakiccanti āha “dhammacakkappavattanañhi ādiṃ katvā”ti. Tattha
satipaṭṭhānādiddhammo eva pavattanaṭṭhena cakkanti **dhammacakkaṃ**,
cakkanti vā āṇā, taṃ dhammato anapetattā dhammacakkaṃ, dhammena
ñāyena cakkantipi dhammacakkaṃ. **Katabuddhakicce**ti niṭṭhitabuddhakicce
bhagavati lokanātheti sambandho. **Kusinārāyanti** samīpatthe etaṃ
bhummavacanaṃ. **Upavattane mallānaṃ sālavaneti** tassa nagarassa
upavattanabhūtaṃ mallarājūnaṃ sālavanuyyānaṃ dasseti. Tattha nagaraṃ
pavisantā¹ uyyānato upecca vattanti gacchanti etenāti “upavattanan”ti
uyyānassa ca nagarassa ca majjhe sālavanaṃ vuccati. Kusinārāya hi
dakkhiṇapacchimadisāya taṃ uyyānaṃ hoti, tato uyyānato
sālavanarājivirājito maggo pācīnābhimukho gantvā nagarassa
dakkhiṇadvārābhimukho uttarena nivattā, tena maggena manussā nagaraṃ
pavisanti, tasmā taṃ “upavattanan”ti vuccati. Tattha kira upavattane
aññamaññasamsaṭṭhaviṭapānaṃ sampannachāyānaṃ sālapanṭīnamantare
bhagavato parinibbānamañco paññatto, taṃ sandhāya vuttaṃ
“yamakasālānamantare”ti. Upādīyati kammakilesehīti upādi,
vipākakkhandhā kaṭattā ca rūpaṃ. Tadeva kammakilesehi sammā
appahīnatāya seso, natthi ettha upādisesoti **anupādisesā**, nibbānadhātu, tāya.

1. Pavisitvā (Ka)

Itthambhūtalakkhaṇe cāyaṃ karaṇaniddeso. **Parinibbāneti** nimittatthe bhummaṃ, parinibbānāhetu tasmim̄ ṭhāne sannipatitānanti attho. Saṃghassa thero jeṭṭho **saṃghatthero**. Ettha ca saṃghasaddassa bhikkhusatasahassasaddasāpekkhattepi gamakattā therasaddena samāso yathā devadattassa garukulanti. Āyasmā mahākassapo dhammavinayasaṅgāyanatthaṃ bhikkhūnaṃ ussāhaṃ janesīti sambandho.

Tathā ussāhaṃ janānassa kāraṇamāha **sattāhaparinibbuteti**-ādi. Satta ahāni samāhaṭāni sattāhaṃ, sattāhaṃ parinibbutassa assāti sattāhaparinibbuto, sattāhaparinibbuta subhaddena vuḍḍhapabbajitena vuttavacanamanussarantoti sambandho. **Alaṃ āvusoti**-ādinā tena vuttavacanāṃ dasseti. Tattha **alanti** paṭikkhepavacanāṃ. **Tena mahāsamaṇenāti** nissakke karaṇavacanāṃ, tato mahāsamaṇato suṭṭhu muttā mayanti attho, upaddutā ca homa tadāti adhippāyo, homāti vā atītatthe vattamānavacanāṃ, ahumhāti attho. **Ṭhānaṃ kho panetaṃ vijjatīti** tiṭṭhati ettha phalaṃ tadāyattavuttitāyāti **ṭhānaṃ**, hetu. **Khoti** avadhāraṇe, etaṃ karaṇāṃ vijjateva, no na vijjatīti attho. Kim taṃ kāraṇanti? Āha **yaṃ pāpabhikkhūti**-ādi. Ettha **yanti** nipātamattaṃ, kāraṇaniddeso vā, yena kāraṇena antaradhāpeyyuṃ, tadeṭaṃ kāraṇāṃ vijjatīti attho. Atīto atikkanto satthā ettha, etassāti vā **atītasatthukaṃ**, pāvacanāṃ. Padhānaṃ vacanaṃ **pāvacanāṃ**, dhammavinayanti vuttaṃ hoti. **Pakkhaṃ labhitvāti** alajjīpakkhaṃ labhitvā. **Na cirassevāti** na cireneva. **Yāva ca dhammavinayo tiṭṭhatīti** yattakaṃ kālaṃ dhammo ca vinayo ca lajjīpuggalesu tiṭṭhati.

Vuttañhetāṃ bhagavatāti parinibbānamañce nipannena bhagavatā vuttanti attho. **Desito paññattoti** suttaḥhidhammapīṭakasaṅgahitassa dhammassa ceva vinayapīṭakasaṅgahitassa vinayassa ca atisaṃjānaṃ pabodhanaṃ desanā. Tasseva pakārato ñāpanaṃ asaṅkarato ṭhapanāṃ paññāpanaṃ. **So vo mamaccayena satthāti** so dhammavinayo tumhākaṃ mamaccayena satthā mayi parinibbuta satthukiccaṃ sādhesati. **Sāsananti** pariyaṭṭipattipattipattivedhavasena tividhaṃ sāsaṇaṃ, nipariyāyato pana sattattim̄sa bodhipakkhiyadhammā. **Addhaniyanti** addhānakkhamaṃ, tadeva **ciraṭṭhitikaṃ assa** bhaveyyāti sambandho.

Idāni sammāsambuddhena attano kataṃ anuggahavisesaṃ vibhāvento āha **yañcāhaṃ bhagavatāti**-ādi. Tattha **yañcāhanti** etassa anuggahitoti etena sambandho. Tattha **yanti** yasmā, yena kāraṇenāti vuttaṃ hoti. Kiriyāparāmasanaṃ vā etaṃ, tena anuggahitoti ettha anuggahaṇaṃ parāmasati. **Dhāressasīti**-ādikāṃ bhagavatā mahākassapattherena saddhiṃ cīvaraparivattanaṃ kātukāmena vuttavacanaṃ. **Dhāressasi pana me tvaṃ kassapāti** “kassapa tvaṃ imāni paribhogajijñāni paṃsukūlāni pārupitum sakkhissasī”ti vadati, tañca kho na kāyabalaṃ sandhāya, paṭipattipūraṇaṃ pana sandhāya evamāha. **Sāṇāni paṃsukūlānīti** matakalevaraṃ paliveṭhetvā chaḍḍitāni tumbamate kimayo papphoṭetvā gahitāni sāṇavākamayāni paṃsukūlacīvarāni. Rathikādīnaṃ yattha katthaci paṃsūnaṃ upari ṭhitattā abbhuggataṭṭhena tesu kūlamivāti paṃsukūlaṃ. Atha vā paṃsu viya kucchitabhāvaṃ ulati gacchatīti paṃsukūlanti paṃsukūlasaddassa attho daṭṭhabbo. **Nibbasanānīti** niṭṭhitavasana-kiccāni, paribhogajijñānīti attho. Ekameva taṃ cīvaraṃ anekāvayavattā bahuvacanaṃ kataṃ. **Sādhāraṇaparibhogenāti** attanā samānāparibhogena, sādhāraṇaparibhogena ca samasamaṭṭhapanena ca anuggahitoti sambandho.

Idāni navānupubbavīhāraḥaḥabhiññāppabhede uttarimanussadhamme attanā samasamaṭṭhapanatthāya bhagavatā vuttaṃ **kassapasamyutte**¹ āgataṃ pāḷiṃ peyyālamukhena ādiggaṇaṇena ca saṅkhipitvā dassento āha **ahaṃ bhikkhavi**-ādi. Tattha **yāvade ākaṅkhāmīti** yāvadeva ākaṅkhāmi, yattakaṃ kālāṃ icchāmīti attho, “yāvadevā”tipi pāṭho.

Navānupubbavīhāraḥaḥabhiññāppabhedeti ettha **navānupubbavīhāro** nāma anupaṭipāṭiyā samāpajjitabbabhāvato evaṃsaññitā nirodhasamāpattiyā saha aṭṭha rūpārūpasamāpattiyō. **Chālabhiññā** nāma āsavakkhayaññāṇena saddhiṃ pañcābhiññāyō. **Attanā samasamaṭṭhapanenāti** “ahaṃ yattakaṃ kālāṃ yattake samāpattivihāre abhiññāyō ca vaḷaṅjemi, tathā kassapopi”ti evaṃ yathāvutta-uttarimanussadhamme attanā samasamaṃ katvā ṭhapanena, idaṅca uttarimanussadhammasāmaññena therassa pasamaṃsāmatthena vuttaṃ,

1. Saṃ 1. 412 piṭṭhe.

na bhagavatā saddhim sabbathā samatāya. Bhagavato hi guṇavisesam upādāya sāvakaṃ paccekabuddhā ca kalampi kalabhāgampi na upenti, tassa kimaññaṃ aṇaṇyam bhavissati aññaṭṭra dhammavinayasasaṅgāyanāti adhippāyo. Tattha **tassāti** tassa anuggahassa, tassa meti vā attho gahetabbo. Potthakesu hi kesuci “tassa me”ti pāṭho dissati. **Āṇaṇyam** aṇaṇabhāvo. **Sakakavaca-issariyānuppadānenāti** ettha cīvarassa nidassanavasena kavacasseva gahaṇam katam, samāpattiyā nidassanavasena issariyam gahitam.

Idāni yatāvuttamattham pāḷiyā vibhāvento āha **yathāhāti**-ādi. Tattha **kemidāhanti** ettha **idanti** nipātamattam. **Ekam samayanti** ekasmiṃ samayeti attho. **Pāvāyāti** pāvānagarato. **Addhānamaggappaṭipannoti** dīghamaggappaṭipanno. Dīghapariyāyo hettha addhānasaddo. **Sabbarṃ subhaddakaṇḍam vitthārato veditabbanti pañcasatikakkhandhake**¹ āgatam subhaddakaṇḍam idha ānetvā vitthāretabbam.

Tato paranti subhaddakaṇḍato param. Sabbarṃ **subhaddakaṇḍam**¹ vitthārato veditabbanti iminā “yam na icchissāma, na tam karissāmā”ti etam pariyantam subhaddakaṇḍapāḷim dassetvā idāni avasesam ussāhajanappakārapavattam pāḷimeva dassento **handa mayam āvusoti**-ādimāha. Tattha **pure adhammo dippatīti** ettha “**adhammo** nāma dasakusalakammappaṭipakkhabhūto adhammo”ti **sāratthadīpaniyam**² vuttam. Dhammasaṅgahaṇattham ussāhajanappasaṅgattā pana dhammavinayānam asaṅgāyanahetudosagaṇo sambhavati, so eva ettha adhammo dippati tappaṭipakkho dhammo ca paṭibāhīyatīti vattabbam. Api ca “adhammavādino balavanto honti dhammavādino dubbalā hontī”ti vuccamānattā yena adhammena te subhaddavajjiputtakādayo adhammavādino, yena ca dhammena itare dhammavādinova honti. Teyeva idha “adhammo”“dhammo”ti ca vattabbā. Tasmā sīlavipatti-ādihetuko pāpicchatādidosagaṇo adhammo, tappaṭipakkho sīlasampadādihetuko appicchatādiguṇasamūho dhammoti ca gahetabbam. **Pure dippatīti** api nāma dippati. Atha vā yāva adhammo dhammam paṭibāhitum samattho hoti, tato

1. Vi 4. 480 piṭṭhe.

2. Sārattha-Ṭī 1. 44 piṭṭhe.

puretaramevāti attho. **Dippatīti** dippissati¹. Puresaddayogena hi anāgatathe ayaṃ vattamānappayogo, yathā purā vassati devoti. **Avinayoti** pahānavinayādīnaṃ paṭipakkhabhūto avinayo.

Tena hīti uyyojanatthe nipāto.

Sakalanavaṅgasatthusāsanapariyattidhareti sakalaṃ suttageyyādinavaṅgaṃ ettha, etassa vā atthīti sakalanavaṅgaṃ, satthusāsanaṃ. Atthakāmena pariyāpūṇitabbato diṭṭhadhammikādipurisatthapariyattibhāvato ca “pariyattī”ti tīṇi piṭakāni vuccanti, taṃ sakalanavaṅgasatthusāsanaśākhātāṃ pariyattim dhārentīti sakalanavaṅgasatthusāsanapariyattidharā, tādiseti attho. Samathabhāvanāsinehābhāvena sukkhā lūkhā asiniddhā vipassanā etesanti **sukkhavipassakā**. **Tipiṭakasabbapariyattippabhedadhareti** tiṇṇaṃ piṭakānaṃ samāhāro tipīṭakaṃ, tadeva navaṅgādivasena anekabhedabhinnaṃ sabbam pariyattippabhedam dhārentīti tipīṭakasabbapariyattippabhedadharā.

Kissa panāti kasmā pana. Sikkhatīti **sekkho**. Tamevāha “sakaṇṇiyo”ti. Uparimaggattayakiccassa apaniyositattā sakiccoti attho. **Assāti** anena. **Bahukārattāti** bahupakārattā. **Assāti** bhavēyya. **Ativiya vissatthoti** ativiya vissāsiko. **Nanti** ānandattheraṃ **ovadatīti** sambandho. Ānandattherassa kadāci asaṇṇatāya navakāya saddhivihārikaparisaṃsāya janapadacārikācāraṇaṃ, tesaṃca saddhivihārikānaṃ ekakkhaṇe uppabbajjanaṃca paṭicca mahākassapatthero taṃ niggaṇhanto evamāha “na vāyaṃ kumārako mattamaññāsī”ti. Ettha ca **vā**-saddo padapūraṇo, ayaṃ kumāro attano pamāṇaṃ na paṭijānātīti theram tājento āha. **Tatrāti** evaṃ sati.

Kiñcāpi sekkhoti idaṃ na sekkhānaṃ agatigamanasabbhāvena vuttaṃ, asekkhānaññeva pana uccinitvā gahitattāti daṭṭhabbaṃ. Tasmā “kiñcāpi sekkho, tathāpi thero āyasmantampi ānandaṃ uccinatū”ti evamettha sambandho veditabbo, na pana kiñcāpi sekkho, tathāpi abhabbo agatim gantuntī yojetabbaṃ. **Abhabboti**-ādi panassa sabhāvakathanam.

1. Dibbissati (Ka)

Tattha **chandā**ti chandena sinehena. **Agatim gantunti** akattabbanā kātum. **Pariyattoti** adhīto uggahito.

Rājagaham kho mahāgocaranti ettha gāvo caranti etthāti gocarō, gunnam gocarattāhanam. Gocarō viyāti gocarō, bhikkhācaraanattāhanam. So mahanto assāti mahāgocarām, rājagaham. **Ukkoṭeyyāti** nivāreyya.

Sattasu sādhuḱīlanadivasesūti ettha samvegavattum kittetvā kittetvā sādhuḱam eva pūjāvasena kīlanato¹ sādhuḱīlanam. **Upakatthāti** āsannā. Vassam upaneti upagacchati etthāti **vassūpanāyikā**.

Tatra sudanti tassam sāvattiyam, **sudanti** nipātamattam. **Ussannadhātukanti** upacitapittasemhādihātukam. **Samassāsetunti** santappetum. **Dutiyadivaseti** jetavanavihāram pavittādivasato dutiyadivaseti vadanti. Viriccati etenāti virecanam. Osadhaparibhāvitam khīrameva virecananti **khīravirecanam**. **Yam sandhāyāti** yam bhesajjapānam sandhāya vuttam. **Bhesajjamattāti** appamattakam bhesajjam. Appattho hi ayam **mattā**-saddo mattā sukhapariccāgāti-ādīsu² viya.

Khaṇḍaphullappaṭisaṅkharanti ettha **khaṇḍanti** chinnam, **phullanti** bhinnam, tesam **paṭisaṅkharanam** abhinavakaranam.

Paricchedavasena vediyati dissatīti **pariveṇam**. **Tatthāti** tesu vihāresu khaṇḍaphullappaṭisaṅkharanti sambandho. **Paṭhamam māsanti** vassānassa paṭhamam māsam, accantasamyoge cetam upayogavacanam. Senāsanavattānam bahūnam paññattattā, **senāsanakkhandhake**³ senāsanapaṭibaddhānam bahūnam kammānam vihitattā “bhagavatā -pa-vaṇṇitan”ti vuttam.

Dutiyadivaseti “khaṇḍaphullappaṭisaṅkharanam karomā”ti cintitadivasato dutiyadivase. Vassūpanāyikadivaseyeva te evam cintesum. **Siriyaṅ nīketanamivāti** siriyaṅ nivāsanaṭṭhānam viya. Ekasmim pānīyatitthe sinnipatantā pakkhino viya sabbesam janānam cakkhūni maṇḍapeyeva nipatantīti vuttam “ekanipātattitthamiva ca devamanussanayanavihaṅgānan”ti. **Lokarāmaṇeyyakanti** loke ramaṇīyabhāvam, ramaṇam arahatīti vā

1. Kīlanam (Sī)

2. Khu 1. 55 piṭṭhe.

3. Vi 4. 290 piṭṭhe.

lokarāmaṇeyyakam. **Daṭṭhabbasāramaṇḍanti** daṭṭhabbesu sāram daṭṭhabbasāram, tato vippasannanti daṭṭhabbasāramaṇḍam. Atha vā daṭṭhabbo sārabhūto visiṭṭhataro maṇḍo maṇḍanam alaṅkāro etassāti daṭṭhabbasāramaṇḍo, maṇḍapo. Maṇḍam sūriyarasmim pāti nivāretīti maṇḍapo. Vividhāni kusumadāmāni ceva muttolambakāni ca viniggalantam vamentam nikkhāmentamiva cāru sobhanam vitānam etthāti **vividhakusumadāmolambakaviniggalantacāruvitāno**. Nānāpupphūpahāraviccittasupariniṭṭhitabhūmikammattā eva “ratanavicittamaṇikoṭṭimatalamivā”ti vuttam. Ettha ca maṇiyo koṭṭetvā katatalam maṇikoṭṭimatalam nāma, tamivāti vuttam hoti. **Āsanārahanti** nisīdanāraham. **Dantakhacitanti** dantehi khacitam.

Āvajjesīti upanāmesi. **Anupādāyāti** taṇhādīṭṭhivasena kañci dhammam agghetvā. **Kathādosoti** kathāyam asaccam nāma **natthi**.

Yathāvuddhanti vuddhapaṭipāṭim anatikkamitvā. **Eketi** majjhimabhāṇakānamyeva eke. Pubbe vuttampi hi sabbam majjhimabhāṇakā vadantiyevāti veditabbam. Dīghabhāṇakā pana “padasāva thero sannipātamāgato”ti vadanti. Tesu keci “ākāsenā”ti, “te sabbepi tathā tathā āgatadivasānampi atthitāya ekamekam gahetvā tathā tathā vadimsū”ti vadanti.

Kam dhuram katvāti kam jeṭṭhakam katvā. **Bījanim gahetvāti** ettha bījanīgahaṇam parisāya dhammakathikānam hatthakukkuccavinodanamukhavikārapaṭicchādanattham dhammatāvasena āciṇṇanti veditabbam. Teneva hi accantasāññatappattā buddhāpi sāvakāpi dhammakathikānam dhammatādassanatthameva cittabījanim gaṇhanti. **Paṭhamam āvuso upāli pārājikam kattha paññattanti** ettha katham saṅgītiyā pubbe paṭhamabhāvo siddhoti? Pātimokkhuddesānukkamādinā pubbe¹ paṭhamabhāvassa siddhattā. Yebhuyyena hi tīṇi piṭakāni bhagavato dharamānakāleyeva iminā anukkamena sajjhāyitāni, teneva kamena pacchāpi saṅgītāni visesato vinayābhidhammapiṭakānīti daṭṭhabbam. **Kismim vatthusminti** nimittatthe bhummam. **Antarā ca bhante rājagaham antarā ca nālandanti** rājagahassa ca nālandāya ca antarā, vivare majjheti attho. **Antarā-saddena** pana

1. Pubbeva (Sī)

yuttattā upayogavacanaṃ kataṃ. **Rājāgaraketi** rañño kīḷanattāya kate agārake. **Ambalaṭṭhikāyanti** rañño evaṃnāmakam uyyānam. **Kena saddhinti** idha kasmā vuttanti? Yasmā panetaṃ na bhagavatā eva vuttam, raññāpi kiñci kiñci vuttamatthi, tasmā “kamārabbhā”ti avatvā evaṃ vuttanti daṭṭhabbam. **Vedehi puttenāti** ayaṃ kosalarañño dhītāya putto, na videharañño dhītāya. Yasmā mātā panassa paṇḍitā, tasmā sā vedena ñāṇena īhati ghaṭati vāyamatīti “vedehī”ti pākaṭanāmā jātāti veditabbā.

Evaṃ nimitta payojana kāla desa desaka kāraka karaṇappakārehi paṭhamamahāsaṅgītiṃ dassetvā idāni tattha vavatthāpitesu dhammavinayesu nānappakārakosallattham ekapidhādibhede dassetuṃ **tadetaṃ sabbampīti-**ādimāha. Tattha **anuttaram sammāsambodhinti** ettha anāvaraṇañānapadaṭṭhānam maggañāṇam, maggañānapadaṭṭhānañca anāvaraṇañāṇam “sammāsambodhi”ti vuccati. **Paccavekkhantena vāti** udānādivasena pavattadhammam sandhāyāha. **Vimuttirasanti** arahattaphalassādam, vimuttisampattikam vā aggaphalanipphādanato, vimuttikiccam vā kilesānam accantavimuttisampādanato. **Avasesam buddhavacanam dhammoti** ettha yadipi dhammo eva vinayopi pariyattiyādibhāvato, tathāpi vinayasaddasannidhānena bhinnādhikaraṇabhāvena payutto dhammasaddo vinayatantivirahitam tantim dīpeti, yathā puññañāṇasambhāro gobalibaddanti-ādi.

Anekajātisaṃsāranti imissā gāthāya ayaṃ saṅkhepattho—aham imassa attabhāvagehassa kārakam taṇhāvaḍḍhakim **gavesanto** yena ñāṇena tam daṭṭhum sakkā, tam bodhiñāṇam **anibbisam** alabhanto eva abhinīhārato pabhuti ettakam kalam anekajātisatasahassasaṅkhyam imam saṃsāravaṭṭam **sandhāvissam** saṃsariṃ, yasmā jarābyādhimaraṇamissatāya jāti nāmesā punappunam upagantum dukkhā, na ca sā tasmim adiṭṭhe nivattati, tasmā tam gavesanto sandhāvissanti attho. **Diṭṭhosīti** idāni mayā sabbaññutaññāṇam paṭivijjhantena diṭṭho asi. **Puna gehanti** puna imam attabhāvasaṅkhātam mama geham. **Na kāhasīti** na karissasi. Kāraṇamāha **sabbā teti-ādi**. Tava **sabbā** avasesakilesaphāsukā mayā **bhaggā**. Imassa tayā katassa attabhāvagehassa avijjāsaṅkhātam **kūṭam**

kaṇṇikamaṇḍalam **visaṅkhataṃ** viddhamṣitaṃ. **Visaṅkhāraṃ** nibbānaṃ ārammaṇakaraṇavasena gataṃ mama **cittaṃ**. Ahañca **taṇhānaṃ khayasaṅkhātaṃ** arahattamaggaphalaṃ **ajjhagā** pattosmīti attho. Keci pana “visaṅkhāragataṃ cittameva taṇhānaṃ khayaṃ ajjhagā”ti evampi atthaṃ vadanti.

Kecīti khandhakabhāṇakā. **Pāṭipadadivaseti** idaṃ **paccavekkhantassa uppannāti** etena sambandhitabbaṃ, na **sabbaññubhāvappattassāti** etena. **Somanassamayañāṇenāti** somanassasampayuttañāṇena. **Āmantayāmīti** nivedayāmi, bodhemīti attho. **Antareti** antarāḷe, vemajjheti attho.

Suttantapiṭakanti yathā kammameva kammantaṃ, evaṃ suttameva suttantanti veditabbaṃ. **Asaṅgītanti** saṅgītikkhandhaka¹ kathāvattuppakaraṇādikaṃ. Soḷasahi vārehi upalakkhitattā “soḷasa parivārā”ti vuttaṃ. Tathā hi **parivārapāliyaṃ**² paṭhamaṃ pārājikaṃ kattha paññattanti-ādinā vuttaṃ. Paññattivāro kathāpattivāro vipattivāro saṅgahavāro samuṭṭhānavāro adhikaraṇavāro samathavāro samuccayavāroti ime aṭṭha vārā, tadanantaraṃ “methunaṃ dhammaṃ paṭisevanapaccayā pārājikaṃ kattha paññattan”ti³ evaṃ paccayamattavisesena puna vuttā teyeva aṭṭha vārā cāti imesaṃ soḷasannaṃ vārānaṃ vasena bhikkhuvibhaṅgassa ca bhikkhunivibhaṅgassa ca pakāsitattā soḷasahi vārehi upalakkhito parivāro “soḷasaparivāro”ti vuttoti veditabbo.

Daḷīkammasithilakaraṇappayojanāti idaṃ lokavajjapaṇṇattivajjesu yathākkamaṃ yojetabbaṃ. Saññamavelaṃ abhibhavivā pavatto ācāro **ajjhācāro**, vītikkamo. **Tenāti** vividhanayattādihetunā. **Etanti vividhavisesanayattāti**-ādigāthāvacanaṃ. **Etassāti** vinayassa.

Itaraṃ panāti suttaṃ. **Attatthaparathādibhedeti** ettha **ādi**-saddena diṭṭhadhammikasamparāyikatthe lokiya lokuttarādi-atthe ca saṅgaṇhāti. **Veneyajjhāsayanulomena vuttattāti** vinayaṃ viya issarabhāvato āṇāpatiṭṭhāpanavasena adesetvā veneyyānaṃ ajjhāsayanulomena caritānurūpaṃ vuttattā. Anupubbasikkhādivasena adesetvā vene-

1. Vi 4. 480 piṭṭhe.

2. Vi 5. 1 piṭṭhe.

3. Vi 5. 83 piṭṭhe.

yyānaṃ kālantare abhinibbattiṃ dassento āha “sassamiva phalan”ti. Upāyasamaṅgīnaṃyeva nippajjana¹ bhāvaṃ dassento “dhenu viya khīran”ti āha. Na hi dhenuṃ visāṇādīsu, akāle vā avijātaṃ vā dohanto khīraṃ paṭilabhati.

Yanti yasmā. Etthāti abhidhamme. **Abhidhammeti** supinantena sukkavissatṭhiyā anāpattibhāvepi akusalacetanā upalabbhatīti-ādinā vinayapaññattiyā saṅkaravirahite dhamme, “pubbāparavirodhābhāvato saṅkaravirahite dhamme”tipi vadanti. **Ārammaṇādīhīti** ārammaṇasampayuttakammadvārapaṭipadādīhi. **Lakkhaṇīyattāti** sañjānitabbattā. **Yaṃ panettha avisiṭṭhanti** ettha vinayapaṭakanti-ādīsu tīsu saddesu yaṃ avisiṭṭhaṃ samānaṃ, taṃ piṭakasaddanti attho. **Mā piṭakasampadānenāti** pāḷisampadānavasena mā gaṇhitthāti vuttaṃ hoti. **Yathāvuttenāti** evaṃ duvidhatthenāti-ādinā vuttappakārena.

Desanāsāsanakathābhedanti ettha desanābhedaṃ sāsana bhedaṃ kathābhedanti **bhedasaddo** paccekaṃ yojetabbo. **Bhedanti** ca nānattanti attho. **Tesūti** piṭakesu. **Sikkhā** ca pahānāni ca gambhīrabhāvo ca **sikkhāpahānagambhīrabhāvo**, tañca yathārahaṃ paridīpayeti attho. **Pariyattibhedanti** pariyāpuṇanabhedaṃ vibhāvayeti sambandho. **Yahim** yasmim vinayādike yaṃ sampattiñca vipattiñca yathā pāpuṇāti, tampi sabbaṃ vibhāvayeti sambandho. Atha vā yaṃ pariyattibhedaṃ sampattiṃ vipattiñca yahim yathā pāpuṇāti, tampi sabbaṃ vibhāvayeti yojetabbaṃ. **Paridīpanā vibhāvanā cāti** heṭṭhā gāthāsu vuttassa anurūpato vuttaṃ, atthato pana ekameva.

Āṇārahenāti āṇaṃ paṇetuṃ arahatīti āṇāraho, bhagavā sammāsambuddhattā. So hi mahākāruṇikatāya ca aviparītato desakabhāvena pamāṇavacanattā ca āṇaṃ paṇetuṃ arahati. Vohāraparamatthānampi sambhavato āha “āṇābhāhullato”ti. Ito paresupi eseva nayo. **Paṭhamanti** vinayapaṭakam. **Pacurāparādhā** seyyasakattherādayo. Te hi dosabāhullato “pacurāparādhā”ti

vuttā. Pacuro bahuko bahulo aparādhō doso vītikkamo yesante pacurāparādhā. **Anekajjhāsayaī**-ādīsu āsayova ajjhāsayo, so ca atthato diṭṭhi nāṇaṇca. **Cariyāī** rāgacariyādikā cha mūlacariyā. Atha vā **cariyāī** caritaṃ, taṃ sucaritaduccaritavasena duvidhaṃ. **Adhimutti** nāma sattānaṃ pubbapariyavasena abhiruci, sā duvidhā hīnapaṇītabhedena. **Yathānulomanti** ajjhāsayaīdīnaṃ anurūpaṃ. **Yathādhammanti** dhammasabhāvānurūpaṃ.

Samvarāsamvaroti ettha khuddako mahanto ca samvaroti attho. Vuḍḍhi-attho hettha a-kāro. **Diṭṭhivinivethanāī** diṭṭhiyā vimocanaṃ. **Suttantapaṭiyaṃ** vivicceva kāmehīti-ādīnā¹ samādhidesanābāhullato suttantapaṭike “adhicittasikkhā”ti vuttaṃ. **Vītikkamappahānaṃ kilesānanti** saṃkilesadhamaṇaṃ, kammakilesānaṃ vā yo kāyavacīdvārehi vītikkamo, tassa pahānaṃ. Anusayavasena santānamanuvattantā kilesā pariyaṭṭhitāpi sīlabhedavasena vītikkamituṃ na labhantīti āha “vītikkamapaṭipakkhattā sīlassā”ti. **Pariyaṭṭhānappahānanti** okāsadānavasena citte kusalappavattinā pariyaṭṭhitvā samuppattivasena ṭhānaṃ pariyaṭṭhānaṃ, tassa pahānaṃ. **Anusayappahānanti** ariyamaggena appahīnabhāvena santāne kāraṇalābhe uppajjanārahā thāmagatā kāmarāgādayo satta kilesā santāne anu anu sayanato anusayā nāma, tesāṃ pahānaṃ.

Tadaṅgappahānanti tena tena dānasīlādikusalaṅgena tassa tassa akusalaṅgassa pahānaṃ tadaṅgappahānaṃ. **Duccaritasamkilesassa pahānanti** kāyavacīduccaritameva yattha uppajjati, taṃ santānaṃ sammā kileseti upatāpetīti saṃkilesa, tassa tadaṅgavasena pahānaṃ. Samādhissa kāmacchandapaṭipakkhattā **suttantapaṭike** taṇhāsamkilesassa pahānaṃ vuttaṃ. Attādisuññasabhāvadhamaṇapakkāsanato **abhidhammapaṭike** diṭṭhisamkilesassa pahānaṃ vuttaṃ.

Ekamekasmiñcethāī ettha etesu tīsu piṭakesu ekekasmīṃ piṭaketi attho. **Dhammoti pālīī** ettha dhammassa sīlādivisiṭṭhatthayogato, buddhānaṃ sabhāvaniruttibhāvato ca pakatṭhānaṃ ukkatṭhānaṃ

1. Dī 1. 69; Sam 1. 412 piṭṭhādīsu.

vacanappabandhānaṃ āḷi pantīti **pāḷi**, pariyattidhammo.
 Sammutiparamatthabhedassa atthassa anurūpavācakahāvena
 paramatthasaddesu ekantena bhagavatā manasā vavatthāpito
 nāmapaññattippabandho pāḷidhammo nāma. Desanāya dhammassa ca ko
 visesoti ce? Yathāvuttanayena manasā vavatthāpitadhammassa paresaṃ
 bodhanabhāvena atisajjanā vācāya pakāsanā “desanā”ti veditabbā. Tenāha
 “desanāti tassā manasā vavatthāpitāya pāḷiyā desanā”ti. Tadubhayampi pana
 paramatthato saddo eva paramatthavinimuttāya sammutiyā abhāvā.
 Imameva nayaṃ gahetvā keci ācariyā “dhammo ca desanā ca paramatthato
 saddo evā”ti voharanti, tepi anupavajjāyeva. Yathā
 “kāmvāvacarapaṭisandhivipākā parittārammaṇā”ti vuccanti,
 evaṃsāmpadamidaṃ daṭṭhabbaṃ. Na hi “kāmvāvacarapaṭisandhivipākā
 nibbattitaparamatthavisayāyevā”ti sakkā vattuṃ itthipurisādi-
 ākāraparivitakkapubbakānaṃ rāgādi-akusalānaṃ mettādikusalānaṃca
 ārammaṇaṃ gahetvāpi samuppajjanato. Paramatthadhammamūlakattā
 panassa parikkappa paramatthavisayatā¹ sakkā paññāpetuṃ, evamidhāpīti
 daṭṭhabbaṃ. Tīsupi cetesu ete dhammatthadesanāpaṭivedhā gambhīrāti
 sambandho. Ettha ca piṭakāvayavānaṃ dhammādīnaṃ vuccamāno
 gambhīrabhāvo tāmsamudāyassa piṭakassāpi vutto yevāti daṭṭhabbo.
 Dukkheṇa ogayhanti, dukkho vā ogāho ogāhanaṃ antopavisanametesūti
dukkhogāhā. Etthāti etesu piṭakesu, niddhāraṇe cetaṃ bhumavacanaṃ.

Hetuno phalaṃ **hetuphalaṃ**. **Dhammābhilāpoti** atthabyañjanako
 aviparītābhilāpo. **Visayato asammohato cāti** lokiya lokuttarānaṃ
 yathākkamaṃ avabodhappakāradassanaṃ, etassa avabodhoti iminā
 sambandho. Lokiyo hi dhammatthādīnaṃ ālambitvāva pavattanato visayato
 avabodhoti vuccati. Lokuttaro pana nibbānārammaṇatāya taṃ
 anālambamānopi tabbisayamohavidhamsanena dhammādīsu pavattanato
 asammohato avabodhoti vuccati. **Atthānurūpaṃ dhammesūti** kāriyānurūpaṃ
 kāraṇesūti attho. **Paññattipathānurūpaṃ paññattīsūti**
 chabbidhanāmapaññattiyā patho paññattipatho, tassa anurūpaṃ paññattīsūti
 attho.

1. Paramatthavisayatā (Sī, Ka)

Dhammajātanti kāraṇappabhedo, kāraṇameva vā. **Atthajātanti** kāriyappabhedo, kāriyameva vā. Yā cāyaṃ desanāti sambandho. **Yo cettthāti** etāsu dhammatthadesanāsu yo paṭivedhoti attho. **Etthāti** etesu tīsu piṭakesu.

Alagaddūpamāti ettha alagaddasaddena alagaddaggahaṇaṃ vuccati vīṇāvādanaṃ vīṇāti-ādīsu viya, gahaṇaṇcetta yathā ḍaṃsati, tathā duggahaṇaṃ daṭṭhabbaṃ, itaraggahaṇe virodhābhāvā. Tasmā alagaddassa gahaṇaṃ upamā etissāti alagaddūpamā. Alagaddoti cettha āsiviso vuccati. So hi alaṃ pariyaṭto, jīvitaharaṇasamattho vā visasaṅkhāto gado assāti “alaṃgado”ti vattabbe “alagaddo”ti vuccati.

Vaṭṭato nissaraṇaṃ attho payojanaṃ etissāti **nissaraṇatthā**. Bhaṇḍāgāriko viyāti **bhaṇḍāgāriko**, dhammaratanānupālakko, tassa atthanirapekkhassa pariyaṭti **bhaṇḍāgārikapariyaṭti**. **Duggahitānīti** duṭṭhu gahitāni. Tenāha “upārambhādi hetu pariyaṭṭā”ti. Ettha ca upārambhō nāma pariyaṭtiṃ nissāya paravambhanaṃ. Ādisaddena itivādappamokkhalābhasakkārādīṃ saṅgaṇhāti. **Yaṃ sandhāyāti** yaṃ pariyaṭtiduggahaṇaṃ sandhāya. **Vuttanti alagaddūpamasutte**¹ vuttam. **Tañcassa atthaṃ nānubhontīti** tañca assa dhammassa sīlapariyānādisaṅkhātāṃ atthaṃ ete duggahitaḅhino nānubhontīti na vindanti. **Paṭividdhākuppoti** paṭividdha-arahattaphalo.

Idāni tīsu piṭakesu yathārahaṃ sampattivipattiyo niddhāretvā dassento āha **vinaye panāti-ādi**. Tattha **tāsaṃyevāti** avadhāraṇaṃ chaḷabhiññācatupaṭisambhidānaṃ vinaye pabhedavacanābhāvaṃ sandhāya vuttam. **Verañjakaṇḍe**² hi tisso vijjāva vibhattā. Dutīye **tāsaṃyevāti** avadhāraṇaṃ catasso paṭisambhidā apekhitvā kataṃ tissannampi vijjānaṃ chasu abhiññāsu antopaviṭṭhattā. **Tāsañcāti** ettha **ca**-saddena sesānampi tattha atthibhāvaṃ dīpeti. **Abhidhammapiṭake** hi tisso vijjā cha abhiññā catasso paṭisambhidā ca vuttā eva. Paṭisambhidānaṃ tattheva sammā vibhattabhāvaṃ dīpetuṃ **tatthevāti** avadhāraṇaṃ kataṃ. **Upādinnaphassoti** maggena maggapaṭipādanaphasso. **Tesanti** tesam piṭakānaṃ. **Etanti** etam buddhavacanaṃ.

1. Ma 1. 186 piṭṭhe.

2. Vi 1. 5 piṭṭhe.

Catuttimseva suttantāti gāthāya ayamatthayojanāyassa nikāyassa suttagaṇanato catuttimseva suttantā vaggasaṅgahavasena tayo vaggā yassa saṅgahassāti tivaggo saṅgaho, esa paṭhamo nikāyo idha dīghanikāyoti. **Anulomikoti** apaccanīko, atthānulomanato anvatthanāmoti vuttam̐ hoti. **Ekanikāyampīti** ekasamūhampi. **Evam̐ cittanti** evam̐ vicittam̐. **Yathayidanti** yathā ime. Poṇikacikkhallikā khattiyā, tesam̐ nivāso “poṇikanikāyo cikkhallikanikāyo”ti vuccati. **Pañcadasavaggapariggahoti** pañcadasahi vaggehi pariggahito. **Suttantānam̐ saḥassāni satta suttasatāni cāti** pāṭhe suttantānam̐ sattasahassāni satta suttasatāni cāti yojetabbam̐. Katthaci pana “satta suttasahassāni, satta suttasatāni cā”ti pāṭho. **Pubbe nidassitāti** suttantapiṭakaniddese nidassitā.

Vedanti nāṇam̐. **Tuṭṭhinti** pītim̐. **Dhammakkhandhavasenāti** dhammarāsivasena. Dvāsītisahassāni buddhato gaṇhanti sambandho. **Dve saḥassāni bhikkhutoti** dhammasenāpati-ādīnam̐ bhikkhūnam̐ santikā tehi yeve desitāni dve saḥassāni gaṇhim̐. **Meti** mama hadaye, iti ānandatthero attānam̐ niddisati. **Ye dhammā** mama hadaye **pavattino**, te **caturāsītisahassānīti** yojanā. Idañca bhagavato dharamānakāle uggahitadhammakkhandhavasena vuttam̐, parinibbute pana bhagavati ānandattherena desitānam̐ subhasutta¹ gopakamoggallānasuttānam̐², tatiyasaṅgītiyam̐ moggaliputtatissattherena kathitakathāvathuppakaraṇassa ca vasena dhammakkhandhānam̐ caturāsītisahassatopi adhikatā veditabbā.

Ekānusandhikam̐ suttanti satipaṭṭhānādi³. **Anekānusandhikanti** parinibbānasuttādi⁴. Tañhi nānāṭhānesu nānādhammadesanānam̐ vasena pavattam̐. Tikadukabhājanam̐ dhammasaṅgaṇiyam̐ nikkhepaṇḍa⁵aṭṭhakathākaṇḍavasena⁶ gahetabbam̐. **Cittavārabhājananti** idam̐ cittuppādaṇḍavasena⁷ vuttam̐. **Atthi vatthūti-ādīsu vatthu** nāma sudinnakaṇḍādi⁸. **Mātīkāti** sikkhāpadam̐. **Antarāpattīti** sikkhāpadantaresu aññasmim̐ vatthusmim̐ paññattā āpatti. **Tikacchedoti**

1. Dī 1. 188 piṭṭhe.

2. Ma 3. 58 piṭṭhe.

3. Dī 2. 231; Ma 1. 70 piṭṭhādīsu.

4. Dī 2. 62 piṭṭhe.

5. Abhi 1. 205 piṭṭhe.

6. Abhi 1. 266 piṭṭhe.

7. Abhi 1. 17 piṭṭhe.

8. Vi 1. 13 piṭṭhe.

tikapācittiyāditikaparicchedo. Buddhavacanāṃ saṅgahitanti sambandho. **Assāti** buddhavacanassa. Saṅgītipariyosāne sādhu-kāraṃ dadamānā viyāti sambandho. Accharaṃ paharituṃ yuttāni **acchariyāni**, pupphavassacelukkhepādīni. Yā “pañcasatā”ti ca “therikā”ti ca pavuccati, ayaṃ paṭhamamahāsaṅgīti nāmāti sambandho.

Iti samantapāsādikāya vinayaṭṭhakathāya vimativinodaniyaṃ
Paṭhamamahāsaṅgītikathāvaṇṇanāyaya niṭṭhito.

Dutiyasaṅgītikathāvaṇṇanā

Evam paṭhamamahāsaṅgītiṃ dassetvā yadatthaṃ sā idha dassitā, taṃ nigamanavasena dassento **imissāti**-ādimāha. **Tatrāyaṃ ācariyaparamparāti** tasmim jambudīpe ayaṃ ācariyaṇaṃ paveṇī paṭipāṭi. **Vijitāvinoti** vijitasabbakilesapaṭipakkhattā vijitavanto. **Jambusirivhayeti** jambusadiso sirimanto avhaya nāmaṃ yassa dīpassa, tasmim jambudīpeti vuttaṃ hoti. Mahantena hi jamburukkheṇa abhilakkhitattā dīpopi “jambū”ti vuccati. **Acchijjamānaṃ** avinassamānaṃ katvā. **Vinayavaṃsanti**-ādīhi tīhi vinayapāḷiyeva kathitā pariyaṃyavacanattā tesam. **Pakataññutanti** veyyattiyam¹, paṭubhāvanti vuttaṃ hoti. **Dhuraggāhoti** padhānaggāhī, sabbesaṃ pāmokkho hutvā gaṇhīti vuttaṃ hoti. Bhikkhūnaṃ samudāyo samūho **bhikkhusamudāyo**.

Yadāti nibbāyimsūti sambandho. **Jotayitvā ca sabbadhīti** tameva saddhammaṃ sabbattha pakāsayitvā. **Jutimantoti** paññājutiyā yuttā, tejavanto vā, mahānubhāvāti attho. **Nibbāyimsūti** anupādisesāya nibbānadhātuyā nibbāyimsu. **Anālayāti** asaṅgā.

Athāti pacchā, yadā parinibbāyimsu, tato paranti attho. **Kappati saṅgīloṇakappoti** ettha **kappa**-saddo vikappattho, tena siṅgīloṇavikappopi kappati. Idampi pakkhantaraṃ kappatīti attho, evam sabbattha. Tattha siṅgena loṇaṃ pariharitvā aloṇakapiṇḍapātena saddhim bhuñjitum

1. Veyyattikaṃ (Ka)

kappati, sannidhiṃ na karotīti adhippāyo. **Kappati dvaṅgulakappoti** dvaṅgulaṃ atikkantāya chāyāya vikāle bhojanaṃ bhuñjituṃ kappatīti attho. **Kappati gāmantarakappoti** “gāmantaraṃ gamissāmi”ti pavāritena anarittabhojanaṃ bhuñjituṃ kappatīti attho. **Kappati āvāsakappoti** ekasīmāya nānāsenāsanesu visuṃ visuṃ uposathādīni saṃghakammāni kātuṃ vaṭṭatīti attho. **Kappati anumatikappoti** “anāgatānaṃ āgatakāle anumatiṃ gahessāmā”ti tesu anāgatesu yeva vaggena saṃghena kammaṃ katvā pacchā anumatiṃ gahetuṃ kappati, vaggakammaṃ na hotīti adhippāyo. **Kappati ācinnakappoti** ācariyupajjhāyehi ācinṇo kappatīti attho. So pana ekacco kappati dhammiko, ekacco na kappati adhammikoti vedītabbo. **Kappati amathitakappoti** yaṃ khīraṃ khīrabhāvaṃ vijahitaṃ dadhibhāvaṃ asampattaṃ, taṃ bhuttāvinā pavāritena anarittaṃ bhuñjituṃ kappatīti attho. **Kappati jaḷogim pātunti** ettha jaḷogīti taruṇasurā, yaṃ majjasambhāraṃ ekato kataṃ majjabhāvamasampattaṃ, taṃ pātuṃ vaṭṭatīti adhippāyo. **Jātarūparajatanti** ettha sarasato vikāraṃ anāpajjitvā sabbadā jātarūpameva hotīti jātaṃ rūpaṃ etassāti **jātarūpaṃ**, suvaṇṇaṃ. Dhavalasabhāvatāya rājatīti **rajataṃ**, rūpiyaṃ. **Susunāgaputtoti** susunāgassa putto. **Kākaṇḍakaputtoti** kākaṇḍakassa brāhmaṇassa putto. **Vajjisūti** janapadanāmatṭā bahuvacanaṃ kataṃ.

Tadahuposatheti ettha **tadahūti** tasmim ahani. Upavasanti etthāti **uposatho**, upavasantīti ca sīlasamādānena vā anasanādinā vā upetā hutvā vasantīti attho. **Kaṃsapātinti** suvaṇṇapātim. **Māsakarūpanti** māsako eva. **Sabbam tāva vattabbanti** iminā **sattasatikakkhandhake**¹ āgatā sabbāpi pāḷi idha ānetvā vattabbāti dasseti. Saṅgāyitasadisameva saṅgāyimsūti sambandho.

Sā panāyaṃ saṅgītīti sambandho. **Tesūti** tesu saṅgītikārakesu theresu. Vissutā ete saddhivihārikā ñeyyāti sambandho. **Sāṇasambhūtoti** sāṇadesavāsī sambhūtatthero. Dutīyo saṅgahoti sambandhitabbaṃ. **Pannabhārāti** patitakkhandhabhārā.

1. Vi 4. 491 piṭṭhe.

Abbudanti upaddavaṃ vadanti. “Bhagavato vacanaṃ thenetvā attano vacanassa dīpanato abbudanti corakammaṃ”ti eke. **Idanti** vakkhamānanidassanaṃ. Sandissamānā mukhā **sammukhā**. **Bhāvitamagganti** uppāditajjhānaṃ. **Sādhu sappurisāti** ettha **sādhūti** āyācanatthe nipāto, taṃ yācāmīti attho. **Haṭṭhapahaṭṭhoti** punappunaṃ santuṭṭho. **Udaggudaggoti** sarīravikāruppādanapīvasena udaggudaggo, pītimā hi puggalo kāyacittānaṃ uggatattā “udaggudaggo”ti vuccati.

Tena kho pana samayenāti yasmim samaye dutiyaṃ saṅgītiṃ akarimsu, tasmim samayeti attho. **Taṃ adhikaraṇaṃ na sampāpuṇimsūti** taṃ vajjiputtakehi uppādiṭaṃ adhikaraṇaṃ vinicchinituṃ na sampāpuṇimsu nāgamimsu. No ahuvatthāti sambandho. Yāvatāyukaṃ thatvā parinibbutāti sambandho. Kim pana katvā therā parinibbutāti? Āha **dutiyaṃ saṅgataṃ katvāti**-ādi. **Aniccatāvasanti** aniccatādhīnataṃ. **Jamminti** lāmakam. **Durabhisambhavaṃ** anabhibhavanīyaṃ atikkamituṃ asakkuṇeyyaṃ aniccatam evaṃ ñatvāti sambandho.

Dutiyasaṅgītikathāvaṇṇanāyo niṭṭhito.

Tatīyasaṅgītikathāvaṇṇanā

Satta vassānīti accantasamyoge upayogavacanaṃ. **Aticchathāti** atikkamitvā icchatha, ito aññattha gantvā bhikkhaṃ pariyesathāti attho. **Bhattavissaggakaraṇatthāyāti** bhattassa ajjhoharaṇakiccatthāya, bhuñjanatthāyāti attho. “Soḷasavasso”ti uddeso kathanam assa atthīti **soḷasavassuddesiko**, “soḷasavassiko”ti attho.

Tīsu vadesūti-ādīsu iruvedayajuveda¹ sāmavedasaṅkhātesu tīsu vedesu. Tayo eva kira vedā aṭṭhakādīhi dhammikehi isihi lokassa saggamaggavibhāvanatthāya katā. Teneva hi te tehi vuccanti. Āthabbaṇavedo² pana pacchā adhammikehi brāhmaṇehi paṇavadhādi-atthāya kato. Purimesu ca tīsu vedesu teheva dhammikasākhāyo apanetvā yāgavadhādidīpikā adhammikasākhā pakkhittāti veditabbā. **Nighaṇḍūti** rukkhādīnaṃ vevacanappakāsakaṃ pariyāyanāmānurūpaṃ sattham. Tañhi loke

1. Irubbedayajubbedā (Sī)

2. Athabbaṇavedo (Sī, Ka)

“nighaṇḍū”ti vuccati. **Keṭubhanti** kiṭati gameti kiriyādivibhāganti keṭubhaṃ, kiriyākappavikappo kavīnaṃ upakārasatthaṃ. Ettha ca **kiriyākappavikappoti** vacībhedādilakkhaṇā kiriyā kappīyati vikappīyati etenāti kiriyākappo, so pana vaṇṇapadabandhapadatthādivibhāgato bahuvikappoti “kiriyākappavikappo”ti vuccati. Idañca mūlakiriyākappaganthaṃ sandhāya vuttaṃ. Saha nighaṇḍunā keṭubhena ca **sanighaṇḍukeṭubhā**, tayo vedā, tesu sanighaṇḍukeṭubhesu. Ṭhānakaraṇādivibhāgato ca nibbacanavibhāgato ca akkharā pabhedīyanti etenāti **akkharappabhedo**, sikkhā ca nirutti ca. Saha akkharappabhedenāti **sākkharappabheda**, tesu sākkharappabhedesu. Āthabbaṇavedaṃ catutthaṃ katvā “itiha āsa itiha āsā”ti īdisavacanapaṭisaṃyutto porāṇakathāsāṅkhāto itihāso pañcamo etesanti **itihāsapañcamā**, tayo vedā, tesu itihāsapañcomesu.

Yassa cittanti-ādi pañhadvayaṃ khīṇāsavānaṃ cuticittassa uppādakkhaṇaṃ sandhāya vuttaṃ. Tattha paṭhamapañhe **uppajjati** uppādakkhaṇasamaṅgitāya uppajjati. **Na nirujjhatī**ti nirodhakkhaṇaṃ appattatāya na nirujjhati. **Tassa cittanti** tassa puggalassa taṃ cittaṃ kiṃ nirujjhissati āyatiñca nuppajjissatīti pucchā, tassā ca vibhajjabyākaraṇīyatāya evamettha vissajjanaṃ veditabbaṃ. Arahato pacchimakittassa uppādakkhaṇe tassa cittaṃ uppajjati, na nirujjhati, āyatiñca nuppajjissati, avassameva nirodhakkhaṇaṃ patvā nirujjhissati, tato appaṭisandhikattā aññaṃ nuppajjissati. Ṭhapetvā pana pacchimakittasamaṅgiṃ khīṇāsavaṃ itaresaṃ uppādakkhaṇasamaṅgicittaṃ uppādakkhaṇasamaṅgitāya uppajjati bhaṅgaṃ appattatāya na nirujjhati, bhaṅgaṃ pana patvā nirujjhissateva, aññaṃ pana tasmim vā aññasimim vā attabhāve uppajjissati ceva nirujjhissati cāti. **Yassa vā panāti**-ādidutiyaṃ pañhe pana **nirujjhissati nippajjissatīti** yassa cittaṃ uppādakkhaṇasamaṅgitāya bhaṅgakkhaṇaṃ patvā nirujjhissati appaṭisandhikatāya nuppajjissati, tassa khīṇāsavassa taṃ cittaṃ kiṃ uppajjati na nirujjhatīti pucchā, tassā ekaṃsabyākaraṇīyatāya “āmanta”ti vissajjanaṃ veditabbaṃ. **Uddhaṃ vā adho vā haritum asakkontoti** uparimapade vā heṭṭhimapadaṃ heṭṭhimapade vā uparimapadaṃ atthato samannāharitum ghaṭetum pubbenāparaṃ yojetvā atthaṃ paricchinditum asakkontoti attho.

Sotāpannānaṃ sīlesu paripūrakāritāya samādinnaṣīlato natthi parihānīti āha “abhabbo dāni sāsano nivattitun”ti. **Vaḍḍhetvā**ti uparimaggaṭṭhāya kammaṭṭhānaṃ vaḍḍhetvā. Dante punanti visodhenti etenāti **dantaponam** vuccati dantakaṭṭham. Abhinavānaṃ āgantukānaṃ lajjīsabhāvaṃ khantimettādiguṇasamaṅgitaṅca katipāhaṃ suṭṭhu vīmaṃsitvāva hatthakammādisampaṭicchanaṃ saṅgahakaraṇaṅca yuttanti sāmaṇerassa ceva aññesaṅca bhikkhūnaṃ diṭṭhānugatiṃ āpajjantānaṃ nāpanattham thero tassa bhabbarūpataṃ abhiññāya nātvaṃ puna sammajjanādiṃ akāsi. “Tassa cittadamanatthan”tipi vadanti. **Buddhavacanaṃ paṭṭhapesī**ti buddhavacanaṃ uggaṇhāpetuṃ ārabhi. Sakalavinayācārapaṭipatti upasampannānameva vihitāti tappariyāpuṇanamapi tesaññeva anurūpanti āha “ṭhapetvā vinayapiṭakan”ti. Tassa citte ṭhapitampi buddhavacanaṃ saṅgopanatthāya niyyātitaḥhāvaṃ dassetuṃ “hatthe patiṭṭhāpetvā”ti vuttaṃ.

Ekarajjābhisekanti sakalajambudīpe ekādhipaccavasena kariyamānaṃ abhisekaṃ. **Rājiddhiyoti** rājānubhāvānugataḥhāva. **Yatoti** yato soḷasaghaṭato. Devatā eva divase divase āharantīti sambandho. **Devasikanti** divase divase. **Agadāmalakanti** appakeneva sarīrasodhanādisamattham sabbadosaharaṃ osadhāmalakaṃ. **Chaddantadahatoti** chaddantadahasaṃpe ṭhitadevavimānato, kapparukkhato vā, tattha tādisā kapparukkhavisesā santi, tato vā āharantīti attho. **Asuttamayikanti** suttehi abaddham dibbasumanapuppheva kataṃ sumanapupphapaṭam. **Uṭṭhitassa sālīnanti** sayamjātasālīno, samudāyāpekkhañcetha ekavacanaṃ, sālīnanti attho. **Nava vāhasahassānī**ti ettha catasso muṭṭhiyo eko kuḍuvo, cattāro kuḍuvā eko pattho, cattāro patthā eko āḷhako, cattāro āḷhakā ekaṃ doṇam, cattāri doṇāni ekā mānikā, catasso mānikā ekā khārī, vīsati khārikā eko vāho, tadeva “ekaṃ sakaṭan”ti **suttanipātaṭṭhakathādīsū**¹ vuttaṃ. **Nitthusakane karontī**ti thusakuṇḍakarahite karonti. Tena nimmitam buddharūpam passantoti sambandho. Puññappabhāvanibbattaḥhānaṃ nāgarājanimmitānaṃ puññappabhāvanibbattehi sadisatāya kataṃ. **Vimalaketumālā**ti ettha **ketumālā** nāma sīsato nikkhamitvā uparimuddhani puñjo hutvā dissamānarasmirāsīti vadanti.

1. Suttanipāta-Ṭṭha 2. 197 piṭṭhe.

Bāhirakapāsaṇḍanti bāhirakappaveditaṃ samayavādaṃ. **Pariggaṇhīti** vīmaṃsamāno pariggaḥesi. **Bhaddapīṭhakesūti** vettamayapīṭhesu. **Sāroti** guṇasāro. **Sīhapañjareti** mahāvātapānasamīpe. Kilesavipphandarāhitacittatāya **dantaṃ**. Niccaṃ paccupaṭṭhitasatārakkhatāya **guttaṃ**. **Khuraggeyevāti** kesoropanāvasāne. Ativiya sobhatīti sambandho. **Vāñijako ahoṣīti** madhuvāñijako ahoṣi.

Pubbe va sannivāsenāti pubbe vā pubbajātiyaṃ vā saḥavāsenāti attho. **Paccuppannahitena vāti** vattamānabhāve hitacaraṇena vā. **Evam** imehi dvīhi kāraṇehi **taṃ** sinehasaṅkhātāṃ **pemaṃ jāyate**. Kim viyāti? Āha “uppalaṃ va yathodake”ti. **Uppalaṃ vāti** rassakato **vā**-saddo avuttasampiṇḍanattho. **Yathā**-saddo upamāyaṃ. Idaṃ vuttaṃ hoti—yathā uppalaṅca sesaṅca padumādi udake jāyamānaṃ dve kāraṇāni nissāya jāyati udakañceva kalalaṅca, evaṃ pemampīti¹.

Dhuvabhattānīti niccabhattāni. **Vajjāvajjanti** khuddakaṃ mahantaṅca vajjaṃ. **Moggaliputtatissattherassa bhāramakāsīti** therassa mahānubhāvataṃ, tadā sāsanakiccassa nāyakabhāvena saṃghapariṇāyakataṅca rañño ñāpetuṃ saṃgho tassa bhāramakāsīti veditabbaṃ, na aññesaṃ ajānanatāya. **Sāsanassa dāyādoti** sāsanassa abbhantaro ñātako homi na homīti attho. Ye sāsane pabbajituṃ puttadhītaro pariccajanti, te buddhasāsane sālohitañātakā nāma honti, sakalasāsanadhāraṇe samatthānaṃ attano orasaputtānaṃ pariccattattā na paccayamattadāyakāti imamatthaṃ sandhāya thero “na kho mahārāja ettāvata sāsanassa dāyādo hoti”ti āha. **Kathañcarahīti** ettha **carahīti** nipāto akkhantiṃ dīpeti. **Tissakumārassāti** rañño ekamātukassa kaniṭṭhassa. **Sakkhasīti** sakkhissasi. **Sikkhāya patiṭṭhāpesunti** pāṇātipātā veramaṇi-ādīsu vikālabhojanā veramaṇi pariyoṣānāsu chasu sikkhāsu pāṇātipātā veramaṇiṃ dve vassāni avītikamma samādānaṃ samādiyāmīti-ādinā² samādānavasena sikkhāsammutidānānantaraṃ sikkhāya patiṭṭhāpesuṃ. Cha vassāni abhisekassa assāti **chavassā bhiseko**.

1. Jātaka-Ṭṭha 2. 216 piṭṭhepi passitabbaṃ.

2. Vi 2. 420 piṭṭhe.

Sabbaṃ theravādanti dve saṅgītiyo āruḷhā pāḷi. Sā hi mahāsaṅghikādibhinnaladdhikāhi vivecetum “theravādo”ti vuttā. Ayañhi vibhajjavādo mahākassapatherādīhi asaṅkarato rakkhito ānīto cāti “theravādo”ti vuccati, “satheravādan”tipi likhanti. Tattha “aṭṭhakathāsu āgatatheravādasahitaṃ sāṭṭhakathaṃ tipīṭakasaṅghitaṃ buddhavacanaṃ”ti ānetvā yojetabbaṃ. **Tejodhātum samāpajjitvā** tejokasiṅarammaṇaṃ jhānaṃ samāpajjitvā.

Sabhāyanti nagaramajjhe vinicchayasālāyaṃ. **Diṭṭhigatānīti** diṭṭhiyova. **Na kho panetaṃ sakkā imesaṃ majjhe vasantena vūpasametunti** tesañhi majjhe vasanto tesuyeva antogadhattā ādeyyavacano na hoti, tasmā evaṃ cintesi. **Ahogaṅgapabbatanti** evaṃnāmakaṃ pabbataṃ. “Adhogaṅgāpabbatan”tipi likhanti, taṃ na sundaraṃ. **Pañcātapena tappentī**¹ catūsu ṭhānesu aggim jāletvā majjhe ṭhatvā sūriyamaṅḍalaṃ ullokentā sūriyātapena tappenti. **Ādiccaṃ anuparivattantī** udayakālato pabhuti sūriyaṃ olokayamānā yāva atthaṅgamaṇā sūriyābhimukhāva parivattanti. **Vobhindissāmāti paggaṅhimsūti** vināsessāmāti ussāhamakaṃsu.

Vissatṭhoti maraṇasaṅkāraḥito, nibbhayoti attho. **Migavaṃ nikkhamitvā**ti araṅṅe vicarivā migamāraṇakīḷā migavaṃ, taṃ uddissa nikkhamitvā migavadhatthaṃ nikkhamitvāti attho. Ahināgādito visesanatthaṃ “hatthināgenā”ti vuttaṃ. **Tassa passantassevā**ti anādare sāmivacanaṃ, tasmim passanteyevāti attho. **Ākāse uppatitvā**ti ettha ayaṃ vikubbaniddhi na hotīti gihissāpi imaṃ iddhim dassesi adhiṭṭhānidhiyā appaṭikkhattattā. Pakativāṇṇaṃhi vijahitvā nāgavaṇṇādidassanaṃ vikubbaniddhi. **Chaṇavesanti** ussavavesaṃ. **Padhānagharanti** bhāvanānuyogavasena vīriyārambhassa anurūpaṃ vivittasenāsanam. **Sopīti** rañño bhāgineyyaṃ sandhāya vuttaṃ.

Kusalādhippāyoti manāpajjhāsayo. **Dvelhakajātoti** saṃsayamāpanno. **Ekekaṃ bhikkhusahassaparivāranti** ettha “gaṅhitvā āgacchathā”ti āṅkārena vuttepi therā bhikkhū sāsanahitattā gatā. Kappiyasāsanañhetam, na gihīnaṃ gihikammaṭṭisaṃyuttaṃ. **Thero nāgacchīti** kiñcāpi

1. Tappantībhi (Sī, Ka)

“rājā pakkosati”ti vuttepi dhammakammatthāya āgantum vaṭṭati,
 dvikkhattum pana pesitepi “ananurūpā yācanā”ti nāgato, “mahānubhāvo
 thero yathānusiṭṭhaṃ paṭipattiko pamāṇabhūto”ti rañño ceva
 ubhayapakkhikānañca attani bahumānuppādanavasena uddham
 kattabbakammasiddhim ākaṅkhanto asārūppavacanalesena nāgacchi. Ekato
 saṅghaṭitā nāvā **nāvāsaṅghātam**. Sāsanapaccatthikānaṃ bahubhāvato āha
 “ārakkhaṃ samvidhāyā”ti. **Yanti yasmā. Abbāhimsūti** ākaḍḍhimsu.
Bāhiratoti uyyānassa bāhirato. Passantānaṃ atidukkarabhāvena upaṭṭhānaṃ
 sandhāya “padesapathavīkampanaṃ dukkaraṇaṃ”ti āha. Adhiṭṭhāne panettha
 visum dukkaratā nāma natthi.

Dīpakatittiroti sākuṇikehi samajātikānaṃ gahaṇatthāya posetvā
 sikkhetvā pāsaṭṭhāne ṭhapanakatittiro. **Na paṭicca kammaṃ phusatīti** gāthāya
 yadi tava pāpakiriyāya **mano nappadussati**, luddena taṃ nissāya katampi
 pāpakammaṃ taṃ **na phusati**. Pāpakiriyāya hi **appossukkassa** nirālayassa
bhadrassa sato tava taṃ **pāpaṃ na upalimpati**, tava cittaṃ na allīyatīti attho.

Kim vadabhi sīlenāti **kimvādī**. Atha vā ko katamo vādo kimvādo, so
 etassa atthīti **kimvādī**. Attānañca lokañca sassatoti vādo etesanti
sassatavādino. Sattesu saṅkhāresu vā ekaccaṃ sassatanti¹ pavatto vādo
 ekaccasassato, tasmim̐ niyuttā **ekaccasassatikā**. “Anto, ananto, antānanto,
 nevanto nānanto”ti evaṃ antānantaṃ ārabba pavattā cattāro vādā
 antānantaṃ, tesu niyuttā **antānantikā**. Na marati na upacchijjatīti amarā,
 evantipi me no, tathātipi me noti-ādinā² pavattā diṭṭhi ceva vācā ca, tassā
 vikkhepo etesanti **amarāvikkhepikā**. Atha vā amarā nāma macchajāti
 duggahā hoti, tassā amarāya viya vikkhepo etesanti **amarāvikkhepikā**.
 Adhicca yadicchakaṃ yaṃ kiñci kāraṇaṃ anapekkhitvā samuppanno attā ca
 loko cāti vāde niyuttā **adhiccasamuppannikā**. Saññī attābhi vādo yesante
saññīvādā. Evaṃ **asaññīvādā nevasaññīnāsaññīvādā**ti etthāpi. “Kāyassa
 bhedaṃ satto ucchijjatī”ti³

1. Ekaccasassatanti (Ka)

2. Dī 1. 24 piṭṭhe.

3. Dī 1. 31 piṭṭhe.

evaṃ ucchedaṃ vadantīti **ucchedavādā**. **Diṭṭhadhammoti** paccakkho yathāsakaṃ attabhāvo, tasmīṃyeva yathākāmaṃ pañcakāmaguṇaparibhogena nibbānaṃ dukkhūpasamaṃ vadantīti **diṭṭhadhammanibbānavādā**. Vibhajitvā vādo etassāti **vibhajjavādī**, bhagavā. Sabbaṃ ekarūpena avatvā yathādhammaṃ vibhajitvā nijjaṭaṃ nigumbaṃ katvā yathā diṭṭhisandehādayo vigacchanti, sammutiparattho ca dhammā asaṅkarā paṭibhanti, evaṃ ekantavibhajanasīloti vuttaṃ hoti. **Parappavādaṃ maddamānoti** tasmīṃ kāle uppannaṃ, āyatīṃ uppajjanakañca sabbaṃ paravādaṃ kathāvatthumātīkāvivaraṇamukhena nimmaddanaṃ karontoti attho.

Tatīyasaṅgītikathāvaṇṇanāyayaṃ niṭṭhito.

Ācariyaparamparakathāvaṇṇanā

Kenābhatanti imaṃ pañhaṃ vissajjenta jambudīpe tāva yāva tatīyasaṅgīti, tāva dassetvā idāni sīhaḷadīpe ācariyaparamparaṃ dassetuṃ **tatīyasaṅgahato pana uddhanti**-ādī āradhamaṃ. **Imaṃ dīpani** tambapaṇṇidīpanaṃ. Tasmīṃ dīpe nisīditvā ācariyena aṭṭhakathāya katattā “imaṃ dīpan”ti vuttaṃ. **Kañci kālanti** accantasamyoge upayogavacanaṃ, kismiñci kāleti attho. **Porāṇāti** sīhaḷadīpe sīhaḷaṭṭhakathākārakā. **Bhaddanāmoti** bhaddasālatthero. Āguṃ pāpaṃ na karontīti **nāgā**. Vinayapiṭakaṃ vācayīmsūti sambandho. **Tambapaṇṇiyāti** bhumavacanaṃ. **Nikāye pañcāti** vinayābhidhammānaṃ visuṃ gahitattā tabbinimuttā pañca nikāyā gahetabbā. **Pakaraṇeti** abhidhammapakaraṇe **vācesunti** yojanā. Tīṇi piṭakāni svāgatāni assāti “tepiṭako”ti vattabbe “tipēṭako”ti chandānurakkhaṇattham vuttaṃ. **Tārakarājāti** candimā. **Pupphanāmoti** ettha mahāpadumatthero sumanatthero ca ñātābboṭi dvikkhattuṃ “pupphanāmo”ti vuttaṃ.

Vanavāsinti vanavāsīraṭṭhaṃ. **Karakavassanti** himapātanakavassaṃ, karakadhārāsadisam vā vassaṃ. **Harāpetvāti** udakoghena harāpetvā. **Chinnabhinnapaṭadharoti** satthakena chinnaṃ raṅgena bhinnaṃ paṭaṃ dhāraṇako. **Bhaṇḍūti** muṇḍako. **Makkaṃ asahamānoti** therassa ānubhāvaṃ paṭicca

attano uppannaṃ paresaṃ guṇamakkhanalakkhaṇaṃ makkhaṃ tathā pavattaṃ kodhaṃ asahamāno. **Asaniyo phalanṭi** gajjantā patanti. Me mama bhayabheravaṃ janetuṃ paṭibalo na assa na bhaveyyāti yojanā. **Aññadatthūti** ekaṃsena. **Kasmīragandhārāti** kasmīragandhāraraṭṭhavāsino. **Isivātaṭṭhātīti** bhikkhūnaṃ cīvaracalanakāyacalanehi sañjanitavātehi parito samantato bijayamānā ahesuṃ. **Dhammacakkhanti** heṭṭhāmagattaye ñāṇaṃ. **Anamataggiyanti** anamataggasaṃyuttaṃ¹. **Samadhikānīti** sādhikāni. **Pañca raṭṭhānīti** pañca cinaraṭṭhāni. **Vegasāti** vegena. **Samantato rakkhaṃ ṭhapesīti** tesam appavesanattāya adhiṭṭhānavasena rakkhaṃ ṭhapesi. **Aḍḍhuḍḍhāni sahasānīti** aḍḍhena catutthāni aḍḍhuḍḍhāni, atirekapañcasatāni tīni sahasānīti attho. **Diyaḍḍhasahasanti** aḍḍhena dutiyaṃ diyaḍḍhaṃ, atirekapañcasatikaṃ sahasanti attho. **Niddhametvānāti** palāpetvā.

Rājagahanagaraparivattakenāti rājagahanagaraṃ parivattetvā tato bahi taṃ padakkhiṇaṃ katvā gatamaggena, gamanena vā. **Āropesīti** paṭipādesi. **Paḷināti** ākāsaṃ pakkhandimsu. **Naguttameti** cetiyagirimāha. **Puratoti** pācīnadisābhāge. **Purasetṭhassāti** setṭhassa anurādhapurassa. **Silakūṭamhīti** evaṃnāmake pabbatakūṭe. **Sihakumārassa puttoti** ettha “kaliṅgarājadhītu kuchchisim sihassa jāto sihakumāro”ti vadanti. Jeṭṭhamāsassa puṇṇamiyaṃ jeṭṭhanakkhattaṃ vā mūlanakkhattaṃ vā hotīti āha “jeṭṭhamūlanakkhattaṃ nāma hoti”ti. Migānaṃ vānato hiṃsanato bādhanato **migavaṃ**, migavijjhanakīḷā. **Rohitamigarūpanti** gokaṇṇamigavesaṃ. **Rathayaṭṭhippamānāti** rathapatodappamāṇā. **Ekā latāyaṭṭhi nāmāti** ekā rajatamayā kañcanalatāya paṭimaṇḍitattā evaṃ laddhanāmā. Puppayaṭṭhiyaṃ nīlādīni pupphāni, sakuṇayaṭṭhiyaṃ nānappakārā migapakkhino vicittakammakatā viya khāyantīti daṭṭhabbaṃ. **Rājakakudhabhaṇḍānīti** rājāraha-uttamabhaṇḍāni. **Saṅkhanti** dakkhiṇāvattāṃ abhisekasaṅkhaṃ. **Vaḍḍhamānanti** alaṅkāracuṇṇaṃ, “nahānacūṇṇa”ti keci. **Vaṭṭamsakanti** kaṇṇapiḷandhanaṃ vaṭṭamsakanti vuttaṃ hoti. **Nandiyāvattanti** nandiyāvattapupphākārena maṅgalatthaṃ suvaṇṇena kataṃ. **Kaññanti** khattiyakumārīṃ. **Hatthapuñchananti** pītavaṇṇaṃ mahagghahatthapuñchanavattāṃ. **Aruṇavaṇṇamattikanti** nāgabhavanasambhavaṃ. **Vatthakoṭīkanti** vatthayugameva. **Nāgamāhaṭanti**

1. Saṃ 1. 317 piṭṭhādīsu.

nāgehi āhaṭaṃ. **Amatosadhanti** evaṃnāmikā guḷikajāti. Amatasadisakiccattā evaṃ vuccati. **Bhūmattharaṇasaṅkhepenāti** bhūmattharaṇākārena.

Uppātapāṭhakāti nimittapāṭhakā. **Alaṃ gacchāmāti** “purassa accāsannattā sārappaṃ na hotī”ti paṭikkhipanto āha. **Aḍḍhanavamānaṃ pāṇasahassānanti** pañcasatādhikānaṃ aṭṭhannaṃ pāṇasahassānaṃ. **Appamādasuttanti**¹ aṅguttaranikāye mahā-appamādasuttaṃ, rājovādasuttanti vuttaṃ hoti.

Mahaccāti² mahatā. **Upasaṅkamantoti** ativiya kilantarūpo hutvā upasaṅkamāti attho. Tumhe jānanatthanti sambandho. **Pañcapaṇṇāsāyāti** ettha “catupañṇāsāyā”ti vattabbaṃ. Evañhi sati upari vuccamānaṃ dvāsaṭṭhi arahantoti vacanaṃ sametī”ti **sāratthadīpaniyam**³ vuttaṃ.

Dasabhātikasamākulanti muṭasivassa puttehi devānaṃpiyatissādīhi dasahi bhātikhehi samākīṇṇaṃ. **Ciradiṭṭho sammāsambuddhoti** dhātuyo sandhāyāha.

Sabbatāḷāvacareti sabbāni turiyabhaṇḍāni, taṃsahacarite vā vādake.

Upaṭṭhāpetvāti upahārakārāpanavasena sannipātetvā.

Vaḍḍhamānakacchāyāyāti pacchābhattaṃ. **Pokkharavassanti** pokkharapatte viya atemitukāmānaṃ upari atemetvā pavattanakavassaṃ. **Mahāvīroti**

satthuvohārena dhātu eva vuttā. **Pacchimadisābhimukhova hutvā**

apasakkantoti ettha puratthābhimukho ṭhitova piṭṭhito apasakkanena

pacchimadisāya gacchanto tādiso’pasāṅkamaṇaṃ sandhāya

“pacchimadisābhimukho”ti vutto. “Mahejavatthu nāma evaṃnāmakaṃ

devaṭṭhānaṃ”ti vadanti.

Pajjarakenāti amanussasamuṭṭhāpitena pajjarakarogena. **Devoti** megho.

Anuppaveccāti vimucci. **Vivādo hotīti** ettha kiriyākālamapekkhitvā

vattamānappayogo daṭṭhabbo. Evaṃ idisesu sabbattha. **Tadetanti** ṭhānaṃ

tiṭṭhatīti sambandho. “Channaṃ vaṇṇānaṃ sambandhabhūtānaṃ raṃsiyo

cā”ti ajjhāharitabbaṃ, “channaṃ vaṇṇānaṃ udakadhārā cā”ti evampettha

sambandhaṃ vadanti. Parinibbutepi bhagavati tassānubhāvena evarūpaṃ

pāṭihāriyaṃ ahosi evāti dassetuṃ **evaṃ acintiyāti**-ādigāthamāha. **Rakkhaṃ**

karontoti attanā upāyena palāpitānaṃ yakkhānaṃ puna appavisaṇatthāya

parittānaṃ karonto. **Āvijjīti** pariyāyi.

1. Am 2. 319 piṭṭhe.

2. Mahañcāti (?)

3. Sārattha-Ṭī 1. 169 piṭṭhe.

Raṅṅo bhātāti raṅṅo kaniṭṭhabhātā. **Anuḷādevī** nāma raṅṅo jeṭṭhabhātu jāyā. **Sarasaramsijālavissajjanakenā**ti siniddhatāya rasavantam ojavantam ramisijālam vissajjentena. Ekadivasena agamāsīti sambandho. **Appesī**ti lekhasāsanam patiṭṭhāpesi. **Udikkhatī**ti apekkhati pattheti. **Bhāriyanti** garukam, anaticcamanīyanti attho. **Marṅ paṭimānetī**ti marṅ udikkhati. **Kammāraṇṇanti** raṅṅo pakatisuvaṇṇakāraṇṇam. **Tihatthavikkhambhanti** tihatthavittāram. **Sakalajambudīparajjenā**ti ettha raṅṅo idanti rajjam, sakalajambudīpato uppajjanaka-āyo ceva āṇādayo ca, tena **pūjemī**ti attho, na sakalapathavīpāsādādivatthunā tassa sattāham demīti-ādinā kālaparicchedam katvā dātum ayuttattā. Evañhi dento tāvakālikam deti nāma vatthupariccāgalakkhaṇattā dānassa, pathavādivatthupariccāgena ca puna gahaṇassa ayuttattā. Niyamitakāle pana āyādayo pariccattā evāti tato param apariccattattā gahetum vaṭṭati. Tasmā vuttanayenettha ito parampi āyādidānavaseneva rajjādānam veditabham. **Pupphulakā**¹ hutvāti ketakīpārohaṅkurā viya udakapupphulakākārā hutvā. **Gavakkhajālasadisanti** bhāvanapuṃsakam, vātapānesu jālakārena ṭhapitadārupaṭasadisanti attho, gavakkhena ca suttādimayajālena ca sadisanti vā attho.

Devadundubhiyoti ettha devoti megho, tassa acchasukkhātāya ākāsamiva khāyamānassa animittagajjitaṅ devadundubhi nāma, yaṅ “ākāsadundubhī”tipi vadanti. **Phalimsūti** thanimsu. **Pabbatānam naccehī**ti pathavīkampena ito cito ca bhamantānam pabbatānam naccehi. Vimhayajātā yakkhā “hin”tisaddam nicchārentīti āha “yakkhānam hiṅkārehī”ti. **Sakasakapaṭibhānehī**ti attano attano sippakosallehi. **Abhisekam datvā**ti anotattadahodakena abhisekam datvā.

Devatākulānīti mahābodhim parivāretvā ṭhitanāgayakkhādidevatākulāni datvāti sambandho. Gopakarājakammīno tathā “taracchā”ti vadanti. **Iminā parivārenā**ti sahatthe karaṇavacanam, iminā parivārena sahāti attho. **Tāmalittinti** evamnamakam samuddatīre paṭṭanam. **Idamassa tatiyanti** suvaṇṇakaṭṭhe patiṭṭhitasākhābodhiyā rajjasampadānam sandhāya vuttam. Tato pana pubbe ekavāram rajjasampadānam acchinnāya sākāya mahābodhiyā eva katam,

1. Bubbulakā (Sī)

tena saddhim catukkhattum rājā rajjena pūjesi. Rajjena pūjitadivasesu kira sakaladīpato uppannam āyam gahetvā mahābodhimeva pūjesi.

Paṭhamapāṭipadadivaseti sukkapakkhapāṭipadadivase. Tañhi kaṇhapakkhapāṭipadadivasam apekkhitvā “paṭhamapāṭipadadivasan”ti vuttam, idañca tasmim tambapaṇṇidīpe vohāram gahetvā vuttam, idha pana puṇṇamito paṭṭhāya yāva aparā puṇṇamī, tāva eko māsoti vohāro. Tasmā iminā vohārena “dutiya-pāṭipadadivase”ti vattabham siyā kaṇhapakkha-pāṭipadassa idha paṭhamapāṭipadattā. **Gacchati vatareti** ettha **areti** khede. **Samantāyojananti** accantasamyoge upayogavacanam, yojanappamāṇe padese sabbatthāti attho. **Supaṇṇarūpenāti** mahābodhim balakkārena gahetvā nāgabhavanam netukāmāni nāgarājakulāni iddhiyā gahitena garuḷarūpena **santāseti**. **Tam vibhūtim passivāti** devatādīhi karīyamānam pūjāmahattam, mahābodhiyā ca ānubhāvamahattam disvā sayampi tathā pūjetukāmā therim **yācitvāti** yojanā. **Samuddasālavatthusminti** yasmim padese ṭhatvā rājā samudde āgacchantam bodhim therānubhāvena addasa, yattha ca pacchā samuddassa diṭṭhaṭṭhānanti pakāsetum samuddasālam nāma sālam akaṃsu, tasmim samuddasālāya vatthubhūte padese. **Therassāti** mahāmahindattherassa. **Puppha-agghiyānīti** kūṭāgārasadisāni pupphacetiyāni. **Āgato vatareti** ettha **areti** pamode. Aṭṭhahi amaccakulehi aṭṭhahi brāhmaṇakulehi cāti **soḷasahi jātisampannakulehi**. **Rajjam vicāresīti** rajjam vicāretum vissajjesi. **Rājavatthudvārakoṭṭhakaṭṭhāneti** rājuyyānassa dvārakoṭṭhakaṭṭhāne. **Anupubbavipassananti** udayabbayādi-anupubbavipassanam. “Saha bodhipatiṭṭhānenā”ti, karaṇavacanena vattabbe vibhattipariṇāmena “saha bodhipatiṭṭhānā”ti nissakkavacanam katam. Sati hi sahasaddappayoge karaṇavacaneneva bhavitabham. **Dassimsūti** paññāyimsu. **Mahā-āsanaṭṭhāne**¹ti pubbapasse mahāsilāsanena patiṭṭhitaṭṭhāne. **Pūjetvā vandīti** āgāminam mahācetiyaṃ vandi. Purime pana mahāvihāraṭṭhāne pūjāmatasseva katattā anāgate saṃghassapi navakatā avanditabbatā ca pakāsītāti veditabbā. Anāgate pana metteyyādibuddhā paccekabuddhā ca buddhabhāvakkhaṇam uddissa vanditabbāva sabhāvena viṣiṭṭhapuggalattāti gahetabham.

1. Mahābodhi-āsanaṭṭhāne (Vi-Ṭṭha 1)

Mahā-ariṭṭhoti pañcapaññāsāya bhātukehi saddhim cetiyagirimhi pabbajitaṃ sandhāya vuttaṃ. **Meghavaṇṇābhaya-amaccassa pariveṇaṭṭhāneti** meghavaṇṇa-abhayassa rañño amaccena kattabbassa pariveṇassa vatthubhūte ṭhāne. Maṅgalanimittabhāvena ākāse samuppanno manoharasaddo ākāsaṃ ravo viya hotīti vuttaṃ “ākāsaṃ mahāviraṃ ravī”ti. Na hi ākāso nāma koci dhammo atthi, yo saddaṃ samuṭṭhāpeyya, ākāsaṃ-gata-utuvisesasamuṭṭhitova so saddoti gahetabbo.

Paṭhamakattikapavāraṇadivase -pa- vinayapiṭakaṃ pakāsesīti idaṃ vinayaṃ vācetuṃ āradhadivasaṃ sandhāya vuttaṃ. **Anusiṭṭhikarānanti** anusāsanīkarānaṃ. **Rājīnoti** upayogathe sāmivacanaṃ, devānaṃpiyatissarājānanti attho. **Aññepīti** mahindādīhi aṭṭhasaṭṭhimahātherechi aññepi, tesāṃ sarūpaṃ dassento āha **tesāṃ therānanti**-ādi. Tatha **tesāṃ therānaṃ antevāsikāti** mahindattherādīnaṃ aṭṭhasaṭṭhimahātherānaṃ ariṭṭhādayo antevāsikā ca mahā-ariṭṭhattherassa antevāsikā tissadattakālasumanādayo cāti yojetabbaṃ. **Antevāsikānaṃ antevāsikāti** ubhayattha vutta-antevāsikānaṃ antevāsikaparamparā cāti attho. **Pubbe vuttappakārāti** mahindo itṭhiyo uttiyoti-ādigāthāhi¹ pakāsītā ācariyaparamparā.

Na paggharatīti na gaḷati, na pamussatīti attho. **Satigatidhitimantesūti** ettha **satīti** uggahadhāraṇe sati. **Gatīti** saddatthavibhāgaggahaṇe ñāṇaṃ. **Dhitīti** uggahapariharaṇādīsu vīriyaṃ. **Kukkuccakesūti** “kappati na kappatī”ti vīmaṃsakukkuccakārīsu. **Mātāpitutṭhāniyoti** vatvā tamevatthaṃ samatthetuṃ āha **tadāyattāhīti**-ādi. **Vinayapariyattim nissāyāti** vinayapiṭakapariyāpuṇaṇaṃ nissāya. **Attano sīlakkhandho suguttoti** lajjino vinayadhāraṇassa alajji-aññāṇatādīhi chahi ākārechi āpattiyā anāpajjanato attano sīlakkhandho khaṇḍādidosavirahito sugutto **surakkhito** hoti. **Kukkuccapakatānanti** kappiyākappiyaṃ nissāya uppanna kukkuccena pakatānaṃ upaddutānaṃ abhibhūtānaṃ yathāvinayaṃ kukkuccaṃ vinodetvā suddhante patitṭhāpanena **paṭisaraṇaṃ hoti**. Vigato sārado bhayametassāti **visārado**. “Evaṃ kathentassa doso evaṃ na doso”ti ñatvāva kathanato nibbhayova **samghamajjhe**

1. Vi-Ṭṭha 1. 53 piṭṭhe.

voharati. Paccatthiketi attapaccatthike ceva vajjiputtakādisāsanapaccatthike ca. **Sahadhammenā**ti sakāraṇena vacanena sikkhāpadaṃ dassetvā yathā te asaddhammaṃ patiṭṭhāpetuṃ na sakkonti, evaṃ **suniggahitaṃ** katvā **niggaṇhāti. Saddhammaṭṭhitiyā**ti pariyattipaṭipattipaṭivedhasankhātassa tividdhassāpi saddhammassa ṭhitiyā, pavattiyāti attho.

Vinayo samvaratthāyāti-ādīsu vinayapariyāpuṇaṇaṃ **vinayo**, vinayapaññatti vā kāyavacīdvārasamvaratthāya. **Avippaṭisāro**ti katakataṃ nissāya vippaṭisārābhāvo santāpābhāvo. **Pāmojjaṃ** taruṇapīti. **Pīti** nāma balavapīti. **Passaddhī**ti kāyacittapassaddhi. **Yathābhūtañāṇadassananti** sappaccayanāmarūpapariggaho. **Nibbidāti** vipassanā. **Virāgoti** ariyamaggo. **Vimuttī**ti aggaphalaṃ. **Vimuttiñāṇadassananti** paccavekkhaṇañāṇaṃ. **Anupādāti** kañci dhammaṃ anupādiyivā pariccajivā. **Parinibbānatthāyā**ti paccavekkhaṇañāṇe anuppanne antarā parinibbānābhāvena tamparinibbānatthāyāti paccayattena vuttaṃ anantarādipaccayattā. **Etadatthā kathāti** ayaṃ vinayakathā nāma etassa anupādāparinibbānassa atthāyāti attho. **Mantanāti** vinayamantanāyeva, bhikkhūnaṃ “evaṃ karissāma, evaṃ na karissāmā”ti vinayapaṭibaddhamantanā. **Upanisāti** upanisīdati ettha phalanti upanisā, kāraṇaṃ. Vinayo samvaratthāyāti-ādikāraṇaparamparāpi etadatthāti attho. **Sotāvadhānanti** imissā paramparapaccayakathāya attānaṃ samanatthāya sotāvadhānaṃ, tampi etamatthaṃ. **Yadidanti** nipāto. Yo ayaṃ catūhi upādānehi anupādiyivā cittassa arahattamaggasaṅkhāto, tapphalasaṅkhāto vā vimokkho, sopi etadatthāya anupādāparinibbānatthāya. Atha vā yo ayaṃ kañci dhammaṃ anupādācittassa **vimokkho** vimuccanaṃ vigamo parinibbānaṃ etadatthā kathāti evaṃ upasamharaṇavasena yojetumpi vaṭṭati maggaphalavimokkhassa pubbe vuttattā. **Āyogoti** uggahaṇādivasena punappunaṃ abhiyogo.

Ācariyaparamparakathāvaṇṇanānayo niṭṭhito.

Iti samantapāsādikāya vinayaṭṭhakathāya vimativinodaniyaṃ

Bāhiraṇidānakathāvaṇṇanānayo niṭṭhito.

Verañjakaṇḍavaṇṇanā

Seyyathidanti tam katamaṃ, tam kathanti vā attho.

Aniyamaniddesavacananti attano atthaṃ sarūpena niyametvā niddisatīti¹ niyamaniddeso, na niyamaniddeso aniyamaniddeso. Sova vuccate anenāti vacananti aniyamaniddesavacanaṃ. **Tassāti** tenātipadassa. **Parivitakkoti** “katamesānaṃ kho buddhānaṃ bhagavantānaṃ brahmacariyaṃ na ciraṭṭhitikaṃ ahoṣī”ti-ādinā² pavatto. **Pubbe vā pacchā vāti** tenātipadato heṭṭhā vuttapāṭhe vā upari vakkhamānapāṭhe vāti attho. **Atthato siddhenāti** sāmattiyaṭo siddhena. **Tatridaṃ mukhamattanidassananti** tassā yathāvuttayuttīyā paridīpane idaṃ upāyamattanidassanaṃ. Mukhaṃ dvāraṃ upāyoti hi atthato ekaṃ.

Samayasaddo dissatīti sambandho. **Assāti** samayasaddassa samavāyo atthoti sambandho. **Kālañca samayañca upādāyāti** ettha **kālo** nāma upasaṅkamaṇassa yuttakālo, **samayo** nāma sarīrabalādikāraṇasamavāyo, te upādāya paṭiccāti attho. **Khaṇoti** okāso. Buddhuppādādayo hi maggabrahmacariyassa okāso. So eva samayo. Teneva “ekovā”ti vuttaṃ. **Mahāsamayoti** mahāsamūho. **Pavanasminti** vanasaṇḍe. **Samayopi kho te bhaddālīti** ettha **samayoti** sikkhāpadāvilaṅghanassa hetu, ko so? Attano vipaṭṭipattiyā bhagavato jānanaṃ, so samayaṅkhāto hetu tassā **appaṭividdhoti** attho. **Bhagavāti**-ādi tassa paṭivijjhanākāradassanaṃ. **Uggahamānoti** kiñci kiñci uggahetuṃ samatthatāya uggahamāno, sumanaparibbājakassevetāṃ nāmaṃ. Samayaṃ diṭṭhiṃ pavadanti etthāti **samayappavādako**, mallikāya āraṃo. Sveva tīndukācīrasaṅkhātāya timbarurukkhapantiyā parikkhittattā “tīndukācīraṇa”ti ca, ekāva nivāsā sālā etthāti “ekasālako”ti ca vuccati. **Atthābhīsamayāti** yathāvuttassa diṭṭhadhammikasamparāyikassa atthassa hitassa paṭilābhato. **Mānābhīsamayāti** mānappahānā. **Pīlanatṭhoti** pīlanaṃ taṃsamaṅgino hīmsanaṃ, avipphārikatākaraṇaṃ, pīlanaṃeva attho

1. Niddissatīti (Sī)

2. Vi 1. 8 piṭṭhe.

pīḷanaṭṭho. **Santāpoti** dukkhadukkhatādivasena santāpanam¹. **Vipariṇāmoti** jarāya maraṇena cāti dvidhā vipariṇāmetabbatā abhisametabbo paṭivijjhitaḅboti abhisamayo, sova **abhisamayattṭho**, pīḷanādīni.

Ettha ca upasaggānam jotakamattattā samayasaddassa atthuddhārepi sa-upasaggo abhisamayasaddo uddhaṭo. Tattha saṅgamavasena paccayānam phaluppādanam paṭi ayanam ekato pavatti etthāti samayo, **samavāyo**. Vivaṭṭūpanissayasaṅgame sati enti ettha sattā pavattantīti samayo, **khaṇo**. Sameti ettha saṅkhatadhammo, sayam vā eti āgacchati vigacchati cāti samayo, **kālo**. Samenti avayavā etasmim, sayam vā tesūti samayo, **samūho**. Paccayantarasaṅgame eti āgacchati etasmā phalanti samayo, **hetu**. Saññāvasena vipallāsato dhammesu eti abhinivisatīti samayo, **diṭṭhi**. Samīpanam ayanam upagamanam samayo, **paṭilābho**. Sammadeva sahitānam vācānam ayanam vigamoti samayo, **pahānam**. Sammadeva, sahitānam vā saccānam ayanam jānananti samayo, **paṭivedho**. Evaṃ tasmim tasmim atthe samayasaddassa pavatti veditabbā.

Ettha ca samayasaddassa sāmāññena anekatthatā vuttā. Na hi ekasmim atthavisese vattamāno saddo tadaññepi vattati. Tasmā atthā viya taṃtaṃvācakā samayasaddāpi bhinnā evāti gahetabbā. Evaṃ sabbattha atthuddhāresu.

Tattha tathāti tesu suttābhidhammesu upayogabhumavacanehi. **Idhāti** vinaye, **aññathāti** karaṇavacanena. **Accantamevāti** nirantarameva. Bhāvo nāma kiriyā, kiriyāya kiriyantarūpalakkhaṇam **bhāvenabhāvalakkhaṇam**, yathā udaye sati cande jāto rājaputtoti. **Adhikaraṇaññīti**-ādi abhidhamme samayasaddo kālasamūhakhaṇasamavāyahetusāṅkhātesu pañcasu atthesu vattati, na vinaye viya kāle eva, tesu ca kālasamūhatthā dve tattha vuttānam phassādidhammānam adhikaraṇabhāvena niddisituṃ yuttā. Khaṇasamavāyahetu-atthā pana tayopi attano bhāvena phassādīnam bhāvassa

1. Santapanam (Sī, Ka)

upalakkhaṇabhāvena niddisitum yuttāti vibhāvanamukhena
yathāvuttamattham samatthetum vuttam. Tattha yasmiñhi kāle,
dhammasamūhe vā samaye adhikaraṇabhūte kusalam uppannam, tasmiññeva
kāle, dhammasamūhe vā samaye phassādayo hontīti evam
adhikaraṇatthayojanā, yasmiñ pana khaṇe, samavāye hetumhi vā samaye
sati vijjamāne kusalam uppannam, tasmiññeva khaṇādimhi samayepi
vijjamāne phassādayo hontīti bhāvenabhāvalakkhaṇatthayojanā ca
veditabbā.

Hoti cetthāti ettha yathāvutta-atthavisaye saṅgahagāthā hoti. **Aññatrāti**
suttābhidhammesu. **Abhilāpamattabhedoti** desanāvilāsato saddamatteneva
bhedo, na atthato.

Avisesenāti sāmāññena. **Iriyāpathoti**-ādīsu iriyāya sabbadvārikakiriyāya
patho pavattanaṭṭhānam tabbinimuttakammassa abhāvāti ṭhānādayo
iriyāpatho, sova vihāro. Brahmabhūtā seṭṭhabhūtā
parahitacittādivasappavattito mettādayo **brahmavihāro** nāma. Tadavasesā
pana mahaggaṭā sabbanīvaraṇavigamanādisiddhena jotānādi-atthena
dībbavihāro nāma. Brahmavihārabhāvena visum gahitattā mettādayo idha
asaṅgahitā. Ariyānameva vihāroti¹ phalasangāhāriyo **ariyavihāro** nāma.

Rukkhādīmūleyeva mūlasaddassa niruḷhabhāvaṃ dassetum aparena
mūlasaddena visesetvā “mūlamūle”ti vuttam, yathā dukkhadukkhanti².
Lobhādīnam dosamūlādicittāsādhāraṇattā “asādhāraṇahetumhī”ti vuttam.

Tattha siyāti tattha verañjāyanti-ādīsu padesu kassaci codanā siyāti
attho. Ubhayathā nidānakittanassa pana kim payojananti? Āha
gocaragāmanidassanattanti-ādi. Tattha **assāti** bhagavato.

Kilamova kilamatho, attano attabhāvassa kilamatho attakilamatho, tassa
anu anu yogo punappunam pavattanam **attakilamathānuyogo**.
Vatthukāmārammaṇe sukhe sampayogavasena līnā yuttā,

1. Vihārāti (Ka)

2. Abhi-Ṭṭha 2. 88 piṭṭhādīsu.

kāmatanḥā, taṃsahacarite kāme sukhe vā ārammaṇabhūte allīnā pavattatīti kāmāsukhallikā, taṇhā, tassā kāmāsukhallikāya anu anu yogo **kāmāsukhallikānuyogo**. **Loke saṃvaḍḍhabhāvanti** āmisopabhogena saṃvaḍḍhitabhāvaṃ. **Uppajjamāno** bahujanahitādi-atthāyeva uppajjatīti yojanā.

Diṭṭhisīlasāmaññena saṃhatattā saṃhoti imamatthaṃ vibhāvento āha **diṭṭhīti**-ādi. Ettha ca “yāyaṃ diṭṭhi ariyā niyyānikā niyyāti takkarassa sammā dukkhakkhayāya, tathārūpāya diṭṭhiyā diṭṭhisāmaññagato viharatī”¹ti evaṃ vuttāya diṭṭhiyā. “Yāni tāni sīlāni akhaṇḍāni -pa- samādhisaṃvattanikāni, tathārūpesu sīlesu sīlasāmaññagato viharatī”²ti evaṃ vuttānañca sīlānaṃ sāmaññasaṅkhātena saṅghāto saṅghaḥito samaṇagaṇo, tenāti attho. “Diṭṭhisīlasāmaññasaṅghātasāṅghātenā”³ti vā pāṭhenettha bhavitabbaṃ, tassa diṭṭhisīlasāmaññabhūtena saṃhananena saṅghāto samaṇagaṇo, tenāti attho. Evañhi pāṭhe saddato attho yuttataro hoti. **Assāti** mahato bhikkhusaṅghassa.

Brahmaṃ aṇatīti ettha **brahma**-saddena vedo vuccati, so mantabrahmakappavasena tividho. Tattha iruvedādayo tayo vedā mantā, te ca padhānā, itare pana sannissitā, tena padhānasseva gahaṇaṃ. **Mante sajjhāyatīti** iruvedādi ke mantasatte sajjhāyatīti attho. Iruvedādayo hi guttabhāsitaḥḥatāya “mantā”⁴ti vuccati. “Bāhitapāpattā brāhmaṇo, samitāpāpattā samaṇo”⁵ti yathāvuttamatthadvayaṃ udāharaṇadvayena vibhāvetuṃ **vuttañhetanti**-ādi vuttaṃ. “Samitattā hi pāpānaṃ ‘samaṇo’⁶ti pavuccatī”⁷ti hi idaṃ vacanaṃ gahetvā “samitāpāpattā ‘samaṇo’⁸ti vuccatī”⁹ti vuttaṃ, bāhitapāpoti idaṃ pana aññasmim gāthābandhe vuttavacanaṃ. **Yathābhuccaṇḍhigatanti** yathābhūtaguṇḍhigatāṃ. **Sakiñcanoti** sadoso.

Gottavasenāti ettha gaṃ tāyatīti gottāṃ, gosaddena cettha abhidhānaṃ buddhi ca vuccati. **Kenaci pārijuññenāti** ñātipārijuññādinā kenaci

1. Dī 3. 204, 237; Ma 1. 397; Ma 3. 39; Am 2. 257; Vi 5. 168 piṭṭhādīsu.

2. Dī 3. 203, 237; Ma 1. 397; Ma 3. 39; Am 2. 256; Vi 5. 168 piṭṭhādīsu.

pārijuññaena, parihāniyāti attho. **Tato paranti** ‘verañjāyan’ti-ādivacanāṃ. **Itthambhūtākhyānatthe upayogavacananti** itthaṃ imaṃ pakāraṃ bhūto āpannoti itthambhūto, tassa ākhyānaṃ itthambhūtākhyānaṃ, soyevattho itthambhūtākhyānattho. Atha vā “itthaṃ evaṃpakāro bhūto jāto”ti evaṃ kathanattho itthambhūtākhyānattho, tasmim upayogavacananti attho. Ettha ca **abbhuggatoti** ettha abhisaddo itthambhūtākhyānatthajotako abhibhavitvā uggamanappakārassa dīpanato, tena yogato taṃ kho pana bhavantaṃ gotamanti idaṃ upayogavacanāṃ sāmi-atthepe samāne itthambhūtākhyānadīpanato “itthambhūtākhyānatthe”ti vuttaṃ, tenevāha “tassa kho pana bhoto gotamassāti attho”ti.

Idaṃ vuttaṃ hoti—yathā sādhu devadatto mātaramabhīti ettha abhisaddayogato itthambhūtākhyāne upayogavacanāṃ kataṃ, evamidhāpi taṃ kho pana bhavantaṃ gotamaṃ abhi¹ evaṃ kalyāṇo kittisaddo uggatoti abhisaddayogato itthambhūtākhyāne upayogavacananti. Sādhu devadatto mātaramabhīti ettha hi “devadatto mātaramabhi mātari visaye mātuyā vā sādhu”ti evaṃ adhikaraṇatthe vā sāmi-atthe vā bhummavacanassa sāmivacanassa vā pasaṅge itthambhūtākhyānatthajotakena abhisaddena yoge upayogavacanāṃ kataṃ, yathā cettha devadatto mātuvisaye mātusambandhī vā so vuttappakārappattoti ayamattho viññāyati, evamidhāpi bhoto gotamassa sambandhī kittisaddo abbhuggato abhibhavitvā uggamanapakārappattoti ayamattho viññāyati. Tattha hi devadattaggahaṇaṃ viya idha kittisaddaggahaṇaṃ, tattha mātaraṃti vacanaṃ viya idha taṃ kho pana bhavantaṃ gotamanti vacanaṃ, tattha sādhusaddaggahaṇaṃ viya idha uggatasaddaggahaṇaṃ veditabbaṃ. **Kittisaddoti** kittibhūto saddo, na kevaloti dassanatthaṃ visesitanti āha “kitti evā”ti. **Tato kitti**ti thuti, tassā pakāsako **saddo** kittisaddoti dassetuṃ “thutighoso vā”ti vuttaṃ.

So bhagavāti ettha **soti** pasiddhiyaṃ, yoso samattimsa pāramiyo pūretvā sabbakilese bhañjitvā dasasahasilokadhātuṃ kampento

1. Abhibhavitvā (Ka)

anuttaraṃ sammāsambodhiṃ abhisambuddho, so loke atipākaṭoti “so bhagavā”ti vuttaṃ. Bhagavāti ca idaṃ satthu nāmakittanaṃ, na guṇakittanaṃ. Parato pana bhagavāti guṇakittanameva. **Iminā ca iminā cāti** etena arahanti-ādīpadānaṃ paccekaṃ anekaguṇagaṇaṃ paṭicca pavattabhāvaṃ dasseti.

Suvidūravidūreti dvīhi saddehi ativiya dūreti dasseti, suvidūratā eva hi vidūratā. **Savāsanānaṃ kilesānaṃ viddhaṃsitattāti** iminā paccekabuddhādīhi asādhāraṇaṃ bhagavato arahattanti dasseti tesaṃ vāsanāya appahīnattā, **vāsanā** ca nāma nikkilesassāpi sakalañeyyānavabodhādīdvārattayappayogaviguṇatāhetubhūto¹ kilesanihito ākāro ciraṇiḷaṭipādānaṃ niḷaḷamokkhepi saṅkucitatāgamanahetuko² niḷaḷanihito ākāro viya. Yāya pilindavacchādīnaṃ vasalavohārādiviguṇatā hoti, ayaṃ vāsanāti gaheṭabbā. **Ārakāti** ettha ākārasa rassattaṃ kakārasa ca hakāraṃ sānussaraṃ katvā niruttinayena “arahan”ti padasiddhi veditabbā. Evaṃ uparipi yathārahaṃ niruttinayena padasiddhi veditabbā. Yañcetaṃ saṃsāracakkanti sambandho. **Puññādīti ādi-**saddena apuññābhisaṅkhāra-āneñjābhisaṅkhāre saṅgaṇhāti. Āsavā eva avijjādīnaṃ kāraṇattā samudayoti āha “āsavasamudayamayaṇā”ti. “Āsasamudayā avijjāsamudayo”ti hi³ vuttaṃ. Vipākakaṭattārūpappabhedo tibhavo eva ratho, tasmīṃ **tibhavarathe. Saṃsāracakkanti** yathāvuttakilesakammavipākasaṃsāro

“Khandhānaṃca paṭipāṭi, dhātu-āyatanāna ca.

Abbochinnāṃ vattamānā, ‘saṃsāro’ti pavuccatī”ti⁴—

evaṃ vutto saṃsārova cakkāṃ viya paribbhamanato cakkāṃ, tassa cakkassa sabbe arā hatāti sambandho. **Anenāti** bhagavatā. Bodhīti ñāṇaṃ.

1. Sakalañeyyānavabodhādīdvārattaya... (Sī) 2. Saṅkuciṭa... (Ka) 3. Ma 1. 67 piṭṭhādīsu.

4. Visuddhi 2. 176; Dī-Ṭṭha 2. 86; Saṃ-Ṭṭha 2. 89; Arī-Ṭṭha 2. 386; Abhi-Ṭṭha 1. 1; Abhi-Ṭṭha 2. 142; Suttanipāta-Ṭṭha 2. 15; Udāna-Ṭṭha 245; Itivuttaka-Ṭṭha 55, 190; Theragāthā-Ṭṭha 1. 191, 257; Buddhavaṃsa-Ṭṭha 115; Paṭisaṃ-Ṭṭha 2. 18; Cūḷaniddesa-Ṭṭha 5 piṭṭhādīsu.

taṃ ettha maṇḍaṃ pasannaṃ jātanti **bodhimaṇḍo**. **Kammakkhayakaraṃ** **ñāṇapharasunti** arahattamaggañāṇaṃ vuttaṃ, taṃ chinditabbaṃ abhisāṅkhārasāṅkhātaṃ kammaṃ paricchindatīti dassetuṃ kammakkhayakaravisesanaviṣiṭṭhaṃ vuttanti veditabbaṃ.

Evaṃ katipayāṅgehi saṃsāracakkaṃ tadavasesaṅgehi phalabhūtanāmarūpadhammehi tibhavarathaṅca tasmim rathe yojitasāṃsāracakkārānaṃ hananappakāraṅca dassetvā idāni sabbehipi dvādasahi paṭiccasamuppādaṅgehi rathavirahitameva kevalaṃ saṃsāracakkaṃ, tassa araghātanappakārabhedaṅca dassetuṃ **athavāti**-ādi vuttaṃ. Tattha **anamatagganti** anu anu amataggaṃ, sabbathā anugacchantehipi aviññātakotiṅkanti attho. **Avijjāmūlakattā jarāmarañapariyosānattā**¹ idaṃ saṅkhārādīnaṃ dasannaṃ arabhāvena ekattaṃ samāropetvā² vuttaṃ. Na hi tesāṃ paccekāṃ avijjāmūlakatā jarāmarañapariyosānatā ca atthi tathā **paṭiccasamuppādapāliyaṃ** avuttattā. Atha vā tesampi yathārahaṃ atthato avijjāmūlakattaṃ, attano attano lakkhaṇabhūtakhaṇikajarāmarañavasena tappariyosānataṅca sandhāyetaṃ vuttanti veditabbaṃ. Evaṅca tesāṃ paccekāṃ arabhāvo siddho hoti.

Evaṃ sabbākāraṃ saṃsāracakkameva dassetvā idāni yena ñāṇena imassa saṃsāracakkassa arānaṃ chedo bhagavato siddho, tassa dhammaṭṭhitiñāṇassa “paccayapariggahe paññā dhammaṭṭhitiñāṇaṃ”³ti³ vuttattā bhavacakkāvayavesu avijjādīsu paccayapaccayuppannattā pariggahavasena pavatti-ākāraṃ dassetvā parato tassa atthassa nigamanavasena vuttena **evamayaṃ avijjāhetūti**-ādikena **paṭisambhidāpāli**sahitena⁴ pāṭhena sarūpato dhammaṭṭhitiñāṇaṃ, tassa ca tesuyeva avijjādīsu catusāṅkhepādivasena pavattivibhāgaṅca dassetvā tato paraṃ **iti bhagavāti**-ādipāṭhena bhagavato tena dhammaṭṭhitiñāṇena paṭiccasamuppādassa sabbākārato paṭividdhabhāvaṃ dassetvā puna **iminā dhammaṭṭhitiñāṇenāti**-ādinā bhagavato tena ñāṇena saṃsāracakkārānaṃ viddhaṃsitabhāvaṃ dassetuṃ **tattha dukkhādīsu aññānaṃ avijjāti**-ādi vuttaṃ. Tattha **tiṇṇaṃ āyatanānanti** cakkhusotamanāyatanānaṃ tiṇṇaṃ. Esa nayo **tiṇṇaṃ phassānanti**-ādīsūpi. Rūpaṇhādivasena cha taṇhākāyā eva veditabbā.

1. Jarāmarañapariyantattāti (Sī) Vi-Ṭṭha 1. 85; Visuddhi 1. 192 piṭṭhesu.

2. Samāropetvā (?)

3. Khu 9. 1, 48 piṭṭhādīsu.

4. Khu 9. 49 piṭṭhe.

Saggasampattinti kāmasugatīsu sampattim. **Tathevāti** kāmupādānapaccayā eva. **Brahmalokasampattinti** rūpībrahmalokasampattim. Tebhūmakadhammavisayassa sabbassāpi rāgassa kilesakāmahāvato bhavarāgopi kāmupādānamevāti āha “kāmupādānapaccayāyeva mettam bhaveti”ti. **Sesupādānamūlikāsupīti** diṭṭhupādānasīlabbatupādāna-attavādupādānamūlikāsupi yojanāsu. Tatrāyaṃ yojanānayo—idhekacco “natthi paraloko ucchijjati attā”ti¹ diṭṭhim gaṇhāti, so diṭṭhupādānapaccayā kāyena duccharitaṃ caratīti-ādinā, aparo “asukasmim bhava attā ucchijjati”ti diṭṭhim gahevā kāmārūpārūpabhavūpapattiyā taṃ taṃ kusalaṃ karotīti-ādinā ca diṭṭhupādānamūlikā yojanā, imināva nayena attavādupādānamūlikā yojanā veditabbā. Avaro “sīlena suddhi vatena suddhī”ti asuddhimaggaṃ “suddhimaggo”ti parāmasanto sīlabbatupādānapaccayā kāyena duccharitaṃ caratīti-ādinā sabbabhavesu sīlabbatupādānamūlikā yojanā veditabbā.

Idāni yassa saṃsāracakkārānaṃ ghātanāsamatthassa dhammaṭṭhitiñāṇassa avijjādipaccayapariggahākārānaṃ dassetuṃ **kāmabhava ca avijjā kāmabhava saṅkhārānaṃ paccayo hotīti-ādinā** avijjādīnaṃ paccayapaccayuppannabhāvo dassito, tameva ñāṇaṃ avijjādīsu pavatti-ākārena saddhim **paṭisambhidāmaggaṃ** ānetvā nigamanavasena dassento **evamayanti-ādimāha**. **Visuddhimaggaṭīkāyaṃ** pana “idāni yvāyaṃ saṃsāracakkaṃ dassentena kāmabhava avijjā kāmabhava saṅkhārānaṃ paccayo hotīti-ādinā avijjādīnaṃ paccayabhāvo saṅkhārādīnaṃ paccayuppannabhāvo dassito, tameva **paṭisambhidāmaggaṃ** ānetvā nigamanavasena dassento evamayanti-ādimāhā”ti vuttaṃ. **Sāratthadīpaniyā** vinayaṭīkāyapi ayameva pāṭho likhito. Tattha ca **kāmabhava ca avijjāti-ādinā avijjādīnaṃ paccaya paccayuppannabhāvo saṃsāracakkaṃ dassentena vutto na hoti tassa ca avijjā nābhi, mūlattāti-ādinā** pubbeva dassitattā upari cakkārūpato payogattena upasaṃhārābhāvā ca. “Apica tameva paccayapaccayuppannabhāvaṃ nigamanavasena dassento”ti ca vuttaṃ na cettha paccayapaccayuppannabhāvo nigamanavasena padhānattena dassito, atha kho paccayapariggahavasappavattaṃ

1. Dī 1. 31 piṭṭhe atthato samānaṃ.

dhammaṭṭhitiñāṇameva yathāvuttapaccayapariggahākārassa nigamanavasena dassitaṃ. Tathā hi “evamayāṃ avijjā hetu, saṅkhārā hetusamuppannā, ubhopete dhammā hetusamuppannāti paccayapariggahe paññā dhammaṭṭhitiñāṇaṃ. Atītampi addhānaṃ. Anāgatampi addhānaṃ avijjā hetu -pa- dhammaṭṭhitiñāṇaṃ”¹ dhammaṭṭhitiñāṇameva padhānattena dassitaṃ. “Avijjā hetu, saṅkhārā hetusamuppannā”² ti-ādi¹ pana paccayapariggahe paññā dhammaṭṭhitiñāṇanti² vuccamānattā tassa paccayapariggahākāraparidīpanatthaṃ visayattena vuttaṃ, na padhānattena.

Ayañhettha attho—**evanti** anantare vuttanayena **ayaṃ avijjā** saṅkhārānaṃ **hetu, saṅkhārā** ca tena hetunā samuppannā. **Ubhopeteti** yasmā ayaṃ avijjā paraparikappitapakati-issarādi viya ahetukā niccā dhuvā na hoti, atha kho “āsavasamudayā avijjāsamudayo”³ ti³ vacanato sayampi sahetukā saṅkhatā aniccāyeva hoti, tasmā ubhopete avijjāsaṅkhārā hetusamuppannāyeva. **Iti** evaṃ yathāvuttanayena paccayapariggaṇhane yā paññā, taṃ dhammānaṃ ṭhitisāṅkhāte kāraṇe yāthāvato pavattattā dhammaṭṭhitiñāṇaṃ nāmāti.

Ettha hi ñāṇassa visayavibhāvanavaseneva avijjādīnaṃ paccayādibhāvo vutto, na padhānattena, ñāṇameva panettha padhānato vuttaṃ, tasmā etassa ñāṇassa paccayapariggahākāradassanatthameva heṭṭhāpi **kāmabhava ca avijjāti**-ādinā avijjādīnaṃ paccayādibhāvo vutto, idhāpi nigamanavasena upasaṃhaṭo, na bhavacakkadassanatthanti ayamettha attano mati.

Tattha ca paccayuppannadhammesu adiṭṭhesu hetūnaṃ paccayabhāvopi na sakkā daṭṭhanti “saṅkhārā hetusamuppannā”⁴ ti **paccayapariggahañāṇaniddese**⁴ paccayuppannadhammānampi gahaṇaṃ katanti veditabbaṃ. **Etena nayanāti** avijjāyaṃ vuttanayena saṅkhārā hetu, viññāṇaṃ hetusamuppannanti-ādinā⁴ sabbāni jātipariyosānāni padāni vitthāretabbāni.

Evam **paṭisambhidāmaggaṇīyā** dhammaṭṭhitiñāṇassa avijjādīsū pavatti-ākāraṃ dassetvā idāni tassa tesu paccayesu aññehipi ākārehi

1. Khu 9. 49 piṭṭhe.

3. Ma 1. 67 piṭṭhe.

2. Khu 9. 1, 48 piṭṭhādīsū.

4. Khu 9. 48 piṭṭhe.

pavatti-ākāraṃ dassetuṃ **tatthāti**-ādi vuttaṃ. Tattha **tatthāti** tesu paṭiccasamuppādaṅgesu. Saṅkhippanti ettha avijjādayo hetusāmañña phalasāmañña vāti **saṅkhepo**, saṅgaho, koṭṭhāso rāsīti attho. So pana jātito duvidhopi kālabhedavasena catubbidho jāto. **Paccuppanno addhāti** anuvattati. **Taṇhupādānabhavā gahitā** kilesakammasāmaññaato tadavinābhāvato ca. Avijjādikilesavaṭṭampi vipākadhammadhammatāsarikkkhatāya idha kammavaṭṭamevāti āha **ime pañca dhammāti**-ādi. Vipākā dhammāti-ādīsu kammaja-arūpakkhandhānameva vipākasaddavacanīyattepi nāmarūpādipadesu rūpamissampi phalapañcakam arūpappadhānatāya ca tabbahulatāya ca “vipākavaṭṭan”ti vuttaṃ. Vipākappadhānaṃ vaṭṭaṃ, vipākabahulaṃ vā vaṭṭanti attho. Kammajapariyāyo vā ettha vipākasaddo daṭṭhabbo. **Jātijarāmarañāpadesenāti** paramatthadhammavinimuttajātijarāmarāṇaṃ¹ nāma natthīti tadapadesena tesam kathanena taṃmukhenāti attho. Ākirīyanti pakāsīyanīti **ākārā**, avijjādisarūpā, tato paccayākāratoti attho. **Eko sandhīti** avicchedappavattihetubhūto hetuphalasandhi, dutiyo phalahetusandhi, tatiyo hetuphalasandhīti daṭṭhabbaṃ.

Evam dhammaṭṭhitiñāṇassa avijjādīsu anekehi pakārehi pavatti-ākāraṃ dassetvā idāni tehi, avuttehi ca sabbehi ākārehi bhagavato paṭiccasamuppādassa paṭividdhabhāvaṃ, tassa ca ñāṇassa dhammaṭṭhitiñāṇasaddappavattinimittataṃ **paṭisambhidāpālī**na yena dassetuṃ upasamhāravasena **iti bhagavāti**-ādi vuttaṃ. Tattha **itīti** vuttappakāraparāmasanaṃ, tenāha **catusaṅkhepanti**-ādi. **Sabbākāratoti** idha kāmabhave ca avijjā kāmabhave saṅkhārānaṃ paccayoti-ādinā idha vuttehi ca avuttehi ca **paṭiccasamuppāda**vibhaṅgādīsu² āgatehi sabbehi pakārehi paṭivijjhati. **Tanti** yena ñāṇena bhagavā evaṃ jānāti, taṃ ñāṇaṃ. **Ñātaṭṭhenāti** jānanaṭṭhena. **Pajānanaṭṭhenāti** paṭivijjanaṭṭhena.

Idāni yamidaṃ dhammaṭṭhitiñāṇaṃ paccayapariggahākārabhedehi saddhiṃ papañcato dassitaṃ, tasmim araghāte etassa upayogitaṃ dassetuṃ **iminā dhammaṭṭhitiñāṇenāti**-ādi vuttaṃ. Tattha dhammaṭṭhitiñāṇena are hanīti sambandho. Kathanti? Āha **te dhammeti**-ādi. Te avijjādike dhamme

1. Paramatthadhammavinimuttaṃ jātijarāmarāṇaṃ (?)

2. Abhi 2. 142 piṭṭhādīsu.

mahāvajirañāṇāvudhena tena **dhammaṭṭhitiñāṇena yathābhūtaṃ** ñatvā tena balavavipassanāvudhena **nibbindanto** ariyamaggāvudhena **virajjanto vimuccanto** **are hanīti** yojanā. Ariyamaggañāṇampi hi kiccato samudayasaccādibodhato “dhammaṭṭhitiñāṇan”ti vuccati.

Ekekaṃ dhammakhandhaṃ ekekavihārena pūjemīti dhammakhandhaṃ ārabba pavattāpi vihāra karaṇapūjā bhagavati pemeneva pavattattā sadhātukādicetiya paṭimaṇḍitattā ca bhagavatova pūjāti āha **bhagavantaṃ uddissāti**-ādi. **Kilesārīna so munīti** ettha niggahītalopo, kilesārīnaṃ hatattāti attho. **Paccayādīna cārahoti** etthāpi niggahītalopo daṭṭhabbo.

Sammāsambuddhoti ettha **sarī**-saddo sayanti atthe pavattatīti āha “sāmaṇ”ti, aparaneyyo hutvāti attho. **Sabbadhammānanti** idaṃ kassaci visayavisesassa aggahitattā siddhaṃ. Padesaggahaṇe hi asati gahetabbassa nippadesatāva viññāyati, yathā dikkhito na dadātīti. Evañca katvā atthavisesānapekkhā kattariyeva buddhasaddasiddhi veditabbā kammavacanicchāya abhāvato. “Sammā sāmaṇ buddhattā sammāsambuddho”ti ettakameva hi idha saddato labbhati. **Sabbadhammānanti** idaṃ pana atthato labbhamānaṃ gahetvā vuttaṃ, na hi bujjanakiriyaṃ avisayā yujjati. **Abhiññeyyati** lakkhaṇādito aniccādito ca abhivisiṭṭhena lokiyalokuttarañāṇena jānitabbe catusaccadhamme. **Pariññeyyati** aniccādivasena paricchinditvā jānitabbaṃ dukkhaṃ ariyasaccamāha. **Pahātabbati** samudayasaccaṃ. **Sacchikātabbati** nirodhasaccaṃ. Bahuvacananiddeso panettha sopādisesādikaṃ pariyaṇasiddhaṃ bhedaṃ apekkhitvā kato.

Abhiññeyyanti gāthāya pahātabbabhāvetabbānaṃ samudayamaggasaccānaṃ hetudhammānaṃ gahaṇeneva tapphalānaṃ dukkhasaccanirodhasaccānampi siddhito pariññātabbañca pariññātaṃ sacchikātabbañca sacchikatanti idampettha saṅgahitamevāti daṭṭhabbaṃ, tenāha “tasmā buddhosmī”ti. Yasmā cattāripi saccāni mayā buddhāni, **tasmā** sabbampi ñeyyaṃ **buddhosmi**, abbaññāsinti attho.

Vicittavisayapatthanākārappavattiyā taṇhā dukkhavicittatāya padhānakāraṇanti āha “mūlakāraṇabhāvenā”ti. **Ubhinnanti** cakkhussa taṃsamudayassa ca. **Appavattīti** appavattinimittaṃ, na abhāvamattaṃ. Tassa

avatthuttā sappaccayattādi-anekabhedā sabbasaṅgahitā. **Nirodhappajānanā**ti sacchikiriyābhisamayavasena nirodhassa paṭivijjhanā.

Ekekapaduddhārenāpīti cakkhu cakkhusamudayoti-ādinā ekekakoṭṭhāsaniddhāraṇenāpi, na dukkhasaccādisāmaññato evāti adhippāyo. Taṇhāyapi saṅkhārdukkhapariyāpānātāya pariññeyyattā dukkhasaccabhāvaṃ dassetuṃ “cha taṇhākāyā”ti vuttaṃ. Yasmiṃ pana attabhāve sā uppajjati, tassa mūlakāraṇabhāvena samuṭṭhāpikā purimabhavasiddhā taṇhā samudayasaccanti gaḥetabbā. **Kasiṇānī**ti kasiṇārammaṇāni jhānāni. **Dvattimsākārā**ti kesādayo tadārammaṇajjhānāni ca. **Nava bhavā**ti kāmabhavādayo tayo saññībhavādayo tayo ekavokārabhavādayo tayo cāti nava bhavā. **Cattāri jhānānī** ārammaṇavisesaṃ anapekkhitvā sāmaññato cattāri jhānāni vuttāni. Vipākakiriyānampi yathārahaṃ sabbattha saṅgaho daṭṭhabbo. Ettha ca kusaladhammānaṃ upanissayabhūtā taṇhāsamuṭṭhāpikāti veditabbā, kiriyadhammānaṃ pana tassa attabhāvassa kāraṇabhūtā taṇhā. **Anulomatoti** ettha avijjā dukkhasaccaṃ, taṃsamuṭṭhāpikā purimataṇhā āsavā samudayasaccanti yojetabbaṃ. Saṅkhārādisu pana avijjādayova samudayasaccabhāvena yojetabbā. **Tenā**ti tasmā.

Vijjāti attano visayaṃ viditaṃ karotīti vijjā. **Sampannattā**ti samannāgatattā, sampuṇṇattā vā. **Tatrā**ti ambaṭṭhasutte. **Manomayiddhiyā**ti ettha “idha bhikkhu imahā kāyā aññaṃ kāyaṃ abhinimmināti”¹ti vuttattā sarīrabbhantarajhānāmanena aññaṃ sarīrassa nibbattivasena pavattā manomayiddhi nāma, sā atthato jhānasampayuttā paññāyeva. **Satta saddhammā** nāma saddhā hirī ottappaṃ bāhusaccaṃ vīriyaṃ sati paññā ca. **Gacchati amataṃ disanti** dukkhanittharaṇatthikehi daṭṭhabbato amataṃ nibbānameva disaṃ gacchati, iminā ca caraṇānaṃ sikkhattayasaṅgahita-ariyamaggabhāvato nibbānatthikehi ekaṃsena icchitabbataṃ dasseti. Idānissā vijjācaraṇasampadāya sāvakādi-asādhāraṇataṃ dassetuṃ **tattha vijjāsampadā**ti-ādi vuttaṃ. Tattha āsavakkhayavijjāvasena sabbaññūtā sijjhati, caraṇadhammabhūtesu

1. Dī 1. 73 piṭṭhe.

jhānesu antogadhāya mahākaraṇāsamāpattiyā vasena mahākāruṇikatā sijjhatīti āha “vijjā -pa- mahākāruṇikatan”ti. **Yathā tanti** ettha **tanti** nipātamattaṃ, yathā aññopi vijjācaraṇasampanno buddho niyojeti, tathā ayampīti attho. **Tenāti** anattaparivajjana-atthaniyojanena. **Attantapādayoti ādi**-saddena parantapa ubhayantapā gahitā. **Asajjamāno bhavesu apaccāgacchantoti** pahīnānaṃ punānuppattito na puna upagacchanto.

Tatrāti yuttavācābhāsane sādhetabbe cetāṃ bhummaṃ. **Abhūtanti** abhūtattaṃ. **Atacchanti** tasseva vevacanaṃ. **Anatthasamhitanti** pisuṇādidosayuttaṃ. **Sammāgadattāti** sundaravacanattā, gadaṇaṃ gado, kathananti attho. Sundaro gado vacanamassāti “sugado”ti vattabbe niruttinayena dakāraṇassa takāraṇaṃ katvā “sugato”ti vuttaṃ.

Sabhāvatoti dukkhasabhāvato. **Lokanti** khandhādilokaṃ. Yathāvuttamatthaṃ suttato āha **yatthāti**-ādi. Tattha **yatthāti** yasmiṃ lokantaśākhāte nibbāne. **Tanti** lokassantaṃ, okāsaloke kāyagamanena ñātabbaṃ pattabbanti nāhaṃ vadāmīti yojanā. Idañca rohitadevaputtana lokassa kāyagativasena antagamanassa pucchitattā vuttaṃ. **Appatvā lokassantanti** khandhādilokaṃ sandhāya vuttaṃ.

Kinte padasā okāsalokaparibbhamanena, parimitaṭṭhāne eva taṃ ñāṇagamanena gacchantānaṃ dassemīti dassento **api cāti**-ādimāha. Tattha **byāmamatte kaḷevareti** sarīre. Tena rūpakkhandhaṃ dasseti. **Sasaññimhīti** saññāsīsena vedanādayo tayo khandhe. **Samanaketi** viññāṇakkhandhaṃ. **Lokanti** khandhādilokaṃ, dukkhanti attho. **Lokanirodhanti** nibbānena lokassa nirujjhaṇaṃ, nibbānameva vā. Adesampi hi nibbānaṃ yesaṃ nirodhāya hoti, upacārato tannissitaṃ viya hotīti “byāmamatte kaḷevare lokanirodhampi paññapemī”ti vuttaṃ, cakkhu loke piyarūpaṃ, sātārūpaṃ, etthesā taṇhā nirujjhamānā nirujjhatīti-ādīsū¹ viya. **Kudācananti** kadācipi. **Appatvāti** aggamaggena anadhigantvā. **Tasmāti** yasmā taṃ gamanena pattuṃ na sakkā, tasmā. **Haveti** nipātamattaṃ, ekaṃsatthe

1. Di 2. 248; Abhi 2. 109 piṭṭhādīsū.

vā. **Lokavidūti** sabhāvādito khandhādiḷānanako. Catusaccadhammānaṃ abhisamitattā **samitāvī**, samitakilesoti vā attho. **Nāsīsati** na pattheti appaṭṭisandhikattā.

Evamaṃ saṅkhepato lokamaṃ dassetvā idāni vitthārato taṃ dassetuṃ **api ca tayo lokāti**-ādi vuttaṃ. Tattha indriyabaddhānaṃ khandhānaṃ samūhasantānabhūto **sattaloko**. So hi rūpādīsu sattavisattatāya “satto”ti ca, lokiyanti ettha kammakilesā tabbipākā cāti “loko”ti ca vuccati. Anindriyabaddhānaṃ utujarūpānaṃ samūhasantānabhūto **okāsaloko**. So hi sattaśaṅkhārānaṃ ādhārato “okāso”ti ca, lokiyanti ettha tassādhārā ca ādheyyabhūtāti “loko”ti ca pavuccati. Indriyānindriyabaddhā pana sabbeva upādānakkhandhā paccayehi saṅkhataṭṭhena luḷḷanapaluḷḷanattṭhena ca “saṅkhāraloko”ti ca vuccati. Āharati attano phalanti āhāro, paccayo. Tena tiṭṭhanasīlā uppajjitvā yāva bhaṅgā pavattanasīlāti **āhāraṭṭhitikā**, sabbe saṅkhatadhammā. **Sabbe sattāti** ca imināpi veneyyānurūpato puggalādhiṭṭhānattā desanāya saṅkhārāva gahitā.

Yāvata candimasūriyā pariharantīti yattake ṭhāne candimasūriyā parivattanti pavattanti. **Virocanāti** tesamaṃ virocanahetu obhāsanahetūti hetumhi nissakkavacanaṃ. **Disā bhantīti** sabbā disā yāvata vigatandhakārā paññāyanti. Atha vā **disāti** upayogabahuvacanaṃ. Tasmā virocamaṇā candimasūriyā yattakā disā bhanti obhāsentīti attho. **Tāva saḥassādhā lokoti** tattakena pamāṇena saḥassappakāro okāsaloko, saḥsacakkavāḷānīti attho. **Etthāti** saḥsacakkavāḷe. **Vasoti** iddhisāṅkhāto vaso vattatīti attho.

Tampīti tividhampi lokamaṃ. **Assāti** anena bhagavatā saṅkhāralokopi sabbathā viditoti sambandho. **Eko lokoti** yvāyamaṃ heṭṭhā vuttanayena sabbasaṅkhatānaṃ paccayāyattavuttito tena sāmāññena saṅkhāraloko eko ekavidho, esa nayo sesesupi. Sabbatthāpi lokiyadhammāva lokoti adhippetā lokuttarānaṃ pariññeyyattābhāvā. Upādānānaṃ ārammaṇabhūtā khandhā **upādānakkhandhā. Satta**

viññāṇaṭṭhitiyoti tathā tathā samuppannā pajāyeva vuccanti. Nānattakāyā nānattasaññino, nānattakāyā ekattasaññino, ekattakāyā nānattasaññino, ekattakāyā ekattasaññino, heṭṭhimā ca tayo āruppāti imā sattavidhā pajāyeva viññāṇaṃ tiṭṭhati etthāti viññāṇaṭṭhitiyo nāma. Tattha nānattaṃ kāyo etesamatthīti nānattakāyā. Nānattaṃ saññā etesanti nānattasaññino. Saññāsīsenettha paṭisandhiviññāṇaṃ gahitaṃ, esa nayo sesesupi.

Tattha sabbamanussā ca cha kāmāvacaradevā ca **nānattakāyā nānattasaññino** nāma. Tesañhi aññamaññaṃ visadisatāya nānā kāyo, paṭisandhisaññā ca navavidhatāya nānā. Tīsu paṭhamajjhānabhūmīsu brahmakāyikā ceva catūsu apāyesu sattā ca **nānattakāyā ekattasaññino** nāma. Tesu hi brahmapārisajjādīnaṃ tiṇṇampi sarīraṃ aññamaññaṃ visadisam, paṭisandhisaññā pana paṭhamajjhānavipākavasena ekāva, tathā āpāyikānampi, tesam pana sabbesaṃ akusalavipākāhetukāva paṭisandhisaññā. Dutiyajjhānabhūmikā ca parittābha appamāṇabha ābhassarā **ekattakāyā nānattasaññino** nāma. Tesañhi sabbesaṃ ekappamāṇova kāyo, paṭisandhisaññā pana dutiyatīyajjhānavipākavasena nānā hoti. Tīyajjhānabhūmiyaṃ parittasubhādayo tayo, catutthajjhānabhūmiyaṃ asaññasattavajjitā vehapphalā, pañca ca suddhavāsāti navasu bhūmīsu sattā **ekattakāyā ekattasaññino** nāma. Ābhānānattena pana sabbattha kāyanānattaṃ na gayhati, saṅghānanānatteneva gayhatīti. Asaññasattā viññāṇābhāvena viññāṇaṭṭhitisankhyaṃ na gacchanti. Nevasaññā nāsaññāyatanam pana yathā saññāya, evaṃ viññāṇassāpi sukhumattā nevaviññāṇam nāviviññāṇam, tasmā paribiyattaviññāṇakiccavantesu viññāṇaṭṭhītisu na gayhati. Tasmā sesāni ākāsānañcāyatanādīni tūṇiyeva gahitāni, tehi saddhim imā satta viññāṇaṭṭhitiyoti veditabbā.

Aṭṭha lokadhammāti lābho alābho yaso ayaso nindā pasaṃsā sukhaṃ dukkhanti ime aṭṭha lokassa sabhāvattā lokadhammā. Lābhālābhādīpaccayā uppajjanakā panettha anurodhavirodhā vā lābhādisaddehi vuttāti veditabbā. **Nava sattāvāsāti** heṭṭhā vuttā satta

viññāṇaṭṭhitiyo eva asaññasattacatutthāruppehi saddhim “nava sattāvāsā”ti vuccanti. Sattā āvasanti etthāti sattāvāsā, sattanikāyo, atthato tathā pavattā pajā eva idha saṅkhāralokabhāvena gayhantīti veditabbā. **Dasāyatanānīti** dhammāyatanamanāyatanavajjitāni dasa.

Ettha ca tīsu bhavesu assādadassanavasena tisso vedanāva lokabhāvena vuttā, tathā paccayadassanavasena cattārova āhārā.
Attagāhanimittadassanavasena cha ajjhāttikāneva āyatanāni.
Thūlasaññibhavadassanavasena satta viññāṇaṭṭhitiyova,
anurodhavirodhadassanavasena aṭṭha lokadhammā vā,
thūlāyatanadassanavasena dasāyatanāneva lokabhāvena vuttāni. Tesam gahaṇeneva tannissayatappaṭibaddhā tadārammaṇā sabbe tebhūmakā nāmarūpadhammā atthato gahitā eva honti. Sesehi pana ekavidhādikoṭṭhāsehi sarūpeneva te gahitāti veditabban.

Āsayam jānātīti-ādīsu āhacca¹ cittaṃ ettha setīti āsayo, aññasmiṃ visaye pavattitvāpi cittaṃ yattha sarasena pavisitvā tiṭṭhati, so vaṭṭāsayo vivaṭṭāsayoti duvidho. Tattha vaṭṭāsayopi sassatucchedadiṭṭhivasena duvidho. Vivaṭṭāsayo pana vipassanāsāṅkhātā anulomikā khanti, maggasaṅkhātā yathābhūtañāṇāncāti duvidho. Yathāha—

“Sassatucchedadiṭṭhi ca, khanti cevānulomikaṃ.

Yathābhūtañca yaṃ ñāṇaṃ, etaṃ āsayasadditaṃ”ti².

Etaṃ duvidhampi āsayam sattānaṃ appavattikkhaṇeyeva bhagavā sabbathā jānāti. **Anusayanti** kāmarāgānusayādivasena sattavidhaṃ anusayaṃ. **Caritanti** “sucaritaduccaritaṃ”ti **niddese** vuttaṃ. Atha vā caritanti cariyā, te rāgādayo cha mūlacariyā, saṃsaggasannipātavasena anekavidhā honti. **Adhimuttinti** ajjhāsayadhātum³, tattha tattha cittassa abhirucivasena ninnattā, sā duvidhā hīnādhimutti paṇītādhimuttīti. Yāya dussīlādike

1. Āgamma (Sī)

2. Sārattha-Ṭī 1. 249 piṭṭhe.

3. Dhātu (Sī)

hīnādhimuttike sevanti, sā **hīnādhimutti**. Yāya paṇitādhimuttike sevanti, sā **paṇitādhimutti**. Tam duvidhampi adhimuttiṃ bhagavā sabbākārato jānāti. Appaṃ rāgādirajaṃ etesanti **apparajakkhā**, anussadarāgādidosā. Ussadarāgādidosā **mahārajakkhā**. Upanissayabhūtehi tikkhehi saddhādi-indriyehi mudukehi ca samannāgatā **tikkhindriyā mudindriyā** ca. Heṭṭhā vuttehi āsayādīhi sundarehi asundarehi ca samannāgatā **svākārā dvākārā** ca veditabbā. Sammattaniyāmaṃ viññāpetuṃ sukarā **suviññāpayā**, viparītā **duviññāpayā**. Maggaphalapaṭivedhāya upanissayasampannā **bhabbā**, viparītā **abhhabbā**. Evaṃ sattasantānagatadhammavisesajānaneneva **sattalokopi vidito** dhammavinimuttassa sattassa abhāvāti veditabbaṃ.

Ekam cakkavāḷam -pa- paññāsaṅca yojanānīti ettha hotīti seso. **Parikkhepato** pamāṇaṃ vuccatīti seso. Cakkavāḷassa sabbaṃ parimaṇḍalaṃ chattim̐sa sataśassāni -pa- satāni ca hontīti yojetabbaṃ. **Tatthāti** cakkavāḷe, dve sataśassāni cattāri nahutāni ca yojanāni yāni ettakaṃ ettakappamāṇaṃ bahalattena ayaṃ vasundharā saṅkhātāti yojanā. Tattha **ettakanti** kiriyāvisesanaṃ daṭṭhabbaṃ. Sandhāraṃ jalaṃ ettakaṃ ettakappamāṇaṃ hutvā patiṭṭhitanti yojanā. **Etthāti** cakkavāḷe. **Ajjhogāḷhuggatāti** ajjhogāḷhā ca uggatā ca. **Brahāti** mahantā. **Yojanānaṃ satānucco, himavā pañcāti** yojanānaṃ pañcasatāni ucco ubbedho¹. **Tipañcayojanakkhandhaparikkhepāti** pannarasayojanappamāṇakkhandhapaṇiṇāhā². **Nagavhayāti** rukkhābhidhānā jambūti yojanā. **Samantatoti** sabbasobhāgena, āyāmato ca vitthārato ca satayojanavitthārāti attho. **Yassānubhāvenāti** yassā mahantatākappaṭṭhāyikādippakārena pabhāvena. **Parikkhipitvā taṃ sabbaṃ, lokadhātumayaṃ ṭhitoti** heṭṭhā vuttaṃ sabbampi taṃ parikkhipitvā **cakkavāḷasiluccayo ṭhito, ayaṃ ekā lokadhātu** nāmāti attho, **ma-kāro** padasandhivasena vutto. Atha vā taṃ sabbaṃ lokadhātuṃ parikkhipitvā ayaṃ cakkavāḷasiluccayo ṭhitoti yojetabbaṃ.

1. Ubbidho (Ka)

2. Parikkhepā (Sī)

Tatthāti tassam lokadhātuyam. **Tāvatiṃsabhavananti** tidasapuram. **Asurabhavananti** asurapuram. Avīcimahānirayo ca tathā dasasahassayojano, so pana catunnam lohabhittīnamantarā yojanasatāyāmvitthāropi samantā soḷasati ussanirayehi saddhim dasasahassayojano vuttoti veditabbo. **Tadanantaresūti** tesam cakkavāḷānam antaresu. Lokānam cakkavāḷānam antare vivare bhavattā **lokantarikā**. Tiṇṇaṅhi sakaṭacakkānam pattānam vā asannaṭṭhapitānam antarasadise tiṇṇam tiṇṇam cakkavāḷānam antaresu ekeko lokantarikanirayo aṭṭhajojanasahassappamāṇo sītanarako sattānam akusalavipākena nibbattati. **Anantānīti** tiriyaṃ aṭṭhasu disāsu cakkavāḷāni ākāso viya anantāni. Uddham pana adho ca antāneva. **Anantena buddhañāṇenāti** ettha anantaṅeyyapaṭivedhasāmatthiyayogatova ñāṇam “anantan”ti veditabban.

Attanoti nissakke sāmivacanametam, attatoti attho. Guṇehi attano visiṭṭhatarassāti sambandho, taraggahaṇaṅcettha anuttaroti padassa atthaniddesavasena kataṃ, na visiṭṭhassa kassaci atthitāya. Sadevake hi loke sadisakappopi nāma koci tathāgatassa natthi, kuto sadiso, tenāha **sīlaguṇenāpi asamoti**-ādi. Tattha asamehi sammāsambuddhehi samo **asamasamo**. Natthi paṭimā etassāti **appaṭimo**. Esa nayo sesesupi. Tattha upamāmatam paṭimā, sadisūpamā paṭibhāgo. Yugaggāhavasena ṭhito paṭimo puggaloti veditabbo. **Attanāti** attato. **Purisadammeti**-ādīsu damitabbā dammā, “damma Purisā”ti vattabbe visesanassa paranipātam katvā “purisadammmā”ti vuttam, purisaggahaṇaṅcettha ukkaṭṭhavasena itthīnampi dametabbato. **Nibbisā katā** dosavisassa vinodanena. **Atthapadanti** atthābhīyaṅjanakam padam, vākyanti attho. Ekapadabhāvena ca anaññasādhāraṇo satthu purisadammasārathibhāvo dassito hoti, tenāha **bhagavā hīti**-ādi. **Aṭṭha disāti** aṭṭha samāpattiyo. **Asajjāmānāti** vasībhāvappattiyā nissāṅgacārā.

Diṭṭhadhammo vuccati paccakkho attabhāvo, tattha niyuttoti **diṭṭhadhammiko**, idhalokattho. Kammakilesavasena samparetabbato samāgantabbato

samparāyo, paraloko, tattha niyuttoti **samparāyiko**, paralokattho. Paramo uttamo attho paramattho, nibbānaṃ. Saha atthena vattatīti **sattho**, bhaṇḍamūlena vāṇijjāya desantaraṃ gacchanto janasaṃmūho. So assa atthīti satthā, **satthavāho**ti niruttinayena. So viya bhagavāti āha “satthā, bhagavā satthavāho”ti. Idāni tamattham niddesapāḷinayena dassetuṃ **yathā satthavāho**ti-ādi vuttam. Tattha **sattheti** satthike jane. Kam udakam tārenti etthāti **kantāro**, nirudako araṇṇappadeso. Corādīhi adhiṭṭhita-araṇṇappadesāpi duggamanaṭṭhena taṃsadisatāya kantārātveva niruḷhāti sāmaṇṇato “kantāram tāreti”ti vatvā taṃ vivaranto **corakantāranti**-ādimāha.

Bhagavatoti nissakke sāmivacanaṃ, bhagavantato dhammassavanenāti attho. Yathā “upajjhāyato ajjhetī”ti, bhagavato santiketi vā attho. **Sare nimittam aggahesīti** pubbabuddhuppādesu saddhammassavanaparicayena “dhammo eso vuccatī”ti sare ākāraṃ gaṇhi. Pabbābhiyogavaseneva hi īdisānaṃ tiracchānānaṃ dhammassavanādīsū pasādo uppajjati vaggulī-ādīnaṃ viya. Itarathā sabbatiracchānānampi tathā pasāduppattippasaṅgato. Yadi hi uppajjeyya, bhagavā anantacakkavāḷesu sabbasattānampi ekakkhaṇe sappāṭihāriyadhammaṃ sāvetuṃ sakkotīti sabbasattānampi ito pubbeva vimuttippasaṅgo siyā. Ye pana devamanussanāgasupaṇṇādayo pakatīyāva kammassakataññāṇādiyuttā honti, teyeva pubbe anupanissayāpi bhagavato saddhammassavanādīnā paṭhamam vivatṭūpanissayam pasādam uppādetuṃ sakkonti, na itareti gahetabbaṃ. **Are ahampi nāmāti** ettha “kutoham idha nibbattoti oloketvā maṇḍūkabhāvatoti ñatvā”ti idam ettakampi are ahampi nāmāti vimhayavacaneneva sījjhatīti avuttanti veditabbaṃ. **Jalanti** jalanto vijjotamāno. **Maṇḍūkohanti** gāthāya **udaketi** sañjātattānānadassanaṃ, tena thalamaṇḍukatā nivattanaṃ kataṃ hoti. Udale jātānampi kacchapādīnaṃ thalagocaratāpi atthīti taṃ nivattanaṭṭham “vārigocaro”ti vuttam, udakasañcārīti attho.

Vimokkhantikaññāvasenāti ettha sabbaso kilesehi vimuccatīti vimokkho, aggamaggo, tassa anto, aggaphalaṃ, tattha bhavaṃ vimokkhantikaṃ, sabbaññutaññāṇena saddhim sabbampi buddhaññānaṃ. Idāni sammāsambuddhapadato

buddhapadassa visesaṃ dassetuṃ **yasmā vāti**-ādi vuttaṃ.

Sammāsambuddhapadena hi satthu paṭivedhañāṇānubhāvo vutto, iminā pana buddhapadena desanāñāṇānubhāvopi, tenāha **aññēpi satte bodhesīti**-ādi.

Guṇavisiṭṭhasattuttamagarugāravādhivacananti sabbehi sīlādiguṇehi visiṭṭhassa tato eva sabbasattehi uttamassa garuno gāravavasena vuccamānavacanamidam **bhagavāti**. **Seṭṭhanti** seṭṭhavācakaṃ vacanaṃ seṭṭhaguṇasahacaraṇato. Atha vā vuccatīti vacanaṃ, attho, so seṭṭhoti attho. **Uttamanti** etthāpi eseva nayo. **Garugāravayuttoti** ettha garubhāvo gāravaṃ, garuguṇayogato garukaraṇaṃ vā gāravaṃ, tena sāvakādīnaṃ asādhāraṇatāya garubhūtena mahantena gāravena yuttoti garugāravayutto. Atha vā garu ca sabbalokassa sikkhakattā teneva gāravayutto cātipi yojetabbaṃ.

Avatthāya viditaṃ **āvattthikaṃ**. Evaṃ **liṅgikaṃ**. Nimittato āgataṃ **nemittikaṃ**. Adhicca yaṃkiñci nimittaṃ adhivacanavasena anapekkhitvā pavattaṃ **adhiccasamuppannaṃ**, tenāha “vacanatthamanapekkhitvā”ti. Yadicchāya āgataṃ yadicchakaṃ. Ettha ca bāhiraṃ daṇḍādi **liṅgaṃ**, abbhantaraṃ tevijjādi **nimittaṃ**. Pacurajanavisayaṃ vā dissamaṇaṃ **liṅgaṃ**, tabbiparītaṃ **nimittanti** veditabbaṃ. **Sacchikāpaññattīti** sabbadhammaṇaṃ sacchikiriyānimittā paññatti. Atha vā **sacchikāpaññattīti** paccakkhasiddhā paññatti.¹ Yaṃguṇanimittā hi sā, te guṇā satthu paccakkhabhūtāti guṇā viya¹sāpi sacchikatā eva nāma hoti, na paresaṃ, vohāramattenāti adhippāyo. **Yaṃguṇanemittikanti** yehi guṇehi nimittabhūtehi **etaṃ nāmaṃ** nemittikañca jātaṃ. **Vadantīti** dhammasenāpatissa garubhāvato bahuvacanenāha, saṅgītikārehi vā katamanuvādaṃ sandhāya.

Issariyādibhedo bhago assa atthīti **bhagī**. Maggaphalādi-ariyaguṇaṃ araṇṇādivivekaṭṭhānañca bhajī sevi sīlenāti **bhaji**. Cīvarādi-paccayānaṃ attharasādīnañca sīlādiguṇānañca **bhāgī**, dāyādoti attho. Vibhaji uddesaniddesādippakārehi dhammaratanaṃ pavibhajīti **vibhattavā**. Rāgādipāpadhammaṃ **bhaggaṃ**² **akāsīti bhagavāti** vuccatīti sabbattha sambandho. Garupi loke bhagavāti vuccatīti āha “garū”ti, yasmā garu, tasmāpi bhagavāti attho.

1-1. Yā guṇanimittā hisā te satthu paccakkhabhūtā guṇavisesāvīya... (Sī)

2. Bhaṅgaṃ (Sī)

pāramitāsaṅkhātāṃ bhagyamassa atthīti **bhagyavā**. **Bahūhi nāyehīti** kāyabhāvanādikehi anekehi bhāvanākkamehi. **Subhāvitattanoti** paccatte etaṃ sāmivacanāṃ, tena subhāvitasabhāvoti attho. Bhavānaṃ antaṃ nibbānaṃ gatoti **bhavantago**. Tattha tattha bhagavāti saddasiddhi niruttinayeneva vedītabbo.

Idāni bhagī bhajīti niddesagāthāya navahi padehi dassitamatthaṃ bhagyavāti gāthāya chahi padehi saṅgahetvā padasiddhiṃ atthayojanāyabhedehi saddhiṃ dassetuṃ **ayaṃ pana aparo nayoti**-ādi vuttaṃ. Tattha **vaṇṇavipariyatoti** ettha **iti**-saddo ādi-attho, teneva vaṇṇavikāro vaṇṇalopo dhātu-atthena niyojanañcāti imaṃ tividhaṃ lakkhaṇaṃ saṅgaṇhāti. **Saddanayenāti** saddalakkhaṇanayena. Pisodarādīnaṃ saddānaṃ ākatigaṇabhāvato¹ vuttaṃ “**pisodarādipakkhepalakkhaṇaṃ gahetvā**”ti. Pakkhipanameva lakkhaṇaṃ. Tappariyāpannatākaraṇaṃhi pakkhipanaṃ. **Bhagyanti** kusalaṃ.

Lobhādayo cattāro dosā ekakavasena gahitā. Ahirikādayo dukavasena. ‘Akkocchi man’ti-ādīnā² punappunaṃ kujjhanavasena cittapariyonandhano kodhova **upanāho**. Paresaṃ pubbakāritālakkhaṇassa guṇassa nipuñchano **makkho** nāma. Bahussutādīhi saddhiṃ yugaggāho attano samakaraṇaṃ **palāso**. Attano vijjamānadosapaṭicchādānā **māyā**. Avijjamānaguṇappakāsaṇaṃ **sātheyyaṃ**. Garūsupi thaddhatā anonatata **thambho**. Taduttarikaṇalakkhaṇo **sārambho**. Jāti-ādiṃ nissāya unnatilakkhaṇo **māno**. Abbhunnatilakkhaṇo **atimāno**. Jāti-ādiṃ nissāya majjanākārapatto mānova **mado** nāma. So sattavīsatividho. Kāmaguṇesu cittassa vossaggo **pamādo**. Kāyaduccarītādīni **tividhaduccarītāni**. Taṇhādīṭṭhiduccaritavasena **tividhasaṃkilesā**. Rāgadosamohāva **malāni**. Teyeva kāyaduccarītādayo ca **tividhavisamāni**. Kāmabyāpādavihiṃsāsaññā **tividhasaññā** nāma. Teyeva **vitakkā**. Taṇhādīṭṭhimānā **papañcā**. Subhasukhanicca-attavipariyesā **catubbidhavipariyesā**. Chandādayo **agati**. Cīvarādīsu paccayesu lobhā **cattāro taṇhupādā**. Buddhadhammasaṅghasikkhāsu kaṅkhā, sabrahmacārīsu kopo

1. Āgatigaṇabhāvato (Ka)

2. Khu 1. 13 piṭṭhe Dhammapade.

ca **pañca cetokhīlā**. Kāme kāye rūpe ca avītarāgatā, yāvadattham bhuñjitvā seyyasukhādi-anuyogo, aññataram devanikāyam pañidhāya brahmacariyacaraṇaṅca **pañca cetovinibandhā**. Rūpābhinandanādayo **pañca abhinandanā**. Kodha makkha issā sāṭheyya pāpicchatā sandiṭṭhiparāmāsā **chavivādamūlāni**. Rūpataṇhādayo **cha taṇhākāyā**. Micchādiṭṭhi-ādayo aṭṭhamaggaṅgapaṭipakkhā **micchattā**. Taṇham paṭicca pariyesanā, pariyesanam paṭicca lābho, lābham paṭicca vinicchayo, tam paṭicca chandarāgo, tam paṭicca ajjhosānam, tam paṭicca pariggaho, tam paṭicca macchariyam, tam paṭicca ārakkhā, ārakkhādhikaraṇa daṇḍādānādi-anekākusalarāsīti **nava taṇhāmūlakā** dhammā. Pāṇātipātādayo **dasa akusalakammāpathā**. Cattāro sassatavādā tathā ekaccasassatavādā antānantikā amarāvikkhepitā dve adhiccassamuppannikā soḷasa saññivādā aṭṭha asaññivādā aṭṭha nevasaññināsaññivādā satta ucchedavādā pañca diṭṭhadhammanibbānavādāti etāni **dvāsatṭhi diṭṭhigatāni**.

Rūpataṇhādichataṇhā eva paccekam kāmataṇhābhavataṇhāvibhavataṇhāvasena aṭṭhārasa honti, tā ajjhatabhiddharūpādīsu pavattivasena chattimsa, puna kālattayavasena **aṭṭhasatataṇhāvicarītāni** honti. **Pabheda**saddam paccekam sambandhitvā lobhappabhedoti-ādinā yojetabham.

Sabbadarathapariḷāhakilesasatasahassānīti sabbāni sattānam darathasaṅkhātāpariḷāhakarāni kilesānam anekāni satasahassāni, ārammaṇādivibhāgato pavatti-ākāravibhāgato ca nesam evam pabhedo veditabbo. Pañca māre abhañjīti sambandho. **Parissayānanti** upaddavānam.

Evam bhagyavā bhaggavāti dvinnam padānam attham vibhajitvā idāni tehi dvīhi gahitamattham¹ dassetuṃ **bhagyavantatāya cassāti-ādi** vuttam.

Tattha **satapuññajalakkhaṇadharassāti** anekasatapuññanibbattamahāpurisalakkhaṇadharassa bhagavato. **Sakacitte issariyam** nāma paṭikkūlādīsu appaṭikkūlasaññitādivasappavattiyā ceva cetosamādhivasena ca attano cittassa vasībhāvāpādanameva. **Aṇimā laghimādikanti ādi**-saddena mahimā patti pākammaṃ īsitā vasitā yatthakāmāvasāyitāti ime chapī saṅgahitā. Tattha kāyassa aṇubhāvakaraṇam **aṇimā**. Ākāse

padasā gamānādi-arahabhāvena lahubhāvo **laghimā**. Kāyassa mahantatāpādanam **mahimā**. Itthadesassa pāpuṇanam **patti**. Adhiṭṭhānādivasena icchitatthanipphādanam **pākammaṃ**. Sayamvasitā issarabhāvo **isitā**. Iddhividhe vasībhāvo **vasitā**. Ākāsenā vā gacchato, aññam vā kiñci karoto yattha katthaci vosānappatti **yatthakāmāvasāyitā**, “kumāraṅkarūpādidassanan”¹tipi vadanti. **Sabbaṅgapaccaṅgasirīti** sabbesam aṅgapaccaṅgānam sobhā. **Atthīti** anuvattati. Luhusādhanam taṃ taṃ kālikam icchitam, garusādhanam cirakālikam buddhattādipatthitam. **Bhagā assa santīti bhagavāti** idam saddasatthanayena siddham, sesam sabbam niruttinayena siddhanti veditabbam.

Pīlanasaṅkhatasantāpavipariṇāmatṭhenāti-ādīsu pīlanatṭho saṅkhatatṭhoti-ādinā atthasaddo paccekam yojetabbo. Tattha attano sabhāvena pīlanalakkhaṇam dukkham. Tassa yo pīlanameva attho “pīlanatṭho”²ti vuccati, so sabhāvo. Yasmā pana taṃsamudayena saṅkhatam, tasmā **saṅkhatatṭho** samudayadassanena āvibhūto. Yasmā ca maggo kilesasantāpaharattā susītalo, tasmāssa maggadassanena **santāpatṭho** āvibhūto tappatiyogattā. Avipariṇāmadhammassa pana nirodhassa dassanena **vipariṇāmatṭho** āvibhūtoti. Ekasseva sabhāvadhammassa sakabhāvato itarasaccattayanivattito ca parikappetabbattā cattāro atthā vuttā. Samudayassa pana rāsikaraṇato **āyūhanatṭho** sabhāvo, tasseva dukkhadassanena **nidānatṭho** āvibhūto. Visamyogabhūtassa nirodhassa dassanena **saṃyogatṭho**. Niyyānabhūtassa maggassa dassanena **palibodhatṭho** āvibhūto.

Nirodhassa pana **nissaraṇatṭho** sabhāvo, tasseva samudayadassanena **vivekatṭho** āvibhūto. Saṅkhatassa maggassa dassanena **asaṅkhatatṭho**, visayabhūtassa maraṇadhammassa vā dukkassa dassanena **amatatṭho**. Maggassa pana **niyyānatṭho** sabhāvo, tasseva samudayadassanena dukkhassevāyam hetu, nibbānappattiyā pana ayameva hetūti **hetvatṭho**¹, atisukhumanirodhadassanena idhameva dassananti **dassanatṭho**, adhipaṇassa dukkassa dassanena **adhipateyyatṭho** āvibhūto. Ete eva ca pīlanādayo soḷasa ākārāti vuccanti.

1. Hetvattho (Si)

Kāmehi vivekaṭṭhakāyatā **kāyaviveko**. Nīvaraṇādīhi vivittā aṭṭha samāpattiyo **cittaviveko**. Upadhīyanti ettha yathāsakaṃ phalānīti upadhayo, pañcakāmaguṇasaṅkhātakāmakhandhakilesa-abhisāṅkhārā, tehi catūhi vivittam nibbānam **upadhiviveko** nāma.

Anattānupassanāya paṭiladdho dukkhāniccānupassanāhi ca paṭiladdho ariyamaggo āgamanavasena yathākkamaṃ **suññata-appaṇihita-animittavimokkhasaṅgamaṃ** paṭilabhati, kilesehi vimuttattā hi esa vimokkhoti.

Yathā loke ekekapadato ekekamakkharam gahetvā “mekhalā”ti vuttam, evamidhāpīti attho. **Mehanassāti** guyhappadesassa. **Khassāti** okāsassa.

Saha devehīti—ādīsu saha devehi vattatīti **sadevako** loko. **Tam sadevakanti**—ādīnā yojanā veditabbā. **Sadevakavacanenāti** sadevakasadde visesanabhāvena ṭhitadevavacanena. Tassāpi sadevakapade antobhūtattā avayave samudāyopacāravasena vohāro kato. Itarathā tena devavisiṭṭhalokasseva gahaṇato pañcakāmāvacaradevaggahaṇam na siyā, evam uparipi. **Samārakavacanena** mārasaddena tena saharitā sabbe vasavattidevā ca gahitāti āha “chaṭṭhakāmāvacaradevaggahaṇam”ti. Brahmakāyikā nāma paṭhamajjhānabhūmikā. Te ādi yesam āruppariyantānam brahmānam tesam brahmānam gahaṇam **brahmakāyikādibrahmaggaṇam**. Lokasaddassa okāsalokādīnampi sādharāṇattā sattalokāveṇikameva pajāgahaṇam katanti āha “pajāvacanena sattalokaggahaṇam”ti. Sadevakādivacanena upapattidevānam, sassamaṇavacanena visuddhidevānaṅca gahitattā āha “sadevamanussavacanena sammutideva-avasesamanussaggahaṇam”ti. Tattha **sammutidevā** rājāno, **avasesamanussā** sammutidevasamaṇabrāhmaṇehi avasiṭṭhā. Sattalokāveṇikassa pajāsaddassa visum gahitattā sadevakam lokanti ettha lokasaddaggahaṇam okāsalokameva niyametīti āha “tīhi padehi okāsaloko”ti. Idaṅca sadevakādīpadattayavacanīyassa padhānatthassa vasena vuttam. Okāsalokavisesanassa panettha devamārādisattalokassāpi gahaṇam

veditabbaṃ sāmattiyaṭṭaṃ gamyamānattā saputto āgatoti-ādīsu puttādīnaṃ viya. Imasmiṃca naye sadevakaṃ samārakaṃ sabrahmakāṃ okāsalokaṃ sassamaṇabrāhmaṇiṃ sadevamanussa pajañcāti **ca**-kāraṃ ānetvā yojetabbaṃ, okāsasattalokānaṃ gahaṇena cettā tadubhayasammutinimittabhūto saṅkhāralokopi tadavinābhāvato gahito evāti daṭṭhabbo. Apare pana “sadevakanti-ādīhi pañcahi padehi sattalokova attano avayavabhūta devādivisesanehi visesetvā gahito, taggahaṇena tadādhāro okāsaloko, tadubhayapaññattavisayo saṅkhāraloko ca gahitā eva honti”ti vadanti. Tesaṃca pajanti idaṃ lokasaddassa visesanaṃ katvā sadevakaṃ pajāṃ lokaṃ -pa- sadevamanussaṃ pajāṃ lokanti yojetabbaṃ.

Arūpāvacaraloko gahito pārisesañāyena itaresaṃ padantarehi gahitattā. Māruggahaṇena tappadhānā taṃsadisā ca upapattidevā saṅgayhantīti āha “chakāmāvacaradevaloko”ti. Khattiyaparisā brāhmaṇa gahapati samaṇa cātumahārājika tāvatimsa māra brahmaparisāti imāsu aṭṭhasu parisāsu cātumahārājikādīnaṃ catunnaṃ parisānaṃ sadevakādīpadehi saṅgahitattā idha sassamaṇabrāhmaṇinti iminā samaṇaparisā brāhmaṇaparisā ca, sadevamanussanti iminā khattiyaparisā gahapatiparisā ca vuttāti āha “catuparisavasena”ti. Tassa manussaloko gahitoti iminā sambandho. Tattha **manussalokoti** manussasamūho, tenāha “avasesasabbasattaloko vā”ti.

Vikappantaraṃ dassento āha “sammutidevehi vā saha manussaloko”ti. Devapadena sammutidevā, samaṇabrāhmaṇamanussapadehi sesamanussā ca gahitāti evaṃ vikappadvayepi manussaṃ pajāṃ manussaṃ pajanti pajāsaddaṃ manussasaddena visesetvā taṃ puna saha devehi vattatīti sadevā, pajā. Sadevā ca sā manussā cāti sadevamanussā, taṃ sadevamanussaṃ pajāṃ. Puna kiṃ bhūtaṃ sassamaṇabrāhmaṇinti evaṃ yathā pajāsaddena manussānaññeva gahaṇaṃ siyā, tathā nibbacanaṃ kātabbaṃ, itarathā manussānaññeva gahaṇaṃ na sampajjati sabbamanussānaṃ visesanabhāvena gahitattā aññapadatthabhūta¹ kassaci manussassa abhāvā. Idāni pajanti

1. Aññapadantarabhūtaṃ (Sī, Ka)

iminā avasesanāgādisattepi saṅgahetvā dassetukāmo āha
 “avasesasabbasattaloko vā”ti. Etthāpi catuparisavasena
 avasesasabbasattaloko sammutidevamanussehi vā saha
 avasesasabbasattalokoti yojetabbaṃ.

Ettāvatā bhāgaso lokāṃ gahetvā yojanaṃ dassetvā idāni ekekapadena
 abhāgaso sabbalokānaṃ gahaṇapakkhepi tassa tassa visesanassa
 sapphalataṃ dassetuṃ **api cetthāti**-ādi vuttaṃ. **Ukkaṭṭhaparicchedatoti**
 ukkaṭṭhānaṃ devagatipariyāpannānaṃ paricchinnavasena jānavasena
 kittisaddo sayāṃ attano avayavabhūtena sadevakavacanena taṃ suṇantānaṃ
 sāvento¹ abhuggatoti yojanā. **Anusandhikkamoti** atthānañceva padānañca
 anusandhānakkamo, jānavakkamoti attho.

Abhiññāti yakāralopena niddesoti āha “abhiññāyā”ti.

Samantabhadrakattāti sabbabhāgehi sundarattā. **Sāsanadhammoti**
 paṭipattiapaṭivedhasāsanassa pakāsako pariyaṭṭidhammo.

Buddhasubodhitatāyāti idānaṃ tikaṃ dhammassa hetusarūpaphalavasena
 vuttaṃ, tathā nāthapabhavattikampi, majjhe tikadvayaṃ phalavaseneva
 vuttanti vedittabbaṃ. **Kiccāsuddhiyāti** dhammaṃ sutvā yathāsutavasena
 paṭipajjantānaṃ suppaṭipattisaṅkhātakiccāsuddhiyā.

Idāni ādikalyāṇādippakārameva dhammaṃ desento bhagavā sotūnaṃ
 yaṃ sāsanaḥbrahmacariyaṃ maggabrahmacariyañca pakāseti, tappakāsakassa
 brahmacariyapadassa **sāthanti**-ādīni padāni visesanabhāvena vuttāni, na
 dhammapadassāti dassanamukhena nānappakārato atthaṃ vivaritukāmo
sātham sabyañjananti evamādīsu panāti-ādimāha. Tattha tisso sikkhā sakalo
 ca tantidhammo **sāsanaḥbrahmacariyaṃ** nāma. Bhagavā hi dhammaṃ
 desento sīlādike viya tappakāsakaṃ tantidhammampi pakāseti eva
 saddatthasamudāyattā pariyaṭṭidhammassa. **Yathānurūpanti** yathārahaṃ.
 Sikkhattayasaṅgahitañhi sāsanaḥbrahmacariyaṃ maggabrahmacariyañca
 atthasampattiyā sampannatthatāya, uparūpari adhigantabbavisesasaṅkhāta-
 atthasampattiyā ca saha atthena payojanena vattatīti sāthameva, na tu
 sabyañjanaṃ, tantidhammasaṅkhātaṃ sāsanaḥbrahmacariyaṃ yathāvuttena
 atthena sātham sabyañjanañca. Kirātādīmilakkhavanānampi
 sāthasabyañjanante samānepi viṣiṭṭhatthasabyañjanayogaṃ sandhāya

1. Sādhento (Ka)

sahattho devadatto savittoti-ādi viya “sāttham sabyañjanan”ti vuttanti āha “atthasampattiyā sāttham, byañjanasampattiyā sabyañjanan”ti. Tattha yaṃ attham sutvā tathā paṭipajjantā sabbadukkhakkhayaṃ pāpuṇanti, tassa tādīsasampatti **atthasampatti** nāma, sampannatthātī attho.

Byañjanasampatti nāma sithiladhanitādibyañjanaparipuṇṇāya māgadhiḱāya sabbhāvaniruttiyā gambhīrampi attham uttānam katvā dassanasamatthātā sampannabyañjanatī attho.

Idāni **nettippakaraṇanayenāpi**¹ attham dassetuṃ **saṅkāsanā**ti-ādi vuttaṃ. Tattha saṅkhepato kāsiyati dīpiyatīti **saṅkāsananti** kammaśādhavasena attho daṭṭhabbo, evaṃ sesesupi. Paṭhamam kāsanam **pakāsanam**. Ubhayampetaṃ uddesatthavacanasāṅkhātassa vitthāravacanam. Sakim vuttassa puna vacanaṅca **vivaraṇavibhajanāni**. Ubhayampetaṃ niddesatthavacanam. Vivaṭassa vitthārarābhīdhānam vibhattassa ca pakārehi nāpanam **uttānikaraṇapaññattiyo**. Ubhayampetaṃ paṭiniddesatthavacanasāṅkhātassa vitthāravacanam. **Atthapadasamāyogatoti** yathāvuttāni eva cha padāni pariyattiyā atthavibhāgattā atthapadāni, tehi sahitatāya atthakoṭṭhāsuyuttattātī attho. Apariyosite pade ādimajjhagatavaṇṇo **akkharam**, ekakkharam, padam vā akkharam. Vibhattiyantaṃ **padam**. Padābhihitam attham byāñcetīti **byañjanam**, vākyam. Kathitassevatthassa anekavidhena vibhāgākaraṇam **ākāro** nāma. Ākārabhihitassa nibbācanam **nirutti**. Nibbācanatthavitthāro **niddeso**. Atha vā “akkharehi saṅkāseti, padehi pakāseti, byāñjanehi vivarati, ākārehi vibhajati, niruttīhi uttānim karoti, niddesehi paññapeti”ti vacanato saṅkāsanapakāsanasaṅkhāta-uddesatthavācakāni vacanāni akkharapadāni nāma. Vivaraṇavibhajanasaṅkhātaniddesatthavācakāni vacanāni byāñjanākārā nāma. Uttānikaraṇapaññattisaṅkhātaṭṭhiniddesatthavācakāni vacanāni niruttiniddesā nāma, tesam sampattiyā sabyañjananti attho.

Atthagambhīratī-ādīsu **attho** nāma tanti-attho, hetuphalam vā. **Dhammo** nāma tanti, hetu vā. **Desanā** nāma yathādhammam dhammābhilāpo. **Paṭivedho** nāma yathāvutta-atthādīnam aviparītāvabodho. Te panete atthādayo yasmā sasādīhi viya mahāsamuddo mandabuddhīhi dukkhogāhā alabbhaneyyapatiṭṭhā ca, tasmā **gambhīrā**. Tesu paṭivedhassāpi

1. Khu 10. 5 piṭṭhe; Netti-Ṭṭha 32 piṭṭhepi.

atthasannissitattā atthasabhāgattā ca vuttam
 “atthagambhīratāpaṭivedhagambhīratāhi sātthan”ti. Dhammadesanānam
 atthasannissitattepi sayam byañjanarūpattā vuttam
 “dhammagambhīratādesanāgambhīratāhi sabyañjanan”ti. Yathāvutta-
 atthādīsu pabhedagatāni ñāṇāni **atthapaṭisambhidā**dayo. Tattha **nirutti**ti
 tantipadānam niddhāretvā vacanam, nibbananti attho. Tīsu paṭisambhidāsu
 ñāṇam **paṭibhānapaṭisambhidā**. Lokiyā saddheyyavacanamukheneva atthesu
 paṭidanti, na atthamukhenāti āha **saddheyyatoti**-ādi. **Kevala**-saddo
 sakalādhivacananti āha “sakalaparipuṇṇabhāvenā”ti. **Brahmacariya**-saddo
 idha sikkhattayasāṅgaham sakalam sāsanam dīpeti āha
sikkhattayapariṅgahitattāti-ādi.

Yathāvuttamevattham aparenāpi pariyāyena dassetuṃ **api cāti**-ādi
 vuttam. Tattha **sanidānanti** desakālādīpakena nidānavacanena sanidānam.
Sa-uppattikanti atthupatti-ādiyuttiyuttam. Tatrāyam pāliyojanākkamo—
 “veraṅjo brāhmaṇo samaṇo khalu bho -pa- viharatī”ti ca, “tam kho pana
 bhavantam gotamam ‘itipi so -pa- pavedetī’ti evam kalyāṇo kittisaddo
 abbhuggato”ti ca, “so dhammam deseti -pa- pariyosānakalyāṇam, desento ca
 sātthasabyañjanādiguṇasamyuttam brahmacariyam pakāsetī”ti ca, “sādhu
 kho pana tathārūpānam arahatam dassanam hotī”ti ca assosi, sutvā ca atha
 kho veraṅjo brāhmaṇo yena bhagavā tenupasaṅkamīti.

Aṭṭhakathāyam pana kiñcāpi “dassanamattampi sādhu hotīti evam
 ajjhāsayaṃ katvā atha kho veraṅjo -pa- upasaṅkamī”ti evam sādhu kho
 panāti-ādīpāḥassa brāhmaṇassa parivittakabhāvena vuttattā
 brahmacariyam pakāsetīti padānantarameva assosīti padam
 sambandhitabbam viya paññāyati, tathāpi “sādhu kho pana tathārūpānam
 arahatam dassanam hotī”ti evam yathāvuttanidassanatthena itisaddena
 paricchinditvā vuttattā pana aññattha itisaddassa adassanato ca atha kho
 veraṅjoti-ādinā kattabbantaradassanamukhena pāliya pakārantare pavattito
 ca yathāvuttavaseneva “sādhu kho pana tathārūpānam arahatam dassanam
 hotī”ti vacanānantarameva assosīti padam ānetvā sambandhanam yuttam.
 Aṭṭhakathācariyena hi brāhmaṇassa attanā sutavaseneva ajjhāsayo

uppajjatīti upasaṅkamanahetudassanamukhena **dassanamattampi sādhu hotīti evaṃ ajjhāsayaṃ katvā**ti-ādi vuttanti gahetabbaṃ.

2. **Sītodakaṃ viya uṇhodakenā**ti idaṃ ukkamena mukhāruḷhavasena vuttaṃ, anupasantasabhāvatāya brāhmaṇasseva uṇhodakaṃ viya sītodakenāti attho gahetabbo, ñāṇatejayuttatāya vā bhagavā uṇhodakopamoti katvā tabbirahitaṃ brāhmaṇaṃ sītodakaṃ viya katvā tathā vuttanti gahetabbaṃ. **Ekībhāvanti** sammodanakiriyāya ekarūpataṃ. **Yāyā**ti-ādīsu yāya kathāya sammodi brāhmaṇo, taṃ sammodanīyaṃ kathanti yojanā. Tatha **khamanīyanti** dukkhabahulaṃ idaṃ sarīraṃ, kacci khamituṃ sakkuṇeyyaṃ. **Yāpanīyanti** cirappabandha¹saṅkhātāya yāpanāya yāpetuṃ sakkuṇeyyaṃ. Rogābhāvena **appābādhaṃ**. Dukkhajīvitābhāvena **appātaṅkaṃ**. Taṃtaṃkiccakaraṇatthāya lahuṃ akicchena uṭṭhātuṃ yoggatāya **lahuṭṭhānaṃ**. **Balanti** sarīrassa sabbakiccakkhamaṃ balaṃ kacci atthīti pucchati. **Phāsuvihāroti** sukhavihāro. Saraṇīyameva dīghaṃ katvā “sāraṇīyaṃ”ti vuttanti āha “saritabbabhāvato ca sāraṇīyaṃ”ti. **Pariyāyehīti** kāraṇehi.

Bhāvoti kiriyā, tasmim vattamāno napuṃsakasaddo **bhāvanapuṃsakaniddeso** nāma, kiriyāvisesanasaddoti attho. Ekamante ekasmim ante yuttappadeseti attho. **Khaṇḍiccādibhāvanti** khaṇḍitadantapalitatesādibhāvaṃ. **Rājaparivaṭṭeti** rājūnaṃ parivattanaṃ, paṭipāṭiyoti attho. Purātanuccakulappasutatāya jīṇṇatā, na vayasāti āha “cirakālappavattakulanvaye”ti. Vibhavānaṃ mahantattaṃ lāti gaṇhātīti mahallakoti āha “vibhavamahattatāya² samannāgate”ti. **Vibhāvane nāma attheti** pakativibhāvanasaṅkhāte atthe. Na abhivādeti vāti abhivādetabbanti na sallakkheti, evaṃ asallakkhaṇapakatikoti vuttaṃ hoti. Rūpaṃ niccaṃ vā aniccaṃ vāti etthāpi niccapakatikaṃ aniccapakatikaṃ vāti attho. **Aniccaṃ vāti** ettha vā-saddo avadhāraṇattho.

Sampatijātoti muhuttajāto, jātasamanantamevāti attho. **Sattapadavīti**hārena **gantvā** -pa- **olokesīti** ettha dvāraṃ pidhāya nikkhantoti-ādīsu viya gamanato pure katampi olokanāṃ pacchā

1. Cirappabaddha... (Ka)

2. Vibhavamahantatāya (Sī)

kataṃ viya vuttanti daṭṭhabbaṃ. **Olokesinti** ca lokavivaraṇapāṭihāriye jāte maṃsacakkhunā volokesīti attho. **Seṭṭhoti** pasatthataro. **Patimānesīti** pūjesi. **Āsabhinti** uttamaṃ.

3. **Taṃ vacananti** nāhaṃ taṃ brāhmaṇāti-ādivacanāṃ. **Aññāya saṅṭhaheyyāti** arahatte patiṭṭhaheyya. **Jātivasenāti** khattiyādi jātivaseṇa. **Upapattivaseṇāti** devesu upapattivaseṇa. **Āviñchantīti** ākaḍḍhanti. Yassa abhivādādikaraṇasaṅkhātassa sāmaggirasassa bhagavati abhāvaṃ maññamāno brāhmaṇo “arasarūpo”ti āha, tabbidhurassa rūpataṇhādikasappa sāmaggirasassa abhāvena bhagavā “arasarūpo”ti dassetuṃ sāmaggirasasaddassa rūparasādīsu vattanappakāraṃ dassento āha **vatthārammaṇādīti**-ādi.

Tālāvatthukatāti ucchinnamūlānaṃ tālānaṃ vatthu viya nesaṃ rūparasādīnaṃ vatthu cittasantānaṃ¹ katanti imasmim atthe majjhepadalopaṃ dīghaṅca katvā niddesoti āha **tālāvatthu viyāti**-ādi. Tālāvatthu viya yesaṃ vatthu kataṃ te tālāvatthukatāti visesaṇassa paranipāto daṭṭhabbo, kata tālāvatthukatāti attho. Matthakacchinnatāloyeva pattaphalādīnaṃ akāraṇatāya avatthūti tālāvatthu, taṃ viya yesaṃ vatthu kataṃ² te rūparasādāyo tālāvatthukatā, ayaṃ aññapadatthavasena atthaggaḥo heṭṭhā vuttanayena sugamoti visesamatthaṃ dassento āha “matthakacchinnatālo viya katā”ti. Evaṅca matthakasadesu rūparasādīsu rāgesu chinnesupi tabbatthubhūtassa tālāvatthusadisassa cittasantānaṃ yāva parinibbānaṭṭhānaṃ upapannameva hoti. Yathārutato pana visesanaṃ sāvaseṇa atthe gayhamāne rūparasādīnaṃ tālāvatthusadisatāya ṭhānaṃ āpajjati. Yaṃ pana **sāratthadīpaniyam**³ etaṃ dosaṃ pariharitum rūparasādīnaṃ kusalākusallatāṃ vuttam, taṃ te tathāgatassa pahīnāti-ādīpāḷiyā, kāmasukhassāsaṅkhātā rūparasāti-ādi aṭṭhakathāya ca na sameti, khīṇāsavānampi yāva parinibbānā kusalākusallānaṃ phaluppattito tesāṃ matthakacchinnatālasadisatāpi na yuttāti gahetabbaṃ. Atha vā matthakacchinnatālassa ṭhitaṃ aṭṭhitaṅca amanasikatvā puna anuppattidhammatāsadisamattāṃ upamētvā tālāvatthu viya katāti

1. Cittasantāne (Sī, Ka) 2. Vatthu avatthu kataṃ (Sī) 3. Sārattha-Ṭī 1. 340 piṭṭhe.

visesanasamāsavasena atthaggaṇeṇepi na koci doso. **Anu-saddo** pacchāti atthe vattatīti āha **pacchābhāvo na hotīti-ādi**. **Anu abhāvaṃ gatāti** pacchā anuppattidhammatāvasena abhāvaṃ gatā. **Anacchariyāti** anu anu uparūpari vimhayakatā¹ti attho. **Yañca kho tvaṃ vadesīti** yaṃ vandanādisāmaggīrasābhāvasaṅkhātāṃ kāraṇaṃ arasarūpatāya vadesi, taṃ kāraṇaṃ na vijjatīti attho.

4. **Sandhāyabhāsitamattanti**² yaṃ atthaṃ sandhāya brāhmaṇo nibbhogo bhavaṃ gotamoti-ādimāha, bhagavā ca yaṃ sandhāya nibbhogatādim attani anujānāti, taṃ sandhāyabhāsitamattam.

5. **Kulasamudācārakamanti** kulācārakammaṃ. Kāyato kāyadvārato pavattaṃ duccaritaṃ **kāyaduccaritaṃ**. **Anekavihitāti** anekappakārā.

6. **Pañcakāmaguṇikarāgassāti** rūpādīsu pañcasu kāmakoṭṭhāsesu ativiya saṅgavasena niyuttassa kāmarāgassa, etena anāgāmīnaṃ vatthābharaṇādīsu saṅganikantivasena uppajjanakāmarāgassa kāmarāgatā'bhāvaṃ dasseti tassa rūparāgādīsu saṅgahato. **Avasesānanti** ettha sakkāyadīṭṭhivicikicchānaṃ paṭhamena maggena, sesānaṃ catūhipi ucchedaṃ vadati, tenāha “yathānurūpan”ti.

7. **Jigucchati maññeti** jigucchati viya, “jigucchati”ti vā sallakkhemi. **Akosallasambhūtaṭṭhenāti** aññāṇasambhūtaṭṭhena.

8-10. **Tatrāti** yathāvuttesu dvīsu atthavikappesu. Paṭisandhipariyāyopi idha gabbhasaddoti āha “devalokapaṭisandhipaṭilābhāyā”ti. **Apunabbhavabhūtāti** khaṇe khaṇe uppajjamānānaṃ dhammānaṃ abhinibbanti.

11. **Dhammadhātunti** sabbaññutaññānaṃ. Tañhi dhamme yāthāvato dhāreti upadhāretīti “dhammadhātū”ti vuccati. **Desanāvīlāsappattoti** abhirucivasena³ parivattetvā desetum samatthatā desanāvīlāso, taṃ patto. **Karuṇāvīpphāranti** sabbasattesu mahākaruṇāya pharaṇaṃ. Tādiguṇalakkaṇameva upamāya vibhāvanto āha “pathavīsamacittatan”ti.

1. Vimhayakarā (Sī)

2. Sandhāya bhāsitamattanti (Ṭṭha)

3. Rucivasena (Sī)

Tatoyeva akujjhanasabhāvato **akuppadhammatā**. **Jātiyā anugatanti** jātiyā anubaddham. **Jarāya anusaṅgati** jarāya paliveṭṭhitam. **Vaṭṭakhāṇubhūṭanti** vaṭṭato uddharitum asakkuṇeyyatāya vaṭṭe niccalabhāvena ṭhitam khāṇu viya bhūtam. Jātānam maccānam niccaṇam maraṇato bhayanti āha **ajja maritvāti**-ādi. **Appaṭisamaṇam purejātabhāvanti** asadisamaṇam ariyāya jātiyā paṭhamajātabhāvaṇam, sabbajetṭhabhāvanti attho.

“Apī”ti avatvā “pī”ti vadanto **pi**-saddo visum atthi nipātoti dasseti. **Sammā adhisayikānīti** pādādīhi upaghātam akarontiyā sammadeva upari sayitāni, akammakassāpi sayatidhātuno adhipubbatāya sakammakatā daṭṭhabbā. **Nakhasikhāti** nakhaggāni. Sakuṇānam pakkhā hatthapādaṭṭhāniyāti āha “saṅkuṭitahatthapādā”ti. **Etthāti** ālokaṭṭhāne. **Nikkhamantānanti** nikkhamantesu, niddhāraṇe hetam sāmivacaṇam. **Aṇḍakosanti** aṇḍakapālam.

Lokoyeva **lokasannivāso**. Abujjhi etthāti rukkho **bodhi**, sayam bujjhati, bujjhanti vā tenāti maggopi sabbaññutaññāṇampi bodhi. Bujjhīyatīti nibbānam bodhi. **Antarā ca bodhinti** dutiyamudāharaṇam vināpi rukkhasaddena bodhisaddassa rukkhapavattidassanattham. **Varabhūrimedhasoti** mahāpathavī viya patthaṭapaññoti attho. **Tisso vijjāti** arahattamaggo attanā saha vattamānam sammādiṭṭhisāṅkhātam āsavakkhayaññāṇe itarā dve mahaggatavijjā ca tabbinibandhaka¹ kilesaviddhamsanavasena uppādanato “tisso vijjā”ti vuccati. **Cha abhiññāti** etthāpi ese va nayo. **Sāvakaṇāramiṇānanti** aggasāvakehi paṭilabhitabbaṇam sabbameva lokiyalokuttaraññāṇam. **Paccekabodhiññānanti** etthāpi ese va nayo.

Opammasampanipādananti opammatthassa upameyyena samaṇam paṭipādanam. **Atthenāti** upameyyatthena. **Tikkhakaravippasannasūrabhāvoti** iminā saṅkhārupekkhāpattatam vipassanāya dasseti. **Pariṇāmakāloti** iminā vuṭṭhānagāminibhāvāpattim. Tadā ca sā maggaññāgabbham dhārentī viya hotīti āha “gabbhaggahaṇakālo”ti. **Anupubbādhigatenāti** paṭhamamaggādipaṭipāṭiyā adhigatena. **Caturaṅgasamannāgatanti** “kāmaṇam taco ca nhāru ca aṭṭhi ca

1. Tabbibandhaka (Si)

avasissatu, sarīre upasussatu maṁsalohitan”¹ti¹ evaṁ
vuttacaturaṅgasamannāgataṁ vīriyaṁ.

Chando kāmoti-ādīsu patthanākārena pavatto dubbalo lobho
icchanatṭhena **chando**. Tato balavā rañjanaṭṭhena **rāgo**. Tatopi balavataro
chandarāgo. Nimittānubyañjanasaṅkappavasena pavatto **saṅkappo**. Tatopi
balavasaṅkappavaseneva pavatto **rāgo**. Tatopi balavataro **saṅkapparāgo**.
Svāyaṁ pabhedo ekasseva lobhassa pavatti-ākārabhedena avatthābhedena ca
vutto.

Paṭhamajjhānakathāvaṇṇanā

Seyyathidanti taṁ kathanti attho. **Etanti** pubbapadeyeva
avadhāraṇakaraṇaṁ, etaṁ atthajātaṁ vā. **Tannissaraṇatoti** tesāṁ kāmānaṁ
nissaraṇatā. **Esāti** evakāro. Kāmadhātu nāma kāmabhavo, **nekkhammanti**
paṭhamajjhānaṁ. **Esāti** niyamo.
Tadaṅgavikkhambhanasamucchedapaṭippassaddhinissaraṇavivekā
tadaṅgavivekādayo. Kāyacitta-upadhivivekā **kāyavivekādayo**, **tayo eva idha**
jhānakathāya, samucchedavivekādināṁ asambhavā. **Niddeseti** mahāniddese.
Tatthevāti mahāniddese eva. **Vibhaṅgeti** jhānavibhaṅge. **Evañhi satīti**
ubhayesampi kāmānaṁ saṅgahe satī.

Purimenāti kāyavivekena. **Etthāti** etasmiṁ kāyacittavivekadvaye.
Dutiyenāti cittavivekena. **Etesanti** yathāvuttanayena
vatthukāmakilesakā mavivekadvayassa vācakabhūtānaṁ vivicceva kāmehi
vivicca akusalehīti imesaṁ padānaṁ, niddhāraṇe cetāṁ sāmivacanaṁ.
Bālabhāvassa hetupariccāgoti anuvattati. Akusaladhammo hi bālabhāvassa
hetu. **Āsayaposananti** āsayassa visodhanaṁ vadḍhanañca. Vibhaṅge
nīvaraṇāneva vuttānīti sambandho. Tattha kāraṇamāha
“uparijhānaṅgapaccanīkapaṭipakkhabhāvadassanato”²ti. Tattha upari
savitakkanti-ādinā vuccamānāni jhānaṅgāni, tesāṁ attano paccanīkānaṁ
paṭipakkhabhāvadasanatotipi² pāṭho. Tattha “upari
vuccamānajhānaṅgānaṁ ujuvipaccanīkavasena paṭipakkhabhāvadassanato”²ti
“nīvaraṇānaṁ tāneva vibhaṅge vuttānī”²tipi atthaṁ

1. Ma 2. 146; Saṁ 1. 266; Aṁ 1. 52; Khu 7. 379 piṭṭhādīsu. 2. Bhāvadassanatotipi (Sī)

vadanti. **Peṭaketi** mahākaccāyanattherena kataṃ nettippakaraṇanayānusāripakaraṇaṃ, taṃ pana piṭakānaṃ vaṇṇanābhūtattā “peṭakan”ti vuttaṃ, tasminti attho.

Vitakkaṇaṃ nāma ārammaṇaparikkappananti āha “ūhanan”ti. Rūpaṃ rūpanti-ādinā visaye ākoṭentassa visayappavatti-āhananaṃ upari āhanananti veditabbaṃ. **Ārammaṇe cittaṃ ānayaṇaṃ** nāma ārammaṇābhimukhakarāṇaṃ. **Anusañcaraṇanti** anuparibbhamanaṃ¹, tañca khaṇantarassa² tathākārena uppādanameva, na hi paramatthato ekassa sañcaraṇamatthi, evamaññatthāpi īdisesu. **Anumajjananti** parimajjanaṃ. **Tatthāti** ārammaṇe. **Sahajātanuyojanaṃ** sakiccānuvattitākaraṇena³. **Katthacīti** dutiyajjhānavirahitesu savicāracittesu sabbatthāti attho. Vicārena saha uppajjamānopi vitakko ārammaṇe abhiniropānākārena pavattim sandhāya “paṭhamābhiniṭāto”ti vutto. **Vipphāravāti** avūpasantasabhāvatāya vegavā, tenevesa dutiyajjhāne pahānaṅgaṃ jātaṃ. **Paṭhamadutiyajjhānesūti** pañcakanayaṃ sandhāya vuttaṃ. Aṅgavinimuttassa jhānassa abhāvaṃ dassento **rukko viyāti**-ādimāha.

Vivekasaddassa bhāvasādhanapakkhe “tasmā vivekā”ti vuttaṃ, itarapakkhe “tasmiṃ viveke”ti. **Pinayatīti** tappeti, vaḍḍheti vā. **Pharaṇarasāti** paṇītarūpehi kāye byāpanarasā. **Sātalakkhaṇanti** iṭṭhasabhāvaṃ, madhuranti attho. Sampayuttānaṃ pīḷanajjuhekkhanaṃ akatvā anu anu gaṇhanaṃ upakāritā⁴ vā **anuggaho**. Vanameva **vanantaṃ**. Udakameva **udakantaṃ**. **Tasmiṃ tasmiṃ samaye pākaṭabhāvatoti** iminā iṭṭhārammaṇādipaṭilābhasamayepi sukhaṃ vijjamānampi apākaṭaṃ, pītiyeva tattha pākaṭā, paṭiladdharasānubhavanasamaye ca vijjamānapītipi sukhameva pākaṭataranti dasseti. Ettha ca cetasikasukhavaseneva paṭiladdharasānubhavanaṃ veditabbaṃ, na kāyikasukhavasena tassa pītisampayogasseva abhāvena idhānadhīppetattā. **Ayañca pīti**-ādi aññapadatthasamāsadassanaṃ, assatthipakkhe taddhitapaccayadassanaṃ vā. Dutiyavikappena aññapadatthasamāsavaseneva “vivekajaṃ pītisukhan”ti idaṃ ekaṃ padanti dasseti, vibhattiyā ca alopaṃ.

1. Anuparigamaṇaṃ (Ka) 2. Khaṇantassa (Ka) 3. ...kāraṇena (Si) 4. Upakārikā (Si)

Gaṇanānupubbatā¹ti desanākkamaṃ sandhāya vuttaṃ. **Paṭhamam samāpajjati**ti idaṃ ādikammikavasena vuttaṃ, ciṇṇavasīnaṃ pana yogīnaṃ uppaṭipāṭiyāpi jhānaṃ uppajjateva. **Jhāpeti**ti dahati. Aniccādilakkhaṇavisayāya vipassanāya upanijjhāyanaṃ kathaṃ nibbānālambanassa maggassa hotīti āha **vipassanāyāti**-ādi. Tattha **maggena sijjhati**ti niccādivipallāsappahāyakena saha maggeneva taṃ lakkhaṇūpanijjhānaṃ asammohato attano sijjhati. Atha vā maggenāti maggakiccena, vipallāsappahānenāti attho.

Aññoti satto. **Avuttattāti** “sacittekaggatan”ti **jhānapāliyaṃ**² avuttattā. **Vuttattāti** tassā jhānapāliyā **vibhaṅge**² vuttattā.

Dutiyajjhānakathāvaṇṇanā

Ajjhattanti jhānavisesanattā vuttaṃ “idha niyakajjhattamadhippetan”ti. Jhānañhi ajjhatajjhattam na hoti chaḷindriyānameva³ tabbhāvato. Khuddakā ūmiyo **vīciyo**. Mahatiyo **tarāṅgā**. **Santā honti samitāti**-ādīni aññamaññavevacanāni, jhānabalena samatikkantāti adhippāyo. **Appitāti** gamitā vināsaṃ pāpitā. **Pariyāyoti** jhānaparikkhāre jhānavohārattā aparamatthato.

Tatijjajjhānakathāvaṇṇanā

Tadadhigamāyāti tatiyamaggādhigamāya. **Upapattito ikkhatīti** paññāya sahacaraṇaparicayena yathā samavāhibhāvo hoti, evaṃ yuttito passati. **Vipulāyāti** mahaggatabhāvappattāya. **Thāmagatāyāti** vitakkavicārapītivigamena thirabhāvappattiyā, teneva vakkhati “vitakkavicārapītihi anabhibhūtattā”ti-ādi⁴. Upekkhābhedaṃ dassetvā idhādhippetam upekkham pakāsetum **upekkhā panāti**-ādi vuttaṃ. Tattha tatramajjhattatā va khīṇāsavānaṃ iṭṭhāniṭṭhachaḷārammaṇāpāthe parisuddhapakatibhāvāvijahanākārena ajjhupekkhanato “chaḷaṅgupekkhā”ti ca, sattesu majjhattākārappavattattā “brahmavihārupekkhā”ti ca, sahajātadhammānaṃ majjhattākārabhūtā “bojjhaṅgupekkhā”ti ca, kevalā

1. Gaṇanānupubbato (Sī)

3. Cakkhundriyādīnameva (Sī)

2. Abhi 2. 253 piṭṭhe.

4. Vi-Ṭṭha 1. 121 piṭṭhe.

“tatramajjhattupekkhā”ti ca, tatiyajjhānasahagatā aggasukhepi tasmim̐ apakkhapātabhūtā “jhānupekkhā”ti ca, catutthajjhānasahagatā sabbapaccanīkapaṇisuddhitāya “pārisuddhupekkhā”ti ca tena tena avatthābhedenā chadhā vuttā.

Vīriyameva pana anaccāraddha-anatisithilesu saha-jātesu saṅkhāresu upekkhanākārena pavattaṃ “vīriyupekkhā”ti vuttaṃ. Aṭṭhannaṃ rūpārūpajjhānānaṃ paṭilābhato pubbabhāge eva nīvaraṇavitakkavicārādīnaṃ pahānābhīmukhībhūtattā tesam̐ pahānepi abyāpārābhāvūpagamanena majjhattākārappavattā samādhivasena uppannā aṭṭha paññā ceva upādānakkhandhabhūtesu saṅkhāresu ajjupekkhanākārappavattā vipassanāvasena uppannā catunnaṃ maggānaṃ pubbabhāge tassa tassa adhigamāya catasso catunnaṃ phalasaṃpattīnaṃ pubbabhāge tassa tassa adhigamāya appaṇihitavimokkhavasena pavattā catasso suññata animittavimokkhavasena dvēti dasa paññā cāti ime aṭṭhārasa paññā **saṅkhārupekkhā** nāma. Yathāvuttavipassanāpaññāva lakkhaṇavicīnanepi majjhattabhūtā **vipassanupekkhā** nāma. Adukkhamasukhavedanā **vedanupekkhā** nāma. Imāsam̐ pana dasannampi upekkhānaṃ “tattha tattha āgatanayato vibhāgo **dhammasaṅgani-aṭṭhakathāyaṃ** vuttanayena veditabbo”ti dassento āha **evamayam̐ dasavidhāpīti**-ādi. Tattha tattha āgatanayatoti idampi hi tāsam̐ vibhāgadassanassa bhūmipuggalādīpadam̐ viya visum̐ mātikāpadavasena vuttaṃ, na pana bhūmipuggalādivasena vibhāgadassanassa āgataṭṭhānaparāmasanaṃ āgataṭṭhānassa aṭṭhasāliniyāti-ādinā vuttattā, tasmā **sāratthadīpaniyam̐**¹ yaṃ vuttaṃ “imāsam̐ pana dasannampi upekkhānaṃ bhūmipuggalādivasena vibhāgo tattha tattha vuttanayeneva veditabboti dassento āha evamayam̐ dasavidhāti-ādī”ti, tam̐ amanasikatvā vuttanti gahetabbaṃ. **Tattha tattha āgatanayatoti** “idha (Khīṇāsavo)² bhikkhu cakkhunā rūpaṃ disvā neva sumano hoti, na dummano, upekkhako viharati sato sampajāno”ti-ādinā³ chaḷaṅgupekkhā āgatā, “upekkhāsahagatena cetasaṃ ekam̐ disam̐ pharitvā viharati”ti⁴ evam̐ brahmavihārupekkhā āgatāti iminā

1. Sārattha-Ṭī 1. 374 piṭṭhe. 2. (Sabbattha) 3. Dī 3. 224; Am̐ 2. 247 piṭṭhesu. 4. Dī 3. 187; Ma 1. 47; Ma 2. 263; Ma 3. 185 piṭṭhādīsu.

nayena dasannampi upekkhānaṃ tattha tattha vuttapadesesu
āgatanayadassanato ca ayaṃ dasavidhāpi upekkhā
dhammasaṅgahaṭṭhakathāyaṃ vuttanayeneva veditabbāti sambandho.

Bhūmīti-ādīsu pana chaḷaṅgupekkhā kāmāvacarā, brahmavihārupekkhā rūpāvacarāti-ādinā **bhūmito** ca, chaḷaṅgupekkhā asekkhānameva, brahmavihārupekkhā puthujjanādīnaṃ tiṇṇampi puggalānanti-ādinā **puggalato** ca, chaḷaṅgupekkhā somanassupekkhāsahagatacittasampayuttāti-ādinā **cittato** ca, chaḷaṅgupekkhā chaḷārammaṇāti-ādinā **ārammaṇato** ca, “vedanupekkhā vedanākkhandhena saṅgahitā, itarā nava saṅkhārakkhandhenā”ti **khandhasaṅgahasena** ca, “chaḷaṅgupekkhā brahmavihārabojjhaṅga jhāna pārisuddhi tatramajjhattupekkhā ca atthato ekā. Tasmā ekakkaṇe ca tāsu ekāya sati itarā na uppajjanti, tathā saṅkhārupekkhā vipassanupekkhāpi veditabbā. Vedanāvīriyupekkhānamekakkhaṇe siyā uppattī”ti **ekakkaṇavasena** ca, “chaḷaṅgupekkhā abyākatā brahmavihārupekkhā kusalābyākatā, tathā sesā. Vedanupekkhā pana siyā akusalāpī”ti evaṃ **kusalattikavasena** ca, “saṅkhepato cattāro ca dhammā vīriyavedanātatramajjhattatāñāṇavasenā”ti eva **saṅkhepavasena** ca ayaṃ dasavidhāpi upekkhā **dhammasaṅgahaṭṭhakathāyaṃ** vuttanayeneva veditabbāti yojanā.

Ettha cetā kiñcāpi **aṭṭhasālīniyaṃ** bhūmipuggalādivasena sarūpato uddharitvā na vuttā¹, tathāpi tattha vuttapakāreheva tāsāṃ bhūmipuggalādivibhāgo nayato uddharitvā sakkā ñātunti tattha sarūpato vuttañca avuttañca ekato saṅgahetvā tattha tattha āgatanayatoti-ādīhi navahi pakārehi atideso kato, teneva “dhammasaṅgahaṭṭhakathāyaṃ vuttavasenā”ti avatvā “**vuttanayenevā**”ti vuttaṃ. Tathāhi khīṇāsavo bhikkhu cakkhunā rūpaṃ disvāti-ādīmhi vutte chaḷaṅgupekkhā rūpādi-ārammaṇatāya bhūmito kāmāvacarā ca puggalato asekkhānameva ca uppajjati, cittato somanassupekkhācittasampayuttā, ārammaṇato chaḷārammaṇā, kusalattikato abyākatā cāti paṇḍitehi

1. Uddharitvāna vuttā (Sī)

sakkā ñātuṃ, tathā chaḷaṅgupekkhā ca brahmavihārupekkhā ca tatramajjhattupekkhā ca jhānupekkhā ca pārisuddhupekkhā ca atthato ekāti-ādimhi vutte panassa saṅkhārakkhandhasaṅgahitattā brahmavihārupekkhādīhi saha ekakkhaṇe anuppatti-ādayo ca sakkā ñātuṃ, yathā ca chaḷaṅgupekkhā, evaṃ sesānampi yathārahaṃ aṭṭhasāliniyaṃ vuttanayato bhūmi-ādivibhāguddhāranayo ñātabbo. **Anābhogarasāti** paṇītasukhepi tasmim̐ avanatipaṭipakkhakiccāti attho.

Puggalenāti puggalādhiṭṭhānena. Kilesehi sampayuttānaṃ **ārakkhā**. **Tīraṇaṃ** kiccassa pāragamaṇaṃ. **Pavicayo** vīmaṃsā. **Idanti** satisampajaññaṃ. Yaṃ tassa nāmakāyena sampayuttaṃ sukhanti imassa tasmā etamatthanti-ādinā sambandho. **Tassāti** jhānasamaṅgino. **Taṃsamuṭṭhānenāti** taṃ yathāvuttanāmakāyasampayuttaṃ sukhaṃ samuṭṭhānaṃ kāraṇaṃ yassa rūpassa tena taṃsamuṭṭhānena rūpena. **Assāti** yogino. **Yassāti** rūpakāyassa. **Phuṭṭātāti** atipaṇītena rūpena phuṭṭatā. **Etamatthaṃ dassentoti** kāyikasukhahetubhūtarūpasamuṭṭhāpakanāmakāyasukhaṃ paṭisaṃvediyamāno eva jhānasamaṅgitākaraṇe kāriyopacārato “sukhañca kāyena paṭisaṃvedetī”ti vuccatīti imamatthaṃ dassentoti attho. **Yanti** hetu-atthe nipātoti āha “**yaṃjhānahetū**”ti. **Sukhapāramippatteti** sukhasa ukkaṃsapariyaṇtaṃ patte. Evametesaṃ pahānaṃ veditabbanti sambandho. Atha kasmā jhānesveva nirodho vuttoti sambandho.

Catutthajjhānakathāvaṇṇanā

Kattha cuppannanti ettha **katthāti** hetumhi bhummam̐, kasmim̐ hetumhi satīti attho. **Nānāvajjaneti** appanāvīthi-āvajjanato nānā bhinnaṃ purimavīthīsu āvajjanaṃ yassa upacārassa, tasmim̐ nānāvajjane. Visamanisajjāya uppannakilamatho visamāsanu’patāpo. **Upacāre vāti**-ādi pakkhantaradassanaṃ ekāvajjanūpacārepi vāti attho. **Pītipharaṇenāti** iminā appanāvīthiyā viya ekavīthiyampi kāmāvacarapīthiyā pharaṇamattassa abhāvaṃ dasseti. Domanassindriyassa assa siyā uppattīti sambandho. **Ekanti** domanassindriyaṃ uppajjatīti sambandho. **Vitakkavicārappaccayepīti** pi-saddo aṭṭhānappayutto. So “pahīnassā”ti heṭṭhā vuttapadānantaraṃ

yojetabbo “pahīnassāpi domanassindriyassā”ti. **Vitakkavicārabhāveti** ettha “uppajjati domanassindriyan”ti ānetvā sambandhitabbaṃ. Nimittatthe cetam bhummaṃ, vitakkavicārabhāvahetūti attho. **Vitakkavicārāti** ettha itisaddo tasmāti etasmim atthe daṭṭhabbo, tena yasmā etaṃ domanassindriyaṃ vitakkavicārapaccaye -pa- neva uppajjati, yattha pana uppajjati, tattha vitakkavicārabhāveyeva uppajjati. Yasmā ca appahīnāyeva dutiyajjhānūpacāre vitakkavicārā, tasmā tatthassa siyā uppattīti evamettha yojanā veditabbā.

Tatthāti dutiyajjhānūpacāre. **Assāti** domanassindriyassa. **Siyā uppattīti** idaṅca paccayamattadassanena sambhāvanamattato¹ vuttam. Domanassuppattisambhāvanāpi hi upacārakkhaṇeyeva kātuṃ yuttā, vitakkavicārarahite pana dutiyajjhānakkhaṇe taduppattisambhāvanāpi na yuttā kātunti. Itarathā kusalacittakkhaṇe akusaladomanassuppattiyā asambhavato “tatthassa siyā uppattī”ti na vattabbaṃ siyā. Samīpatthe vā etaṃ bhummaṃ, upacārajjhānānantaravīthīsūti attho. **Dutiyajjhāneti** etthāpi anantaravīthīsūpi na tveva uppajjati attho, evaṃ upari sukhindriyepi. Somanassindriyassa uppattīti sambandho. **Pahīnāti vuttāti** idaṃ “pañcannaṃ orambhāgiyānaṃ saṃyojanānaṃ parikkhayā”ti vuttattā vuttam. **Dukkhabhāvenāti** dukkhatābhāvena. Evaṃ **sukhabhāvenāti** etthāpi. **Etenāti** dukkhasukhapaṭikkhepavacanena. **Iṭṭhāniṭṭhaviparītānubhavanalakkhaṇāti** ati-iṭṭha-ati-aniṭṭhānaṃ viparītassa majjhattārammaṇassa anubhavanalakkhaṇā, majjhattārammaṇampi hi iṭṭhāniṭṭhesu eva pavitṭhaṃ tabbinimuttassa abhāvā.

Jhānacatukkakathāvaṇṇanāyō niṭṭhito.

Pubbenivāsakathāvaṇṇanā

12. Arūpajjhānānampi aṅgasamatāya catutthajjhāne saṅgahoti āha **kesaṅci abhiññāpādakānīti**-ādi, teneva vakkhati “aṭṭha samāpattiyō nibbattetvā”ti-ādi². Tesu ca catutthajjhānameva abhiññāpādakaṃ

1. Sambhavanamattato (Sī)

2. Vi-Ṭṭha 1. 126 piṭṭhe.

nirodhapādakaṃ hoti, na itarāni. Dūrakāraṇataṃ pana sandhāya “cattāri jhānāni”ti nesampi ekato gahaṇaṃ katanti daṭṭhabbā. **Cittekaggatathānī**ti idaṃ diṭṭhadhammasukhavihāraṃ sandhāya vuttanti āha **khīṇāsavānanti**-ādi. **Sabbakiccasādhakanti** dibbavīhārādisabbabuddhakiccasādhakaṃ. **Sabbalokiyalokuttaragaṇadāyakaṃ** iminā yathāvuttaṃ vipassanāpādakattādisabbāṃ sampiṇḍeti. Idañhi jhānaṃ bhagavato sabbabuddhagaṇadāyakaṃ maggañāṇassa padaṭṭhānattā evaṃ vuttanti daṭṭhabbā. **Yathayidanti** yathā idaṃ. **Abhinīhārakkhamanti** iddhividhādī-atthaṃ tadabhimukhaṃ nīharaṇayoggaṃ.

Jhānappaṭilābhapaccayānanti jhānappaṭilābhahetukānaṃ jhānappaṭilābhaṃ nissāya uppajjanakānaṃ. **Pāpakānanti** lāmakānaṃ. **Ichhāvaccarānanti** icchāya vasena otiṇṇānaṃ nīvaraṇabhāvaṃ tadekaṭṭhatañca appattānaṃ attukkaṃsanādivasappavattānaṃ aho vata mameva satthā paṭipucchitvā bhikkhūnaṃ evarūpaṃ dhammaṃ deseyyāti-ādinayappavattānaṃ mānādīnaṃ. Potthakesu pana “jhānappaṭilābhapaccanīkānaṃ”tipi pāṭhaṃ likhanti, so pamādapāṭhoti gahetabbo “jhānappaṭilābhapaccanīkānaṃ nīvaraṇānaṃ abhāvassa nīvaraṇadūrībhāvena parisuddho”ti evaṃ pubbe parisuddhapadeyeva vuttattā. **Sāratthadīpaniyaṃ**¹ pana “icchāvaccarānanti icchāya avaccarānaṃ icchāvāsena otiṇṇānaṃ pavattānaṃ nānappakārānaṃ kopa-appaccayānanti atthoti ayampi pāṭho ayutto evāti gahetabbā. Tato eva ca **visuddhimagge** ayaṃ pāṭho sabbena sabbāṃ na dassito”ti vuttaṃ. Tattha ca nānappakārānaṃ kopa-appaccayānanti evaṃ nīvaraṇabhāvappattadosānaṃ parāmaṭṭhattā ayaṃ pāṭho paṭikkhittoti veditabbo.

Abhijjhādīnanti ettha² abhijjhāsaddena ca² anīvaraṇasabhāvasseva lobhassa mānādīnaṃ gahaṇaṃ jhānappaṭilābhapaccayānanti anuvattamānattā. **Ubhayampīti** anaṅgaṇattaṃ vigabhūpattilesattañcāti etaṃ ubhayampi yathākkamaṃ **anaṅgaṇasutta vatthasuttā**anusāreṇeva veditabbā. Tesu ca suttesu kiñcāpi nīvaraṇasabhāvappattā thūladosaṃpi vuttā, tathāpi adhigatacatutthajjhānaṃ vasena vuttattā idha sukhumā eva te gahitā. Aṅgaṇupakkilesasāmaññena panettha suttaṃ apadisaṇaṃ. Tathā hi “suttānusāreṇā”ti vuttaṃ, na pana suttavasenāti.

1. Sārattha-Ṭī 1. 387 piṭṭhe.

2-2. Abhijjhāsaddena ādisaddena ca (Sī)

Pubbenivāsānussatiyaṃ nāṇaṃ pubbenivāsānussatiñāṇanti nibbacanaṃ dassento āha **pubbenivāsānussatimhīti**-ādi. Idāni pubbenivāsāṃ pubbenivāsānussatim tattha nāṇaṅca vibhāgato dassetuṃ **tatthāti**-ādi vuttaṃ. **Pubba**-saddo atītabhavavisaṃyo, **nivāsa**-saddo ca kammaśādhanaṃ āha “pubbe atītajātīsu nivutthakkhandhā”ti. Nivutthataṃ cettha sakasantāne pavattatā, tenāha **anubhūti**-ādi. Idāni saparasantānasādhanavasena nivāsasaddassa atthaṃ dassetuṃ “nivutthadhammā vā nivutthā”ti vatvā taṃ vivarituṃ **gocaranivāsenāti**-ādi vuttaṃ. Gocarahūtāpi hi dhammā nāṇena nivutthā nāma honti, te pana saparaviññāṇagocaratāya duvidhāti dassetuṃ **attanoti**-ādi vuttaṃ. Paraviññāṇaviññātāpi vā nivutthāti sambandho. Idhāpi paricchināti padaṃ ānetvā sambandhitabbaṃ. Anamataggepi hi saṃsāre attanā aviññāṇapubbānaṃ sattānaṃ khandhā pareheva kehici viññātattā paraviññāṇaviññātā nāma vuttā, tesāṃ anussaraṇaṃ purimato¹ dukkaraṃ yehi parehi viññātātāya te paraviññāṇaviññātā nāma jātā, tesāṃ vattamānasantānānusārena viññātābato. Te ca paraviññāṇaviññātā duvidhā parinibbutā aparinibbutāti. Tesu ca parinibbutānussaraṇaṃ dukkaraṃ sabbaso susamucchinnasantānattā. Taṃ pana sikhāppattaparaviññātāṃ pubbenivāsāṃ dassetuṃ “chinnavaṇṇamakānussaraṇādīsū”ti vuttaṃ. Tattha **chinnavaṇṇamakā** atīte parinibbutā khīṇāsavā chinnasaṃsāramaggatā. **Ādi**-saddena aparinibbutānaṃ paraviññāṇaviññātānaṃpi sīhokkantikavasena anussaraṇaṃ gahitaṃ. Yāya satiyā pubbenivāsāṃ anussarati, sā pubbenivāsānussatīti ānetvā sambandhitabbaṃ.

Vihita-saddo vidhasaddapariyāyoti āha “anekavidhan”ti bhavayoni-ādivasena bahuvihanti attho. **Vihitanti** vā payuttaṃ vaṇṇitanti atthaṃ gahetvā “anekhehi pakārehi vihitan”ti vattabbe majjhepadalopaṃ katvā niddiṭṭhanti āha “anekhehi -pa- saṃvaṇṇitan”ti. **Pakārehīti** nāmagottādipakārehi. **Saṃvaṇṇitanti** buddhādīhi kathitaṃ. Anusaddo anantarathadīpakoti āha “abhininnāmitamatte evā”ti etena ca parikammaṃ āradhataṃ dasseti. **Pūritapāramīnañhīti**-ādinā parikammaṃ vināpi siddhiṃ dasseti.

1. Pārimato (Sī, Ka)

Āraddhappakāradassanattheti anussarituṃ āraddhānaṃ pubbe nivutthakkhandhānaṃ dassanatthe. Jāyatīti jāti, bhavo. So ekakammamūlako ādānanikkheparicchinno khandhappabandho idha “jāti”ti adhippetoti āha **ekampīti**-ādi. **Kappoti** asaṅkhyeyyakappo, so pana atthato kālo tathāpavattadhammamupādāya paññatto, tesāṃ vasenassa parihāni ca vaḍḍhi ca veditabbā. Saṃvaṭṭo saṃvaṭṭanaṃ vināso assa atthīti saṃvaṭṭo, asaṅkhyeyyakappo. Saṃvaṭṭena vināsenā saha tiṭṭhati sīlenāti **saṃvaṭṭatṭhāyī**. Evaṃ **vivaṭṭoti**-ādīsupi. Tattha vivaṭṭanaṃ vivaṭṭo, uppatti, vaḍḍhi vā. Tejena vināso **Tejosāṃvaṭṭo**. **Vitthārato panāti** puthulato pana saṃvaṭṭasīmābhedo natthi, tenāha “sadāpī”ti. Ekanagariyā viya assa jātakkaṇe vikārāpajjanato jātikkhettavohāroti dassetuṃ “paṭisandhi-ādīsū kampaṭī”ti vuttaṃ. **Ānubhāvo pavattatīti** tadantogadhānaṃ sabbesaṃ sattānaṃ rogādi-upaddavo vupasammatīti adhippāyo. **Yaṃ yāvatā vā pana ākaṅkheyyāti vuttanti** yaṃ visayakkhettaṃ sandhāya ekasmiṃ eva kaṇe sabbattha sarena abhiviññāpanaṃ, attano rūpakāyadassanañca paṭijānanta bhagavatā “yāvatā vā pana ākaṅkheyyā”ti vuttaṃ.

Etesūti niddhāraṇe bhummaṃ. **Pavattaphalabhojanoti** sayāmpatitaphalāhāro, idañca tāpasakālaṃ sandhāya vuttaṃ. **Idhūpapattiyāti** idha carimabhava upapattiyā. **Ekagottoti** tusitagottena ekagotto. **Itareti** vaṇṇādayo. **Titthiyāti** kammaphalavādino. **Abhinīhāroti** abhinīhāropalakkhito puññaññāṇasambharaṇakālo vutto. **Cutipāṭisandhivasenāti** attano parassa vā tasmim tasmim attabhāve cutim disvā antarā kiñci anāmasitvā paṭisandhiyā eva gahaṇavasena evaṃ jānanaṃ icchitappadesokkamananti āha **tesañhīti**-ādi. **Ubhayathāpīti** khandhapaṭipāṭiyāpi cutipāṭisandhivasenapi. **Sīhokkantavasenaṭīti** sīhanipātavasenaṭīti. Kilesānaṃ ātāpanaparitāpanaṭṭhena vīriyaṃ ātāpoti āha “vīriyātāpenā”ti.

Dibbacakkhuñṇakathāvaṇṇanā

13. Divi bhavattā dībanti devānaṃ pasādacakkhu vuccatīti āha “dibbasadisattā”ti. **Dūrepīti pi-**saddena sukhumassāpi ārammaṇassa gahaṇaṃ. Vīriyārambhavasena ijjhanato sabbāpi bhāvanā, padhānasāṅkhārasamannāgato vā iddhipādabhāvanāvisesato vīriyabhāvanāti āha “vīriyabhāvanābalanibbattan”ti. **Dībavihāravasenāti** kasiṇādiijjhānacatukkavasena. Iminā dūrakāraṇatthe assa dībbabhāvamāha. **Dībavihārasannissitattāti** iminā āsannakāraṇabhūtapādakajjhānato nibbattanti dībavihārasannissitattāti imassa dībavihārapariyāpannaṃ attanā sampayuttaṃ rūpāvacaracatutthajjhānaṃ nissayapaccayabhūtaṃ nissāya dībbacakkhuñṇassa pavattattātipi attho. Divudhātussa jutigatiyogaṃ sandhāya **ālokapariggahenāti-**ādi vuttaṃ. Tattha **ālokapariggahenāti** kasiṇālokapariggahavasena. **Dassanattṭhenāti** rūpadassanabhāvena, iminā “cakkhati rūpaṃ vibhāvetī”ti nibbacanato cakkhuttaṃ dasseti. **Cakkhukiccakaraṇenāti** idaṃ cakkhumiva cakkhūti upamāya sadisanimittadassanaṃ, samavisamādidassanasāṅkhātassa cakkhukiccassa karaṇatoti attho.

Yathāhāti upakkilesasuttappadesaṃ¹ nidasseti. Tattha **vicikicchāti-**ādīsu bhagavato bodhimūle anabhisambuddhasseva dībbacakkhunā nānāvīdhāni rūpāni passantassa “idaṃ nu kho kiṃ, idaṃ nu kho kin”ti vicikicchā uppannā, tato pana vicikicchānivattanatthaṃ tāni rūpāni **amanasikaroto** amanasikarontassa thinamidhmaṃ uppannaṃ, tato nivattanatthaṃ puna sabbarūpāni manasikaroto rakkhasādīsu chambhitattaṃ uppannaṃ, “kimettha bhāyitabban”ti bhayavinodanavasena manasikaroto attano manasikāraṅkosallaṃ paṭicca uppilasāṅkhātā² samādhidūsikā gehasitapīti uppannā, tannisedhāya manasikāravīriyaṃ sithilaṃ karontassa kāyālasīyasaṅkhātāṃ duṭṭhullaṃ, tannisedhāya puna vīriyaṃ paggaṇhato accāradhāvīriyaṃ, puna tannisedhāya vīriyaṃ sithilayato atilīnavīriyaṃ uppannaṃ, tannisedhetvā dibbarūpāni passato abhijappāsaṅkhātā taṅhā uppannā, tannisedhāya hīnādinānārūpāni manasikaroto nānārammaṇavikkhepasāṅkhātā nānattasaññā uppannā. Puna taṃ vihāya ekameva manasikaroto atinijjhāyitattaṃ³ rūpānaṃ

1. Ma 3. 199 piṭṭhe.

2. Ubbillasaṅkhātā (Sī)

3. Atinijjhāyitattānaṃ (Sī)

ativiya cintanaṃ uppannaṃ. **Obhāsanti** parikammasamuṭṭhitaṃ obhāsaṃ. **Na ca rūpāni passāmīti** “parikammobhāsamanasikārapasutatāya dibbacakkhunā rūpāni na passāmī”ti evaṃ uppattikkamasahito attho veditabbo, manussānaṃ idanti mānusakam mānusakacakkhugocaraṃ thūlarūpaṃ vuccati. Tadeva manussānaṃ dassanūpacārattā manussūpacāroti āha “manussūpacāraṃ atikkamitvā”ti. **Rūpadassanenāti** dūrasukhumādirūpadassanena.

Yasmā niyamena purejātaṭṭhitarūpārammaṇaṃ dibbacakkhuññaṇaṃ āvajjanaparikammehi vinā na uppajjati, na ca uppajjamānaṃ bhijjamānaṃ rūpamassa ārammaṇaṃ hoti dubbalattā, cuticittaṅca kammajarūpassa bhaṅgakkhaṇe eva uppajjati, paṭisandhicittaṅca upapattikkhaṇe, tasmā āha **cutikkhaṇeti**-ādi. Rūpadassanamevettha sattadassananti **cavamāneti**-ādinā puggalādhīṭṭhānena vuttaṃ. **Abhirūpe virūpetipīti** idaṃ vaṇṇasaddassa saṅghānavācakataṃ sandhāya vuttaṃ mahantaṃ hatthirājavaṇṇaṃ abhinimminivāti-ādīsu¹ viya. Sundaraṃ gatiṃ gatāsugatāti āha “sugatigate”ti. **Iminā pana padenāti** yathākammupageti iminā padena.

Nerayikānaṃ aggijālasatthanipātādīhi vibhinnasarīravaṇṇaṃ disvā tadanantarehi kāmāvacarajaneheva ñātaṃ tesam dukkhānubhavanampi dassanaphalāyattatāya “dibbacakkhukiccamevā”ti vuttaṃ. **Evaṃ manasikarotīti** tesam kammaṃ ñātukāmatāvasena pādakajjhānaṃ samāpajjitvā vuṭṭhāya parikammavasena kinu khoti-ādinā manasikaroti. Athassa taṃ kammaṃ ārammaṇaṃ katvā āvajjanaparikammādīnaṃ upari uppannena rūpāvacaracattahajjhānena sampayuttaṃ yaṃ ñānaṃ uppajjati, idaṃ yathākammupagaññaṇaṃ nāmāti yojanā. Devānaṃ dassanepi eseva nayo. **Visuṃ parikammanti** pubbenivāsādīnaṃ viya dibbacakkhuññaṇaparikammaṃ vinā visuṃ parikammaṃ natthi. Keci panettha “pādakajjhānasamāpajjanaparikammehi kiccaṃ natthi, kinu kho kammanti-ādi manasikārānantarameva kammaṃ. Kammasīsena taṃsampayutte ca dhamme ārammaṇaṃ katvā appanāvīthi uppajjati. Evamanāgataṃsaññaṇepi, teneva visuṃ parikammaṃ nāma natthi -pa-dibbacakkhunā saheva ijjhantīti vuttaṃ”ti vadanti. Taṃ na gahettabbaṃ vasībhūtānampi abhiññānaṃ pādakajjhānādiparikammaṃ vinā anuppattito. Pādakajjhānādimatthena ca visuṃ parikammaṃ nāma na hotīti dibbacakkhunāva etāni

1. Saṃ 1. 105 piṭṭhe.

ñāṇāni siddhānīti gahetabbaṃ. **Evaṃ anāgataṃsaññāssāpī**ti dibbacakkhunā diṭṭhassa sattassa anāgate pavattim nātukāmatāya pādakajjhānādīnāmanantaraṃ ñāṇabalānurūpaṃ anāgatesu anekakappesu uppajjanārahe pubbe attabhāvapariyāpanne pañcakkhandhe tappaṭibaddhe tadārammaṇe ca sabbe lokiyalokuttaradhamme sammutiñca ekakkhaṇe ālambitvā uppajjanakassa catutthajjhānasampayuttassa anāgataṃsaññāssāpī visum parikkammaṃ nāma natthīti yojanā.

Keci panettha “pubbenivāsānussatiyaṃ viya nāmagottādigahaṇampi attheva, tañca na abhiññākkhaṇe, atha kho tadanantaresu kāmāvacarajanakkhaṇesu eva hoti nāmaparikappakāle itaraparikkappāsambhavā kammenuppattiyañca pariyantābhāvā. Sabbaparikkammanimittesu pana dhammesu atthesupi ekakkhaṇe abhiññāya diṭṭhesu yathārucivasena pacchā evaṃnāmoti-ādinā kāmāvacaracittena vikappo uppajjati cakkhunā diṭṭhesu bahūsu rūpesu thambhakumbhādivikappo viya. Yañca tattha avikappitaṃ, tampi vikappanārahanti sabbam nāmagottādito vikappitameva hoti. Yathā cettha, evaṃ pubbenivāsānussatiyampi parikkappārahatampi sandhāya **pāliyaṃ** evaṃnāmoti-ādinā apadesasahitameva vuttan”ti vadanti. Aññe pana “nāmagottādikam sabbampi ekakkhaṇe paññāyati, abhirucitaṃ pana vacasā voharantī”ti vadanti, tepi atthato purimehi sadisā eva, pubbe diṭṭhassa puna vohārakālepi parikkappetabbato parikkappārahadhammadassanameva tehipi atthato upagataṃ. Eke pana “so tato cuto amutra udapādinti-ādivacanato kameneva atītānāgatadhammajānanena nāmagottādīhi saddhim gahaṇam sukaran”ti vadanti, taṃ ayuttameva buddhānampi sabbam nātum asakkuṇeyyatāya sabbaññūtāhānippasaṅgato. **Pāliyaṃ** ime vata bhontoti-ādi yathākammupagaññassa pavatti-ākārassanaṃ. Kāyavācādi cettha kāyavacīviññattiyo.

Bhāriyanti ānantariyasadisattā vuttam. Khamāpane hi asati ānantariyameva. **Tassāti** bhāriyasabhāvassa upavādassa. **Mahallakoti** kevalam vayasāva mahallako, na ñāṇena, “nāyaṃ kiñci lokavohāramattampi jānāti, parisadūsako eva amhākam lajjitabbassa karaṇato”ti adhippāyena hīletvā vuttattā guṇaparidhamāsanena upavadatīti veditabbaṃ.

Āvusoti-ādinā thero uparimagguppattimassa ākaṅkhanto karuṇāya attānamāvikāsi. **Pākatikaṃ ahoṣīti** maggāvaraṇaṃ nāhoṣīti adhippāyo. **Attanā vuḍḍhataroti** sayampi vuḍḍho. Etthāpi “ukkuṭikaṃ nisīditvā”ti **visuddhimagge**¹ vuttaṃ. Anāgāmī arahā ca āyatim samvaratthāya na khameyyuṃ, sesā dosenapīti āha “sace so na khamatī”ti.

Ye ca -pa- samādapenti, tepi micchādiṭṭhikammasamādānāti yojetabbaṃ. **Sīlasampannoti**-ādīsu nippariyāyato aggamaggaṭṭho adhippeto tasseva aññārādhanā niyamato, sesāpi vā pacchimabhavikā sīlādīsu ṭhitā tesampi aññupattiniyamato. **Aññanti** arahattaphalaṃ. **Evaṃ sampadanti** evaṃ nibbattikaṃ². Yathā taṃ avirajjhanakanibbattikaṃ, evamidampi etassa niraye nibbattananti attho. Yaṃ sandhāya “evaṃsampadamidan”ti niddiṭṭhaṃ, taṃ dassetuṃ **taṃ vācanti**-ādi vuttaṃ. **Taṃ vācanti** ariyūpavādaṃ. **Cittanti**³ ariyūpavādakacittaṃ. **Diṭṭhinti**⁴ ariyūpavāde dosābhāvadassanadiṭṭhiṃ. “Sabbametaṃ pajahissāmi”ti cittaena accayaṃ desetvā khamāpanavasena appahāya appaṭinissajjitvā. **Yathābhattaṃ nikkhitto evaṃ nirayeti** yathā nirayapālehi āharitvā niraye ṭhapito, evaṃ niraye ṭhapito eva, ariyūpavādenevassa idaṃ niyameṇa niraye nibbattaṇaṃ yathā maggena phalaṃ sampajjati, evaṃ sampajjanakanti adhippāyo.

Micchādiṭṭhi sabbapāpamūlattā paramā padhānā yesaṃ vajjānaṃ tāni micchādiṭṭhiparamāni vajjāni, sabbavajjehi micchādiṭṭhiyeva paramaṃ vajjanti attho. Avītarāgassa maraṇato paraṃ nāma bhavantarupādānamevāti āha “paraṃ maraṇāti tadanantaraṃ abhinibbattakkhandhaggaḥaṇe”ti. Yena tiṭṭhati, tassa upacchedeneva kāyo bhijjatīti āha “kāyassa bhedaṃ jīvitindriyassupacchedā”ti. Eti etasmā sukhanti ayo, puññaṃ. **Āyassāti** āgamaṇassa, hetussa vā. Ayati iṭṭhārammaṇādīhi pavattatīti āyo, assādo. **Asurasadisanti** petāsurasadisam.

1. Visuddhi 2. 55 piṭṭhe. 2. Nipphattikaṃ (Sī) 3. Taṃ cittanti (?) 4. Taṃ diṭṭhinti (?)

Āsavakkhayañāṇakathāvaṇṇanā

14. **Sarasalakkhaṇapaṭivedhenā**ti sabhāvasaṅkhātassa lakkhaṇassa asammohato paṭivijjhanena. **Nibbattikanti** nipphādanam. **Yaṃ ṭhānam patvā**ti yaṃ nibbānam maggassa ārammaṇapaccayaṭṭhena ṭhānam kāraṇabhūtam āgamma. **Appavattinti** appavattihetum. **Kilesavasenā**ti yesam āsavānam khepanena idam ñānam āsavakkhayañāṇam jātam, tesam kilesānam vasena, tesam āsavānam vasena sabbkilesānam saṅghaṇato **pariyāyato** pakārantaratoti attho. **Pāliyam** atītakālavasena “abbhaññāsīn”ti vatvāpi abhisamayakāle tassa tassa jānanassa paccuppannam upādāya “evam jānato evam passato”ti vattamānakālena niddeso kato. Kāmāsavādīnam vimuccaneneva tadavinābhāvato diṭṭhāsavassāpi vimutti veditabbo.

“Khīṇā jātī”ti jānanam kilesakkhayapaccavekkhaṇavasena, vusitam brahmacariyanti-ādijānanam maggaphalanibbānapaccavekkhaṇavasena hotīti āha “khīṇā jātīti-ādīhi tassa bhūmin”ti. Tatha **bhūminti** visayam, tisu kālesupi jātikkhayam pati ujukameva¹ vāyāmāsambhavepi tam pati vāyāmakaraṇassa sātthakataṃ, tassa anāgatakkhandhānuppattiphalataṅca dassetum **yā panā**ti-ādi vuttam. **Yā pana maggassa abhāvitattā**ti-ādinā hi maggenāvihatakilēseheva āyatim khandhānam jāti hessati, tesaṅca kilesānam maggena vināse sati khandhā na jāyissanti, kilesānaṅca tekālikatāya jātiyam vuttanayena kenaci paccayena vināsayogepi cittasantāne kilesaviruddha-ariyamaggakkhaṇuppādanameva tabbināso viruddhapaccayopanipātena āyatim anuppajjanato bījasantāne aggikkhandhohanipātena āyatim bījattānuppattī viya, iti maggakkhaṇuppattisaṅkhātakilesābhāvena kilesaphalānam khandhānam āyatim anuppattiyeva jātikkhayoti ayamatto vibhāvīyati, tenāha “maggassa bhāvitattā anuppādadhammataṃ āpajjanena khīṇā”ti. Ettha cāyamatto kilesābhāvasaṅkhātassa maggassa bhāvitattā uppāditattā paccayābhāvena anuppajjantī khandhānam jāti tena āyatim anuppajjanasaṅkhātena anuppādadhammataṃ āpajjanena vohārato khīṇā me jātīti. Na hi saṅkhatadhammānam paccayantarena vināso sambhavati, sambhave

1. Jātikkhayam paṭi-uppajjanakameva (Sī, Ka)

ca tassa paccayantaratādippasaṅgato¹. Tabbiruddhakkhaṇuppādanameva tabbināsuppādanam. **Tanti** khīṇajātim abbhaññāsinti sambandho. **Itthattāyāti** ime pakārā ittham, tabbhāvo itthattam, tadatthāya. **Dassentoti** nigamanavasena dassentoti.

Vijjāttayakathāvaṇṇanānayo niṭṭhito.

Upāsakattapaṭivedanākathāvaṇṇanā

15. **Aññānti dhi-saddayogena**² sāmi-atthe upayogavacanam. **Pādānīti** pāde. **Yasasāti** parivārena. **Kotūhalacchareti** kotūhale acchare ca. **Ayanti** abhikkantasaddo. Nayidam āmeḍitavasena dvikkhattum, atha kho atthadvayavasenāti dassento **atha vāti**-ādimāha. Avisesena atthasāmaññena nipphanno abhikkantanti bhāvanapuṃsakaniddeso, desanāpasādādivisesāpekkhāyapi tatheva tiṭṭhati pubbe nipphannattāti āha “abhikkantam -pa- pasādo”ti. **Adhomukhaṭhapitam** kenaci. **Heṭṭhāmukhajātam** sayameva. **Pariyāyehīti** pakārehi, arasarūpattādīpaṭipādakakāraṇehi vā.

Gamudhātussa dvikammakattābhāvā gotamam saraṇanti idam padadvayampi na upayogavacanam. Api ca kho purimameva, pacchimam pana paccattavacananti dassetum “gotamam saraṇanti gacchāmī”ti vuttam. Tena ca iti-saddo luttaniddiṭṭhoti dasseti. **Aghassāti** aghato pāpato. **Tātāti** hi padam apekkhitvā nissakkasseva yuttattā. **Adhigatamagge sacchikatanirodheti** padadvayenāpi phalaṭṭhā eva dassitā, na maggaṭṭhāti dassento “yathānusiṭṭham paṭipajjamāne cā”ti āha. **Vitthāroti** iminā “yāvātā bhikkhave dhammā saṅkhatā vā asaṅkhatā vā, virāgo tesam aggamakkhāyatī”ti³ vuttapadam⁴ saṅgaṇhāti. **Anejanti** nittaṇham. **Appaṭikūlanti** avirodhatthadīpanato aviruddhasucim paṇitam vā. Vācāya paguṇikattabbato, pakaṭṭhehi saddatthagūṇehi yogato vā **paguṇam**. **Saṃhatoti** ghaṭito

1. Padatthantarātādippasaṅgato (Ka)

3. Khu 1. 254; Am 1. 343 piṭṭhādīsu.

2. Dhī-saddayogena (Sī)

4. Yuttapadam (Sī)

sameto. **Yatthā**ti yesu purisayugesūti sambandho. **Aṭṭha ca puggaladhammadasā teti** te aṭṭha puggalā ariyadhammassa diṭṭhattā dhammadasā.

Saraṇanti-ādīsu ayaṃ saṅkhepattho—bhayahimsanādi-atthena ratanattayaṃ **saraṇaṃ** nāma, tadeva me ratanattayaṃ tāṇaṃ leṇaṃ parāyaṇanti buddhasubuddhatādiguṇavasena tapparāyaṇatākārappavatto cittuppādo **saraṇagamanam** nāma. Yathāvuttena iminā cittuppādena samannāgato **saraṇam gacchati** nāma. Etassa ca saraṇagamanassa lokiyalokuttaravasena duvidho pabhedo. Tattha lokuttaraṃ saraṇagamanūpakkiḷesasamucchedena maggakkhaṇeyeva sijjhati. Lokiyasaraṇagamanam catudhā pavattati ahaṃ attānaṃ buddhassa pariccajāmīti-ādinaṃ attaniyyātanena, yathāvuttatapparāyaṇatāya, sissabhāvūpagamanena, paṇipātena cāti. Sabbatthāpi cettha seṭṭhadakkhiṇeyyabhāvavaseneva saraṇagamanam hoti, na nātibhayaāriyādivasenāti veditabbaṃ. Evaṃ nāti-ādivasena titthiyaṃ vandato saraṇam na bhijjati, dakkhiṇeyyabhāvena aññaṃ vandato saraṇam bhijjati. Lokiyassa saraṇagamanassa nibbānappattiniyamam sadisaphalam saraṇagatassa anāgate nibbānappattiniyamato. Sabbalokiyasampattisamadhigamo pana apāyadukkhādisamatikkamo ca ānisaṃsaphalam. Tīsu vatthūsu cassa saṃsayamicchāññādi saṅkilesa. Bhedopissa sāvajjānavajjasena duvidho. Tattha paṭhamo micchādiṭṭhipubbakehi titthiyapaṇipātādīhi hoti, so ca anīṭṭhaphalattā sāvajjo. Anavajjo pana kālakiriyāya hoti. Lokuttarasaraṇagamanassa sabbathā saṅkilesa vā bhedo vā natthīti veditabbaṃ.

Ko upāsakoti-ādi upāsakattasarūpakāraṇādipucchā. Tattha yo gahaṭṭho manusso vā amanusso vā vuttanayena tisaraṇam gato, ayaṃ **upāsako**. Yo ca saraṇagamanādikiriyāya ratanattayaṃ upāsanato “upāsako”ti vuccati. Pañca veramaṇiyo cassa **sīlam**. Pañcamicchāvāñijjādipāpājīvaṃ¹ pahāya dhammena samena jīvitakappanamassa **ājīvo**. Assaddhiyadussīlatādayo upāsakattassa **vipatti**, tadabhāvo **sampattīti** veditabbā.

1. Micchāvāñijjādi-ājīvaṃ (Sī)

Vihāraggenāti ovarakādivasanaṭṭhānakoṭṭhāsena. **Ajjabhāvanti** asmiṃ ahani pavattaṃ pasādādiṃ. Kāyaviññattihetuko sarīrāvayavo **kāyaṅgaṃ**. Vacīviññattihetukaṃ oṭṭhajivhādi **vācaṅgaṃ**. **Acopetvāti** acāletvā. Etena ca vacīpavattiyā pubbabhāge ṭhānakaraṇānaṃ calanapaccayo vāyodhātuyā vikārākāro visum kāyaviññatti na hoti, tena visum viññāpetabbassa adhippāyassa abhāvā vacīviññattiyameva saṅgayhati tadupakārattā. Yathā kāyena kāyakaṇḍuyanādīsu sadduppattihetubhūto pathavīdhātuyā ākāravikāro visum adhippāyassa aviññāpanato vacīviññatti na hoti, evamayampīti dasseti. Adhippāyaviññāpanato hetā viññattiyō nāma jātā, na kevalaṃ vāyupathavīnaṃ calanasadduppattipaccayabhūtavikārākāramattatāya. Evañca bahiddhā rukkhādīsu calanasadduppattipaccayānaṃ yathāvuttappakārānaṃ vikārākārānaṃ aviññattitā samatthitā hotīti veditabbā. Keci **vācaṅganti** “hotu sādhu”ti evamādivācāya avayavanti-ādīni vadanti, taṃ acopetvāti iminā na sameti. **Khantiṃ cāretvāti** anumatiṃ pavattetvā. “Khantiṃ dhāretvā”tipi pāṭho, bahi anikkhamaṇavasena gaṇhitvāti attho. **Paṭimukhoti** bhagavati paṭinivattamukho, tenāha “apakkamivā”ti.

16. Yācadhātussa dvikammakattā “bhagavā vassāvāsaṃ yācīto”ti vuttaṃ. **Susassakālepīti** vuttamevatthaṃ pākāṭaṃ kātum “atisamagghepi”ti vuttaṃ. Ativiya appagghepi yadā kiñcīdeva datvā bahum pubbaṇṇāparaṇṇaṃ gaṇhanti, tādise kālepīti attho. **Bhikkhamānāti** yācamānā. **Vuttasassanti** vapitasassaṃ. **Tatthāti** verañjāyaṃ, etena “vuttaṃ salākā eva hoti etthāti salākāvuttā”ti visesaṇassa varanipātena nibbacaṇaṃ dasseti. Atha vā “sabbaṃ sassaṃ salākāmattameva vuttaṃ nibbattaṃ sampannaṃ etthāti salākāvuttā”tipi nibbacaṇaṃ daṭṭhabbaṃ, tenāha “salākā eva sampajjati”ti. “Salākāya vuttaṃ jīvikā etissanti salākāvuttā”tipi nibbacaṇaṃ dassetuṃ **salākāya vā** ti-ādi vuttaṃ. **Dhaññakaraṇaṭṭhāneti** dhaññaminanaṭṭhāne. **Vaṇṇajjhakkhanti** kahāpaṇaparikkhakaṃ.

Uñchena paggahenāti ettha **paggahenāti** pattena, taṃ gahetvāti attho. Paggayhati etena bhikkhāti hi paggaho, patto. Tenāha

pagghahena yo uñchoti-ādi. Atha vā **pagghahenā**ti gahaṇena, uñchatthāya gahetabbo pattoti sijjhatīti āha “pattaṃ gahetvā”ti.

Gaṅgāya uttaradisāpadeso uttarāpatho, so nivāso etesaṃ, tato vā āgatāti uttarāpathakā, tenāha **uttarāpathavāsikā**ti-ādi. “Uttarāhakā”tipi pāṭho, so eva attho niruttinayena. **Mandiranti** assasālaṃ. “Mandaran”tipi likhanti, taṃ na sundaraṃ. Sā ca mandirā yasmā parimaṇḍalākārena bahuvīdhā ca katā, tasmā “assamaṇḍalikāyo”ti vuttā.

Gaṅgāya dakkhiṇāya disāya deso dakkhiṇāpatho, tattha jātā manussā **dakkhiṇāpathamanussā**. Buddhaṃ mamāyanti mamevāyanti gaṇhanasīlā **buddhamāmakā**, evaṃ sesesupi. **Evanti** pacchā vuttanayena atthe gayhamāne. **Paṭivīsanti** koṭṭhāsaṃ. **Tadupiyanti** tadanurūpaṃ tappahonakaṃ. **Laddhāti** labhitvā no hoṭīti sambandho. “Laddho”ti vā pāṭho, upaṭṭhākaṭṭhānaṃ neva labhanti attho. Ñāti ca pasatthatamagaṇayogato seṭṭho cāti **ñātisēṭṭho**. **Evarūpesu ṭhānesu ayameva patirūpoti** āmisassa dullabhakālesu parikathobhāsādiṃ akatvā paramasallekhavuttiyā ājīvasuddhiyaṃ ṭhatvā bhagavato adhippāyānugaṇaṃ āmisāṃ vicārentena nāma ñātisinehayuttana ariyasāvakeneva kātuṃ yuttanti adhippāyo.

Mārāvattaṇāyāti mārena katacittaparivaṭṭanena, cittasammohanenāti attho. **Tampīti** uttarakuruṃ vā tidasapuraṃ vā āvaṭṭeyya.

“Phussassāhaṃ pāvacane, sāvake paribhāsayaṃ.

Yavaṃ khādatha bhuñjatha, mā ca bhuñjatha sālāyo”ti¹—

apadāne vuttassa akusalassa tadā okāsakatattā. **Nibaddhadānassāti** “dassāmā”ti vācāya niyamitadānassa. **Appitavattassāti** kāyena atiharitvā dinnavatthunopi. **Visahatīti** sakkoti. **Saṅkhepenāti** nīhārena. **Byāmapabhāyāti** samantato heṭṭhā ca upari ca asītihatthamatte ṭhāne ghanībhūtāya chabbaṇṇāya pabhāya, yato chabbaṇṇaramsiyo taḷākato mātikāyo viya nikkhamitvā dasasu

1. Khu 3. 349 piṭṭhe.

disāsu dhāvanti, sā yasmā byāmamattā viya khāyati, tasmā “byāmapabhā”ti vuccati. Yasmā anubyañjanāni ca paccekam bhagavato sarīre pabhāsampattiyuttā ākāse candasūriyādayo viya vibhātā virocanti, tasmā tāni byāmapabhāya saha kenaci anabhibhavanīyāni vuttāni.

Anatthasañhiteti ghātāpekkham sāmi-atthe bhumavacanam, tenāha “tādisassa vacanassa ghāto”ti. Attho dhammadesanāya hetu uppajjati ettha, dhammadesanādiko vā attho uppajjati etāyāti **atthupatti**, paccuppannavatthu.

Ekam gahetvāti dhammadesanāsikkhāpadapaññattisañkhātesu dvīsu dhammadesanākāraṇam gahetvā. **Ratticchedo vāti** sattāhakarāṇīyavasena gantvā bahi aruṇuṭṭhāpanavasena vutto, na vassacchedavasena tassa viṣum vuccamānattā. Etena ca vassacchedapaccaye sattāhakarāṇīyena gamanam anuññātanti veditabham. **Na kismiñcīti** kismiñci guṇe sambhāvanāvasena na maññanti. **Pacchā sīlam adhṭṭhaheyyāmāti** ājīvahetu santaguṇappakāsanena ājīvavipattim sandhāya vuttam. **Atimaññissatīti** avamaññissati.

17. “Āyasmāti piyavacanametam”ti uccanīcajanasāmaññavasena vatvā puna uccajanāveṇīkavaseneva dassento “garugāravasappatissādhivacanam”ti āha. Tattha saha patissayena nissayenāti **sappatisso**, sanissayo, tassa garuguṇayuttesu gāravavacananti attho. Idha pana vacanameva adhivacanam. **Pappaṭakojanti**-ādikappe udakūpari paṭhamam pathavībhāvena sañjātam navanītapīṇḍasadisam udakepi uppilanasabhāvam avilīyanakam atisiniddhamadhuram anekayojanasahassabahalam rasātalasañkhātam¹ pathavojam. Yam ādikappikehi manussehi rasataṇhāya gahetvā bhuñjamānam tesam kammabalena uparibhāge kakkhaḷabhāvam āpajjitvā heṭṭhā purimākāreneva ṭhitam, yassa ca balena ayam mahāpathavī sapabbatasamuddakānanā heṭṭhā-udake animujjamānā avikiriyaṃ mānā kullupariviya niccalā tiṭṭhati, tam pathavīsāramaṇḍanti attho, tenāha **pathavīmaṇḍoti**-ādi. **Sampannanti** madhurarasena upetam, tenāha “sādurasan”ti.

1. Sātaphalasañkhātam (Ka)

Upapannaphaloti bahuphalo. “Nimmakkhikan”ti vatvā puna “nimmakkhikaṇḍan”ti makkhikaṇḍānampi abhāvaṃ dasseti. **Ye pathavīnissitā pāṇā, te tattha saṅkāmessāmī**ti ettha manussāmanussatiracchānagatitthīnampi hatthasaṅkāmāne kiṃ anāmāsadoso na hotīti? Na hoti, kasmā? “Anāpatti bhikkhave iddhimassa iddhivisaye”ti¹ vacanato, teneva bhagavāpi anāmāsadosaṃ adassetvā “vipallāsampi sattā paṭilabheyyun”ti āha, khuddako **gāmo**. Mahanto sāpaṇo **nigamo**. **Padavītihārenā**ti padanikkhepena.

Vinayapaññattiyācanakathāvaṇṇanā

18. **Vinayapaññattiyā mūlato pabhutī**ti pārājikādigarukānaṃ, tadaññesaṅca sikkhāpadānaṃ pātimokkhuddesakkamena yebhuyyena apaññattataṃ sandhāya vuttam, na sabbena sabbaṃ apaññattatāya. Teneva thero bhagavantaṃ “sāvakānaṃ sikkhāpadaṃ paññapeyya uddiseyya pātimokkhan”ti pātimokkhuddesena saha sikkhāpadapaññattim yāci. **Khandhake** hi ānandattherādīnaṃ pabbajjato puretameva rāhulabhaddassa pabbajjāya “na bhikkhave ananuññāto mātāpitūhi putto pabbājetabbo, yo pabbājeyya āpatti dukkaṭassā”ti² paññattasikkhāpadaṃ dissati. Idheva aṭṭhakathāyampi “sāmampi pacanaṃ -pa- na vaṭṭatī”ti ca, “ratticchedo vassacchedo vā na kato”ti ca vuttattā pubbeva sāmāpākādipaṭikkhepo atthīti paññāyati. Evaṃ katipayasikkhāpadānaṃ paññattisabbhāvepi apaññattapārājikādike sandhāya “na tāva sārīputta satthā sāvakānaṃ sikkhāpadaṃ paññapetī”ti vuttanti gahetabbaṃ. Puthuttārammaṇato paṭinivattitvā sammadeva ekārammaṇe cittena līno paṭisallīno nāmāti āha “ekībhāvaṃ gatassā”ti, cittavivekaṃ gatassāti attho. **Ciranti** accantasamyoge upayogavacanaṃ.

Soḷasavidhāya paññāyāti majjhimanikāye **anupadasuttanta desanāyaṃ** “mahāpañño bhikkhave sārīputto puthupañño hāsapañño javanapañño tikkhapañño nibbedhikapañño”ti āgatā cha paññā ca navānupubbavīhārasamāpattipaññā ca arahattamaggapaññā cātī³ evaṃ soḷasavidhena āgatāya paññāya. Yesaṃ buddhānaṃ sāvakā suddhāvāsesu sandissanti,

1. Vi 1. 85 piṭṭhe.

2. Vi 3. 116 piṭṭhe.

3. Ma 3. 75 piṭṭhe.

teyeva loke pākaṭāti vipassī-ādayova idha uddhaṭā, na itare pubbabuddhā. Teneva **āṭānāṭiyasutte**¹ devāpi attano pākaṭānaṃ tesaññeva gahaṇaṃ akamsu, nāññesanti veditabbaṃ.

19. **Kilāsunoti** appossukkā payo janābhāvena nirussāhā ahesuṃ, na ālasiyena, tenāha **na ālasiyakilāsunoti**-ādi. **Niddosatāyāti** kāyavacīvitikkamasamuṭṭhāpakadosābhāvā. Pāṇaṃ na hane na cādinnaṃ mādiyeti-ādina² ovādasikkhāpadānaṃ vijjamaṇattā vuttaṃ **sattāpattikkhandhavasena**-ādi. Channaṃ channaṃ vassānaṃ osānadivasānaṃ apekkhitvā “sakiṃ sakin”ti vuttattā tadapekkhamettha sāmivacanaṃ. Sakalajambudīpe sabbopi bhikkhusaṃgho uposathaṃ akāsīti sambandho.

Khantī paramanti-ādīsu titikkhāsaṅkhātā khanti satta saṅkhārehi nibbattāniṭṭhākhamaṇakilesatapanato **paramaṃ tapo** nāma. Vāna saṅkhātāya taṇhāya nikkhantattā **nibbānaṃ** sabbadhammehi **paramaṃ** uttamaṃti buddhā vadanti. Yathāvuttakhantiyā abhāvena pāṇavadhaṃ vā chedanatāḷanādiṃ vā karonto **parūpaghātī** parassa haraṇa paradārātikkaṃamanādīhi musāpesuññapharusādīhi ca paraṃ **viheṭṭhayanto** ca bāhitapāpatāya abhāvena pabbajito vā samitapāpatāya abhāvena samaṇo vā na hotīti attho. Sīlasaṃvarena sabbapāpassa anuppādanaṃ lokiyasaṃmādhivipassanāhi kusalassa upasampādanaṃ nipphādanaṃ sabbehi maggaphalehi attano cittassa parisodhanaṃ pabhassara bhāvakaṇaṃ yaṃ, tametaṃ buddhānaṃ **sāsaṇaṃ** anusīṭṭhi. **Anupavādoti** vācāya kassaci anupavadaṇaṃ. **Anupaghātoti** kāyena, kassaci upaghātākaṇaṃ vuttāvasese ca pātīmokkhasaṅkhāte sīle attānaṃ saṃvaraṇaṃ. Bhattasmiṃ mattaññūtasāṅkhāta-ājīvapārisuddhipaccayasannissitasīlasamāyogo tammukhena indriyasamvaro pantasenāsaṅkhātāraññavāsaṃ tammukhena pakāsīte catupaccayasantosabhāvanārāmatāsaṅkhātamaḥāriyavaṃse patiṭṭhānañca adhicitasaṅkhāte lokiyalokuttarasamādhimhi taduppādanavasena **āyogo** anuyogo ca yaṃ, tametaṃ buddhānaṃ anusīṭṭhīti yojanā.

1. Dī 3. 158 piṭṭhe.

2. Khu 1. 338 piṭṭhe Suttanipāte.

“Yāva sāsana-pariyantā”ti āṇāpātīmokkhassa abhāvato vuttaṃ. Parinibbānato pana uddhaṃ ovādapātīmokkhuddesopi nattheva, buddhā eva hi taṃ uddisanti, na sāvaka. **Paṭhamabodhiyanti** bodhito vīsativassaparicchinne kāle, **ācariyadhammapālattherena** pana “pañcaccattālīsāya vassesu ādito pannarasa vassāni paṭhamabodhī”ti vuttaṃ, **sikkhāpadapaññattikā lato pana pabhuti āṇāpātīmokkhameva uddisanti** idaṃ pātīmokkhuddesakkameneva paripuṇṇaṃ katvā sikkhāpadapaññattikālaṃ sandhāya vuttaṃ. **Aṭṭhānaṃ anavakāsoti** yathākkamaṃ hetupaccayapaṭikkhepavasena kāraṇapaṭikkhepo. **Yanti** yena kāraṇena. **Aparisuddhāya parisāyāti** alajjīpuggalehi vomissatāya asuddhāya parisāya, na kevalaṃ buddhānaññeva aparisuddhāya parisāya pātīmokkhuddeso ayutto, atha kho sāvakānampi. Codanāsāraṇādivasena pana sodhetvā saṃvāsakaraṇaṃ sāvakānaññeva bhāro, buddhā pana sikkhāpadāni paññapetvā uposathādikaraṇavidhānaṃ sikkhāpetvā vissajjenti, codanāsāraṇādīni na karonti, teneva bhagavā asuddhāya parisāya pātīmokkhaṃ anuddisitvā sakalarattim tuṅhībhūto nisīdi. Bhikkhū ca bhagavato adhippāyaṃ ñatvā asuddhapuggalaṃ bahi nīharimsu. Tasmā sāvakānampi asuddhāya parisāya ñatvā uposathādisaṃghakammakaraṇaṃ brahmacariyantarāyakaṇaṃ vinā na vaṭṭatīti veditabbaṃ.

Sammukhasāvakaṇanti buddhānaṃ sammukhe dharamānakāle pabbajitānaṃ sabbantimānaṃ sāvakānaṃ. Uḷārātisayajotanatthaṃ “uḷāruḷārabhogādikulavasena vā”ti puna uḷārasaddaggaṇaṃ kataṃ. Ādisaddena uḷāramajjhata-anuḷārādīnaṃ gahaṇaṃ veditabbaṃ. Te pacchimā sāvaka antaradhāpesunti sambandho.

Apaññattepi sikkhāpade yadi sāvaka samāna-jāti-ādika siyūṃ, attano kulānugataganthaṃ viya bhagavato vacanaṃ na nāseyyūṃ. Yasmā pana sikkhāpadaṅca na paññattaṃ, ime ca bhikkhū na samāna-jāti-ādika, tasmā vināsesunti imamatthaṃ dassetuṃ **yasmā ekanāmā -pa- tasmā aññamaññaṃ viheṭṭenti**-ādi vuttaṃ. Ciraṭṭhitikavāre pana sāvakānaṃ nānājaccādibhāve samānepi sikkhāpadapaññattiyā paripuṇṇatāya sāsanaṃ cirappavatti veditabbā. Yadi evaṃ kasmā sabbepi buddhā sikkhāpadāni na paññapenti?

Yasmā ca sāsanaṣṣa cirappavattiyā na kevalaṃ sikkhāpadapaññattiyeva hetu, atha kho āyatim dhammavinayaṃ gahetvā sāvakehi vinetabbapuggalānaṃ sambhavopi, tasmā tesam sambhave sati buddhā sikkhāpadaṃ paññapenti, nāsati paripuṇṇāpaññattiyeva veneyyasambhavassāpi sūcanato sāsanaṣṣa cirappavattiyā hetu vuttāti veditabbā. Pāḷiyaṃ **sahassaṃ bhikkhusaṃghaṃ** -pa- **ovadatī** ettha sahassasaṅkhyāparicchinno saṃgho sahasso sahassilokadhātūti-ādīsu¹ viya. Taṃ sahassaṃ bhikkhusaṃghanti yojanā. Sahassasaddassa ekavacanantaṭṭhāya “bhikkhusahassassa”ti vatvā avayavāpekkhāya “ovadiyamānānaṃ”ti bahuvacananiddeso katoti daṭṭhabbo.

Anupādāya āsavehi cittaṇi vimuccimsūti ettha **āsavehī** kattu-atthe karaṇavacanaṃ. **Cittānī** paccatabhuvacanaṃ. **Vimuccimsūti** kammaśādhanaṃ. Tasmā āsavehi kattubhūtehi anupādāya ārammaṇakaraṇavasena aggahetvā cittaṇi vimocitaṇi evamettha attho gahettaboti āha **tesaṃ hi cittaṇi**-ādi. **Yehi āsavehī** etthāpi kattu-atthe eva karaṇavacanaṃ. **Vimuccimsūti** kammaśādhanaṃ. **Teti** āsavā. **Tānī** cittaṇi, upayogabhuvacanañcetaṃ. **Vimuccimsūti** kattusādhanaṃ, vimocesunti attho. **Aggahetvā vimuccimsūti** ārammaṇavasena tāni cittaṇi aggahetvā āsavā tehi cittehi muttavanto ahesunti attho. Atha vā **āsavehī** nissakkavacanaṃ, **vimuccimsūti** kattusādhanaṃ. Tasmā kañci saṅkhatadhammaṃ taṇhādivasena anupādiyivā cittaṇi vimuttavantāni ahesunti attho gahettabbo. **Purimavacanāpekkhanti** aññatarasmim bhimsanake vanasaṇḍeti vuttavacanaṣṣa apekkhanaṃ tasmim purimavacanehi evaṃ apekkhananti attho, tenāha **yaṃ vuttanti**-ādi. Bhimsanaṣṣa bhayassa kataṃ karaṇaṃ kiriyā bhimsanakataṃ, tasmim bhimsanakiriyāyāti atthaṃ dassento āha “bhimsanakiriyāyā”ti. Bhimsayatī bhimsano, sova bhimsanako, tassa bhāvo “bhimsanakattan”ti vattabbe takāraṣṣa lopaṃ katvā vuttanti pakārantarena atthaṃ dassento āha **atha vāti**-ādi. **Bahutarānaṃ sattānaṃ vāti** yebhuyyenāti padassa atthadassanaṃ. Tena ca yo kocīti padassāpi yo

1. Dī 2. 10 piṭṭhe.

yo pavisatīti vicchāvasena nānatthena attho gahetabboti dasseki, yo yo pavisati, tesu bahutarānanti atthasambhavato.

Nigamananti pakate atthe yathāvuttassa atthassa upasamhāro. Ayañhettha nigamanakkamo—yā hi sārīputta vipassī-ādīnaṃ tiṇṇaṃ buddhānaṃ attano parinibbānato upari pariyaṭṭivasena vinetabbānaṃ puggalānaṃ abhāvena tesāṃ atthāya vitthārato sikkhāpadapaññattiyāṃ kilāsutā apposukkatā, yā ca upanissayasampannānaṃ veneyyānaṃ cetasā ceto paricca bhīmsanakavanasañḍepi gantvā ovdantānaṃ tesāṃ maggaphaluppādanatthāya dhammadesanāya eva akilāsutā sa-ussāhatā, na vitthārato dhammavinayadesanāya, ayaṃ kho sārīputta hetu, ayaṃ paccayo, yena vipassī-ādīnaṃ tiṇṇaṃ buddhānaṃ brahmacariyaṃ na ciraṭṭhitikaṃ ahoṣīti. **Purisayugavasenā**ti purisānaṃ yugaṃ pavattikālo, tassa vasena, purisavasenāti attho. **Sabbapacchimakoti** parinibbānadivase pabbajito **subhaddasadi**¹. **Satasahassaṃ satṭhimattāni ca vassasahassāni**ti idaṃ bhagavato jātito paṭṭhāya vuttaṃ, bodhito paṭṭhāya pana gaṇiyamānaṃ ūnaṃ hotīti daṭṭhabbaṃ. **Dveyevā**ti dharamāne bhagavati ekaṃ, parinibbute ekanti dve eva purisayugāni.

20-1. **Asambhuṇantenā**ti apāpuṇantena. **Ko anusandhī**ti purimakathāya imassa ko sambandhoti attho. **Yaṃ vuttanti** yaṃ yācīnti attho. **Yesū**ti vītikkaṃadhammesu. **Nesanti** diṭṭhadhammikādi-āsavānaṃ. **Teti** vītikkaṃadhammā. **Ñā**tiyeva pitāmahapituputtādivasena parivaṭṭanato parivaṭṭoti **ñātiparivaṭṭo**. **Lokāmisabhū**nti lokapariyāpannaṃ hutvā kilesehi āmasitabbato lokāmisabhūtaṃ. **Pabbajjāsāṅkhepenevā**ti dasasikkhāpadadānādipabbajjāmukhena. **Etanti** methunādīnaṃ akaraṇaṃ. **Thā**manti sikkhāpadapaññāpanasāmatthiyaṃ. **Sañchavinti**² sukkacchaviṃ pakaticchaviṃ, sundaracchaviṃ vā. **Sesanti** sesapadayojanadassanaṃ. Idāni atthayojanaṃ dassento āha **ayaṃ vā hetthā**ti³ādi. Tattha **vā**-saddo avadhāraṇe. **Hi**-saddo pasiddhiyaṃ, ayameva hetthāti attho. Atha satthāti padassa atthaṃ dasseti “tadā satthā”ti. **Ropetvā**ti

1. Vitthāravatthu (Dī 2. 123 piṭṭhe.) 2. Sacchavinti (Sī) 3. Ayaṃ vā etthāti (Ṭṭha)

phālitaṭṭhāne ninnam maṁsam samam vaḍḍhetvā. **Sake ācariyaketi** attano ācariyabhāve, ācariyakamme vā.

Vipulabhāvenāti bahubhāvena. **Ayoniso ummujjamānāti** anupāyena abhinivisamānā, viparītato jānamānāti attho. **Rasena rasam saṁsanditvāti** anavajjasabhāvena sāvajjasabhāvam sammissetvā. **Uddhammam ubbinayanti** uggatadhammam uggatavinayaṅca, yathā dhammo ca vinayo ca vinassissati, evam katvāti attho. **Imasmim attheti** imasmim saṁghādhikāre. **Pabhassaroti** pabhāsanasiḷo¹. **Evamṇāmo evamṇottoti** soyamāyasmā² sotāpannotināmagottena samannāgato, ayam vuccati sotāpannoti pakatena sambandho. **Avinipātadhammoti** ettha **dhamma**-saddo sabhāvavācī, so ca atthato apāyesu khipanako diṭṭhi-ādi-akusaladhammo evāti āha **ye dhammāti**-ādi. Idāni sabhāvavaseneva attham dassetum **vinipatanam vāti**-ādi vuttam. **Niyatoti** sattabhavabbhantare niyatakkhandhapariniḷbāno. Tassa kāraṇamāha “sambodhiparāyaṇo”ti.

22. **Anudhammatāti** lokuttaradhammānugato sabhāvo.

Pavāraṇasaṅgaham datvāti “āgāminiyā puṇṇamiyā pavāressāmā”ti anumatiḍānavasena datvā, pavāraṇam ukkaḍḍhitvāti attho, etena nayena kenaci paccayena pavāraṇukkaddhanam kātum vaṭṭatīti diṭṭitam hoti. **Māgasirassa**³ **paṭhamadivaseti** candamāsavasena vuttam, aparakattikapuṇṇamāya anantare pāṭipadadivaseti attho. **Phussamāsassa paṭhamadivaseti** etthāpi eseva nayo. Idaṅca nidassanamattam veneyyānam aparipākam paṭicca phussamāsato paraṅca ekadvitīcatumāsampi tattheva vasitvā sesamāsehi cārikāya pariyoṣapanato. **Dasasahassacakkavāleti** idam devabrahmānam vasena vuttam. Manussā pana imasmimyeva cakkavāḷe bodhaneyyā honti. Itaracakkavāḷesu pana manussānam imasmim cakkavāḷe uppattiyā chanduppādanattham anantampi cakkavāḷam oloketvā tadanuguṇānusāsani⁴ pāṭihāriyam karontiyō.

1. Pabhāyanasiḷo (Ka)

2. Yoyam (Sī)

3. Māgasiramāsassa (Sī), migasiramāsassa (Ka)

4. Tadanukūlanūsāsanī (Sī)

Āyāmāti ettha ā-saddo āgacchāti iminā samānatthoti āha “āgaccha yāmā”ti, ehi gacchāmāti attho. **Suvaṇṇarasapiṇjarāhī**ti vilīnasuvaṇṇajalam viya piṇjarāhi suvaṇṇavaṇṇāhīti attho. **Pāliyaṃ** nimantitamhāti-ādīsu “nimantitā vassamvuttā amhā”ti ca, “nimantitā vassamvutthā atthā”ti ca sambandho.

Yanti deyyadhammajātam, yaṃ kiñcīti attho. **No natthī**ti amhākaṃ natthi, noti vā etassa vivaraṇaṃ natthīti. **Etthā**ti gharāvāse. **Tanti** taṃ kāraṇaṃ, kiccaṃ vā. **Kutoti** katarahetuto. **Yanti** yena kāraṇena. Kiccena vā. Dutiye atthavikappe etthāti imassa vivaraṇaṃ **imasmim temāsabbhantareti**. **Tanti** taṃ deyyadhammaṃ.

Tattha cāti kusale. Tikkhavisadabhāvāpādanena **samuttejetvā**. **Vassetvāti** āyatim vāsanābhāgiyaṃ dhammaratanavassaṃ otāretvā. **Yaṃ divasanti** yasmim divase.

23. **Pattuṇṇapattapaṭe cāti** pattuṇṇapaṭe cīnapaṭe ca. **Tumbānī**ti cammamayatelabhājanāni. **Anubandhitvāti** anupagamanam katvā. **Abhirantasaddo** idha abhirucipariyāyoti āha **yathājjhāsayanti**-ādi. **Soreyyādīni** mahāmaṇḍalacārikāya maggabhūtāni soreyyanagarādīni. **Payāgapatiṭṭhānanti** gaṅgāya ekassa tiṭṭhavisessāpi, taṃsamīpe gāmassāpi nāmaṃ. **Samantapāsādikāyāti** samantato sabbaso pasādaṃ janetīti samantapāsādikā, tassā.

Ye pana pakāre sandhāya “samantato”ti vuccati, te pakāre vitthāretvā dassetuṃ **tatridanti**-ādi vuttam. Tattha “samantapāsādikā”ti yā samvaṇṇanā vuttā, tatra tassam samantapāsādikāyaṃ samantapasādikabhāve idaṃ vakkhamānagāthāvacanaṃ hotīti yojanā. Bāhiranidāna abbhantaranidāna sikkhāpadanidānānaṃ vasena **nidānappabhedadīpanam** veditabbaṃ. “Theravādappakāsaṇaṃ vatthuppabhedadīpanan”tipi vadanti. “Sikkhāpadānaṃ paccuppannavatthuppabhedadīpanan”tipi vattum vaṭṭati. Sikkhāpadanidānanti pana vesālī-ādi

sikkhāpadapaññattiyā kāraṇabhūta desaviseso veditabbo. **Etthāti** samantapāsādikāya. Sampassataṃ viññūnanti sambandho, tasmā ayaṃ samantapāsādikāveva pavattāti yojetabbā.

Iti samantapāsādikāya vinayaṭṭhakathāya vimativinodaniyam

Verañjakaṇḍavaṇṇanāyaya niṭṭhito.

1. Pārājikakaṇḍa

1. Paṭhamapārājika sudinnabhāṇavāraṇṇanā

24. Vikkāyikabhaṇḍassa vikkiṇaṇaṃ iṇadānañca **bhaṇḍappayojanam** nāma. Evaṃ payojitassa mūlassa saha vaḍḍhiyā gahaṇavāyāmo **uddhāro** nāma. **Asuka divase dinnanti**-ādinā pamuṭṭhassa satuppādanādi **sāraṇam** nāma. **Catubbidhāyāti** khattiyabrāhmaṇagahapatisamaṇānaṃ vasena, bhikkhu-ādinam vā vasena catubbidhāya. **Disvānassa etadahosīti** hetu-atthe ayam disvāna-saddo asamānakattukattā, yathā ghatam pivitvā balam hotīti, evamaññatthāpi evarūpesu. **Bhabbakulaputtoti** upanissayamattasabhāvena vuttam, na pacchimabhavikatāya. Tenevassa mātādi-akalyāṇamittasamāyogena katavītikkamanam nissāya uppannavipparisārena adhigamantarāyo jāto. Pacchimabhavikānaṃ pubbabuddhuppādesu laddhabyākaraṇānaṃ na sakkā kenaci antarāyam¹ kātum. Teneva **aṅgulimāla**²ttherādayo akusalam katvāpi adhigamasampannā eva ahesunti. **Carimakacittanti** cuticittam. Saṅkham viya likhitam ghaṃsitvā dhovitam saṅkhalikhitanti āha **dhota**-iccādi. **Ajjhāvasatāti** adhi-saddayogena agāranti bhummatthe upayogavacananti āha “agāramajjhe”ti. **Kasāyasarattāni**³ kāsāyānīti āha “kasāyasarapītātāyā”ti. Kasāyato nibbattatāya ca hi rasopi “kasāyaso”ti⁴ vuccati.

26. Yadā jānāti-saddo bodhanattho na hoti, tadā tassa payoge sappino jānāti madhuno jānātīti-ādīsu viya karaṇatthe sāmivacanam saddasatthavidū icchantīti āha “kiñci dukkhena nānubhosī”ti. Kenaci dukkhena⁵ nānubhosīti attho, kiñcīti etthāpi hi karaṇatthe sāmivacanassa lopo kato, teneva vakkhati “vikappadvayepi purimapadassa uttarapadena samānavibhattilopo daṭṭhabbo”ti. Yadā pana jānāti-saddo saraṇattho hoti, tadā mātu saratīti-ādīsu viya upayogatthe

1. Antarāyo (?)

3. Kāsāyasarattāni (Sī)

5. Dukkheṇa karaṇabhūtena visayam (Sī)

2. Vitthāravatthu (Ma 2. 301 piṭṭhe.)

4. Kāsāyaso (Sī)

sāmvacanāṃ saddasatthavidū vadantīti āha “atha vā kiñci dukkhaṃ nassaratīti attho”ti, kassaci dukkhassa ananubhūtatāya nassaratīti attho. **Vikappadvayepīti** anubhavanasaraṇatthavasena vutte dutiyatatiyavikappadvaye. **Purimapadassāti** kiñcīti padassa. **Uttarapadenāti** dukkhassātipadena. Samānāya sāmvacanabhūtāya vibhattiyā “kassaci dukkhassā”ti vattabbe “kiñci dukkhassā”ti lopoti daṭṭhabbo. **Marāṇepi mayāṃ teti** ettha **teti** padassa sahatthe karaṇavasenapi atthaṃ dassetum **tayā viyogaṃ vā pāpuṇissāmāti** atthantaraṃ vuttaṃ.

28. **Gandhabbā** nāma gāyanakā. **Naṭā** nāma raṅganaṭā. **Nāṭakā** laṅghanakādayo. Sukhūpakaraṇehi attano paricaraṇaṃ karonto yasmā laṅanto kiḷanto nāma hoti, tasmā dutiye atthavikappe **laḷāti**-ādi vuttaṃ. **Dānappadānādīnīti** ettha niccadānaṃ **dānaṃ** nāma, visesadānaṃ **padānaṃ** nāma, **ādi**-saddena sīlādīni saṅgaṇhāti.

30. **Cuddasa bhattānīti** saṃghabhattaṃ uddesabhattaṃ nimantaṇaṃ salākaṃ pakkhikaṃ uposathikaṃ pāṭipadikaṃ āgantukaṃ gamikaṃ gilānaṃ gilānupaṭṭhākaṃ vihāra dhura vārabhattanti imāni cuddasa bhattāni. Ettha ca senāsanādipaccayattayanissitesu āraññakaṅgādīpadhānaṅgānaṃ¹ gahaṇavasena sesadhutaṅgānīpi gahitāneva hontīti veditabbaṃ. **Vajjīnanti** vajjīrājūnaṃ. **Vajjisūti** janapadāpekkhaṃ bahuvacanaṃ, vajjīnāmake janapadeti attho. Pañcakāmaguṇāyeva upabhuñjītabbato paribhuñjītabbato ca **upabhogaparibhogā**, itthivatthādīni ca tadupakaraṇānīti āha **yehi tesanti**-ādi. **Ukkaṭṭhapīṇḍapātīkattāti** sesadhutaṅgaparivāritena ukkaṭṭhapīṇḍapātīkadhutaṅgena samannāgatattā, tenāha “sapaḍānacāraṃ caritukāmo”ti.

31. **Dosāti** ratti. Tattha abhivutthaṃ parivusitaṃ **ābhidosikaṃ** abhidosam vā paccūsakālaṃ gato patto atikkanto ābhidosiko, tenāha **ekarattātīkkantassa vāti**-ādi.

32. **Udakakañjīyanti** pānīyaparibhojanīya-udakañca yāgu ca. **Tathāti** samuccayatthe. **Anokappanaṃ** asaddhanaṃ, **amarisanaṃ** asahaṇaṃ.

1. Āraññakaṅgādīdhutaṅgānaṃ (Sī)

34. **Taddhitalopanti** pitāmahato āgataṃ “petāmahan”ti vattabbe taddhitapaccayanimitassa ekārassa lopam katvāti attho. Yesaṃ santakaṃ dhanam gahitam, te **ināyikā**. **Palibuddhoti** mā gaccha mā bhuñjāti-ādinā katāvaraṇo, piḷitoti attho.

35. **Attanāti** sayam. Sapatino dhanasāmino idam **sāpateyyam**, dhanam. Tadeva **vibhavo**.

36. **Bhijjantī**ti agahitapubbā eva bhijjanti. **Dinnāpi paṭisandhī**ti pitarā dinnam sukkaṃ nissāya uppanassa sattassa paṭisandhipi tena dinnā nāma hotīti vuttam. Sukkameva vā idha paṭisandhinissayattā “paṭisandhī”ti vuttam, tenāha “khippam patiṭṭhātī”ti. Na hi pitu samyogakkhaṇeyeva sattassa uppattiniyamo atthi sukkameva tathā patiṭṭhānaniyamato. Sukke pana patiṭṭhite yāva satta divasāni, aḍḍhamāsamattam vā, tam¹ gabbhasaṅṭhānassa khettameva hoti mātu maṃsassa lohitallesassa sabbadāpi vijjamānattā. Pubbepi paññattasikkhāpadānam sabbhāvato **apaññatte sikkhāpadeti** imassa paṭhamapārājikasikkhāpade aṭṭhapiteti attho vutto. **Evarūpanti** evam garukasabhāvam, pārājikasamghādisesavatthubhūtanti attho, tenāha “avasese pañcakhuddakāpattikkhandhe eva paññapesī”ti. Yam ādinavanti sambandho. **Kāyaviññatticopanototi** kāyaviññattiyā nibbattacalanato.

Tenevāti avadhāraṇena yāni gabbhaggahaṇakāraṇāni nivattitāni, tānipi dassetuṃ **kiṃ panāti**-ādi vuttam. Tattha ubhayesaṃ chandarāgavasena kāyasamsgo vutto. Itthiyā eva chandarāgavasena nābhiparāmasanam visuṃ vuttam. **Sāmapaṇḍitassa** hi mātā puttuppattiyā sañjātādarā nābhiparāmasanakāle² kāmarāgasamākulacittā ahoṣi, itarathā puttuppattiyā eva asambhavato. “Sakko cassā kāmarāgasamuppattinimittāni akāsi”tipi vadanti, vatthivasena vā etaṃ nābhiparāmasanam kāyasamsggato visuṃ vuttanti daṭṭhabbam. **Mātaṅgapaṇḍitassa** diṭṭhamaṅgalikāya nābhiparāmasanena³ maṇḍabyassa nibbatti ahoṣi. **Caṇḍapajjotamātu**⁴ nābhiyam vicchikā

1. Tāva (?)

2. Vitthāravatthu (Jātaka-Ṭṭha 6. 91 piṭṭhe.)

3. Vitthāravatthu (Ma-Ṭṭha 3. 54; Jātaka-Ṭṭha 4. 378 piṭṭhesu.)

4. Vi-Ṭṭha 2. 399 piṭṭhe.

pharitvā gatā, tena caṇḍapajjotassa nibbatti ahoṣīti āha **eteneva nāyēnāti**-ādi.

Ayanti sudinnassa purāṇadutiyaikā. **Yaṃ sandhāyāti** yaṃ ajjhācāraṃ sandhāya. **Mātāpitaro ca sannipatitā hotīti** iminā sukkassa sambhavaṃ dīpeti, **mātā ca utunī hotīti** iminā soṇitassa. **Gandhabboti** tatrūpago satto adhippeto, gantabboti vuttaṃ hoti, ta-kārassa cettha dha-kāro kato. Atha vā gandhabbā nāma raṅganaṭā, te viya tatra tatra bhavesu nānāvesaggahaṇato ayampi “gandhabbo”ti vutto, so mātāpitūnaṃ sannipātakkhaṇato pacchāpi sattāhabbhantare tatra upapanno “paccupatthito”ti vutto. **Gabbhassāti** kalalarūpasahitassa paṭisandhiviññāṇassa. Tañhi idha “gabbho”ti adhippetam sā tena gabbhaṃ gaṇhīti-ādīsu¹ viya. Assa taṃ ajjhācāranti sambandho. **Pāliyaṃ** nirabbudo vata bho bhikkhusaṃgho nirādīnavoti imassa anantaraṃ tasmim bhikkhusaṃgheti ajjhāharitvā sudinnena -pa- ādīnavo uppāditoti yojanā veditabbo. **Itihāti** nipātasamudāyassa **evanti** idam atthabhavanam². **Muhuttenāti** idam **khaṇenāti** padassa vevacanam. Yāva brahmalokā abbhuggatopi devānaṃ tāvamahanto saddo tesam rūpaṃ viya manussānaṃ gocaro na hoti. Tasmā pacchā sudinnena vutte eva jānimsūti daṭṭhabbam.

37. **Maggabrahmacariyanti** maggapadaṭṭhānaṃ sikkhattayameva upacārato vuttaṃ tasseva yāvajjivam caritabbattā. **Avipphārikoti** uddesādīsu abyāvaṭo. **Vahacchinnoti** chinnapādo, chinnakhandho vā. **Cintayīti** iminā **pajjhāyīti** padassa kiriyāpadattaṃ dasseti. Tena kiso ahoṣi -pa- pajjhāyi cāti ca-kāraṃ ānetvā pāliyojanā kātabbā.

38. Gaṇe janasaṃgāme sannipātanaṃ gaṇasaṅgaṇikā, sāva papañcā tena **gaṇasaṅgaṇikāpapañcena**. **Yassāti** ye assa. **Kathāphāsukāti** vissāsikabhāvena phāsukakathā, sukhasambhāsāti attho. Upādārūpaṃ bhūtarūpamukheneva mandanaṃ pīnanañca hotīti āha **pasāda**-iccādi. **Dānīti** nipāto idha pana-saddatthe vattati takkālavācino etarahi-padassa visum vuccamānattāti āha “so pana tvan”ti. No-saddopi nu-saddo

1. Vi 1. 21 piṭṭhe.

2. Atthakathanam (Sī)

viya pucchanatthoti āha “kacci nu tvan”ti. **Tamevāti** gihbhāvapattanālakkhaṇameva. Anabhiratimevāti eva-kārena nivattitāya pana tadaññāya anabhiratiyā vijjamānattam dassetum **adhikusalānanti**-ādi vuttam, samathavipassanā **adhikusalā** nāma. **Idam panāti**-ādi upari vattabbavisesadassanam. **Pariyāvavacanamattanti** saddatthakathanamattam.

Tasminti dhamme, evam virāgāya desite satīti attho. **Nāmāti** garahāyam. **Lokuttaranibbānanti** virāgāyāti-ādina vuttakilesakkhayanibbānato viseseti. Jātim nissāya uppajjanakamāno eva madajananaṭṭhena madoti **mānamado**. “Aham puriso”ti pavatto māno **purisamado**. “Asaddhammasevanāsamatthattam nissāya māno, rāgo eva vā **purisamado**”ti keci. **Ādi**-saddena balamadādim saṅgaṇhāti. **Tebhūmakavattanti** tīsu bhūmīsu kammakilesavipākā pavattanaṭṭhena vattam. **Virajjati**ti vigacchati. **Yoniyoti** aṇḍajādayo, tā pana yavanti tāhi sattā amissitāpi samānajātīyā missitā hontīti “yoniyoti”ti vuttā.

Ñātātiraṇapahānavasenāti ettha lakkhaṇādivasena sappaccayanāmarūpapariggaho **ñātāpariññā** nāma. Kalāpasammasanādivasena pavattā lokiyavipassanā **tiraṇapariññā** nāma. Ariyamaggo **pahānapariññā** nāma. Idha pana ñātātiraṇakiccānampi asammohato maggakkhaṇe sijjhanato ariyamaggameva sandhāya tividhāpi pariññā vuttā, teneva “lokuttaramaggo kathito”ti vuttam. **Kāmesu pātabyatānanti** vatthukāmesu pātabyatāsaṅkhātānam subhādi-ākārānam tadākāragāhikānam taṇhānanti attho. Visayamukhena hettha visayino gahitā. **Ṭīsu thānesūti** “virāgāya dhammo desito -pa- no sa-upādānāyā”ti evam vuttesu.

39. **Kalisāsanāropanatthāyāti** dosāropanatthāya. Kalīti kodhassa nāmam, tassa sāsanam kalisāsanam, kodhavasena vuccamānā garahā. Ajjhācārova vītikkamo. **Samaṇakaraṇānam dhammānanti** samaṇabhāvakarānam hirottappādidhammānam. **Pāliyam** katham-saddayogena na sakkhissasīti anāgatavacanam katam, “nāma-saddayogenā”tipi vadanti. **Ativiya**

dukkhavipākanti gahaṭṭhānaṃ nātisāvajjampi kammaṃ pabbajitānaṃ bhagavato āṇāvītikkamato ceva samādinnaṃ sikkhattayavināsanato ca mahāsāvajjaṃ hotīti vuttaṃ. Udahe bhavaṃ odakaṃ, dhovanakiccanti āha **udakakiccanti**-ādi. Samāpajjissasīti anāgatavacanaṃ nāma-saddayogena katanti āha “nāma-saddena yojetabban”ti. Dubbharatādīnaṃ hetubhūto asaṃvaro idha dubbharatādi-saddena vutto kāraṇe kāriyopacārenāti āha “dubbharatādīnaṃ vatthubhūtaṃ asaṃvarassa”ti. **Attāti** attabhāvo.

Dubbharatanti attanā upaṭṭhākehi ca dukkhena bharitabbataṃ. Sattēhi kilēsihi ca saṅgaṇaṃ samodhānaṃ saṅgaṇikāti āha **gaṇasaṅgaṇikāyāti**-ādi. **Aṭṭhakusītavattupāriyāti** ettha kammaṃ kātābanti ekaṃ, tathā akāsinti, maggo gantabboti, agamāsinti, nālattham bhojanassa pāriyānti, alatthanti, uppanno me ābādhoti, aciravutṭhito gelaññāti ekanti imāni aṭṭha kusītavattūni nāma. Ettha ca kosajjaṃ kusīta-saddena vuttaṃ. Vināpi hi bhāvajotanaṃ pacayaṃ bhāvatto viññāyati yathā paṭassa sukkanti.

Sabbakilesāpacayabhūtāya vivatṭāyāti rāgādisabbakilesānaṃ apacayahetubhūtāya nibbānāya, nibbānatthanti attho.

Samvarappahānapaṭisaṃyuttanti sīlasaṃvarādīhi pañcahi saṃvarehi ceva tadaṅgappahānādīhi pañcahi pahānehi ca upetaṃ. **Asuttantavinibaddhanti** tīsu piṭakesu pāṭisaṅkhātasuttantavasena aracitaṃ, saṅgītikārehi ca anāropitaṃ, tenāha “pāṭiviniṃuttan”ti. Tena ca aṭṭhakathāsu yathānūrūpaṃ saṅgahitanti dasseti. Evarūpā hi pakiṇṇakadesanā aṭṭhakathāya mūlam.

Okkantikadhammadesanā nāma tasmim tasmim pasaṅge otāretvā otāretvā nānāyehi kathiyamānā dhammadesanā, tenāha **bhagavā kirāti**-ādi.

Paṭikkhipanādhippāyāti paññattampi sikkhāpadaṃ “kimetenā”ti maddanacittā.

Vuttatthavasenāti patiṭṭhā-adhigamupāyavasena. **Sikkhāpadavibhaṅge** yā tasmim samaye kāmesumicchācārā ārati viratīti-ādinā¹ niddiṭṭhaviratiyo ceva, yā tasmim samaye cetanā sañcetanāti-ādinā² niddiṭṭhacetanā ca, kāmesumicchācārā viramantassa phasso -pa- avikkhepoti-ādinā³ niddiṭṭhaphassādidhammā ca sikkhāpadanti dassetuṃ “ayañca

1. Abhi 2. 300 piṭṭhe.

2. Abhi 2. 299 piṭṭhādīsu.

3. Abhi 2. 300 piṭṭhe atthato samānaṃ.

attho sikkhāpadavibhaṅge vuttanayeneva vedītabbo”ti vuttaṃ. “Yo tattha nāmakāyo padakāyoti idaṃ mahā-aṭṭhakathāyaṃ vuttan”ti vadanti.

Nāmakāyoti nāmasamūho nāmapaññattiyeva, sesānipi tasseva vevacanāni. **Sikkhākoṭṭhāsoti** virati-ādayo vuttā tappakāsakañca vacanaṃ.

Atthavaseti hitavisesse ānisaṃsavisesse, te ca sikkhāpadapaññattiyā hetūti āha “kāraṇavase”ti. Sukhavihārābhāve sahaḥjīvanassa abhāvato **sahajīvitāti**

sukhavihārova vutto. **Dussīlapuggalāti** nissīlā dūsitasīlā ca.

Pārājikasikkhāpadappasaṅge hi nissīlā adhippetā, sesasikkhāpadappasaṅge tehi tehi vītikkamehi khaṇḍachiddādībhāvappattiyā dūsitasīlā adhippetā.

Ubhayenapi alajjinova idha “dussīlā”ti vuttāti vedītabbā.

Sabbasikkhāpadānampi dasa atthavase paṭicceva paññattattā upari dussīlapuggale nissāyāti etthāpi eseve nayo, teneva “ye maṅkutāṃ -pa-

niggahessatī”ti sabbasikkhāpadasādhāraṇavasena attho vutto. Tattha **maṅkutanti** nittejatanā adhomukhatāni. **Dhammenāti**-ādīsu **dhammoti**

bhūtanā vatthu. **Vinayoti** codanā ceva sārāṇā ca. **Satthasāsananti**

ñattisampadā ceva anusāvanasampadā ca. **Sandiṭṭhamānāti** saṃsayāṃ

āpajjamānā. **Ubbālḥāti** pīlītā. **Dussīlapuggale nissāya hi uposatho na tiṭṭhati, pavāraṇā na tiṭṭhati, saṃghakammāni nappavattanti, sāmaggī na hotīti**

iminā alajjīhi saddhīm uposathādisakalasaṃghakammaṃ kātum na vaṭṭati dhammaparibhogattāti dasseti. Uposathapavāraṇānaṃ niyatakālikatāya ca

avassāṃ kattabbattā saṃghakammato visum gahaṇāṃ vedītabbāni. **Akitti** garahā. **Ayaso** parivārahāni.

Cuddasa khandhakavattāni nāma **vattakkhandhake**¹ vuttāni āgantukavattāni āvāsika gamika anumodana bhattagga piṇḍacārika āraññaka senāsana jantāgharavaccakuṭi upajjhāya saddhivihārika ācariya antevāsikavattanti imāni cuddasa vattāni, etāni ca sabbesaṃ bhikkhūnaṃ sabbadā ca yathārahaṃ caritabbāni. **Dve asīti mahāvattāni** pana tajjanīyakammakatādīkāleyeva caritabbāni, na sabbadā. Tasmā visum gaṇitāni. Tāni pana “pārivāsikānaṃ bhikkhūnaṃ vattaṃ paññapessāmi”ti² ārabhitvā “na upasampādetabbāni -pa- na chamāya

1. Vi 4. 373 piṭṭhe.

2. Vi 4. 83 piṭṭhe.

caṅkamante caṅkame caṅkamitabban”ti¹ vuttāvasānāni chasaṭṭhi, tato paraṃ “na bhikkhave pārivāsikena bhikkhunā pārivāsikena vuḍḍhatarena bhikkhunā saddhiṃ, mūlāyapaṭikassanārahena, mānattacārikena, mānattārahena, abbhānārahena bhikkhunā saddhiṃ ekacchanne āvāse vatthabban”ti-ādina² vuttavattāni pakatattena³ caritabbhehi anaññatā visuṃ agaṇetvā pārivāsikavuḍḍhatarādīsu puggalantaresu caritabbattā tesam vasena sampiṇḍetvā ekekaṃ katvā gaṇitāni pañcāti ekasattativattāni ca ukkhepanīyakammakatavattesu ca vuttaṃ “na pakatattassa bhikkhuno abhivādanam paccuṭṭhānam -pa- nahāne piṭṭhiparikammaṃ sādītān”ti⁴ idaṃ abhivādanādīnam asādiyanam ekaṃ, “na pakatatto bhikkhu sīlavipattiyā anuddhamsetabbo”ti-ādīni⁵ ca dasāti evaṃ dvāsīti vattāni honti, etesveva pana kānici tajjanīyakammādivattāni kānici pārivāsikādivattānīti aggahitaggahaṇena dvāsītiyeva. Aññattha pana aṭṭhakathāpadese appakaṃ ūnamadhikaṃ vā gaṇanūpagam na hotīti asītikhandhakavattānīti āgataṃ. Atha vā purimehi cuddasavattehi asaṅgahitāni vinayāgatāni sabbāni vattāni yathā dvāsīti vattāni, asīti vattāni eva vā honti, tathā saṅgahetvā ñātābāni.

Saṃvaravinayoti sīlasaṃvaro satisaṃvaro ñāṇasaṃvaro khantisāṃvaro vīriyasāṃvaroti pañcavidhopi saṃvaro yathāsakaṃ saṃvaritabbānaṃ vinetabbānaṃcā kāyaduccaritādīnam saṃvaraṇato saṃvaro, vinayanato vinayoti vuccati. **Pahānavinayoti** tadaṅgappahānaṃ vikkhambhanappahānaṃ samucchedappahānaṃ paṭippassaddhippahānaṃ nissaraṇappahānanti pañcavidhampi pahānaṃ, yasmā cāgaṭṭhena pahānaṃ, vinayanaṭṭhena vinayo, tasmā “pahānavinayo”ti vuccati. **Samathavinayoti** satta adhikaraṇasamathā. **Paññattivinayoti** sikkhāpadameva. Tampi hi bhagavato sikkhāpadapaññattiyāva anuggahitaṃ hoti tabbhāve eva bhāvato. Saṅkhalikanayaṃ katvā dasakkhattuṃ yojanaṃcā katvā yaṃ vuttanti sambandho. tattha purimapurimapadassa anantarapadeneva yojitattā ayosaṅkhalikasadisanti “saṅkhalikanayan”ti vuttaṃ. Dasasu padesu ekamekaṃ padaṃ tadavasesehi navanavapadehi yojitattā “ekekāpadamūlikan”ti vuttaṃ.

1. Vi 4. 83 piṭṭhe.

2. Vi 4. 86 piṭṭhe.

3. Pakatatte (Sī, Ka)

4. Vi 4. 88 piṭṭhe.

5. Vi 4. 52 piṭṭhe.

Atthasataṃ dhammasatanti ettha yo hi so **parivāre**¹ yaṃ saṃghasuṭṭhu, taṃ saṃghaphāsūti-ādim katvā yaṃ saddhammaṭṭhitiyā, taṃ vinayānuggahāyāti pariyoṣānaṃ khaṇḍacakkavaseneva saṅkhalikanayo vutto, tasmim̄ ekamūlakanaye āgatabaddhacakkanayena yaṃ vinayānuggahāya, taṃ saṃghasuṭṭhūti idampi yojetvā baddhacakke kate purimapurimāni dasa dhammapadāni, pacchimacchimāni dasa atthapadāni cāti vīsati padāni honti. Ekamūlakanaye pana ekasmim̄ vāre neveva atthapadāni labbhanti. Evaṃ dasahi vārehi navuti atthapadāni navuti dhammapadāni ca honti, tāni saṅkhalikanaye vuttehi dasahi atthapadehi dasahi dhammapadehi ca saddhim̄ yojitāni yathāvuttaṃ atthasataṃ dhammasatañca hontīti veditabbaṃ. Yaṃ panettha **sāratthadīpaniyam**² saṅkhalikanayepi ekamūlakanayepi paccekam̄ atthasatassa dhammasatassa yojanāmukhaṃ vuttaṃ, taṃ tathā siddhepi atthasataṃ dhammasatanti³ gāthāya na sameti dve atthasatāni dve dhammasatāni cattāri niruttisatāni aṭṭha nāṇasatānīti vattabbato. Tasmā idha vuttanayeneva atthasataṃ dhammasatanti vuttanti gahetabbaṃ. **Dve ca niruttisatānīti** atthajotikānaṃ niruttīnaṃ vasena niruttisatam̄, dhammabhūtānaṃ niruttīnañca vasena niruttisatanti dve niruttisatāni. **Cattāri ca nāṇasatānīti** atthasate nāṇasatam̄, dhammasate nāṇasatam̄, dvīsu niruttisatesu dve nāṇasatānīti cattāri nāṇasatāni. **Atirekānayanattho** avuttasamuccayattho.

Paṭhamapaññattikathāvaṇṇanāyo niṭṭhito.

Sudinnabhāṇavāraṇṇanā niṭṭhitā.

Makkaṭivattukathāvaṇṇanā

40. **Pacuratthe hi vattamānavacananti** ekadā paṭisevitvā pacchā anoramitvā divase divase sevanicchāya vattamānattā sevanāya abhāvakkhaṇepi iha mallā yujjhantīti-ādīsu viya abbhoccinnatam̄ bāhullavuttitañca upādāya paṭisevatīti vattamānavacanam̄ katanti attho. **Āhiṇḍantāti** vicarantā.

1. Vi 5. 253 piṭṭhe.

2. Sārattha-Ṭī 2. 38 piṭṭhe.

3. Vi 5. 254 piṭṭhe.

41. **Sahoḍḍhaggahitoti** sabhaṇḍaggahito, ayameva vā pāṭho. **Taṃ sikkhāpadam tatheva hotīti** manussāmanussādipuggalavisesam kiñci anupādiyivā sāmañño “yo pana bhikkhu methunam dhammam paṭiseveyyā”ti vuttattā¹ manussāmanussatiracchānagatānam itthipurisapaṇḍaka-ubhatobyañjanānam tiṃsavidhepi magge methunam sevantassa taṃ sikkhāpadam mūlacchejjakaram hoti evāti adhippāyo. Etena yaṃ anupaññattimūlapaññattiyā eva adhippāyappakāsanavasena subodhatthāya vatthuvaseṇa pavattānam visesatthajotakavaseṇāti dassitam hoti. **Āmasanam** āmatthamattam. Tato daḷhataram **phusanam**. **Ghaṭṭanam** pana tato daḷhataram katvā sarīrena sarīrassa saṅghaṭṭanam. **Taṃ sabbampīti**² anurāgeṇa pavattitam dassanādisabbampi.

42. **Pāṇātipātā**disacittakasikkhāpadānam³ **surāpānādi-** acittakasikkhāpadānañca⁴ ekeneva lakkhaṇavacanena lokavajjitaṃ dassetuṃ “yassa sacittakapakkhe cittaṃ akusalameva hoti, taṃ lokavajjitaṃ nāmā”ti vuttaṃ. Tattha **sacittakapakkheti** idaṃ kiñcāpi acittakasikkhāpadam sandhāyeva vatthuṃ yuttaṃ tasseva sacittakapakkhasambhavato, tathāpi sacittakasikkhāpadānampi asañcicca caṅkamanādīsu loke pāṇaghātavohārasambhavena acittakapakkham parikappetvā ubhinnampi sacittakācittakasikkhāpadānam sādharmaṇavasena “sacittakapakkhe”ti vuttaṃ. Itarathā sacittakasikkhāpadānam imasmim vākye lokavajjatālakkaṇam na vuttaṃ siyā. “Sacittakapakkhe cittaṃ akusalamevā”ti vutte pana sacittakasikkhāpadānam cittaṃ akusalameva, itaresam sacittakapakkheyeva akusalaniyamo, na acittakapakkhe. Tattha pana yathāsambhavam kusalam vā siyā, akusalam vā, abyākataṃ vāti ayamattho sāmattiyato sijjhatīti veditabbam. **Sacittakapakkheti** vatthuvītikkamavijānanacittena sacittakapakkheti gahetabbam, na paṇṇattivijānanacittena tathā sati sabbasikkhāpadānampi lokavajjatāpasaṅgato. “Paṭikkhittamidaṃ kātum na vaṭṭatī”ti jānantassa hi paṇṇattivajjepi anādariyavasena paṭighacittameva uppajjati, tasmā idaṃ vākyam niratthakameva siyā sabbasikkhāpadānapi lokavajjānīti ettakamattasseva vattabbatāpasaṅgato.

1. Vi 1. 25 piṭṭhe. 2. Taṃ sabbam (Ṭṭha) 3. Vi 2. 165 piṭṭhe. 4. Vi 2. 144 piṭṭhe.

Ettha ca sacittakapakkheva cittaṃ akusalanti niyamassa akatattā surāpānādīsu acittakapakkhe cittaṃ akusalaṃ na hotevāti na sakkā niyametuṃ, kevalaṃ pana sacittakapakkhe cittaṃ akusalameva, na kusalādīti evamettha niyamo sījhati, evaṅca¹ surāti ajānitvā pivantānampi akusalacitteneva pānaṃ gandhavaṇṇakādibhāvaṃ ajānitvā limpantīnaṃ bhikkhunīnaṃ vināpi akusalacittena limpanaṅca, ubhayatthāpi āpattisambhavo ca samatthito hoti. Yaṃ pana **sāratthadīpaniyam**² “sacittakapakkhe cittaṃ akusalamevāti vacanato acittakassa vatthu-ajānavasena acittakapakkhe cittaṃ akusalamevāti ayaṃ niyamo natthīti viññāyati”ti vuttaṃ, taṃ na yuttaṃ. Acittakesu hi terasasu lokavajjesu surāpānasseva acittakapakkhepi akusalacittaniyamo, na itaresaṃ dvādasannaṃ akusalādicittena āpajjitabbato. Yaṃ pana evaṃ kenaci anicchamānaṃ saddatopi³ apatīyamānamimaṃ niyamaṃ parādhippāyaṃ katvā dassetuṃ “yadi hi acittakassa acittakapakkhepi cittaṃ akusalameva siyā, sacittakapakkheti idaṃ visesanaṃ niratthakaṃ siyā”ti-ādi vuttaṃ, taṃ niratthakameva evaṃ niyamassa kenaci anadhippetattā. Na hi koci saddasatthavidū⁴ niyamaṃ icchati, yena sacittakapakkheti idaṃ visesanaṃ niratthakaṃ siyāti-ādi vuttaṃ bhaveyya, kintu sacittakapakkhe cittaṃ akusalameva, acittakapakkhe pana cittaṃ aniyataṃ akusalameva vā siyā, kusalādīsu vā aññataranti evameva icchati. Tena **sacittakapakkheti** visesanaṃpi sātthakaṃ siyā. Acittakasikkhāpadānaṃ sacittakapakkhesu akusalaniyamena lokavajjatā ca sījhati. Tesu ca surāpānasseva acittakapakkhepi lokavajjatā akusalacittatā ca, itaresaṃ pana sacittakapakkhe evāti vādopi na virujjhatīti na kiñcettha anupapannaṃ nāma.

Yaṃ panettha “surāti ajānitvā pivantassa -pa- vināpi akusalacittena āpattisambhavato -pa- surāpānādi-acittakasikkhāpadānaṃ lokavajjatā na siyā”ti-ādi vuttaṃ. Yaṅca tamatthaṃ sādhetuṃ **gaṇṭhipadesu** āgatavacanaṃ dassetvā bahūṃ papañcitaṃ, taṃ na sārato paccetabbaṃ aṭṭhakathāhi viruddhattā. Tathā hi “vatthu-ajānanatāya cettha acittakatā veditabbā akusaleneva pātabbatāya lokavajjatā”ti vuttaṃ. Yañcetassa

1. Evañhi (?) 2. Sārattha-Ṭī 2. 40 piṭṭhe. 3. Saddatoti (Sī) 4. Saddavidū (Ka)

“sacittakapakkhe akusaleneva pātabbato lokavajjatā”ti vuttam̃ aṭṭhakathāvacaṇam̃, taṃ na sundaram̃. “Sacittakapakkhe cittaṃ akusalamevā”ti sabbesaṃ lokavajjānaṃ idheva pārājikaṭṭhakathāya sāmaññato vatvā surāpānasikkhāpadaṭṭhakathāyam¹ “akusaleneva pātabbatāyā”ti evaṃ acittakapakkhepi akusalacittatāya visesetvā vuttattā. Na hi “sāmaññato idha vuttova attho puna **surāpānaṭṭhakathāyampi** vutto”ti sakkā vuttum̃ vuttasseva puna vacane payojanābhāvo, tadaññesupi acittakalokavajjesu vattabbatāpasaṅgato ca, nāpi ekattha vutto nayo tadaññesupi ekalakkhaṇatāya vutto eva hotīti “surāpānasikkhāpadeyeva² vutto”ti sakkā vatthum̃ acittakalokavajjānaṃ sabbapaṭhame uyyuttasikkhāpadeyeva³ vattabbato, surāpānasikkhāpadeyeva vā vatvā eseva nayo sesesu acittakalokavajjesupīti atidisitabbato ca.

Apica vuttamevattham̃ vadantena “sacittakapakkhe akusaleneva pātabbatāyā”ti pubbe vuttakkameneva vattabbarṃ sandehādivigamatthattā puna vacanassa. Sikkhāpadavisaye ca visesitabbarṃ visesetvāva vuccati, itarathā āpattānāpattādibhedassa duviññeyuttā. Tathā hi **bhikkhunīvibhaṅgaṭṭhakathāyam⁴** “vināpi cittena āpajjitabbattā acittakāni, citte pana sati akusaleneva āpajjitabbattā lokavajjāni ceva akusalacittāni cā”ti giraggasamajjādīnaṃ sacittakapakkhe eva lokavajjatā akusalacittatā ca visesetvā vuttā, na evaṃ surāpānassa. Tassa pana pakkhadvayassāpi sādharmaṇavasena “akusaleneva pātabbatāyā”ti vuttam̃, na pana “sacittakapakkhe”ti visesetvā. Tasmā idam̃ surāpānaṃ sacittakācittakapakkhadvayepi lokavajjaṃ akusalacittañcāti dassetumeva “akusaleneva pātabbatāya lokavajjatā”ti visum̃ vuttanti suṭṭhu sijjhati. Eteneva yaṃ **sāratthadīpaniyam⁵** “sacittakapakkhe akusaleneva pātabbatāya lokavajjatā”ti vuttassa imasseva adhippāyassa paṭipādakametanti saññāya iminā eva hi adhippāyena aññesupi lokavajjesu acittakasikkhāpadesu akusalacittatā eva vuttā, na pana ticittatā. Teneva

1. Vi-Ṭṭha 2. 127 piṭṭhe.

2. Vi 2. 144 piṭṭhe.

3. Vi 2. 139 piṭṭhe.

4. Vi-Ṭṭha 2. 229 piṭṭhe.

5. Sārattha-Ṭṭi 2. 41 piṭṭhe.

bhikkhunīvibhaṅgaṭṭhakathāyaṃ¹ vuttaṃ “giraggasamajjāṃ cittaṅgārasikkhāpadaṃ saṅghāṇi itthālankāro gandhavaṇṇako vāsitaḥapīṇṇāko bhikkhunī-ādīhi ummaddanaparimaddanānīti imāni dasa sikkhāpadāni acittakāni akusalacittāni, ayaṃ panettha adhippāyo vināpi cittaṇa āpajjitabbattā acittakāni, citta pana sati akusaleneva āpajjitabbattā lokavajjāni ceva akusalacittāni cā”ti vuttaṃ, tampi paṭisiddhaṃ hoti tabbiparītasēva atthassa yathāvuttanayena sādhanato. Tasmā surāpānassa acittakapakkhepi cittaṃ akusalamevāti imaṃ viṣesaṃ dassetumeva idaṃ vacanaṃ vuttanti gaḥetabbaṃ. Ayañhettha attho vatthu-ajānanatāya cetthāti ettha ca-kāro viṣesatthajotako apicāti iminā samānattho. Tasmā yadidaṃ aññesu acittakalokavajjesu vināpi cittaṇa āpajjitabbattā acittakāni, citta pana sati akusaleneva āpajjitabbattā lokavajjāni ceva akusalacittāni cāti lokavajjatāya akusalacittatāya ca lakkhaṇaṃ vuccati, taṃ ettha surāpānasikkhāpade nāgacchati, idha pana viṣeso atthīti vuttaṃ hoti. So kataroti ce? Vatthu-ajānanatāya eva vatthujānanacittena vināpi āpajjitabbatāya eva acittakatā veditabbā, natthettha acittakatāya viṣeso. Kintu vatthu-ajānanasaṅkhātā-acittakapakkhepi akusalacitteneva surāmerayassa ajjhoharitabbatāyāti imassa sikkhāpadassa sacittakapakkhepi acittakapakkhepi lokavajjatā akusalacittatā ca veditabbāti ayamettha viṣeso. Idha hi “citta pana sati”ti aviseṣetvā “akusalenevā”ti sāmāññato vuttattā ubhayapakkhepi lokavajjatā akusalacittatā ca siddhāti veditabbā. Teneva **paramatthajotikāya** khuddakaṭṭhakathāya² sikkhāpadavaṇṇanāya “surāmerayamajjapamādaṭṭhānaṃ kāyato ca kāyacittato cāti dvisamuṭṭhānaṃ”ti vuttaṃ. Surāti jānanacittābhāveneva hettha cittaṅgavirahito kevalopi kāyo ekasamuṭṭhānaṃ vutto, tasmiṇca ekasamuṭṭhānakkhaṇepi yāya cetanāya pivati, sā ekanta-akusalā eva hoti. Teneva tattheva aṭṭhakathāyaṃ “paṭhamā cettha pañca ekanta-akusalacittasamuṭṭhānattā pañātipātādīnaṃ pakativajjato veramaṇiyo, sesā paṇṇattivajjato”ti evaṃ pañcannampi sāmāññato akusalacittatā lokavajjatāsaṅkhātā pakativajjatā ca vuttā. Aṅgesu ca jānanaṅgaṃ na vuttaṃ. Tathā hi

1. Vi-Ṭṭha 2. 229 piṭṭhe.

2. Khuddakapāṭha-Ṭṭha 25 piṭṭhe.

“surāmerayamajjapamādaṭṭhānassa pana surādīnaṃ aññatarāṃ hoti madanīyaṃ, pātukāmatācittaṅca paccupaṭṭhitaṃ hoti, tajaṅca vāyāmaṃ āpajjati, pīte ca pavisaṭṭi imāni cattāri aṅgāni”ti vuttaṃ, na pana surāti jānanaṅgena saddhiṃ pañcāti. Yadi hi surāti jānanaṃpi aṅgaṃ siyā, avassameva taṃ vattabbaṃ siyā, na ca vuttaṃ. Yathā cettha, evaṃ aññāsupi **suttapiṭakādi-aṭṭhakathāsu** katthaci jānanaṅgaṃ na vuttaṃ. Tasmā “akusaleneva pātabbatāya lokavajjatā”ti imassa aṭṭhakathāpāṭhassa acittakapakkhepi “akusaleneva pātabbatāya lokavajjatā”ti evameva atthoti niṭṭhamettha gantabbaṃ.

Apica yaṃ **gaṇṭhipadesu** “etaṃ¹ sattaṃ māressāmīti tasmiṃyeva padese nipannaṃ aññaṃ mārentassa pāṇasāmaññaṃ atthitāya yathā pāṇātipāto hoti, evaṃ etaṃ¹ majjaṃ pivissāmīti aññaṃ majjaṃ pivantassa majjasāmaññaṃ atthitāya akusalameva hoti, yathā pana kaṭṭhasaññāya sappāṃ ghātentassa pāṇātipāto na hoti, evaṃ nāḷikerapānasaññāya majjaṃ pivantassa akusalaṃ na hoti”ti pāṇātipātena saddhiṃ sabbathā samānattena upametvā vuttaṃ, taṃ ativiya ayuttaṃ sabbesaṃ sikkhāpadānaṃ pāṇātipātādi-akusalānaṅca aññamaññaṃ samānatāya niyamābhāvā. Pāṇātipāto hi pariyāyenāpi sījhati, na tathā adinnādānaṃ. Taṃ pana ānattiyāpi sījhati, na ca methunādīsu. Tasmā payogaṅgādīhipi bhinnānameva saṃsaṭṭhaṃ sabbathā samīkaraṇaṃ ayuttameva. “Pāṇātipāto viya adinnādānamethunādīnīpi pariyāyakathādīhi sījhanti”ti kenaci vutte taṃ kinti na gayhati tathā vacanābhāvāti ce? Idhāpi “tathā pāṇātipātasadisāṃ surāpānaṃ”ti vacanābhāvā idampi na gahetabbameva. Kiñci aṭṭhakathāvacaneneva siddhamevatthaṃ paṭibāhantena vinayaññunā suttasuttānulomādīhi tassa virodhaṃ dassetvā paṭibāhetabbaṃ, na pana payogaṅgādīhi accantavibhinnena sikkhāpadantarena saha samīkaraṇamattena. Na hi “surāti ajānitvā pivantassāpi akusalamevā”ti ettha suttādivirodho atthi, vinayapiṭake tāva etassa atthassa viruddhaṃ suttādikaṃ na dissati, nāpi suttapiṭakādīsu.

Yaṃ panettha keci vadanti “manopubbaṅgamā dhammāti² vuttattā sabbāni akusalāni pubbe vitikkamavatthum jānantasseva honti”ti. Taṃ tesam

1. Ekaṃ (Sī)

2. Khu 1. 13 piṭṭhe Dhammapade.

suttādhīppāyānabhiññātameva pakāseti. Na hi “manopubbaṅgamā dhammā”ti idaṃ vacanaṃ pubbe vītikkamavatthuṃ jānantasseva akusalā dhammā uppajjantīti imamattam dīpeti, atha kho kusalākusalā dhammā uppajjamānā uppādapaccayaṭṭhena pubbaṅgamabhūtaṃ sahaajātacittam nissāyeva uppajjanti, na vinā cittenāti imamattam dīpeti. Na hettha “surāti ajānitvā pivantassa akusalamevā”ti vutte sahaajātacittam vināpi lobhādi-akusalacetāsikā dhammā uppajjantīti ayamatto āpajjati. Yena taṃ nisedhāya idaṃ suttaṃ āharaṇīyaṃ siyā, abhidhammavirodhopettha natthi pubbe nāmajāti-ādivasena ajānantasseva pañcaviññānavīthiyaṃ kusalākusalajavanuppattivacanato.

Apica bālaputhujjanānaṃ chasu dvāresu uppajjamānāni javanāni yebhuyyena akusalāneva uppajjanti. Kusalāni pana tesam kalyāṇamittādi-upanissayabalena appakān eva uppajjanti, tuṅhībhūtānampi niddāyitvā supinaṃ passantānampi uddhaccādi-akusalajavanasseva yebhuyyappavattito kusalākusalavirahitassa javanassa tesam abhāvā. Akusalā hi¹ visayānuguṇaṃ vāsanānuguṇaṃca yathāpaccayaṃ samuppajjanti, tattha kiṃ pubbe jānanājānanabaddhena². Ye pana jānanādi-aṅgasampannā pāṇātipātādayo, ye ca jānanādiṃ vināpi sijjhamānā surāpānamicchādiṭṭhi-ādayo, te te tathā tathā yāthāvato ñatvā sammāsambuddhena niddiṭṭhā, tesaṃca yathāniddiṭṭhavasena gahaṇe ko nāma abhidhammavirodho. Evaṃ suttādivirodhābhāvato, aṭṭhakathāya ca vuttattā yathāvuttavasenevettha attho gahetabbo. Yadi evaṃ kasmā “sāmaṇero jānitvā pivanto sīlabhedam āpajjati, na ajānitvā”ti aṭṭhakathāyaṃ vuttanti? Nāyaṃ doso sīlabhedassa bhagavato āṇāyattattā ukkhittānuvattikādīnaṃ sīlabhedo viya. Na hi tāsam akusaluppattiyā eva sīlabhedo hoti saṃghāyattasamanubhāsanānantareyeva vihitattā. Evamidhāpi jānitvā pivane eva vihito, na ajānitvā pivane. Añño hi sikkhāpadavisayo, añño akusalavisayo. Teneva sāmaṇerānaṃ purimesu pañcasu sikkhāpadesu ekasmiṃ bhinne sabbānīpi sikkhāpadāni bhijjanti. Akusalaṃ pana yaṃ bhinnaṃ, tena ekeneva hoti, nāññehi. Tasmā

1. Na akusalā hi (Sī)

2. ...nibandhena (Sī)

sāmaṇerassa ajānitvā pivantassa sīlabhedābhāvepi kammaṭṭhappattaṃ akusalamevāti gahetabbaṃ.

Yaṃ pana **sāratthadīpaniyaṃ**¹ “sāmaṇerassa surāti ajānitvā pivantassa pārājikaṃ natthi, akusalaṃ pana hotī”ti kehici vuttavacanaṃ “taṃ tesāṃ matimattan”ti paṭikkhipitvā “bhikkhuno ajānitvāpi bījato paṭṭhāya majjāṃ pivantassa pācittiyaṃ. Sāmaṇero jānitvā pivanto sīlabhedāṃ āpajjati, na ajānitvāti ettakameva hi aṭṭhakathāyaṃ vuttaṃ, akusalaṃ pana hotīti na vuttan”ti tattha kāraṇaṃ vuttaṃ², taṃ akāraṇaṃ. Na hi aṭṭhakathāyaṃ sāmaṇerānaṃ jānitvā pivane eva sīlabhedo, na ajānitvāti sīlabhedakathanaṭṭhāne akusalaṃ pana hotīti avacanaṃ ajānanapakke akusalābhāvassa kāraṇaṃ hoti, tattha paṇāsaṅgābhāvā, vattabbaṭṭhāne eva “akusaleneva pātabbatāya lokavajjātā”ti vuttattā ca. Na ca te “akusalaṃ pana hotī”ti vadantā ācariyā imaṃ sāmaṇerānaṃ sīlabhedappakāsakaṃ khandhakaṭṭhakathāpāṭhameva gahetvā avocum, yena³ “ettakameva aṭṭhakathāyaṃ vuttan”ti vattabbaṃ siyā, atha kho surāpānaṭṭhakathāgataṃ suttapiṭakaṭṭhakathāgataṃ anekavidhaṃ vacanaṃ, mahāvihāravāsīnaṃ paramparopadesaṅca gahetvā avocum. Bhinnaladdhikānaṃ abhayaḡirikādīnaṃ mataṅhetāṃ, yaḡidāṃ jānitvā pivantasseva akusalanti gahaṅaṃ. Tasmā yaṃ vuttaṃ kehici “sāmaṇerassa surāti ajānitvā pivantassa pārājikaṃ natthi, akusalaṃ pana hotī”ti, taṃ suvuttanti gahetabbaṃ.

Yaṅca **sāratthadīpaniyaṃ**⁴ “ajānitvā pivantassāpi sotāpannassa mukhaṃ surā na pavisati kammaṭṭhappatta-akusalacitteneva pātabbato”ti kehici vuttavacanaṃ “na sundaraṃ”ti paṭikkhipitvā”bodhisatte kucchigate bodhisattamātu sīlaṃ viya hi idampi ariyasāvakaṅaṃ dhammatāsiddhanti veditaṅgaṃ”ti vatvā dhammatāsiddhantaṃyeva samatthetuṃ “bhavantaṅrepi hi ariyasāvako jīvitahetupi neva paṅaṃ hanati, na suraṃ pivati. Sace pissa suraṅca khīraṅca missetvā mukhe pakkipanti, khīrameva pavisati, na surā. Yathā kiṃ? Yathā koṅcasakuṅaṅaṃ khīramissake uḡake khīrameva pavisati, na uḡakaṃ. Idaṃ yonisiddhanti ce, idampi dhammatāsiddhanti veditaṅgaṃ”ti idaṃ aṭṭhakathāvacanaṃ dassitaṃ, tampi na yuttameva. Yathā hi bodhisattamātu sīlaṃ viya ariyasāvakaṅaṃ dhammatāsiddhanti

1. Sārattha-Ṭī 2. 40 piṭṭhe.

3. Tena (Sī, Ka)

2. Dassitaṃ (Sī)

4. Sārattha-Ṭī 2. 41 piṭṭhe.

ettha bodhisattamātu dhammatā nāma bodhisattassa ca attano ca pāramitānubhāvena akusalānuppattiniyamo eva. Tathā ariyasāvakānampi bhavantare pāṇātipātādīnaṃ dasannaṃ kammaṃpathānaṃ aññesañca apāyahetukānaṃ akusalānaṃ accantappahāyakassa maggassa ānubhāvena taṃtaṃsīlavītikamahetukassa akusalassa anuppattiniyamo eva dhammatā. Na hi sabhāvavādīnaṃ dhammatā viya ahetukatā idha dhammatā nāma. Yathā vā evaṃdhammatānaye kāraṇassa bhāve abhāve ca kāriyassa bhāvo abhāvo ca dhammatā, na ahetu-appaccayābhāvābhāvo, evamidhāpi pāṇātipātādīkammaṃpathānaṃ hetubhūtaṃ kilesassa accantābhāvena teṣaṃ abhāvo, tadavasesānaṃ akusalānaṃ hetuno bhāvena bhāvo ca dhammatā, na ahetukatā. Tasmā apāyahetuno rāgassa abhāveneva ariyānaṃ ajānitvāpi surāya anajjhoharaṇanti suvuttamevidaṃ kehici “ajānitvā pivantassāpi sotāpannassa mukhaṃ surā na pavisati kammaṃpathappatta-akusalacitteneva pātabbato”ti, taṃ kena hetunā na sundaraṃ jātanti na ñāyati, dhammatāsiddhanti vā kathanena kathaṃ taṃ paṭikkhittanti.

Yampi **dīghanikāyaṭṭhakathāyaṃ**¹ “surañca khīrañca missetvā -pa- idaṃ dhammatāsiddhan”ti vacanaṃ, tampi surāpānassa acittakapakkhepi akusalacittaññeva sādheti. Tathā hi “bhavantarepi hi ariyasāvako jīvitahetupi pāṇaṃ na hanati, nādinnaṃ ādiyati -pa- na suraṃ pivati”ti vutte “purimānaṃ tāva catunnaṃ kammaṃpathānaṃ sacittakattā viramaṇaṃ sukaraṃ, pacchimassa pana surāpānassa acittakattā kathaṃ viramaṇaṃ bhaveyyā”ti codanāsambhavaṃ manasikatvā vatthu-ajānanavasena acittakattepi yasmā kammaṃpathappatta-akusaleneva surā ajjhoharitaḃbā, tādisī ca akusalappavatti ariyasāvakassa maggeneva hatā, tasmāssa paragalaṃ surāya pavisaṇaṃ natthīti atthato gamyamānattham pariḃhāravacanaṃ vadatā “sace pissa surañca khīrañcā”ti-ādi vuttaṃ. Tattha khīrameva pavisati, na surāti idaṃ surāya sabbathāpi paragalappavesābhāvadassanaparaṃ, na pana surāmissakhīrassa surāya viyojanasāmatthiyadassanaparaṃ. Ayañhettha adhippāyo—yadi hi surāmissa khīre kiñci paviseyya, khīrameva paviseyya, na surā. Khīre pana surāya aviyutte na kiñci

1. Dī-Ṭṭha 1. 273 piṭṭhe.

pavisatīti. **Idaṃ yonisiddhanti** udakassa mukhe appavisanam̐ yonisiddham̐. Yonīti cettha jāti adhippetā. Tasmā koñcajātikānam̐ mukhatuṇḍasaṅkhātānam̐ rūpadhammānam̐ khīramissa-udakajjhoharaṇahetuttābhāvena taṃ appavisanam̐ siddhanti attho. Idampi hi khīramissāya surāya khīre pavisantepi paragalāpavisananti¹.

Dhammatāsiddhanti ariyasāvakassa arūpadhammānam̐ surāpivanahetubhūtakilēsasahitattābhāvasaṅkhātāya dhammatāya siddham̐. Evamettha acittakapakkhepi surāya akusalacitteneva pātabbato ariyasāvakānam̐ apivanam̐ samatthitanti veditabbam̐. Athāpi siyā ajānanapakkhe akusalacittena vināva pātabbattepi surāya apivanam̐ ariyānam̐ dhammatāti samatthanaparametanti, taṃ na, aṭṭhakathāvacanantarehi virujjhanato. Yathā hi vacanantarehi na virujjhati, tathāyeva attho gahetabbo.

Apica pāṇātipātādīnam̐ pañcannam̐ kammaṭṭhānam̐ bhavantarepi akaraṇam̐ ariyānam̐ dhammatāsīlameva, tesaṅca yadi sacittakataṃ samānam̐. Surāpānam̐ viya itarānīpi cattāri ajānantenāpi ariyasāvakena na kattabbāni siyūm, tathā ca ajānantānam̐ ariyānam̐ kusalābyākatacitthepi viramaṇa paramāraṇa parasantakagahaṇādīsu kāyavacīpavatti na sampajjeyya, no ce sampajjati, cakkhupālathēssa caṅkamanena pāṇaviyogassa, uppalavaṇṇattheriyā balakkārena maggenamaggaphusanassa ca pavattattā. Tasmā surāpānassa acittakapakkhepi akusaleneva pātabbatāya surā ariyānam̐ paragalam̐ na pavisatīti visesetvā vuttanti veditabbam̐.

Nanu vatthum̐ jānantasseva sabbe kammaṭṭhā vuttātī? Na, micchādīṭṭhiyā viparītaggahaṇeneva pavattattā. Kathāñhi nāma asabbaññum̐ sabbaññuto, aniccādīm̐ niccādito ca gahaṇantī diṭṭhi vatthum̐ vijānātī. Yadi hi jāneyya, micchādīṭṭhiyeva na siyā. Sā ca kammaṭṭhesu gaṇitātī kuto jānantasseva kammaṭṭhappavattiniyamo. Atha sabbaññum̐ sabbaññūti gaṇhantīpi “ayanam̐ satto”ti tassa sarūpaggahaṇato diṭṭhipi vatthum̐ vijānātīti ce? Na, surāpānassapi “ayanam̐ na surā”ti sarūpaggahaṇassa samānattā. “Ayan”ti ca vatthuparāmasanepi “surā”ti visesavijānanābhāvā na jānātīti ce? “Ayan”ti puggalattam̐ jānantīpi “asabbaññū”tipi visesajānanābhāvā diṭṭhipi vatthum̐ na jānātīti samānameva. Evañhi

1. ...pavisanampi (Sī, Ka)

tesaṃ buddhāti ahitoti ahitaṃ vā pūraṇakassapādiṃ hito paṭighassa vā anunayassa vā uppādanepi eseva nayo. Vipallāsapubbakañhi sabbam akusalam.

Apica surāya pīyamānāya niyāmena akusaluppādanam sabhāvo pītāya viya. Khīrādisaññāya pītasurassa puggalassa mātubhagini-ādīsūpi rāgadosādi-akusalappabandho vatthusabhāveneva uppajjati, evam pīyamānakkhaṇepi tikhiṇo rāgo uppajjateva, teneva sāgatatherassa ajānitvā pivanakāle pañcābhīññādi-jhānaparihāni, pacchā ca buddhādīsū agāravādi-akusalappabandho yāva surāvigamā pavattittha. Teneva bhagavāpi tassa agāravādi-akusalappavattidassanamukhena surādosam pakāsetvā sikkhāpadaṃ paññapesi. Na hi pañcanīvaraṇuppattiṃ vinā jhānaparihāni hoti. Tasmā ajānantassāpi surā pīyamānā pītā ca attano sabhāveneva akusaluppādikāti ayamatto sāgatatherassa jhānaparihāniyā anvayatopi, ariyānam kilesābhāvena mukhena surāya appavesasañkhātabyatirekatopi sijjhatīti niṭṭhamettha gantabam, evam gahaṇameva hi vibhajjavādīmatānusāram.

Yaṃ pana “jānitvā pivantasēva akusalan”ti gahaṇam, taṃ bhinnaladdhikānam abhayagirikādīnameva matam, taṃ pana gaṇṭhipadakārakādīhi “paravādo”ti ajānantehi attano matiyā saṃsanditvā likhitaṃ vibhajjavādīmaṇḍalampi pavisitvā yāvajjatanā sāsanam dūseti, purāpi¹ kira **imasmimpi damiḷaratthe** koci bhinnaladdhiko nāgaseno nāma thero kuṇḍalakesivattum paravādamathananayadassanattham damiḷakabbarūpena kārento “imam surāpānassa jānitvāva pivane akusalānam, aññañca desakālādibhedena anantampi ñeyyam sabbaññutaññānam salakkhaṇavaseneva ñātum na sakkoti ñāṇena paricchinnattena ñeyyassa anantattahānipasaṅgato. Aniccādisāmaññalakkhaṇavaseneva pana ñātum sakkotī”ti ca, “paramatthadhammesu nāmarūpanti-ādibhedo viya puggalādisammutipi visum vatthubhedo evā”ti ca evamādikaṃ bahum viparītattānam kabbākārassa kavino upadisitvā tasmim pabandhe kāraṇābhāsehi satim sammohetvā pabandhāpesi, tañca kabbam nissāya imam bhinnaladdhikamatam idha

1. Pubbe (Sī)

vibhajjavādimate sammissaṃ ciraṃ pavattittha. Taṃ pana pacchā ācariyabuddhappiyamahātherena bāhirabbhārikāṃ diṭṭhijālaṃ vighāṭetvā idha parisuddhaṃ sāsanaṃ paṭiṭṭhāpentena sodhitampi **sāratthadīpaniyā**¹ vinayaṭīkāya surāpānassa sacittakapakkheya cittaṃ akusalanti samatthanavacanaṃ nissāya kehici vipallattacittehi puna ukkhittasiraṃ jātāṃ, tañca mahātherehi vinicchinitvā gārayhavādaṃ katvā madditvā laddhigāhake ca bhikkhū viyojetvā dhammena vinayena satthusāsanaena cireneva vūpasamitaṃ. Tenevettha mayaṃ evaṃ vitthārato idaṃ paṭikkhipimha “mā aññepi vibhajjavādino ayaṃ laddhi dūsesī”ti. Tasmā idha vuttāni avuttāni ca kāraṇāni suṭṭhu sallakkhetvā yathā āgamavirodho na hoti, tathā attho gahetabbo.

Sesanti yassa vatthuvijānanacittena sacittakapakkhepi cittaṃ akusalamevāti niyamo natthi, taṃ sabbanti attho. **Rundhantīti** “tiracchānagatitthiyā doso natthi”ti-ādinā anāpattiyā lesaggahaṇaṃ nivārentī. **Dvāraṃ pidahantīti** “tañca kho manussitthiyā”ti-ādinā² lesaggahaṇassa kāraṇasaṅkhātāṃ dvāraṃ pidahantī. **Sotaṃ pacchindamānāti** tadubhayalesaggahaṇadvārānaṃ vasena avicchinnaṃ vītikkamasotaṃ pacchindamānā. **Gāhātaraṃ karontīti** yathāvuttehi kāraṇehi paṭhamapaññattisiddhaṃ āpattiññeva daḷhaṃ karontī, anāpattiyā okāsaṃ adadamānāti attho. Sā ca yasmā vītikkamābhāve, avisayatāya abbohārike vītikkame ca lokavajjēpi sithilaṃ karontī uppajjati, tasmā tathā uppattiṃ uppattikāraṇaṃ dassento āha **aññatra adhimānāti**-ādi. Aññatra adhimānāti imissā anupaññattiyā “vītikkamābhāvā”ti kāraṇaṃ vuttaṃ. Aññatra supinantāti imissā “abbohārikattā”ti kāraṇaṃ vuttaṃ. Tattha **vītikkamābhāvāti** pāpicchāya avijjamānassa uttarimanussadhammassa vijjamānato pakāsanavasappavattavisaṃvādanādhippāyasaṅkhātassa vītikkamassa abhāvato. Adhimānikassa hi anadhigate adhigatasaññitāya yathāvuttavītikkamo natthi. **Abbohārikattāti** “atthesā bhikkhave cetanā, sā ca kho abbohārikā”ti³ vacanato mocanassādacetanāya upakkamanassa ca vijjamānattepi thinamiddhena

1. Sārattha-Ṭī 2. 40 piṭṭhe.

2. Vi 1. 25 piṭṭhe.

3. Vi 1. 153 piṭṭhe.

abhibhūtāyā avasattena abbohārikattā, āpattikāraṇavohārābhāvāti attho. **Vā**-saddo cetha samuccayattho daṭṭhabbo, “abbohārikattā cā”ti vā pāṭho. **Vuttāti** duvidhāpi cesā anupaññatti anāpattikarā vuttāti adhippāyo.

Akate vītikkameti āpadāsupi bhikkhūhi sikkhāpadavītikkame akate, kukkuccā na bhuñjimsūti-ādīsu viya vītikkamaṃ akatvā bhikkhūhi attano dukkhuppattiyā ārocitāyāti attho. **Sithilaṃ karontī**ti paṭhamam sāmāññato baddhasikkhāpadaṃ mocetvā attano visaye anāpattikaraṇavasena sithilaṃ karontī. **Dvāraṃ dadamānāti** anāpattiyā dvāraṃ dadamānā. **Aparāparampi anāpattiraṃ kurumānāti** dinnena tena dvārena uparūpari anāpattibhāvaṃ dīpentī. Paññattepi sikkhāpade udāyinā “muhuttikāya vesiyā na doso”ti lesena vītikkamitvā **sañcarittāpajjanavatthusmim**¹ paññattattā “kate vītikkame”ti vuttam. **Paññattigatikāti** atthato mūlapaññattiyevāti adhippāyo.

Makkaṭṭivattukathāvaṇṇanānayo niṭṭhito.

Santhatabhāṇavāra

Vajjiputtakavatthukathāvaṇṇanā

43-44. Vajjiputtakavatthukathāya **pāḷiyam** “viselike -pa- methunaṃ dhammaṃ paṭiseviṃsū”ti ettha te ñātikulaṃ gantvā gihiliṅgaṃ gahetvā “gihibhūtā mayan”ti saññāya methunaṃ paṭiseviṃsūti gahettabbāṃ, tenāha **ñātibyasanenapi phutṭhāti**-ādi. Ñātīnaṃ vināso rājadaṇḍādikāraṇena hotīti āha **rājadaṇḍa**-iccādi. Dhaññahiraññadāsīdāsagomahimsādīdhanāni **bhogā** nāma, tesampi rājadaṇḍādināva vināsoti āha “esa nayo dutiyapadepi”ti. Na sabbaññubuddhoti-ādīnā tīsu vatthūsu appasannāva sāsane abhabbāti saññāya attano bhabbatam² pakāsentā **na mayanti**-ādimāhamsūti veditabbāṃ. “Aṭṭhatimsārammaṇesū”ti **pāḷiyam** anāgate ālokākāsakaṣiṇe vajjetvā vuttam, tehi

1. Vi 1. 197 piṭṭhe.

2. Abhabbatam (Sī, Ka)

pana saddhiṃ cattālīsa honti. **Vibhattā kusalā dhammā**ti “imasmiṃ ārammaṇe idaṃ hotī”ti vibhāgaso dassitā sa-upacārajjhānā mahaggatakusalā dhammā. **Gihipalibodhanti** sahasokitādivasena gihisu byāvaṭatam. **Āvāsapalibodhanti**¹ senāsanesu navakammādivasena niccabyāvaṭatam. Duppariccāgānam imesaṃ dvinnam palibodhānam vasena sabbepi palibodhā saṅgahitā evāti veditabban.

Yenāti kāraṇena. **Asaṃvāsoti** idaṃ tasmim attabhāve kenacipi pariyāyena bhikkhu hutvā bhikkhūhi saddhiṃ saṃvāsaṃ nārahatīti imamattam sandhāya vuttanti āha “asaṃvāso”ti. **Paññattam samūhaneyyāti** “so āgato na pabbājetabbo”ti avatvā “na upasampādetabbo”ti ettakasseva vuttattā pārājikassa sāmaṇerabhūmi anuññātāti viññāyati², tenāha **sāmaṇerabhūmiyam pana ṭhitoti**-ādī. “Yo pana bhikkhū”ti vuttattā³ paccakkhātasikkho yasmā bhikkhu na hoti, methunasevane ca pārājikam nāpajjati, tasmāssa “āgato upasampādetabbo”ti upasampadam anujānanto pārājikam na samūhanati nāma, tenāha “bhikkhubhāve ṭhatvā avipannasīlatāyā”ti. **Uttamattham** arahattam, nibbānameva vā.

Catubbidhavinayādikathāvaṇṇanā

45. **Nīharitvāti** pālito uddharitvā, tathā hi “pañcahupāli aṅgehi samannāgatena bhikkhunā nānuyuñjītabban. Katamehi pañcahi? Suttam na jānāti, suttānulomaṃ na jānāti”ti-ādī pālito⁴ suttam suttānulomaṇca nīharimsu. “Anāpatti evaṃ amhākam ācariyānam uggaho paripucchāti bhaṇāti”ti evamādito ācariyavādam. “Āyasmā upāli evamāha ‘anāpatti āvuso supinantenā’ti” evamādito attano matim nīharimsu, sā ca therassa attanomati suttena saṅgahitattā suttam jātam, evamaññāpi suttādīhi saṅgahitāva gahetabbā, netarāti veditabban. Atha vā **nīharitvāti** vibhajitvā sātṭhakatham sakalam vinayapiṭakam suttādīsu catūsu padasesu⁵ pakkhipitvā catudhā vibhajitvā vinayam

1. Senāsanapalibodhanti (Sī)

2. Paññāyati (Sī)

3. Vi 1. 25 piṭṭhe.

4. Vi 5. 303 piṭṭhe.

5. Pakāresu (Ka)

pakāsesuṃ tabbinimuttassa abhāvāti adhippāyo. **Vuttanti** nāgasenattherena **milindapañhe**¹ vuttaṃ. Kaṇṭhādivaṇṇupattiṭṭhānakaraṇādīhi āharitvā attano vacīviññattiyāva bhāsitavacanāṃ **āhaccapadam**. **Rasoti** sāro “pattaraso”ti-ādīsu² viya, paṭikkhitta-anuññātasuttasāroti attho, **rasoti** vā lakkhaṇaṃ paṭivatthukaṃ anuddharitvā lakkhaṇānulomena vuttattā. Dhammasaṅgāhakādi-ācariyavaṃsena ābhatā aṭṭhakathā ācariyavaṃsoti āha “ācariyavaṃsoti ācariyavādo”ti.

Vinayapiṭake pāḷiti idha adhikāravasena vuttaṃ. Sesapiṭakesupi suttādicatunayā yathānurūpaṃ labbhanteva. **Mahāpadesāti** mahā-okāsā mahāvisayā, te atthato “yaṃ bhikkhave”ti³ādipāḷivasena akappiyānulomato kappiyānulomato ca puggalehi nayato tathā tathā gayhamānā atthanayā eva. Te hi bhagavatā sarūpato avuttēsupi paṭikkhittānulomesu, anuññātānulomesu ca sesesu kiccesu nivattipavattihetutāya mahāgocarāti “mahāpadesā”ti vuttā, na pana “yaṃ bhikkhave mayā idaṃ na kappatī”ti-ādina³ vuttā sādhippāyā pāḷiyeva tassā sutte paviṭṭhattā. “Suttānulomampi sutte otāretabbāṃ -pa-suttameva balavataran”ti⁴ hi vuttaṃ, na hesā sādhippāyā pāḷi sutte otāretabbā, na gahetabbā vā hoti, yenāyaṃ suttānulomaṃ siyā. Tasmā imaṃ pāḷi-adhippāyaṃ nissāya puggalehi gahitā yathāvutta-atthāva suttānulomaṃ. Tappakāsakattā pana ayaṃ pāḷipi suttānulomanti gahetabbāṃ, tenāha **ye bhagavatā evaṃ vuttāti**-ādi. Yaṃ bhikkhaveti-ādipāḷinayena hi puggalehi gahetabbā ye akappiyānulomādayo atthā vuttā, te mahāpadesāti attho.

Bhagavato pakiṇṇakadesanābhūtā ca suttānulomabhūtā ca aṭṭhakathā. Yasmā dhammasaṅgāhakattherehi pāḷivaṇṇanākkamena saṅgahetvā vuttā, tasmā “ācariyavādo”ti vuttā, etena ca aṭṭhakathā suttasuttānulomesu atthato saṅgayhatīti veditabbo. Yathā ca esā, evaṃ attanomatipi pamāṇabhūtā. Na hi bhagavato vacanaṃ vacanānulomañca anissāya aggasāvakaḍḍayopi attano ñāṇabalena

1. Khu 11. 150 piṭṭhe.

3. Vi 3. 384 piṭṭhe.

2. Abhi 1. 167 piṭṭhe.

4. Vi-Ṭṭha 1. 196 piṭṭhe.

suttābhidhammavinayesu kañci sammutiparamatthabhedam attham vattum sakkonti, tasmā sabbampi vacanam sutte suttānulome ca saṅgayhati. Visum pana aṭṭhakathādīnam saṅgahitattā tadavasesam suttasuttānulomato gahetvā catudhā vinayo niddiṭṭho. Suttādayo nissāyeva pavattāpi attanomati tesu sarūpena anāgatattā vuttam “suttasuttānuloma-ācariyavāde muñcitvā”ti, tenāha “anubuddhiyā nayaggāhenā”ti. Tattha suttādīni anugatāya eva buddhiyā tehi laddhanayaggāhena cāti attho.

Theravādoti mahāsumattherādīnam gāho. Suttādīm nissāyeva viparītatopi attanomati uppajjatīti āha **taṃ panāti**-ādi. **Atthenāti** attanā nayaggahitena atthena. **Pāḷinti** attano gāhassa nissayabhūtam sāṭṭhakatham pāḷim. **Pāḷiyāti** tappaṭikkhepattham parenāhaṭāya sāṭṭhakathāya pāḷiyā, attanā gahitam attham nissāya pāḷiṅca saṃsanditvāti attho. **Ācariyavādeti** attanā parena ca samuddhaṭa-aṭṭhakathāya. **Otarati ceva sameti cāti** attanā uddhaṭehi saṃsandanasena otarati, parena uddhaṭena sameti. **Sabbadubbalāti** asabbaññupuggalassa dosavāsānāya yāthāvato atthasampañjati-abhāvato vuttam. Pamādapāṭhavasena ācariyavādassa suttānulomena asaṃsandanāpi siyāti āha “itaro na gahetabbo”ti.

Samentameva gahetabbanti ye suttana saṃsandanti, evarūpāva atthā mahāpadesato uddharitabbāti dasseti tathā tathā uddhaṭa-atthānameva suttānulomattā, tenāha “suttānulomato hi suttameva balavataran”ti. **Appaṭivattiyanti** appaṭibāhiyam. **Kāraṅgasaṅghasanti** pamāṇattā saṅgītikāraṅgasaṅghasanti. **Buddhānam ṭhitakālasanti** dharamānakabuddhasanti attho. **Sakavādī suttam gahetvā kathetīti**-ādīsu yo yathābhūtamattham gahetvā kathanasīlo, so **sakavādī**. **Suttanti** saṅgīttayārulham pāḷivacanam. **Paravādīti** mahāvihāravāsī vā hotu aññanikāyavāsī vā, yo viparītato attham gahetvā kathanasīlo, sova idha “paravādī”ti vutto. **Suttānulomanti** saṅgīttayārulham vā anārulham vā yamkiñci vipallāsato vā vañcanāya vā “saṅgīttayāgatamidan”ti dassiyamānam suttānulomam. Keci “aññanikāye

suttānuloman”ti vadanti, taṃ na yuttaṃ sakavādīparavādīnaṃ ubhinnampi saṅgīttayāruḷhasuttādīnaṃ eva gahetabbato. Tathā hi vakkhati “tisso saṅgītiyo āruḷhaṃ pāḷi-āgataṃ paññāyati, gahetabban”ti-ādi¹. Na hi sakavādī aññanikāyasuttādīnaṃ pamāṇato gaṇhāti, yena tesu suttādīsu dassitesu tattha ṭhātabbaṃ bhaveyya, vakkhati ca “paro tassa akappiyabhāvasādhakaṃ suttato bahuraṃ kārāṇaṃ vinicchayaṃ dasseti -pa- ‘Sādhū’ti sampañcchitvā akappiyeyeva ṭhātabban”ti². Tasmā paravādīnaṃ saṅgīttaye anāruḷhampi anāruḷhamicceva dassīyati, kevalaṃ tassa tassa suttādīnaṃ saṅgīttaye anāgataṃ kūṭatā, āgataṃ ca byañjanacchāyāya aññathā adhippāyayaṃ ca viṣeso. Tattha ca yaṃ kūṭaṃ, taṃ apanīyati. Yaṃ aññathā yojitaṃ, tassa viparītātāsandassanattamaṃ tadaññena suttādīnaṃ saṃsandanaṃ karīyati. Yo pana paravādīnaṃ gahito adhippāyo suttantādīnaṃ saṃsandati, so sakavādīnaṃ attano gāhaṃ vissajjtvā gahetabboti ubhinnampi saṅgīttayāgataṃ suttādīpamāṇanti veditabbaṃ. Teneva **kathāvatt**huppakaraṇe sakavāde pañca suttasatāni paravāde pañcāti³ suttasahassampi adhippāyaggahaṇanānattena saṅgīttayāgataṃ gahitaṃ, na nikāyantare kiñcīti.

Khepanti “kim iminā”ti paṭikkhepaṃ chaḍḍanaṃ. **Garahanti** “kimesa bālo jānāti”ti nindanaṃ. **Sutte otāretabbanti** yassa suttassa anulomanato idaṃ suttānulomaṃ akāsi, tasmīṃ, tadanurūpe vā aññatarasmīṃ sutte attanā gahitaṃ suttānulomaṃ atthato saṃsandanaṃ otāretabbaṃ, “iminā ca iminā ca kārāṇena imasmīṃ sutte saṃsandati”ti saṃsanditvā dassetabbanti attho. **Ayanti** sakavādī. **Paroti** paravādī. **Ācariyavādo sutte otāretabboti** yassa suttassa vaṇṇanāvasena ayaṃ ācariyavādo pavatto, tasmīṃ, tādise ca aññatarasmīṃ sutte pubbāpara-atthasāṃsandanaṃ otāretabbaṃ. **Gārayhācariyavādoti** pamādalikhito, bhinnaladdhikehi vā ṭhapito, esa nayo sabbattha.

Yaṃ kiñci kūṭasuttaṃ bāhirakasuttādivacanaṃ na gahetabbanti dassetuṃ **suttaṃ suttānulome otāretabbanti-ādi** vuttaṃ. Guḷhavessantarādīni mahāsaṃghikādhinnaladdhikānaṃ pakaraṇāni. **Ādi**-saddena guḷha-ummaggādīnaṃ

1. Vi-Ṭṭha 1. 196 piṭṭhe.

2. Vi-Ṭṭha 1. 198 piṭṭhe.

3. Abhi-Ṭṭha 1. 6; Abhi-Ṭṭha 3. 105 piṭṭhe.

gahaṇaṃ. Sakavādi suttam gahetvā katheti, paravādipi suttanti-ādinā aññepi vādālambanā vuttanayena sakkā ñātunti idha na vuttā.

Evam suttasuttānulomādimukhena sāmaññato vivādam dassetvā idāni visesato vivādavatthum tabbinicchayamukhena suttādīnañca dassetuṃ **atha panāyaṃ Kappiyanti**-ādi vuttam. **Sutte ca suttānulome cāti** ettha **ca-kāro** vikappattho, tena ācariyavādādīnampi saṅgaho, tenāha “kāraṇaṅca vinicchayaṅca dasseti”ti. Tattha **kāraṇanti** suttādinayaṃ nissāya attanomatiyā uddhaṭam hetum. **Vinicchayanti** aṭṭhakathāvinicchayaṃ. **Kāraṇacchāyāti** suttādīsu “kappiyan”ti gāhassa, “akappiyan”ti gāhassa ca nimittabhūtam kicchena paṭipādanīyaṃ avibhūtakāraṇaṃ kāraṇacchāyā, kāraṇapatirūpakanti attho. **Vinayañhi patvāti** imassa vivaraṇaṃ **kappiyākappiyavicāraṇamāgammāti**. **Rundhitabbanti** kappiyasaññāya vītikkamakaraṇaṃ rundhitabbaṃ, taṃnivāraṇacittaṃ daḷhataṃ kātappaṃ. **Sotaṃ pacchinditabbanti** tattha vītikkamappavatti pacchinditabbā. **Garukabhāveti** akappiyabhāve. **Suttavinicchayakāraṇehīti** suttena aṭṭhakathāvinicchayena ca laddhakāraṇehi. **Evanti**-ādi yathāvuttassa atthassa nigamanavacanāṃ. **Atirekakāraṇanti** suttādīsu purimaṃ purimaṃ atirekakāraṇaṃ nāma, bahukāraṇaṃ vā.

Vācuggatanti vācāya uggataṃ, tattha nirantaraṃ ṭhitanti attho. “Suttam nāma sakalaṃ vinayapiṭakan”ti vuttatā puna **suttatoti**¹ tadatthapaṭipādakaṃ suttābhidhammapāḷivacanāṃ adhippetam. **Anubyañjanatoti**² imassa vivaraṇaṃ **paripucchato ca aṭṭhakathāto cāti**. Tattha **paripucchāti** ācariyassa santikā pāliya atthasavanaṃ. **Aṭṭhakathāti** pāḷimuttakavinicchayo. Tadubhayampi hi pāḷim anugantvā atthassa byañjanato “anubyañjanan”ti vuttam. **Vinayeti** vinayācāre, teneva vakkhati **vinayaṃ avijahanto avokkamantoti**-ādi. Tattha paṭiṭṭhānaṃ nāma sañcicca āpattiyā anāpajjanādi hotīti āha “lajjibhāvena paṭiṭṭhito”ti, tena lajjī hotīti vuttam hoti. Vinayadharassa lakkhaṇe vattabbe kiṃ iminā lajjibhāvenāti āha **alajjī hīti**-ādi. Tattha **bahussutopīti** iminā paṭhamalakkhaṇasamannāgamaṃ dasseti. **Lābhagarutāyāti**-ādinā vinaye ṭhitatāya abhāve paṭhamalakkhaṇayogo kiccakaro na hoti,

1. Suttasoti (Sī)

2. Anubyañjanasoti (Sī)

atha kho akiccakaro anattakaro evāti dasseti. Saṃghabhedassa pubbhāgo kalaho **saṃgharāji**.

Vitthunatīti vitthambhati, nitthunati vā santiṭṭhitum na sakkoti, tenāha **yam yanti-ādi**. **Ācariyaparamparāti** ācariyānam vinicchayaparamparā, teneva vakkhati “attano matiṃ pahāya -pa- yathā ācariyo ca ācariyācariyo ca pāliṅca paripucchaṅca vadanti, tathā ñātum vaṭṭati”¹. Na hi ācariyānam nāmamattato paramparājānane payojanamatti. **Pubbāparānusandhitoti** pubbavacanassa aparavacanena saha atthasambandhajānato. **Atthatoti** padatthapiṇḍattha-adhippetatthādito. **Kāraṇatoti** tadatthupapattito. **Theravādaṅganti** theravādapaṭipāṭim, tesam vinicchayapaṭipāṭinti attho.

Imehi ca pana tīhi lakkhaṇehīti ettha paṭhamena lakkhaṇena vinayassa suṭṭhu uggahitabhāvo vutto. Dutiyenassa lajjibhāvena ceva acalatāya ca paṭiṭṭhitatā. Tatiyena pāli-aṭṭhakathāsu anurūpena anāgatampi tadanulomato ācariyehi dinnanayato vinicchinitum samatthatā. **Otiṇṇe vatthusminti** codanāvasena vītikkamavatthusmiṃ saṃghamajjhe otiṇṇe. **Codakena cuditakena ca vutte vattabbeti** evam otiṇṇe vatthum nissāya codakena “diṭṭham sutan”²ti-ādinā cuditakena “atthi natthi”³ti-ādinā ca yam vattabbam, tasmim vattabbe vutteti attho. Thullaccayadubbhāsītānam mātikāya anāgatattā “pañcannaṃ āpattīnan”⁴ti vuttam. **Tikadukkaṭanti** “anupasampanne upasampannasaññi ujjhāyati vā khīyati vā āpatti dukkaṭassā”²ti-ādinā āgamam tikadukkaṭam. **Aññataram vā āpattinti** “kāle vikālasaññi āpatti dukkaṭassa, kāle vematiko āpatti dukkaṭassā”³ti-ādikam dukadukkaṭam sandhāya vuttam. **Antarāpattinti** tasmim tasmim sikkhāpade āgatavatthuvītikkamam vinā aññasmim vatthuvītikkame nidānato pabhuti vinītavatthupariyosānā antarantarā vuttam āpattim. Idha pana “vatthum oloketi”⁴ti visum gahitattā tadavasesā antarāpattīti gahitā. **Paṭilātam ukkhipatīti** idam visibbanasikkhāpade āgamam. Tattha ḍayhamānam alātam aggikapālādito bahi patitam avijjhāmeva

1. Vi-Ṭṭha 1. 200, 201 piṭṭhesu.

3. Vi 2. 116 piṭṭhe.

2. Vi 2. 57 piṭṭhe thokam visadisam.

4. Vi 2. 152 piṭṭhe.

paṭi-ukkipati, puna yathāthāne ṭhapetīti attho. Vijjhātaṃ pana pakkhipantassa pācittiyameva. **Anāpattinti** ettha antarantarā vuttā anāpattipi atthi, “anāpatti bhikkhave iddhimassa iddhivisaye”ti-ādi¹ viya sāpi saṅgayhati.

Pārājikāpattīti na tāva vattabbanti idaṃ āpannapuggalena lajjidhamme ṭhatvā yathābhūtaṃ āvikaraṇepi² dubbinicchayaṃ adinnādānādim sandhāya vuttaṃ. Yaṃ pana methunādīsu vijānanam, taṃ vattabbameva, tenāha **methunadhammavītikkamo hīti-ādi**. Yo pana alajjitāya paṭiññam adatvā vikkhepaṃ karoti, tassa āpatti na sakkā oḷārikāpi vinicchinituṃ, yāva so yathābhūtaṃ nāvi karoti, saṅghassa ca āpattisandeho na vigacchati, tāva nāsitakova bhavissati. **Sukhumāti** cittaparivattiyā sukhumatāya sukhumā. Tenāha “cittalahukā”ti, cittaṃ tassa lahukanti attho. **Teti vītikkame. Tamvatthukanti** adinnādānādimūlakam. **Yaṃ ācariyo bhaṇati, taṃ karohīti-ādi** sabbam lajjīpesalam kukkuccakameva sandhāya vuttaṃ. Yo yāthāvato pakāsetvā suddhimeva gavesati, **tenāpi, pārājikosīti na vattabboti** anāpattikoṭiyāpi saṅkiyamānattā vuttaṃ, teneva “pārājikacchāyā”ti vuttaṃ. **Silāni sodhetvāti** yasmiṃ vītikkame pārājikāsaṅkā vattati, tattha pārājikābhāvapakkaṃ³ gahetvā desanāvuttānagāminīnam āpattīnam sodhanavasena silāni sodhetvā. **Dvattimsākāraṇanti** pakaṭabhāvato upalakkhaṇavasena vuttaṃ, yaṃ kiñci abhirucitaṃ manasikātuṃ vaṭṭateva. **Kammaṭṭhānam ghaṭiyatīti** vippaṭisāramūlakena vikkhepena antarantarā khaṇḍam adassetvā pabandhavasena cittaṃ saṅghaṭiyati. **Saṅkhārāti** vipassanākammaṭṭhānavasena vuttaṃ. Sāpattikassa hi paguṇampi kammaṭṭhānam na suṭṭhu upaṭṭhāti, pageva pārājikassa. Tassa hi vippaṭisāraninnatāya cittaṃ ekaggaṃ na hoti. Ekassa pana vitakkavikkhepādibahulassa suddhasīlassapi cittaṃ na samādhiyati, taṃ idha pārājikamūlakanti na gahetabbaṃ. Katapāpamūlakena vippaṭisārenevettha cittassa asamādhiyanam sandhāya⁴ “kammaṭṭhānam na ghaṭiyatī”ti vuttaṃ, tenāha **vippaṭisāraggināti-ādi. Attanāti** cittaṃ karaṇabhūtena puggalo kattā jānāti, paccatte vā karaṇavacanam, attā sayam pajānātīti attho.

Catubbidhavinayādīkathāvaṇṇanānayo niṭṭhito.

1. Vi 1. 85 piṭṭhe.

3. Pārājikābhāve sikkham (Ka)

2. Āvikaraṇampi (Sī)

4. Santāpam (Ka)

Padabhājanīyavaṇṇanā

Yo viya dissatīti **yādiso**, yaṃ-saddatthe yathā-saddo vattatīti āha “yena vā tena vā yutto”ti. Yena tenāti hi padadvayena aniyamato yaṃ-saddatthova dassito. **Vāsadhurayuttoti** vipassanādhurayutto. Yā jāti assāti yaṃjāti, puggalo, sova **yaṃjacco** sakatthe yapaccayaṃ katvā. Gottavasena yena vā tena vā gottena yathāgotto vā tathāgotto vā hotūti sambandho. **Sīlesūti** pakatīsu. **Atha khoti** idaṃ kintūti imasmiṃ atthe. Kiṃ vuttaṃ hotīti attho. **Imasmiṃ attheti** imasmiṃ pārājikavisaye. **Esoti** yathāvuttehi pakārehi yutto. **Ariyāyāti** “uddissa ariyā tiṭṭhanti, esā ariyānaṃ yācanā”ti evaṃ vuttāya, na, “dehi me”ti kapaṇāya. **Liṅgasampañcchanenāti** “bhikkhaṃ carissāmi”ti cittābhāvepi bhikkhāhāranissitapabbajjālīngassa sampañcchanena. **Kājabhattanti** kājehi ānītabhattaṃ. **Adhammikāyāti** adhisīlasikkhādibhikkhuguṇābhāvato vuttaṃ, tenāha “abhūtāyā”ti. “Mayaṃ bhikkhū”ti vadantā paṭiññāmatteva bhikkhū, na atthatoti attho. Idañca “mayaṃ bhikkhū”ti paṭijānanassāpi¹ sambhavato vuttaṃ. “Mayaṃ bhikkhū”ti appaṭijānantāpi hi bhikkhuvohāranimittassa liṅgassa gahaṇena ceva bhikkhūnaṃ dinnapaccayabhāgaggahaṇādinā ca bhikkhupaṭiññā eva nāma honti. Tathā hi vuttaṃ **puggalapaññatti-aṭṭhakathāyaṃ**—

“Abrahmacārī brahmacāripaṭiñño”ti aññe brahmacārino sunivatthe supārute sumbhakapattadhare gāmanigamajanapadarājadhānisu piṇḍāya caritvā jīvikam² kappente disvā sayampi tādisena ākārena tathā paṭipajjanato ‘ahaṃ brahmacārī’ti paṭiññam dento viya hoti. ‘Ahaṃ bhikkhū’ti vatvā uposathaggādīni pavisanto pana brahmacāripaṭiñño hoti yeva, tathā saṃghikam lābham gaṇhanto”ti³.

Tasmā evarūpehi paṭiññāya bhikkhūhi gotrabhupariyosānehi saddhim sambhogaparibhogo na vaṭṭati, alajjīparibhogova hoti. Sañcicca āpatti-āpajjanādi-alajjīlakkhaṇaṃ pana ukkaṭṭhānaṃ bhikkhūnaṃ vasena vuttaṃ

1. Paṭijānantassāpi (Sī)

2. Jīvitam (Ka)

3. Abhi-Ṭṭha 3. 57 piṭṭhe.

sāmaṇerādīnampi alajjīvohāradassanato. “Alajjīsāmaṇerehi hatthakammampi na kāretabban”ti hi vuttam. Yathāvihitapaṭipattiyam atitṭhanañhi sabbasādhāraṇam alajjīlakkaṇam. Dussilā liṅgaggahaṇato paṭṭhāya yathāvihitapaṭipattiyā abhāvato ekantā lajjinova mahāsaṃghikādīnikāyantarikā viya, liṅgathenakādayo viya, ca. Yāva ca tesam bhikkhupaṭiññā anuvattati, tāva bhikkhu eva, tehi ca paribhogo alajjiparibhogova, tesañca bhikkhusaṃghasaññāya dinnam saṃghe dinnam nāma hoti. Vuttañhi bhagavatā—

“Bhavissanti kho panānanda anāgatamaddhānam gotrabhuno kāsāvakaṇṭhā dussilā pāpadhammā, tesu dussīlesu saṃgham uddissa dānam dassanti, tadāpāham ānanda saṃghagatam dakkhiṇam asaṅkhyeyyam appameyyam vadāmī”ti¹.

Bhagavato saṃgham uddissa dinnatā dakkhiṇā asaṅkhyeyyā appameyyā jātā. Dussilānam dinnatā nāti ce? Na, tesu saṃgham uddissāti gotrabhūnam paṭiggahakattena parāmaṭṭhattā, itarathā “yesu kesuci gahaṭṭhesu vā pabbajitesu vā saṃgham uddissā”ti vattabbatāpasaṅgato, tathā ca “tadāpāham ānandā”ti heṭṭhimakoṭidassanassa payojanam na siyā. Tasmā gotrabhūnampi abhāve saṃgham uddissa dānam natthi, heṭṭhimakoṭiyā tesupi dinnā saṃghagatā dakkhiṇā asaṅkhyeyyā, na tato param sijjhatīti tepi paṭiññāya bhikkhu evāti gahetabbam.

Brahmaghosanti uttamaghosam, brahmuno ghosadisam vā ghosam. **Ehi bhikkhūti** “bhikkhū”tisambodhanam. Saṃsāre bhaya-ikkhaka tassa bhayassa sabbaso vināsanattham tisaraṇam, sāsanaṃ vā **ehi** manasā “tāṇam leṇam”ti pavisa upagaccha. Upagantvāpi **cara brahmacariyanti**² sāsana brahmacariyam maggabrahmacariyañca carassu. **Bhaṇḍūti** muṇḍitakeso. **Vāsīti** dantakaṭṭhādicchedanavāsi. **Bandhananti** kāyabandhanam. Yutto yogo samādhipaññāvasena so **yuttayogo**, tassa aṭṭhete parikkhārāti seso. Sarīre paṭimukkehiyeva upalakkhitoti seso. “Tīṇi satāni”ti vattabbe gāthābandhasukhattham “tīṇi satan”ti vuttam.

1. Ma 3. 299 piṭṭhe.

2. Cara brahmacariyam (?)

Tasmāti bhagavā heṭṭhā vuttaṃ parāmasati. Heṭṭhā hi “ahaṃ kho pana kassapa jānaññeva vadāmi ‘jānāmī’ti, passaññeva vadāmi ‘passāmī’ti”¹ vuttaṃ, taṃ parāmasati, yasmā ahaṃ jānaṃ vadāmi, tasmāti attho. **Ihāti** imasmim̐ sāsane. **Tibbanti** mahantaṃ. **Paccupaṭṭhitaṃ bhavissatīti** therādi-upasaṅkamanato puretameva tesu yannūna me hirottappaṃ upaṭṭhitaṃ bhavissatīti attho. **Kusalūpasamhitaṃ** anavajjadhammanissitaṃ. **Aṭṭhim katvāti** attānaṃ tena dhammena aṭṭhikaṃ katvā, taṃ vā dhammaṃ “esa me attho”ti atthaṃ katvā. **Ohitasototi** dhamme nihitasoto. **Evañhi te kassapa sikkhitabbanti** ñāṇasotañca pasādasotañca odahitvā “dhammaṃ sakkaccameva suṇissāmī”ti evameva tayā sikkhitabbaṃ. **Sātasahagatā ca me kāyagatāsati** asubhesu ceva ānāpāne ca paṭhamajjhānavasena sukhasampayuttakāyagatāsati. Yaṃ panetassa ovādassa sakkaccapaṭiggahaṇaṃ, ayameva therassa pabbajjā ca upasampadā ca ahosi².

Uddhumātakapaṭibhāgārammaṇaṃ jhānaṃ **uddhumātakasaññā**. Kasiṇārammaṇaṃ rūpāvacarajjhānaṃ **rūpasaññā**. **Imeti** saññāsīsena niddiṭṭhā ime dve jhānadhammā. Sopāko ca bhagavatā puṭṭho “rūpāvacarabhāvena ekatthā, byañjanaṃ nānaṃ”ti āha. **Āraddhacittoti** ārādhitacitto. Garudhammapaṭiggahaṇādi-upasampadā upari sayameva āvi bhavissati.

Sabbantimena pariyāyenāti sabbantimena paricchena. Ñatticatutthā kammavācā upasampadākammassa kāraṇattā ṭhānaṃ, tassa ṭhānassa arahaṃ anucchavikanti vatthudosādivinimuttakammaṃ “ṭhānārahaṃ”ti vuttaṃ vatthādidosayuttassa kammassa sabhāvato kammavācārahattābhāvā. Atha vā ṭhānanti nibbānappattihetuto sikkhattayasaṅgahaṃ sāsanaṃ vuccati, tassa anucchavikaṃ kammaṃ ṭhānārahaṃ. Yathāvihitalakkhaṇena hi kammaṃ upasampannova sakalaṃ sāsanaṃ samādāya paripūretumarahati. Tasmā parisuddhakammavācāpariyosānaṃ sabbaṃ saṃghakiccaṃ ṭhānārahaṃ nāma, tenāha “satthusāsanārahenā”ti, sīlādisakalāsānaparipuṇṇassa anucchavikenāti attho. **Ayaṃ imasmim̐ attheti** ñatticatutthakammaṃ upasampannesseva sabbasikkhāpadesu vuttattā kiñcāpi ehibhikkhūpasampadādihi upasampannānaṃ suddhasattānaṃ paṇṇattivajjasikkhāpadavītikamepi abhabbatā vā dosābhāvo

1. Saṃ 1. 420 piṭṭhe.

2. Saṃ-Ṭṭha 2. 183 piṭṭhepi passitabbaṃ.

vā saddato paññāyati, tathāpi atthato tesampi paṇṇattivajjesu, lokavajjesupi vā surāpānādilahukesu magguppattito pubbe asaṅciccādinā āpatti-āpajjanam sījhatiyeva. Tathā hi “dve puggalā abhabbā āpattim āpajjitum buddhā ca paccakabuddhā ca. Dve puggalā bhabbā āpattim āpajjitum bhikkhū ca bhikkhuniyo cā”¹ti¹ vuttam. **Ñatticatutthena kammena upasampannoti** idam pana sabbasikkhāpadavīttikamārahe sabbakālike ca bhikkhū gahetvā yebhuyyavasena vuttam. **Niruttivasenāti** nibbacanavasena. **Abhilāpavasenāti** vohāravasena. **Guṇavasenāti** bhikkhuvohāranimittānam guṇānam vasena.

Sājīvapadabhājanīyavaṇṇanā

Vivaṭṭūpanissayā sīlādayo lokiyehi abhivisiṭṭhattā adhisīlādivohārena vuttāti dassetuṃ **katamam panāti**-ādi āradham. Tattha **pañcaṅgadasaṅgasīlanti** abuddhuppādakāle sīlam sandhāya vuttam tassa vivaṭṭūpanissayattābhāvā. Yam pana buddhuppāde ratanattayaguṇam tathato ñatvā sāsane suniviṭṭhasaddhāhi upāsakopāsikāhi ceva sāmaṇerasikkhamānāhi ca rakkhiyamānam pañcaṅga-aṭṭhaṅgadasaṅgasīlam, tampi adhisīlameva magguppattihetuto. Vipassanāmagguppattinimittatāya hi pātimokkhasamvarasīlam lokiyānam sīlehi adhisīlam jātam dhicittam viya. Na hi vipassanāmagganimittataṃ muñcitvā lokiyacittato dhicittassa añño koci viseso upalabbhati, tadubhayaṅca anādimato saṃsāravaṭṭassa attādisāravirahitatāya tilakkhaṇabbhāhatattam, “aham mamā”ti ākārena pavatta-avijjātaṇhādidosamūlakattaṅca, taṃdosamūlaviddhamsanamatthāya sīlacittabalopatthaddhāya vipassanāya ukkaṃseneva tassa saṃsāravaṭṭassa vigamaṅca, tadupadesakassa sammāsambuddhassa sabbaññūtādi-aparimitaguṇagaṇayogena aviparītasaddhammadesakattaṅca yāthāvato ñatvā paṭipannena samādāya sikkhitabbatāya vivaṭṭūpanissayam jātam, na aññena kāraṇena, taṅca vivaṭṭūpanissayattam yadi sāsane pañcasīlādissāpi samānam, kimidam adhisīlam na siyā. Pañcasīlādimatte ṭhitānāhi anāthapiṇḍikādīnam gahaṭṭhānampi maggo uppajjati. Na hi adhisīlā’dhicittam vinā magguppatti hoti, taṅca kiñcāpi

1. Vi 5. 214 piṭṭhe.

kesaṅci anupanissayatāya tasmim attabhāve magguppattiyā hetu na hoti, tathāpi bhavantare avassam hotevāti adhisīlameva kālam karontānam kalyāṇaputhujjanānam pātimokkhasamvarasīlam viya, tenāha **buddhuppādeyeva ca pavattatī**-ādi. Vivaṭṭam patthetvā rakkhiyamānampi pañcasīlādi buddhuppādeyeva pavattati. **Na hi tam paññattinti**-ādi pana ukkaṭṭhavasena sabbam pātimokkham sandhāya vuttam. Tadekadesabhūtampi hi pāṇātipātādinnādānādīgahaṭṭhasīlampi. Buddhāyeva vinaye pārājikasuttavibhaṅgādīsu āgatavasena sabbaso kāyavacīdvāresu magguppattiyā vibandhaka-ajjhācārasotaṃ vicchinditvā magguppattiyā padaṭṭhānabhāvena paññāpetum sakkonti, na aññe. Magguppattim sandhāya hissa adhisīlatā vuttā. Tenāha “pātimokkhasamvaratopi ca maggaphalasampayuttameva sīlam adhisīlan”ti. Tasseva hi adhisīlanti abyavadhānena maggādhiṭṭhānāti. **Idha anadhippetanti** imasmim paṭhamapārājikavisaye “sikkhā”ti anadhippetam.

Lokiya-aṭṭhasamāpatticittānīti sāsanasabhāvaṃ ajānantehi lokiyajanehi samāpajjitabbāni aṭṭha rūpārūpajjhānasampayuttacittāni sandhāya vuttam. Na hi mahaggatesu lokiyalokuttarabhedo atthi, yena lokiyavisesanam lokuttaranivattanam siyā. Tasmā sāsanikehi samāpajjitabbamahaggatajjhānanivattanameva¹ lokiyavisesanam kataṃ. Yathā cettha, evaṃ **kāmāvacarāni pana aṭṭha kusalacittānī**ti etthāpi lokiyavisesanam kātabbameva. Ayameva hi adhicittato cittassa bhedo, yaṃ sāsanam ajānantassa puggalassa samuppajjanam. Evañca abuddhuppādepi sāsanasabhāvaṃ jānantānam paccekabuddhādīnampi sīlacittānam adhisīlā’dhicittatā samatthitā hoti. **Na vinā buddhuppādāti** idam pana aññesam abhisamayahetubhāvena paccekabuddha bodhisattādīnam desanāsāmatthiyābhāvato vuttam. Āyatim vāsanāhetum pana sīlacittam tepi desentiyeva, tañca maggahetutāya adhisīlā’dhicittampi hontam² appakatāya vipphārikatābhūjaññattābhāvena abbohārikanti “buddhuppādeyevā”ti avadhāraṇam katanti veditabbam. **Na hi taṃsamāpannoti**-ādi-aṭṭhakathāvacanehi idha adhicittaniddese, upari adhipaññāniddese ca maggaphalasampayutta-adhicitta-adhipaññānameva paṭikkhepato lokiyā’-

1. ...nivattanatthameva (?)

2. Hoti (Sī)

dhicittā’ dhipaññānaṃ idha adhippetatā, taṃ dvayaṃ samāpannassāpi methunadhammasamāpajjanasabhāvo ca viññāyati, **pāliyaṃ** pana “yāyaṃ adhisīlasikkhā, ayaṃ imasmim atthe adhippetā sikkhā”ti vuttattā lokiyāpi adhicittā’ dhipaññā anadhippetāti viññāyati. Tasmā **pāliyaṃ** aṭṭhakathāyañca evamadhippāyo veditabbo—“methunaṃ dhammaṃ paṭisevissāmī”ti citte uppannamatte lokiyaṃ adhicittaṃ adhipaññā ca parihāyati, adhisīlaṃ pana cittuppādamattena na parihāyatīti **pāliyaṃ** adhisīlasikkhāva vuttā. Aṭṭhakathāyaṃ pana paṭiladdhalokuttaramaggassa bhikkhuno “methunaṃ paṭisevissāmī”ti cittampi na uppajjati sabbaso akuppadhammattā, puthujjanānaṃ samāpattilābhīnampi kenaci kāraṇena uppajjati kuppadhammattāti imaṃ visesaṃ dassetuṃ “na hi tamsamāpanno”ti lokuttarāva paṭikkhittāti veditabbaṃ.

Atthi dinnanti ettha **dinnanti** dānacetanā adhippetā, tassa dinnassa phalaṃ atthīti attho. Esa nayo **atthi yiṭṭhanti** etthāpi. **Ādi**-saddena hutādānaṃ saṅgaho. Tattha **yiṭṭhanti** mahāyāgo sabbasādhāraṇaṃ mahādānameva. **Hutanti** pahonakasakkāro, attano vā hotu, paresaṃ vā dasa akusalakammaṃ pathā, sabbepi vā akusalā dhammā anathuppādanato na sakaṃ kammaṃ nāma, tabbiparītā kusalā dhammā sakaṃ nāma, tadubhayampi vā kusalākusalaṃ kammassakomhīti-ādivacanato sati samsārappavattiyāṃ adhimuccanaṭṭhena sattānaṃ sakanti evaṃ kammassakatāya sakabhāve attano santakatāya uppajjanakaññaṃ **kammassakataññaṃ**, upalakkhaṇamattañcetaṃ. Sāsananissitā pana sabbāpi vaṭṭagāminikusalapaññā kammassakataññaṃ paviṭṭhā. Sāsananissitā hi vivaṭṭagāminī sabbāpi paññā “saccānulomikaññaṃ”ti vuccati. Sā eva ca adhipaññā tadavasesaṃ sabbāṃ kammassakataññaṇanti veditabbaṃ, teneva bhagavā “kammassakataññaṃ saccānulomikaññaṃ maggasamaṅgissa ññaṃ phalasamaṅgissa ññaṃ”ti sabbampi ññaṇacatukkeyeva saṅgahesi. **Tilakkhaṇākāraparicchedakaṃ pana vipassanāññaṇanti** idaṃ pana maggassa āsannapaccayatāya ukkaṭṭhavasena vuttaṃ. Taditarāsaṃ hi¹ ratanattayānussaraṇādhipaññānampi maggahetutāya adhipaññatā samānāvāti gahetabbaṃ.

Sājīvapadabhājanīyavaṇṇanānayo niṭṭhito.

1. Taditarāsaṃpi (Sī, Ka)

Paccakkhānavibhaṅgavaṇṇanā

Dubbalye āvikateti yannūnāhaṃ buddhaṃ paccakkheyyanti-ādinā dubbalabhāve pakāsite. **Mukhāruḷhatāti** lokajanānaṃ sattatṭhāti-ādīsu mukhāruḷhañāyenāti adhippāyo. **Dirattatirattanti**¹ ettha yathā antarantarā sahaseyyāvasena tirattam aggahetvā nirantareva tisso rattiyo anupasampanna saddhiṃ sahaseyyāya aruṇuṭṭhāpanavasena tirattaggahaṇatthaṃ “dirattatirattan”ti abyavadhānena vuttanti dirattaggahaṇassa payo janampi sakkā gahetuṃ, evamidhāpi **dubbalyam anāvikatvāti** imassāpi gahaṇassa payo janamatthevāti dassetuṃ **yasmā vā sikkhāpaccakkhānassāti**-ādi vuttaṃ.

Idāni dubbalyam anāvikatvāti imassa purimapadasseva vivaraṇabhāvaṃ vināpi visuṃ atthasabbhāvaṃ dassetuṃ **apicāti**-ādi vuttaṃ. **Visesāvisesanti** ettha yena vākyena dubbalyāvīkammameva hoti, na sikkhāpaccakkhānaṃ, tattha sikkhāpaccakkhānadubbalyāvīkammānaṃ aññamaññaṃ viseso hoti. Yena pana vacanena tadubhayampi hoti, tattha nevatthi viseso avisesopi, taṃ visesāvisesaṃ. “Kaṭṭha kicchajīvane”ti dhātūsu paṭhitattā vuttaṃ “kicchajīvikappatto”ti. Ukkaṇṭhanañhi ukkaṇṭhā, taṃ ito gatoti ukkaṇṭhito, kicchajīvikaṃ pattoti attho. Uddhaṃ gato kaṇṭho etissāti ukkaṇṭhā, anabhiratiyā vaje niruddhagogaṇo viya gamanamaggaṃ gavesanto puggalo ukkaṇṭho hoti, taṃ ukkaṇṭhaṃ. Anabhiratiṃ itotipi ukkaṇṭhitoti atthaṃ dassento āha “uddhaṃ kaṇṭhaṃ katvā viharamāno”ti. Sā ca ukkaṇṭhatā vikkhepenevāti **vikkhattoti**-ādi vuttaṃ.

Samaṇabhāvatoti upasampadato. **Bhāvavikappākārenāti** bhikkhubhāvato cavitvā yaṃ yaṃ gihi-ādibhāvaṃ pattukāmo “ahaṃ assan”ti attano bhavanaṃ vikappeti, tena tena gihi-ādi-ākārena, attano bhavanaṃ vikappanākārenāti adhippāyo.

46. **Pāḷiyam yadi panāhanti** ahaṃ yadi buddhaṃ paccakkheyyam, sādhu vatassāti attho. **Apāham, handāhanti** etthāpi vuttanayeneva² attho gahetabbo. “Hoti me buddhaṃ paccakkheyyan”ti mama cittaṃ uppajjatīti vadati.

1. Vi 2. 27. 28 piṭṭhesu.

2. Yannūnāhantivuttanayeneva (Sī)

50. **Na ramāmīti** pabbajjāya dukkhabahulatāya sukhābhāvaṃ dasseti. **Nābhiramāmīti** pabbajjāya vijjamānepi anavajjasukhe attano abhirati-abhāvaṃ dasseti.

51. **Teneva vacībhedenāti** vacībhedam katvāpi aññena kāyappayogena viññāpanam nivatteti. **Ayam sāsanam jahitukāmoti-ādinā** bhāsākosallābhāvena sabbaso padatthāvabodhābhāvepi “ayam attano pabbajitabhāvaṃ jahitukāmo imam vākyabhedam karoti”ti ettakam adhippetatthamattam cepi so tāva jānāti, paccakkhānameva hotīti dasseti. Tenāha “ettakamattampi jānāti”ti. **Padapacchābhatṭhanti** padaparāvatti, māgadhabhāsato avasiṭṭhā sabbāpi bhāsā “milakkhabhāsā”ti veditabbā. **Khettameva otiṇṇanti** sikkhāpaccakkhānassa ruhanaṭṭhānabhūtam khettameva otiṇṇam.

Dūtanti mukhasāsanam. **Sāsananti** paṇṇasāsanam, bhittithambhādīsu akkharam vā chinditvā dasseti. Paccakkhātukāmatācitte dharanteyeva vacībhedasamuppattim sandhāya “cittasampayuttan”ti vuttam, cittasamuṭṭhānanti attho. Niyamitāniyamitavasena vijānanabhedam dassetumāha **yadi ayameva jānātūti-ādi**. Ayañca vibhāgo vadati **viññāpetīti** ettha yassa vadati, tasseva vijānanam adhippetanti iminā vuttanayena laddhoti daṭṭhabbam, na hettha ekassa vadati aññassa viññāpetīti ayamattho sambhavati. “Tesu ekasmiṃ jānantepi”ti vuttattā “dveyeva jānantu eko mā jānātū”ti evam dvinnampi jānanam niyametvā ārocitepi tesu ekasmiṃpi jānante paccakkhānam hotiyevāti gahetabbam. **Parisaṅkamānoti** “vāressanti”ti¹ āsaṅkamāno. **Samayaññūti** sāsanasaṅketaññū, idha pana adhippāyamattajānanenāpi samayaññū nāma hoti, tenāha **ukkaṇṭhitoti-ādi**. Tasmā buddham paccakkhāmīti-ādikhettapadānam sabbaso attham ñatvāpi sace “bhikkhubhāvato cavitukāmatāya esa vadati”ti adhippāyam na jānāti, appaccakkhātāva hoti sikkhā. Attham pana ajānitvāpi “ukkaṇṭhito vadati”ti tam jānāti, paccakkhātāva hoti sikkhā. Sotaviññāṇavīthiyā saddamattaggahaṇameva, atthaggaṇam pana manoviññāṇavīthiparamparāyāti āha **taṅkhaṇaṇñevāti-ādi**.

53. **Vaṇṇapaṭṭhānanti** satthuguṇavaṇṇappakāsakaṃ pakaraṇaṃ. **Upāligāthāsūti** upālisutte upāligahapatinā dhīrassa vīgatamohassāti-ādinā¹ vuttagāthāsu. **Yathārutanti** pāḷiyāṃ vuttamevāti attho. **Anantabuddhīti**-ādīni vaṇṇapaṭṭhāne āgatanāmāni. **Dhīranti**-ādīni¹ pana upāligāthāsu. Tattha bodhi vuccati sabbaññutaññānaṃ, sā jānanahetuttā paññānaṃ etassāti **bodhipaññāṇo**. **Svākkhātaṃ dhammanti**-ādīsu **dhamma**-saddo svākkhātā dipadānaṃ dhammavevacanabhāvaṃ dassetuṃ vutto. Tasmā svākkhātaṃ paccakkhāmīti-ādinā vutteyeva vevacanaena paccakkhānaṃ nāma hoti. Dhamma-saddena saha yojetvā vutte pana yathārutavasena paccakkhānanti veditabbaṃ. **Suppaṭipannaṃ saṅghanti**-ādīsopi eseva nayo. **Kusalaṃ dhammanti**-ādīnīpi kusalā dhammā akusalā dhammāti-ādidhammameva² sandhāya vuttanāmāni, itarathā akusaladhammapaccakkhāne dosābhāvappasaṅgatoti, tenāha **caturāsītīdhammakhandhasahassesūti**-ādi. **Paṭhamapārājikanti**-ādinā sikkhāpadānaṃyeva gahaṇaṃ veditabbaṃ, na āpattīnaṃ.

Yassa mūlenāti yassa santike. Ācariyavevacanesu yo upajjhaṃ adattvā ācariyova hutvā pabbājesi, taṃ sandhāya “yo maṃ pabbājesi”ti vuttaṃ. **Tassa mūlenāti**³ tassa santike. **Okallakoti**⁴ khuppiṭṭhādidukkhātūrānaṃ kisaḷūkhasarīravesānaṃ gahaṭṭhamaṇussānaṃ adhivacanaṃ. **Moḷibaddhoti** baddhakesakalāpo gahaṭṭho. **Kumārakoti** kumārāvatto ativiya daharo sāmaṇero. **Cellakoti** tato kiñci mahanto. **Ceṭakoti** majjhimo. **Moḷigalloti** mahāsāmaṇero. **Samaṇuddesoti** avisesato sāmaṇerādhivacanaṃ. **Asucisaṅkassarasaṃcāroti** asuci hutvā “mayā kataṃ pare jānanti nu kho, na nu kho”ti attanā, “asukena nu kho idaṃ katan”ti parehi ca saṅkāya saritabbena anussaritabbena saṃcāreṇa yutto. Sañjātarāgādīkacavarattā **kasambujāto**. **Koṇṭhoti** dussīlādhivacanametāṃ.

54. **Tihetukapaṭṭisandhikāti** atikhippaṃ jānanasamatthe sandhāya vuttaṃ, na duhetukānaṃ tattha asambhavato. **Sabhāgassāti** purisassa. **Visabhāgassāti** mātuḡāmassa. **Potthakarūpasadisassāti** mattikādīhi

1. Ma 2. 48 piṭṭhe. 2. Abhi 1. 1 piṭṭhe. 3. Tassa mūleti (Sī, Ka) 4. Otallakoti (Sī)

katarūpasadisassa. **Garumedhassāti** ārammaṇesu lahuppavattiyā abhāvato dandhagatikatāya garupaññassa, mandapaññassāti vuttaṃ hoti.

Idānettha sikkhāpaccakkhānavārassa **pāḷiyam** aṭṭhakathāyañca vuttanayānaṃ sampiṇḍanatthavasena evaṃ vinicchayo veditabbo—tattha hi sāmaññā cavitukāmoti-ādīhi padehi cittaniyamaṃ dasseti. Buddhanti-ādīhi padehi khettaniyamaṃ, paccakkhāmi dhārehīti etena kālaniyamaṃ, vadatīti iminā payoganiyamaṃ, alaṃ me buddhena, kiṃ nu me, na mamattho, sumuttāhanti-ādīhi anāmaṭṭhakālavasenapi paccakkhānaṃ hotīti dasseti, viññāpetīti iminā vijānananiyamaṃ, ummattako sikkhaṃ paccakkhāti ummattakassa santiketi-ādīhi puggalaniyamaṃ, so ca nappaṭivijānātīti-ādīhi vijānananiyamābhāvena paccakkhānābhāvaṃ dasseti, davāyāti-ādīhi cittaniyamābhāvena, sāvetukāmo na sāvetīti iminā payoganiyamābhāvena, aviññussa sāveti viññussa na sāvetīti etehi yaṃ puggalaṃ uddissa sāveti, tasseva savane sīsaṃ eti, nāññassāti. Sabbaso vā pana na sāveti appaccakkhātā hoti sikkhāti idaṃ pana cittādiniyameneva sikkhāpaccakkhānaṃ hoti, na aññathāti dassanatthaṃ vuttaṃ. Tasmā cittakhattakālapayogapuggalavijānanavasena sikkhāya paccakkhānaṃ ñatvā tadabhāvena appaccakkhānaṃ veditabbaṃ.

Kathaṃ? Upasampannabhāvato cavitukāmatācitteneva hi sikkhāpaccakkhānaṃ hoti, na davā vā ravā vā bhaṇantassa. Evaṃ cittavasena sikkhāpaccakkhānaṃ hoti, na tadabhāvena. Tathā buddhaṃ paccakkhāmīti-ādinā vuttānaṃ buddhādīnaṃ sabrahmacāripariyosānānaṃ catuddasannañceva gihīti maṃ dhārehīti-ādinā vuttānaṃ gihi-ādīnaṃ asakyaputtiyapariyosānānaṃ aṭṭhannañcāti imesaṃ dvāvīsatiyā khettapadānaṃ yassa kassaci savevacanassa vasena tesu yaṃ kiñci vattukāmassa yaṃ kiñci vadatopi sikkhāpaccakkhānaṃ hoti. Evaṃ khettavasena sikkhāpaccakkhānaṃ hoti, na tadabhāvena. Tattha yadetaṃ “paccakkhāmīti ca maṃ dhārehīti cā”ti vuttaṃ vattamānakālavacanaṃ, yāni ca “alaṃ me buddhena, kiṃnu me buddhena, na mamattho buddhena, sumuttāhaṃ buddhena”ti-ādinā nayena ākhyātavasena kālaṃ anāmasitvā purimehi cuddasahi padehi saddhiṃ yojetvā vuttāni alaṃ meti-ādīni cattāri padāni, tesāmyeva ca savevacanānaṃ

vasena paccakkhānaṃ hoti, na pana “paccakkhāsī”ti vā, “paccakkhissan”ti vā, “maṃ dhāresī”ti vā, “maṃ dhāressasī”ti vā, “yannūna paccakkheyyan”ti vāti-ādīni atītānāgataparikkappavacanāni bhaṇantassa. Evaṃ vattamānakālavasena ceva anāmaṭṭhakālavasena ca paccakkhānaṃ hoti, na tadabhāvena. Payogo pana duvidho kāyiko vācasiko, tattha buddhaṃ paccakkhāmīti-ādīnā nayena yāya kāyaci bhāsāya vacībhedaṃ katvā vācasikapayogeneva paccakkhānaṃ hoti, na akkharalikhanaṃ vā hatthamuddādidassanaṃ vā kāyapayogaṃ karontassa. Evaṃ vācasikapayogeneva paccakkhānaṃ hoti, na tadabhāvena.

Puggalo pana duvidho yo ca paccakkhāti, yassa ca paccakkhāti, tattha yo paccakkhāti, so sace ummattakakhittacittavedanaṭṭānaṃ aññataro na hoti, yassa pana paccakkhāti, so sace manussajātiko hoti, na ca ummattakādīnaṃ aññataro sammukhībhūto ca, sikkhāpaccakkhānaṃ hoti. Na hi asammukhībhūtaṃ dūtena vā paṇṇena vā ārocanaṃ ruhati. Evaṃ yathāvuttapuggalavasena paccakkhānaṃ hoti, na tadabhāvena. Vijānanampi niyamitāniyamitavasena duvidhaṃ. Tattha yassa yesaṃ vā niyametvā imassa imesaṃ vā ārocemīti vadati, sace te yathā pakatīyā loke manussā vacanaṃ sutvā āvajjanasamaye jānanti, evaṃ tassa vacanānantameva “ayaṃ ukkaṇṭhito”ti vā, “gihībhāvaṃ patthayati”ti vā yena kenaci ākārena manussajātiko vacanatthaṃ jānāti, paccakkhātāva hoti, sikkhā. Atha aparabhāge “kiṃ iminā vuttan”ti cintetvā jānanti, aññe vā jānanti, appaccakkhātāva hoti. Aniyametvā ārocentassa pana sace vuttanayena yo koci manussajātiko vacanatthaṃ jānāti, paccakkhātā hoti sikkhā, evaṃ jānanavasena paccakkhānaṃ hoti, na tadabhāvena. Iti imesaṃ vuttappakārānaṃ cittādīnaṃ vaseneva sikkhāpaccakkhānaṃ hoti, na aññathāti daṭṭhabbānaṃ.

Sikkhāpaccakkhānavāṇṇanāyāni niṭṭhita.

Mūlapaññattivaṇṇanā

55. **Ito paṭṭhāyāti** duṭṭhullapadato paṭṭhāya. Methunadhammo yathā sarūpeneva duṭṭhullam, evaṃ dassanādiduṭṭhulladhammaparivārattāpi duṭṭhullanti dassetum **yasmāti-ādi** vuttam. **Avassutānanti** methunarāgena tintānam. **Pariyuṭṭhitānanti** methunarāgena abhibhūtacittānam. Methunasaddassa sadisasaddapariyāyattā vuttam “sadisānan”ti, rattatādīhi sadisānanti attho. Idañca yebhuyyato vuttam ubhosu aññatarassa rāgābhāvepi itarassa methunasevanasamsiddhito. Methunasaddo vā ubhayasaddapariyāyo, methunam yugaḷam yamakam ubhayanti hi atthato ekam, tenāha “ubhinnaṃ rattānan”ti. “Dvayamdvayasamāpattī”ti hi **pāliyampi** vuttam. **Nimittenāti** bhummatthe karaṇavacanam, itthinimittē attano nimittam pavesetīti attho. Nimittam aṅgajātanti atthato ekam. Tilaphalanti sāsapamattam tilabījam adhippetam, na kosasahitam phalanti āha “tilabījamattampī”ti. **Allokāseti** sabhāvena pihitassa nimittassa pakativātena asamphuṭṭhe tintappadese. Tādiso padeso sacepi kenaci vātādivikārena sukkhati, tathāpi anallokāsoti upakkamato pārājikameva.

Vemajjhanti yathā cattāri passāni aphasanto paveseti, evam katavivarassa itthinimittassa abhantaratalam vuccati. Purisanimittē pana **majjhanti** aggakoṭim sandhāya vadati. **Uparīti** majjhimapabbena samīñjitvā pavesiyamānassa aṅgajātassa samīñjitaṅguliya majjhimapabbapitṭhisadisa-aggakoṭiyeva. **Heṭṭhā pavesentoti** itthinimittassa heṭṭhābhāgena chupiyamānam pavesento, yathā itthinimittassa allokāsam heṭṭhimatalam tilabījamattampī attano nimittēna chupati, evam pavesentoti attho. Chupanameva hettha pavesanam, evam sesesupi. **Majjhena pavesentoti** abhantaratalena chupiyamānam pavesento, yathā abhantaratalam chupati, evam pavesentoti attho. Katthaci acchupantam pavesetvā ākāsagameva nīharantassa natthi pārājikam, dukkaṭam pana hoti **chinnasīsavatthusmim**¹ viya. **Majjheneva chupantam pavesentoti** aggakoṭiyā chupantam pavesento. **Majjhimapabbapitṭhiyā saṅkocetvāti** nimittam attano

1. Vi 1. 46 piṭṭhe.

majjhimapabbapiṭṭhiyā samiñjivā uparibhāgena chupantaṃ pavesentopi. Kim viya? Samiñjitaṅguli viyāti yojanā. Atha vā majjhimapabbapiṭṭhiyā samiñjitaṅguli viyāti sambandho, samiñjitaṅgulim vā majjhimapabbapiṭṭhiyā pavesento viyātipi yojetabbaṃ. **Uparibhāgenā**ti saṅkocitassa nimittassa uparikoṭiyā.

Idāni purisanimittassa heṭṭhā vuttessu chasu “uparī”ti vuttassa chaṭṭhassa ṭhānassa vasena visum cattāri passāni gahetvā purisanimitte dasaṭṭhānabhedam dassento **tatthā**ti-ādimāha. Heṭṭhā pana agahitaggaḥavasena cha ṭhānāni vuttāni. **Tulādaṇḍasadisam pavesentassāpī**ti asamiñjivā ujukaṃ pavesentassa. **Cammakhīlanti** eḷakādīnaṃ gīvāya viya nimitte jātaṃ cammaṅkuraṃ, “uṇṇigaṇḍo”tipi vadanti. “Upahatakāyappasādan”ti avatvā **natthakāyappasādanti** vacanena upādinnabhāve sati kenaci paccayena upahatepi kāyappasāde **upahatindriyavatthusmim**¹ viya pārājikamevāti dasseti. Itthinimittassa pana naṭṭhepi upādinnabhāve sati matasarīre viya pārājikkakkhattatā na vijahatīti veditabbā. **Methunassādenā**ti idam kāyasaṃsaggarāge sati saṅghādiseso hotīti vuttaṃ. **Bījanī**ti aṇḍāni.

Mukhaṃ apidhāyāti pamādena samuppannampi hāsaṃ bījanīyā paṭicchādanampi akatvā nisīdanaṃ agāravanti vuttaṃ. Atha vā **apidhāyāti** pidahitvā, bījanīyā mukhaṃ paṭicchādetvā hasamānena na nisīditabbanti attho. **Dantavidāṃsakanti** dante dassetvā. **Gabbhitenā**ti “ayuttakathā”ti saṅkocaṃ anāpajjantena, niravasesādhippāyakathane sañjātussāhenāti attho.

Anupaññattivaṇṇanā

Pārājikavatthubhūtāti yesaṃ tīsu maggesu tilabījamattampi nimittassa pavesokāso hoti, te itthipurisādibhedā sabbe saṅgayhanti, na itare. Idha pana tiracchānagatāyātipāḷipadānurūpato na sabbāti-ādinā itthiliṅgavasena vuttaṃ. **Gonasāti** sappavisesā, yesaṃ piṭṭhīsu mahantamahantāni maṇḍālāni honti. Kacchapamaṇḍūkānaṃ catuppadattepi

1. Vi 1. 46 piṭṭhe.

odakatāsāmaññaena apadehi saha gahaṇaṃ. **Mukhasaṅṭhānanti** oṭṭhacammaṣaṅṭhānaṃ. **Vaṇasaṅkhepanti** vaṇasaṅgahaṃ. Vaṇe thullaccayaṇca “amaggena amaggaṃ paveseti, āpatti thullaccayassā”ti imassa suttassa¹ vasena veditabbaṃ. **Maṅgusāti** nakulā. **Etameva hi atthanti** yo naṃ ajjhāpajjati, taṃ parājetīti imamatthaṃ vuttānaṃyeva pārājikādisaddānaṃ nibbanappasaṅge imissā parivāragāthāya pavattattā. **Bhatṭhoti** sāsanato parihīno. **Niraṅkatoti** nirākato. **Etanti** āpattirūpaṃ pārājikaṃ. **Chinnoti** antarākhaṇḍito.

Pakatattehi bhikkhūhīti ettha **pakatattā** nāma pārājikaṃ anāpannā anukkhittā ca. Keci pana “pakatattehi bhikkhūhi ekato kattabbattāti aṭṭhakathāyaṃ vuttattā pakatattabhūtehi alajjīhipi saddhiṃ uposathādisaṅghakammakaraṇe doso natthi”ti vadanti, taṃ na yuttaṃ, iminā vacanena tassa atthassa asijjhanato. Yadi hi saṅghakammaṃ karīyati, pakatatteheva karīyati, na apakatattehīti evaṃ apakatattehi sahasaṃvāsapaṭikkhepapaṃ idam vacanaṃ, na pana pakatattehi sabbehi alajjī-ādīhi ekato saṅghakammaṃ kattabbamevāti. Evaṃ saṃvāsavidhānaparaṃ pakatattesupi sabhāgāpattim āpannehi aññaṃaññaṇca alajjīhi ca saddhiṃ ekato kammakaraṇassa paṭikkhattattā. Vuttañhi “sace sabbo saṅgho sabhāgāpattiyā sati vuttavidhiṃ akatvā uposathaṃ karoti, vuttanayeneva sabbo saṅgho āpattim āpajjati”ti-ādi². “Yattha āmisaparibhogo vaṭṭati, dhammaparibhogopi tattha vaṭṭati”ti alajjīhi saha paribhogo ca aṭṭhakathāyaṃ paṭikkhitto ekato kammakaraṇassāpi dhammaparibhogattā. Tasmā yathā hi **pāliyaṃ** pārājikāpatti-āpajjanakapuggalaniamatthaṃ yvāyaṃ ñatticatutthena kamma -pa-upasampanno, ayaṃ imasmim atthe adhippeto bhikkhūti imasmim vacane sabbehi ñatticatutthakamma upasampannā pārājikāpajjanakapuggalāyevāti niyamo na sijjhati pārājikāpajjanakānampi sekkhādīnaṃ sambhavā, atha kho ñatticatutthakamma upasampannesuyeva pārājikāpatti-āpajjanakā alajjī bālaputhujjanā labbhanti, na pana ehibhikkhu-ādīsūti evaṃ niyamo sijjhati, evamidhāpi pakatattesuyeva ekato kammakaraṇārahā anāpattikā lajji kukkucakā sikkhākāmā

1. Vi 1. 41 piṭṭhe.

2. Kaṅkhā-Ṭṭha 92 piṭṭhe.

upalabbhanti, na apakatattesūti evameva niyamo sijjhati apakatattānaṃ gaṇapūraṇattābhāvena asaṃvāsikattaniyamato. Alajjino pana gaṇapūrakā hutvā kammaṣṣa sādhanato asaṃvāsikesu na gahitā kattabbavidhiṃ akatvā tehi saha madditvā kammaṃ karontānaṃ āpatti alajjitā ca na vigacchatīti veditabbaṃ. “Eko alajjī alajjisatampi karotī”¹ hi vuttaṃ, teneva vakkhati “sabbepi lajjino etesu kammādīsu saha vasantī”²ti-ādi³. Ayañcattho upari vitthārato āvi bhavissati.

Tathā³ sīmāparicchinnehīti-ādiṃ parāmasati. Ekato vandanabhuñjana gāmappavesana vattapaṭivattakaraṇa uggaha paripucchā sajjhāyakaraṇādisāmaggikiriyaavasena bhagavatā paññattasikkhāpadasikkhanaṃ samasikkhatā nāma, tañca lajjīheva samaṃ sikkhitabbaṃ, na alajjihīti dassetuṃ “paññattamā pana -pa- samasikkhatā nāmā”³ti vuttaṃ. Tattha anatikkamanavasena uggahaparipucchādivasena ca lajjīpuggalehi samaṃ ekato sikkhitabbā samasikkhātī sikkhāpadāni vuttāni, tāsāṃ samasikkhanaṃ yathāvuttanayena lajjīhi sikkhitabbabhāvo samasikkhatā nāmāti adhippāyo. Yathāvuttessesu ekakammādīsu alajjīnaṃ lajjidhamme anokkante lajjīhi saha saṃvāso natthi, tato bahiyeva te sandissantīti āha **sabbepi lajjinoti**-ādi.

56. Yam tam vuttanti sambandho. **Vatthumeva na hotīti** suvaṇṇādīhi kata-itthirūpānaṃ aṅgajātesupi nimittavohāradassanato tattha pārājikāsāṅkānivattanatthaṃ vuttaṃ. Teneva vinītavattāhūsu lepacittādivattāhūsu sañjātakukkuccassa pārājikena anāpatti vuttā.

Paṭhamacatukkavaṇṇanā

57. **Assāti** ākhyātapadanti tassa atthaṃ dassento “hotī”³ti āha, bhāveyyāti attho, hotīti vuttaṃ hoti. Dutīye atthavikappe “hotī”³ti idaṃ vacanaseso.

58. **Sādiyantassevā**ti ettha sādiyaṇaṃ nāma sevetukāmatācittassa uppādanamevāti āha “paṭisevanacittasamaṅgissā”³ti. **Paṭipakkhanti**

1. Vi-Ṭṭha 2. 273 piṭṭhe.

2. Vi-Ṭṭha 1. 224 piṭṭhe.

3. Tattha (Sī)

aniṭṭhaṃ ahitaṃ. “Bhikkhūnaṃ paccatthikā bhikkhupaccatthikā”ti vutte upari vuccamānā rājapaccatthikādayopi idheva pavisantīti taṃ nivattanatthaṃ **bhikkhū eva paccatthikā**ti rājapaccatthikānurūpena attho dassito. **Tasmim̄ khaṇeti** pavesanakkhaṇe. Aggato hi yāva mūlā pavesanakiriyāya vattamānakālo pavesanakkhaṇo nāma. **Paviṭṭhakāleti** aṅgajātassa yattakaṃ ṭhānaṃ pavesanārahaṃ, tattakaṃ anavasesato pavitṭhakāle, pavesanakiriyāya niṭṭhitakkhaṇeti attho. Evaṃ pavitṭhassa uddharaṇārambhato antarā ṭhitakāle ṭhitaṃ aṅgajātaṃ, tassa ṭhiti vā **ṭhitaṃ** nāma, **aṭṭhakathāyaṃ**¹ pana mātugāmassa sukkavissatṭhiṃ patvāsabbathā vāyāmato oramivā ṭhitakālaṃ sandhāya “sukkavissatṭhisamaye”ti vuttaṃ, tadubhayampi ṭhitamevāti gahetabbaṃ. **Uddharaṇaṃ** nāma yāva aggā nīharaṇakiriyāya vattamānakāloti āha “nīharaṇakāle paṭisevanacittaṃ upaṭṭhāpeti”ti.

Ettha ca yasmā parehi upakkamiyamānassa aṅgajātādikāyacalanassa vijjamānattā sevanacitte upaṭṭhitamatte tasmim̄ khaṇe cittajarūpena sañjāyamānaṃ aṅgajātādicālaṃ iminā sevanacittena uppāditameva hoti. Apica sevanacitte uppanne parehi anupakkamiyamānassāpi aṅgajāte calanaṃ hoteva, tañca tena kataṃ nāma hoti, tasmā kāyacittato samuṭṭhitaṃ pārājikāpattiṃ so āpajjatiyeva **ubbhajāṇumaṇḍalikā**² viya. Tatthāpi hi “adhakkhakaṃ ubbhajāṇumaṇḍalaṃ āmasanaṃ vā -pa- paṭipīlanaṃ vā sādīyeyyā”ti³ sādīyanamatteyeva āpatti vuttā, bhikkhuno kāyasaṃsagge pana “kāyasaṃsaggaṃ samāpajjeyyā”ti⁴ attano upakkamassa āpattinimittabhāvena vuttattā itthiyā phusiyamānassa kāyasaṃsaggarāge ca itthiyā sañjanitakāyacalane ca vijjamānēpi attano payogābhāvena anāpattiyeva vuttāti gahetabbaṃ. Keci pana “paṭhamasaṃghādisesavisayepi parehi balakkārena hatthādīhi upakkamiyamānassa mocanassādo ca uppajjati, tena ca asucimhi mutte saṃghādiseso, amutte thullaccayaṃ evā”ti vadanti. **Aṅgārakāsunti** aṅgārārāsīm, aṅgārapuṇṇāvāṭaṃ vā. Itthiyā upakkamiyamāne asādīyanaṃ nāma na sabbesaṃ

1. Vi-Ṭṭha 1. 226 piṭṭhe. 2. Vi 2. 276 piṭṭhe. 3. Vi 2. 276 piṭṭhe. 4. Vi 3. 173 piṭṭhe.

visayoti āha **imañhīti**-ādi. **Ekādasahi aggīhīti** rāgadosamohajāti jarā maraṇa soka parideva dukkha domanassupāyāsasaṅkhātehi ekādasaggīhi. **Assāti** asādiyantassa. **Catukkam nīharitvā ṭhapesīti** ettha ekapuggalavisayatāya ekopi anāpattivāro pavesana pavīṭṭha ṭhita-uddharaṇasaṅkhātānaṃ catunnaṃ padānaṃ vasena “catukkan”ti vutto. **Paṭhamacatukkakathāti** ettha pana anāpattivārena saddhim pañcannaṃ vārānaṃ vuttanayena “pañca catukkā”ti vattabbepi ekamaggavisayatāya tesam ekattaṃ āropetvā paṭhamacatukkatā vuttā. Teneva vakkhati **tiṇṇam maggānaṃ vasena tīpi suddhikacatukkānīti**-ādi.

Ekūnasattatidvisatacatukkakathāvaṇṇanā

59-60. **Mattanti** surādīhi mattaṃ. Akkhāyitanimittā idha uttarapadalopena akkhāyitasaddena vuttāti āha “akkhāyitanimittan”ti. **Jāgarantinti**-ādi visesarahitattā “suddhikacatukkānī”ti vuttaṃ. **Samānācariyakātherāti** ekācariyassa uddesantevāsikā. Gaṅgāya aparabhāgo **aparagaṅgam**. **Vatareti** garahatthe nipāto. **Evaṃ vinaya-garukānanti** iminā upari upatissattherena vuccamānavinicchayassa garukaraṇīyatāya kāraṇaṃ vuttaṃ. **Sabbaṃ pariyādiyitvāti** sabbaṃ pārājikkahettaṃ anavasesato gahetvā. Yadi hi sāvasesaṃ katvā paññapeyya, alajjīnaṃ tattha lesena ajjhācārasoto pavattatīti āha “sotaṃ chinditvā”ti. Sahaseyyādipaṇṇattivajjasikkhāpadesuyeva¹ sāvasesaṃ katvāpi paññāpanaṃ sambhavati, na lokavajjesūti āha **idañhīti**-ādi. **Sahaseyyasikkhāpade**² hi kiñcāpi yebhuyyacchanne yebhuyyaparicchanne heṭṭhimaparicchedato pācittiyaṃ dassitaṃ, upaḍḍhacchanne upaḍḍhaparicchanne dukkaṭaṃ, tathāpi sāvasesattā paññattiyā yebhuyyacchanna-upaḍḍhaparicchannādīsupi **aṭṭhakathāyaṃ**³ pācittiyameva dassitaṃ. Idha pana niravasesattā paññattiyā bhagavatā dassitaṃ yebhuyyena akkhāyitanimittato heṭṭhā pārājikkahettaṃ natthi, thullaccayādimeva tattha labbhati.

Upatissattherena vuttasseva vinicchayassa aññampi upatthambhakāraṇaṃ dassento **apicāti**-ādimāha. Nimitte appamattikāpi maṃsarāji sace

1. Vi 2. 26 piṭṭhe.

2. Vi 2. 27 piṭṭhe.

3. Vi-Ṭṭha 2. 15 piṭṭhe.

avasiṭṭhā hoti, taṃ yebhuyyakkhāyitameva hoti, tato paraṃ pana sabbaso khāyite nimitte dukkaṭamevāti dassento āha “tato paraṃ thullaccayaṃ natthi”ti. Keci panettha vaccamaggādiṃ cattāro koṭṭhāse katvā “tesu dve koṭṭhāse atikkamma yāva tatiyakoṭṭhāsassa pariyosānā khāyitaṃ yebhuyyakkhāyitaṃ nāma, tato paraṃ thullaccayaṃ natthi, yāva catutthakoṭṭhāsassa pariyosānā khāyitaṃ, tampi dukkaṭavattahuyevā”ti ca vadanti, taṃ na yuttaṃ. **Matasarīrasmiṃyeva veditabbanti** mataṃ yebhuyyena akkhāyitanti-ādivacanato vuttaṃ. **Yadipi nimittanti**-ādi jīvamānakasarīrameva sandhāya vuttaṃ tasseva adhikatattā. Teneva **mātikāṭṭhakathāyaṃ**¹ “jīvamānakasarīrassa vuttappakāre magge sacepi tacādīni anavasesetvā sabbaso chinne”ti-ādi vuttaṃ. **Sabbaso khāyitanti** nimittamaṃsaṃ sabbam chinnanti attho. **Nimittasaṅṭhānanti** chinnamaṃsassa anto yāva muttavatthikosā chiddākāro abhantarachavicammamatto itthinimittākāro, tenāha “pavesanaṃ jāyati”ti. **Nimittasaṅṭhānaṃ pana anavasesetvāti** pavesanārahachiddākārena ṭhita-abhantaramaṃsādiṃ anavasesetvā. Etena yāva paveso labbhati, tāva maggoyevāti dasseti. **Nimittato patitāya maṃsapesiyāti** idaṃ nimittasaṅṭhānavirahitaṃ abhantaramaṃsakhaṇḍaṃ sandhāya vuttaṃ. Nimittasaṅṭhānaṃ akopetvā samantato chinditvā uddhaṭamaṃsapesiyā pana matasarīre yebhuyyena akkhāyitanimitte viya upakkamantassa pārājikameva.

Evam jīvamānakamanussasarīre labbhamānavisesaṃ dassetvā idāni matasarīre dassetuṃ **matasarīre panāti**-ādimāha. **Vatthikosesūti** purisānaṃ aṅgajātakosacammesu. “Navadvāro mahāvaṇo”ti-ādi² vacanato manussānaṃ akkhināsādīni vaṇasaṅkhepena thullaccayakkhettānīti tesupi thullaccayaṃ vuttaṃ, evam manussānaṃ matasarīrepi, tenāha **mate allasarīreti**-ādi. Tattha **allasarīreti** akuthitaṃ sandhāya vuttaṃ. **Pārājikakkhetteti** yebhuyyena akkhāyitampi sandhāya vuttaṃ. **Thullaccayakkhetteti** upaḍḍhakkhāyitādimpi sandhāya vuttaṃ. Ettha ca akkhināsādithullaccayakkhettesu yebhuyyena akkhāyitesupi thullaccayaṃ, upaḍḍhakkhāyitādisu dukkaṭanti veditabbaṃ. **Sabbesampīti** yathāvuttahatthi-ādīhi aññesaṃ

1. Kaṅkhā-Ṭṭha 113 piṭṭhe.

2. Khu 11. 78 piṭṭhe.

tiracchānānaṃ saṅgaṇhanatthaṃ vuttaṃ. Tiracchānagatānaṃ akkhikaṇṇavaṇesu dukkaṭaṃ pana aṭṭhakathāppamaṇeṇa gahetabbaṃ, “amaggena amaggaṃ paveseti, āpatti thullaccayassā”¹ti hi sāmāññato vuttaṃ, na pana manussānanti visesetvā. Yadi hi manussānaññeva vaṇesu thullaccayaṃ siyā, hatthi-assādīnaṃ nāsavattikosesupi paṭaṅgamukhamaṇḍūkassa mukhasaṅṭhānepi ca vaṇasaṅkhepato thullaccayaṃ na vattabbaṃ siyā, vuttaṅca. Tasmā aṭṭhakathācariyā evettha pamāṇaṃ. Matānaṃ tiracchānagatānanti matakena sambandho.

Methunarāgena vatthikosam pavesentassa thullaccayaṃ vuttanti āha “vatthikosam appavesento”²ti. **Methunarāgo** ca nāma kāyasaṃsaggarāgaṃ mocanassādaṅca muñcitvā visum dvayaṃdvayasamāpattiyā rāgo, so ca purisādīsipi uppajjati, tena ca apārājikkakhetto itthisarīrepi upakkamantassa asucimhi muttepi saṅghādiseso na hoti, khettānurūpaṃ thullaccayadukkaṭameva hotīti veditabbaṃ. **Appavesentoti** iminā tīsu maggesu pavesanādhippāye asatipi methunarāgena bahi ghaṭṭanaṃ sambhavaṭīti dasseti, teneva thullaccayaṃ vuttaṃ, itarathā pavesanādhippāyena bahi chupantassa methunassa pubbapayogattā dukkaṭameva vattabbaṃ siyā. **Nimittena nimittaṃ chupati thullaccayanti** idaṅca “na ca bhikkhave rattacittena aṅgaṭānaṃ chupitabbaṃ, yo chupeyya, āpatti thullaccayassā”²ti imassa cammakkhandhake āgatassa suttassa vasena vuttaṃ. Tattha ca kesaṅci aññathāpi atthavikappassa bijaṃ dassento **mahā-aṭṭhakathāyaṃ panāti**-ādimāha. **Mukheneva chupanaṃ sandhāyāti** oṭṭhajivhādīmukhāvayavena chupanaṃ sandhāya. **Oḷārikattāti** ajjhācārassa thullattā. **Taṃ sandhāyabhāsītanti** taṃ yathāvuttasuttaṃ. Suttañhi ajjhācāraṃ sandhāya paṭicca vuttattā “sandhāyabhāsītan”²ti vuccati. **Suṭṭhu sallakkhetvāti** piṭṭhiṃ abhiruhantānaṃ aṅgaṭānamukheneva nimittachupanassa sambhavaṃ methunarāgīnaṅca aṅgaṭātena chupanasseva anurūpataṅca sutte ca “mukhenā”²ti avuttataṅca aññaṅca nayaṃ yathābalaṃ suṭṭhu sallakkhetvāti attho. **Samghādisesoti** manussitthiṃ sandhāya vuttaṃ. **Passāvamagganti** idaṃ **cammakkhandhake** nidānavasena vuttaṃ. Itaramaggadvayaṃ pana nimittamukhena chupantassa vaṇasaṅkhepena thullaccayameva. **Vuttanayenevāti** methunarāgeneva. Nimittamukhena pana vinā methunarāgena manussitthiyā vā tiracchānagatitthiyā vā

1. Vi 1. 41 piṭṭhe.

2. Vi 3. 280 piṭṭhe.

passāvamaggaṃ pakatimukhena chupantassa dukkaṭameva pakatimukhena pakatimukhachupane viya, itarathā tatthāpi thullaccayena bhavitabbaṃ, tañca na yuttam khandhakasuttepi tathā avuttattā. **Kāyasaṃsaggarāgena dukkaṭanti** nimittamukhena vā pakatimukhādiṃ itarakāyena vā kāyasaṃsaggarāgena chupantassa dukkaṭameva.

Ettha ca kāyasaṃsaggarāgena bahinimutte upakkamato ajānantasseva aṅgajātaṃ yadi pārājikakkhettaṃ chupati, tattha kiṃ hotīti? Keci tāva “methunarāgassa abhāvā manussitthiyā saṃghādiseso, sesesu vatthuvaseṇa thullaccayadukkaṭāni”ti vadanti. Aññe pana “pavesanakkhaṇe phassassa sādiyanasambhavato balakkārena upakkamanakkhaṇe viya pārājikamevā”ti vadanti, idameva yuttataraṃ. Maggattayato hi aññasmiṃ padeseyeva kāyasaṃsaggādirāgabhedato āpattibhedo labbhati, na maggattaye. Tattha pana yena kenaci ākārena phassassa sādiyanakkhaṇe pārājikameva, teneva paropakkamena pavesanādīsu rāgabhedam anuddharitvā sādiyanamattena pārājikam vuttam.

Santhatacatukkabhedakathāvaṇṇanā

61-2. **Paṭipannakassāti** āradhavi-passakassa. **Upādinnakanti** kāyindriyam sandhāya vuttam. **Upādinnakena phusatīti** upādinnakasarīrena phusiyatīti kammaśādanena attho daṭṭhabbo. Atha vā evaṃ karonto bhikkhu kiñci upādinnakam upādinnakena na phusatīti attho. **Lesam oḍḍessantīti** lesam ṭhapessanti, parikappessantīti attho. **Santhatādibhedehi bhinditvāti** santhatādivisesanehi visesetvā. **Santhatāyāti** samudāye ekadesavohāro daḍḍhassa paṭassa chiddanti-ādīsu viya. Yathā hi paṭassa ekadesova vatthato¹ daḍḍhoti vuccati, tam ekadesavohāram samudāye paṭe upacārato āropetvā puna tam samudāyam daḍḍhappadesasaṅkhātachidda-sambandhībhāvena “daḍḍhassa paṭassa chiddan”ti voharanti, evamidhāpi itthiyā maggappadesavohāram samudāyabhūtāya itthiyā āropetvā puna tam itthim santhatamaggasambandhinim katvā **santhatāya itthiyā vaccamaggenāti**-ādi vuttam. Sāratthadīpaniyam² panettha “ekadese samudāyavohāro”ti vuttam, tam

1. Ekadese daḍḍhe paṭo (?)

2. Sārattha-Ṭī 2. 92 piṭṭhe.

na yuttam̄ avayavavohārena samudāyasseva patīyamānattā. Itarathā hi santhatāya vaccamaggenāti itthilingatā maggasambandhitā ca na siyā, ekadesa samudāyopacārassa pana ekadesova attho sākḥāya chijjamānāya rukkhō chijjatīti-ādīsu viya.

Vatthādīni maggassa anto appavesetvā bahiyeva veṭṭhanam̄ sandhāya “paliveṭṭhetvā”ti vuttam̄. Samudāye avayavūpacārenea bhikkhupi **santhato nāmāti**-ādi vuttam̄. **Yattake pavitṭheti** tilabījamatte pavitṭhe. Akkhiṇāsādīnam̄ santhatatṭepi¹ yathāvatthukamevāti āha **thullaccayakkhette thullaccayanti**-ādi. **Khāṇum̄ ghaṭṭentassa dukkaṭanti** itthinimittassa anto khāṇum̄ pavesetvā samatalam̄, atirittam̄ vā ṭhitam̄ khāṇum̄ sace ghaṭṭeti, ghaṭṭentassa dukkaṭam̄ pavesābhāvato. Sace pana īsakam̄ anto allokāse pavesetvā ṭhitam̄ anupādīnameva khāṇusīsam̄ aṅgajātena chupati, pārājikameva. **Tassa talanti** veḷunaḷādīkassa antotalam̄. **Bahiddhā khāṇuketi** anto pavesitaveḷupabbādīkassa bahi nikkhantasīsam̄ sandhāya vuttam̄. **Yathā ca itthinimitteti**-ādīsu yathā itthiyā passāvamagge khāṇum̄ katvā ghaṭṭanādīkam̄ vuttam̄, evam̄ sabbattha vaccamaggādīsupi lakkhaṇam̄ vedītabbanti attho.

Rājapaccatthikādicatukkabhedaḥkathāvaṇṇanā

65. **Kerāṭīkā**ti vañcakā. Paṭhamam̄ itthidhuttameva dassetvā idāni ittaradhutṭepi saṅgahetvā dassetuṃ “itthidhuttasurādihuttādayo vā”ti vuttam̄.

Āpattānāpattivāravaṇṇanā

66. Paṭiññātakaraṇam̄ natthi sevetukāmatā maggena maggappaṭipattīti² dvinnam̄ aṅgānam̄ siddhattā. Dūsitassa pana maggena maggappaṭipattīti evamekam̄ aṅgam̄ siddham̄, sevetukāmatāsāṅkhātā³ sādiyanam̄ asiddham̄. Tasmā so pucchitvā “sādiyin”ti vuttapaṭiññāya nāsetabbo. **Tatthevāti** vesāliyam̄ mahāvane eva. **Sabbaṅgagatanti** sabbakāyagatam̄. “Lohitam̄ viyā”ti vuttattā kesādīnam̄ vinimuttaṭṭhāne sabbatthāti gahetabbam̄. **Niccameva ummattako**

1. Santhatatṭepi (Sī) 2. Maggappaṭipattīnam̄ (Sī, Ka) 3. Pavesetukāmatā... (Ka)

hotīti yassa pittakosato pittaṃ calitvā sabbadā bahi nikkhantaṃ hoti, taṃ sandhāya vuttaṃ. Yassa pana pittaṃ calitvā pittakoseyeva ṭhitaṃ hoti, kadāci vā nikkhantaṃ puna nikkhamati, sopi antarantarā saññaṃ paṭilabhati bhesajjena ca pakati-ārogyaṃ paṭilabhatīti veditabbaṃ.

Padabhājanīyavaṇṇanānayo niṭṭhito.

Pakiṇṇakakathāvaṇṇanā

Pakiṇṇakanti vomissakanayaṃ. **Samuṭṭhānanti** uppattikāraṇaṃ. **Kiriyaṅti**-ādi nidassanamattaṃ akiriyaḍīnampi saṅgahato. Vedanāya saha kusalaṅca veditabbanti yojetabbaṃ. **Sabbasaṅgāhakavasenaṅti** sabbesaṃ sikkhāpadānaṃ saṅgāhakavasena “kāyo vācā kāyavācā kāyacittaṃ vācācittaṃ kāyavācācittan”ti evaṃ vuttāni cha āpattisamuṭṭhānāni. Samuṭṭhānādayo hi āpattiyā eva honti, na sikkhāpadassa. Taṃtaṃsikkhāpadassa niyata-āpattiyā eva gahaṇatthaṃ pana sikkhāpadasēna samuṭṭhānādināṃ kathanāṃ. Evaṅhi āpattiviseso paññāyati āpattisaddassa sabbāpattisādhāraṇattā, imesu pana chasu samuṭṭhānesu purimāni tīṇi acittakāni, pacchimāni sacittakāni. Samāsato taṃ¹ imaṃ pakiṇṇakaṃ viditvā veditabbanti sambandho. Cha samuṭṭhānāni etassāti **chasamuṭṭhānaṃ**. Evaṃ sesesupi.

Atthi kathinasamuṭṭhānanti-ādi samuṭṭhānasīvasasena dvisamuṭṭhāna-ekasamuṭṭhānānaṃ dassanaṃ. Terasa hi samuṭṭhānasīsāni paṭhamapārājikasamuṭṭhānaṃ adinnādānasamuṭṭhānaṃ sañcarittasamuṭṭhānaṃ samanubhāsanāsamuṭṭhānaṃ kathinasamuṭṭhānaṃ eḷakalomasamuṭṭhānaṃ padasodhammasamuṭṭhānaṃ addhānasamuṭṭhānaṃ theyyasatthasamuṭṭhānaṃ dhammadesanāsamuṭṭhānaṃ bhūtārocanasamuṭṭhānaṃ corīvuṭṭhāpanāsamuṭṭhānaṃ ananuññātasamuṭṭhānanti. Tattha **atthi chasamuṭṭhānanti** iminā sañcarittasamuṭṭhānaṃ vuttaṃ, pañcasamuṭṭhānassa abhāvato “atthi pañcasamuṭṭhānaṃ”ti avatvā “atthi catusamuṭṭhānaṃ”ti vuttaṃ, iminā ca addhānasamuṭṭhānaṃ ananuññātasamuṭṭhānaṅca saṅgahitaṃ. Yaṅhi paṭhamatatiyacatutthachatthehi samuṭṭhānehi

1. Idam sikkhāpadaṃ (?)

samuṭṭhāti, idaṃ addhānasamuṭṭhānaṃ. Yaṃ pana dutiyatatiyapañcamachaṭṭhehi samuṭṭhāti, idaṃ ananuññātasamuṭṭhānaṃ. **Atthi tisamuṭṭhānanti** iminā adinnādānasamuṭṭhānaṃ bhūtārocanasamuṭṭhānañca saṅgahitaṃ. Yañhi sacittakehi tīhi samuṭṭhāti, idaṃ adinnādānasamuṭṭhānaṃ. Yaṃ pana acittakehi tīhi samuṭṭhāti, idaṃ bhūtārocanasamuṭṭhānaṃ. **Atthi kathinasamuṭṭhānanti**-ādinā pana avasesasamuṭṭhānasīsavasena dvisamuṭṭhānaṃ ekasamuṭṭhānañca saṅgaṇhāti. Tattha hi yaṃ tatiyachaṭṭhehi samuṭṭhāti, idaṃ kathinasamuṭṭhānaṃ nāma. Yaṃ pana paṭhamacatutthehi samuṭṭhāti, idaṃ eḷakalomasamuṭṭhānaṃ. Yaṃ chaṭṭheneva samuṭṭhāti, idaṃ dhuranikkhepasamuṭṭhānaṃ, “samanubhāsanasamuṭṭhānaṃ”tipi tasseva nāmaṃ. Iti sarūpena aṭṭha āpattisīsāni dassitāni. Ādisaddena panettha avasesāni paṭhamapārājikasamuṭṭhāna padasodhamma theyyasattha dhammadesanā corīvuṭṭhāpanasamuṭṭhānāni pañcapi samuṭṭhānasīsāni saṅgahitāni. Tattha yaṃ kāyacittato samuṭṭhāti, idaṃ paṭhamapārājikasamuṭṭhānaṃ. Yaṃ dutiyapañcamehi samuṭṭhāti, idaṃ padasodhammasamuṭṭhānaṃ. Yaṃ catutthachaṭṭhehi samuṭṭhāti, idaṃ theyyasatthasamuṭṭhānaṃ. Yaṃ pañcameneva samuṭṭhāti, idaṃ dhammadesanāsamuṭṭhānaṃ. Yaṃ pañcamachaṭṭhehi samuṭṭhāti, idaṃ corīvuṭṭhāpanasamuṭṭhānaṃ. Ettha ca pacchimesu tīsu sacittakasamuṭṭhānesu ekekasamuṭṭhānavasena ekasamuṭṭhānāni tividhāni. Dvisamuṭṭhānāni pana paṭhamacatutthehi vā dutiyapañcamehi vā tatiyachaṭṭhehi vā catutthachaṭṭhehi vā pañcamachaṭṭhehi vā samuṭṭhānavasena pañcavidhānīti veditabbāni.

Evam samuṭṭhānavasena sabbasikkhāpadāni terasadhā dassetvā idāni kiriyāvasena pañcadhā dassetuṃ **tatrāpīti**-ādi vuttam. **Kiñcīti** sikkhāpadam. **Kiriyatoti** pathavīkhaṇanādi¹ viya kāyavacīviññattijanitakammato. **Akiriyatoti** paṭhamakathinādi² viya kattabbassa akaraṇeneva. **Kiriyākiriyatoti** aññātikāya bhikkhuniyā hatthato cīvarapaṭiggahaṇādi³ viya. **Siyā kiriyato, siyā akiriyato** rūpiyapaṭiggahaṇādi⁴ viya, **siyā kiriyato, siyā kiriyākiriyato** kuṭīkārādi⁵ viya. Vītikamasaññāya abhāvena vimokkho assāti **saññāvimokkhanti** majjhepadalopīsamāso daṭṭhabbo. **Cittaṅgam labhati**

1. Vi 2. 49 piṭṭhe.

2. Vi 1. 294 piṭṭhe.

3. Vi 1. 308 piṭṭhe.

4. Vi 1. 344 piṭṭhe.

5. Vi 1. 218 piṭṭhe.

sacittakasamuṭṭhāneheva samuṭṭhahanato. **Itaranti** yassa cittaṅganiyamo natthi, taṃ anāpattimukhena cetaṃ saññādukaṃ vuttaṃ, āpattimukhena sacittakadukanti ettakameva viseso, atthato samānāva.

Kāyavacīdvārehi āpajjitabbampi kāyakamme vā vacīkamme vā saṅgayhati. Tattha bāhullavuttito adinnādāna¹ musāvādādayo² viyāti **atthi sikkhāpadaṃ kāyakammanti**-ādinā kāyakammaṃ vacīkammañcāti dukameva vuttaṃ, vibhāgato pana kāyavacīkammena saddhiṃ tikameva hoti. Teneva **mātikāṭṭhakathāyaṃ**³ vuttaṃ “sabbā ca kāyakammavacīkammataḍḍhayavasena tividhā honti”ti. Tatoyeva idhāpi adinnādānādīsu⁴ kāyakammavacīkammanti taḍḍhayavasena dassitaṃ. **Atthi pana sikkhāpadaṃ kusalanti**-ādi āpattisamuṭṭhāpakacittavasena kāriye kāraṇopacārena vuttaṃ, na pana āpattiyā kusalādiparamatthadhammatāvasena āpattiyā sammutisabhāvattā. Kusalākusalādiparamatthadhamme upādāya hi bhagavatā āpattisammuti paññattā. Vakkhati hi “yaṃ kusalacittena āpajjati, taṃ kusalan”ti-ādi⁵. Na hi bhagavato āṇāyattā āpatti kusalādiparamatthasabhāvā hoti anupasampannānaṃ ādikammikānañca āpattippasaṅgato, tassā desanādihi visuddhi-abhāvappasaṅgaho ca. Na hi kāraṇabalena uppajjamānā kusalādisabhāvā āpatti anupasampannādīsu nivattati, uppannāya ca tassā kenaci vināso na sambhavati. Sarasavināsato desanādinā ca āpatti vigacchatīti vacanamatthi, na pana tena akusalādi vigacchati. Pitughātādikammena hi pārājikaṃ āpannassa bhikkhuno gihiliṅgaṃ gahetvā bhikkhubhāvapariccāgena pārājikāpatti vigacchati, na paṇātipātādi-akusalaṃ ānantariyādibhāvato. Tasmā dummaṅkūnaṃ niggahādīdasa-atthavase⁶ paṭicca bhagavatā yathāpaccayaṃ samuppajjamāne kusalākusalādināmarūpadhamme upādāya paññattā sammutiyeva āpatti, sā ca yathāvidhipaṭikammakaraṇena vigatā nāma hotīti vedītabbaṃ, tenāha **dvattimseva hi āpattisamuṭṭhāpakacittānī**-ādi. Āpattisamuṭṭhāpakatteneva hettha kusalādīnaṃ āpattito bhedo siddho.

1. Vi 1. 50 piṭṭhe.

2. Vi 2. 1 piṭṭhe.

3. Kaṅkhā-Ṭṭha 112 piṭṭhe.

4. Vi 1. 55 piṭṭhe.

5. Vi-Ṭṭha 1. 235 piṭṭhe.

6. Vi 1. 24; Vi 5. 2 piṭṭhesu.

na hi taṃsamuṭṭhitassa tato abhedo yutto

samuṭṭhānasamuṭṭhitabhedabyavahārurpacchedappasaṅgato.

Sāratthadīpaniyam¹ pana āpattiyā paramatthato kusalattameva na sambhavati “āpattādhikaraṇaṃ siyā akusalaṃ, siyā abyākataṃ, natthi āpattādhikaraṇaṃ kusalan”ti vacanato, “akusalattaṃ pana abyākatattañca āpattiyā sambhavatī”ti saññāya kusalacittasamuṭṭhānakkhaṇepi rūpābyākatattaṃ āpattiyā samatthetum yaṃ kusalacittena āpajjati, taṃ kusalaṃ, itarehi itaranti² imaṃ aṭṭhakathāvacanaṃ nissāya vuttaṃ “yaṃ kusalacittena āpajjati yaṃ sikkhāpadasīse gahitaṃ āpattiṃ kusalacittamaṅgī āpajjati, iminā pana vacanena taṃ kusalanti āpattiyā vuccamāno kusalabhāvo pariyāyato, na paramatthato dasseti. Kusalacittena hi āpattiṃ āpajjanto saviññattikaṃ aviññattikaṃ vā sikkhāpadavītikkamākārappavattaṃ rūpakkhandaṃ khatāṃ abyākatāpattiṃ āpajjati”ti. Tattha yaṃ kusalacittena āpajjati imaṃ vacanaṃ uddissa “iminā pana vacanena taṃ kusalanti āpattiyā vuccamāno kusalabhāvo pariyāyato, na paramatthato dasseti”ti vuttaṃ, evaṃ itarehi itaranti vacanena “yaṃ akusalacittena āpajjati, taṃ akusalaṃ, yaṃ abyākatacittena āpajjati, taṃ abyākatan”ti imassa atthassa vuttatā itarehīti vacanaṃ uddissa “imināpi vacanena itaranti āpattiyā vuccamāno akusalabhāvo abyākatabhāvo ca pariyāyato dasseti”ti vattabbaṃ. Evaṃ avatvā kusalapakkhe eva kathanassa kāraṇaṃ na passāma. Yaṃ pana āpattādhikaraṇaṃ siyā akusalanti-ādivacanaṃ kāraṇattena vuttaṃ, tampi akāraṇaṃ ()³ yaṃ akusalacittena āpajjati, taṃ akusalanti-ādinā heṭṭhā vuttanayena akusalādibhāvassa pariyāyadesitattā, āpattiyā kusalavohārassa ayuttatāya natthi āpattādhikaraṇaṃ kusalanti vuttatā ca. Āpattiyā hi kusalacittasamuṭṭhitatpepi bhagavatā paṭikkhittabhāvena sāvajjadhammattā⁴ kāraṇūpacārenāpi anavajjakusalavohāro na yutto sāvajjānavajjānaṃ aññamaññaviruddhattā. Yathā ākāsādisammuttisaccānaṃ uppannatādivohāro viya jātiarābhāṅgānaṃ uppannatādivohāro anavaṭṭhānādidesato ayutto, evamidhāpi kusalavohāro ayutto viruddhattā. Akusalādivohāro pana

1. Sārattha-Ṭī 2. 98 piṭṭhe.

3. (Tathā hi) (Ka)

2. Vi-Ṭītha 1. 235 piṭṭhe.

4. Sāvajjadhammatā (Sī, Ka)

yutto, kāraṇūpacārena pana akusalādisabhāvatā yathāvuttadosānativattanato. Suttassāpi hi yathā suttasuttānulomādīhi virodho na hoti, tatheva attho gahetabbo.

Yaṃ pana vuttaṃ “kusalacittena hi āpattiṃ āpajjanto -pa-rūpakkhandhasaṅkhātāṃ abyākatāpattiṃ āpajjati”ti, taṃ ayuttameva rūpakkhandhassa khaṇikatāya āpattiyāpi desanādipaṭikammaṃ vināva paṭipassaddhippasāṅgato. Rūpaparamparā āpattīti ce? Tanna, paṭikammenāpi avigamappasāṅgato. Na hi rūpasantatidesanādīhi vigacchati sakāraṇāyattattā, iti sabbathā āpattiyā paramatthatā ayuttā, eteneva yaṃ vuttaṃ “nīpajjitvā nirodhasamāpannessa sahasēyyavasena tathākārapavattarūpadhammasseva āpattibhāvato”ti-ādi, taṃ pi paṭisiddhanti veditabbaṃ. Idha pana nirodhasamāpannānaṃ rūpadhammeva paṭicca uppannattā āpatti acittā avedanā, aññattha pana sacittā savedanāva, sabbathāpi paññattisabhāvāti veditabbā. Teneva **duṭṭhadosasikkhāpadaṭṭhakathāyaṃ** āpattiyā akusalādisabhāvaṃ paraparikkappitaṃ nisedhetuṃ “ādikkammikassa anāpattivacanato -pa- paṇṇattimattameva āpattādhikāraṇanti veditabbaṃ”ti¹ sayameva vakkhati, tasmā “taṃtaṃkusalādidhammasamuppattiyā bhagavatā paññattā āpattisammuti samuṭṭhitā”ti ca, “yāva paṭipassaddhikāraṇā tiṭṭhati”ti ca, “paṭipassaddhikāraṇehi vinassati”ti ca vohariyati. Āpattiyā² ca sammutisabhāvattepi hi sañcicca taṃ āpajjantassa, paṭikiriyaṃ akarontassa ca anādare akusalarāsi ceva saggamaggantarāyo ca hotīti lajjino yathāvidhiṃ nātikkamanti, anātikkamanappaccayā ca tesāṃ anantappabhedā sīlādayo dhammā parivaḍḍhantīti gahetabbaṃ. Dvattimsevāti niyamo āpattinimittānaṃ kāyavacīviññattīnaṃ eteheva samuppajjanato kato, na pana sabbāpattīnampi eteheva samuppajjanato. Nīpajjitvā niddāyantānañhi jhānanirodhasamāpannānañca aviññattījanakehi vipāka-appanācīttehi ceva rūpadhammehi ca sahasēyyādi-āpatti sambhavati.

Dasāti kiriyāhetukamanoviññāṇadhātudvayena saha aṭṭha mahākiriya-cittāni. Paññattiṃ ajānitvā iddhivikubbanādīsu abhiññānaṃ āpattisamuṭṭhāpakattaṃ veditabbaṃ. Ettha ca kiñci sikkhāpadaṃ akusalacittameva,

1. Duṭṭhadosasikkhāpadaṭṭhakathāyaṃ na dissati.

2. Yassā āpattiyā (Sī)

kiñci kusalābyākatavasena dvicittam, kiñci ticittanti ayameva bhedo labbhati, nāññoti veditabham. **Kiriyāsamuṭṭhānanti** parūpakkamena jāyamānam aṅgajātādicalanam sādianacittasaṅkhāte sevanacitte uppanne tena cittaena samuppāditameva hotīti vuttam itarathā “siyā kiriyasamuṭṭhānam, siyā akiriyasamuṭṭhānan”ti vattabbato.

Yam pana **sāratthadīpaniyam**¹ vuttam “kiriyasamuṭṭhānanti idam yebhuyyavasena vuttam parūpakkame sati sādiantassa akiriyasamuṭṭhānabhāvato”ti-ādi, tam na gahetabham paṭhamapārājikkassa akiriyasamuṭṭhānatāya pāli-aṭṭhakathāsu avuttattā. “Manodvāre āpatti nāma natthī”ti hi² vuttam. Kathaṅhi nāma parūpakkamena methunam sādianto attano aṅgajātādikāyacalanam na sādīyeyya³, sādianacittānugūṇameva pana sakalasarīre cittajarūpasamuppattiyā viññattipi sukhumā samuppannā eva hotīti daṭṭhabbam, tenāha **kāyadvāre**neva **samuṭṭhānato kāyakammanti**-ādi. **Cittam panettha aṅgamattam hotīti** kāyaviññatti eva kāyakammabhāve kāraṇam, na cittam. Tam panettha kāyasaṅkhātāya viññattiyāyeva aṅgamattam, na kāyakammabhāvassa, itarathā methunassa “manokamman”ti vattabbato, tenāha “na tassa vasena kammabhāvo labbhatī”ti. **Kammabhāvoti** kāyakammabhāvo. **Sabbañcetanti** etam samuṭṭhānādikam. **Sikkhāpadasīsenāti** tamtamā sikkhāpadaniyata-āpattiyā eva gahaṇattham sikkhāpadamukhena.

Pakiṇṇakakathāvaṇṇanānayo niṭṭhito.

Vinītavatthuvaṇṇanā

Idam kinti kathetukāmatāpucchā. **Imāti**-ādi vissajjanam. Vinītāni āpattim tvaṃ bhikkhu āpannoti-ādinā⁴ bhagavatā vinicchinitāni vatthūni **vinītavatthūni**. Tam tam vatthum uddharitvā dānato dassanato uddānabhūtā gāthā **uddānagāthā**, saṅgahagāthā, uddesagāthāti vuttam hoti. **Vatthu gāthāti** tena kho pana samayena aññataro bhikkhūti⁴ ādikā vinītavatthupāḷiyeva tesam tesam vinītavatthūnam ganthanato “vatthugāthā”ti

1. Sārattha-Ṭī 2. 98 piṭṭhe.

3. Sādīyeyya (Sī, Ka)

2. Kaṅkhā-Ṭītha 112; Vi-Ṭītha 2. 270 piṭṭhesu.

4. Vi 1. 42 piṭṭhādīsu.

vuttā, na chandovicibhilakkhaṇena. Uddānagāthānaṃ vatthu vatthugāthāti evaṃ vā ettha attho daṭṭhabbo. **Etthāti** vinītavatthūsu. **Dutiyādīnanti** dutiyapārājikādīnaṃ. Yaṃ passivā cittakārādayo sippikā cittakammādīni sikkhanti, taṃ **paṭicchannakarūpaṃ**, paṭimārūpanti attho.

67. **Purimāni dveti** makkaṭṭivajjiputtakavatthūni dve. Tānīpi bhagavatā vinītabhāvena puna vinītavatthūsu pakkhittāni. Tattha tassa kukkuccaṃ ahoṣīti-ādi pana kiñcāpi tesam paṭhamam kukkuccaṃ na uppannam, bhikkhūhi pana bhagavatā ca garahitvā vuttavacanaṃ sandhāya pacchā uppannattam sandhāya vuttam. Bhagavato etamattham ārocesunti-ādi ca bhikkhūhi ānandattherena ca paṭhamam bhagavato ārocite, bhagavatā ca tesam pārājikatte pakāsīte bhītā te sayampi gantvā attano kukkuccaṃ pacchā ārocenti eva. Saccam kira tvanti-ādīnā bhagavatā puṭṭhā pana “saccam bhagavā”ti paṭijānavasenaṃ ārocenti. Bhagavāpi āpattim tvanti-ādīnā tesam pārājikattam vinicchīnoti eva. Anupaññattikathāyaṃ pana taṃ sabbam avatvā anupaññattiyā anuḡameva kiñcimattam vuttam, idhāpi tesam vatthūnam bhagavatā vinītabhāvadassanattam evam vuttanti veditabbam. Keci imam adhippāyam amanasikatvā “aññānevetāni vatthūni”ti vadanti. **Kuseti** kusatiṇāni. **Kesehīti** manussakesehi.

68. **Vaṇṇapokkharatāyāti** ettha pokkhalam nāma samiddham sundaraṇca, tassa bhāvo “pokkharatā”ti ra-kāram katvā vutto, samiddhatā sundaratāti attho. **Padhamāsesīti** abhibhavi. **Na limpatīti** na allīyati.

69. Evarūpā parivattalīngā bhikkhuniyo atthato ekato upasampannāpi ubhatosaṃghe upasampannāsuyeva saṅgayhanti bhikkhūpasampadāya bhikkhunī-upasampadatopi ukkaṭṭhattā. **Pāḷiyam** “tāhi āpattīhi anāpattin”ti upayogavacanaṃ katvā anujānamīti padena sambandhitabbam. Itthilīnganti thanādīkam itthisaṅṭhānam vuttanti āha “purisa -pa- itthisaṅṭhānam uppannam”ti. Tam nānantarikato pana “purisindriyampi antarahitam, itthindriyaṇca uppannam”ti vuttameva hoti, evam uparipi līṅgaggahaṇeneva itthindriyādiggahaṇam veditabbam. **Tāti** āpattīyo, tassa vuṭṭhātunti iminā sambandho, tāhi āpattīhi

vuṭṭhāpetunti attho. Kathanti āha **tā sabbāpi bhikkhunīhi kātabbanti**-ādi.

Tena paṭicchannāyapi appaṭicchannāyapi garukāpattiyā

pakkhamānattacaraṇādikam vidhim dasseti.

Okkantikavinicchayoti pasāṅgānugūṇam otaraṇakavinicchayo. **Balava-akusalenāti** paradārikakammādinā. **Dubbalakusalenāti**

yathāvuttabalavākusalopahatasattinā tato eva dubbalabhūtena kusalena.

Dubbala-akusalenāti

purisabhāvuppadakabrahmacariyādibalavakusalopahatasattinā tato eva

dubbalabhūtena paradārikādi-akusalena. Sugatiyaṃ bhāvadvyassa

kusalakammajattā akusaleneva vināso kusaleneva uppattīti āha **ubhayampīti**-

ādi. Duggatiyaṃ pana akusaleneva ubhinnampi uppatti ca vināso ca, tattha

dubbalabalavabhāvova viseso.

“Ehi mayam gamissāmā”ti bhikkhuniyā saddhim saṃvidhāya ekaddhānagamane pācittiyāpattiparihārattham vuttam “saṃvidahanam parimocetvā”ti. Tena ekagāmakkhettepi bahigāmato antaragharam saṃvidhāya gamanampi āpattikaramevāti dasseti. Parimocanavidhim dassento āha **mayanti**-ādi. **Bahigāmeti** gāmantare. Dutiyikā bhikkhunī pakkantā vā hotīti-ādinā¹ vutta-anāpattilakkhaṇam anulometīti vuttam “gāmantara -pa- anāpattī”ti. **Kopetvāti** pariccajitvā. **Lajjiniyo -pa- labbhatīti** liṅgaparivattanadukkhapīlitassa saṅgahepi asati hīnāyāvattanampi bhavyeyyāti “āpadāsū”ti vutta-anāpatti-anulomena vuttam. Tāya dutiyikam gahetvāva gantabbam. **Alajjiniyo -pa- labbhatīti** alajjinīhi saddhim ekakammādisaṃvāse āpattisambhavato tā asantapakkhān bhajantīti vuttam, imināpetam veditabbam “alajjinīhi saddhim paribhogo na vaṭṭatī”ti. Yadi hi vaṭṭeyya, tatopi dutiyikam vinā gāmantaragamanādīso āpatti eva siyā saṅgāhikattā tāsam saṅgāhikalajjinigaṇato viya. **Ñātikā na honti -pa- vaṭṭatīti vadantīti** iminā aṭṭhakathāsu anāgatabhāvaṃ dīpeti. Tatthāpi viśāsikañātikabhikkhuniyo vinā bhikkhunibhāve aramantassa² mānapakatikassa āpadaṭṭhānasambhavena³ tam vacanam appaṭikkhittampi tadaññesam na vaṭṭatīyevāti gahetabbam. **Bhikkhubhāvepīti**

1. Vi 2. 296 piṭṭhe.

2. Āmantayassa (Ka)

3. Apadaṭṭhānasambhavena (Sī, Ka)

bhikkhukālepi. **Taṃ nissāyāti** taṃ nissayācariyaṃ katvā. **Upajjhā gahetabbā**ti upasampadāgahaṇatthaṃ upajjhā gahetabbā.

Vinayakammanti vikappanaṃ sandhāya vuttaṃ. **Puna kātabbanti** puna vikappetabbaṃ. **Puna paṭiggahetvā sattāhaṃ vaṭṭatīti** “anujānāmi bhikkhave bhikkhunīnaṃ sannidhiṃ bhikkhūhi, bhikkhūnaṃ sannidhiṃ bhikkhunīhi ca paṭiggāhāpetvā paribhuñjitun”¹ti vacanato puna paṭiggahetvā paribhuñjitum vaṭṭatīti dassanatthaṃ vuttaṃ. **Sattame divaseti** idaṅca nissaggiyaṃ anāpajjitvāva punapi sattāhaṃ paribhuñjitum vaṭṭatīti dassanatthaṃ vuttaṃ. **Pakatattoti** aparivattaliṅgo. **Rakkhatīti** taṃ paṭiggahaṇavijahanato rakkhati, avibhattatāya paṭiggahaṇaṃ na vijahatīti adhippāyo.

Sāmaṃ gahetvāna nikkhipeyyāti sahatthena paṭiggahetvāna nikkhipeyya. **Paribhuñjantassa āpattīti** liṅgaparivatte jāte puna appaṭiggahetvā paribhuñjantassa āpattī.

Hīnāyāvattanenāti ettha keci “pakatattassa bhikkhuno sikkhaṃ appaccakkhāya ‘gihī bhavissāmī’²ti gihiliṅgaggahaṇaṃ hīnāyāvattanaṃ”²ti vadanti, taṃ na yuttaṃ tattakena² bhikkhubhāvassa avijahanato. Aññe pana “pārājikaṃ āpannassa bhikkhupaṭiññaṃ pahāya gihiliṅgabhāvūpagamanampi hīnāyāvattanaṃ”²ti vadanti, taṃ yuttameva. Pārājikaṃ āpanno hi taṃ paṭicchādetvā yāva bhikkhupaṭiñño hoti, tāva bhikkhu eva hoti bhikkhūnameva pārājikassa paññattatā. “Yo pana bhikkhū”²ti hi vuttaṃ. Tathā hi so samvāsāṃ sādīyantopi theyyasaṃvāsako na hoti, sahaseyyādi-āpattiñca na janeti, attānaṃ omasantassa pācittiyañca janeti. Vuttañhi—

“Asuddho hoti puggalo aññataraṃ pārājikaṃ dhammaṃ ajjhāpanno, tañce suddhadiṭṭhi samāno okāsaṃ kārāpetvā akkosādhippāyo vadeti, āpatti omasavādassā”³ti³.

Eke pana “pārājikaṃ āpannānaṃ dosaṃ paṭijānitvā gihiliṅgaggahaṇaṃ nāma sikkhāpaccakkhāne samodhānaṃ gacchati tenāpi paṭiññāya bhikkhubhāvassa vijahanato. Teneva vinayavinicchayādīsu hīnāyāvattanaṃ sikkhāpaccakkhāne

1. Vi 4. 462 piṭṭhe.

2. Ettakena (Sī)

3. Vi 1. 254 piṭṭhe.

samodhānetvā visum tam na vuttam. Tasmā bhikkhunīnam vibbhamitukāmatāya gililingaggahaṇam idha hīnāyāvattanam tāsam sikkhāpaccakkhānassa abhāvato. Tāsam paṭiggahaṇavijahanassāpi sabbaso vattabbattā”ti vadanti, tampi appaṭibāhiyameva. Tasmā pārājikānam¹ bhikkhunīnaṅca “uppabbajissāmī”ti gihilingaggahaṇam hīnāyāvattananti gahetabban. Vibbhamotipi etasseva nāman, teneva tam **khuddasikkhāyam**² “acchedavissajjanagāhavibbhamā”ti adhiṭṭhānavijahane vibbhamanāmena vuttam.

Anapekkhavissajjanenāti aññassa adatvāva anattikasessa paṭiggahitavatthūnam bahi chaḍḍanena. Keci “paṭiggahitavatthūsu sāpekkhassa pure paṭiggahitabhāvato parimocanattam tatha paṭiggahamattassa vissajjanampi anapekkhavissajjanameva cīvarādi-adhiṭṭhānapaccuddhāro viyā”ti vadanti, tam na sundaram tathāvacanābhāvā. Yatheva hi cīvarādīsu anapekkhavissajjanena adhiṭṭhānavijahanam vatvāpi visum paccuddhāro ca vutto, evamidhāpi vattabban, yathā ca cīvarādīsu kāyapaṭibaddhesupi paccuddhārena adhiṭṭhānam vigacchati, na evamidha. Idha pana paṭiggahitavatthusmim anapekkhassāpi kāyato mutteyeva tasmim paṭiggahaṇam vijahati. Tathā hi vuttam “satakkhattumpi pariccajatu, yāva attano hatthagatam paṭiggahitamevā”ti³. Anapekkhavissajjanenāti ettha ca “anapekkhāyā”ti ettakameva vattabban anapekkhatam muñcitvā idha visum vissajjanassa abhāvā. Na hettha paccuddhāre viya vissajjanavidhānamatthi. Apica paṭiggahaṇamattavissajjane sati pure paṭiggahitopi āhāro bhuñjitukamyatāya uppannāya paṭiggahaṇamattam vissajjetvā puna paṭiggahetvā yathāsukham bhuñjitabbo siyāti⁴, tathā ca **sannidhikāra**sikkhāpade vuttā sabbāpi vinicchayabhedā niratthakā eva siyūm. Vuttañhi tatha—

“Gaṇṭhikapattassa vā gaṇṭhikantare sneho pavitṭho hoti -pa- tādise pattepi punadivase bhuñjantassa pācittian”ti-ādi⁵.

Tatha pana “paṭiggahaṇam anapekkhacittena vissajjetvā bhuñjitabban”ti ettakameva vattabban, na ca vuttam. Katthaci īdisesu ca gaṇṭhikapattādīsu paṭiggahaṇe apekkhā kassacipi nattheva tappahānāya vāyāmato, tathāpi tatha gata-āmise paṭiggahaṇam na vigacchati. Kasmā? Bhikkhussa patte puna

1. Pārājikam āpannānam (?)

2. Cīvare (25 gāthā)

3. Vi-Ṭṭha 3. 114 piṭṭhe.

4. Siyā, (?)

5. Vi-Ṭṭha 3. 104 piṭṭhe.

bhuñjitukāmatāpekkhāya vijjamānattā pattagatike āhārepi tassā vattanato. Na hi pattam avissajjetvā taggatikam āhāram vissajjetum sakkā, nāpi āhāram avissajjetvā taggatikam paṭiggahaṇam vissajjetum. Tasmā vatthuno vissajjanameva anapekkhavissajjanam, na paṭiggahaṇassāti niṭṭhamettha gantabbam. Teneva sannidhisikkhāpadassa **anāpattivāre**—

“Antosattāham adhiṭṭheti, vissajjeti, nassati, vinassati, ḍayhati, acchinditvā gaṇhanti, vissāsam gaṇhanti, anupasampannassa cattena vantena muttena anapekkho datvā paṭilabhitvā paribhuñjati”¹—

evam sabbattha vatthuvissajjanameva vuttam. Ettha ca “antosattāham adhiṭṭheti”²ti bāhiraparibhogāya adhiṭṭhānavacanato vatthum avissajjetvāpi kevalam anajjhoharitukāmatāya suddhacittena bāhiraparibhogatthāya niyamanampi visum ekam paṭiggahaṇavijahanakāraṇameva, idaṇca sandhāya paṭiggahaṇamattavissajjanam vuttam siyā, suvuttameva siyā, tathā ca “puna paṭiggahetvā paribhuñjissāmī”²ti paṭiggahaṇavissajjanam na vattabbam siyā bāhiraparibhogādhiṭṭhānassa idhādhippetattā.

Sāratthadīpaniyaṇhi² “anapekkhavissajjanenāti ettha aññassa adatvāva anatthikatāya ‘natthi iminā kammaṃ na dāni nam paribhuñjissāmī’²ti vatthūsu vā ‘puna paṭiggahetvā paṭibhuñjissāmī’²ti paṭiggahaṇe vā anapekkhavissajjanenā”²ti evam paribhuñjitukāmasseva paṭiggahaṇamattavissajjanampi paṭiggahaṇavijahanakāraṇam vuttam, tam na gahetabbam. Purimameva pana bāhiraparibhogādhiṭṭhānam gahetabbam. Idam pana **aṭṭhakathāsu** “anapekkhavissajjanasaṅkhāte vissajjeti”²ti vuttapāḷipadatthe saṅgahetvā visum na vuttam. Nassati, vinassati, ḍayhati, vissāsam vā gaṇhantīti imāni pana padāni acchinditvā gaṇhantīti imasmim pade saṅgahitānīti veditabbam.

Acchinditvā gahaṇenāti anupasampannānam balakkārādinā acchinditvā gahaṇena. Upasampannānaṇhi acchindanavissāsaggāhesu paṭiggahaṇam na vijahati. **Etthāti** bhikkhuvihāre. **Uparopakāti** tena ropitā rukkagacchā.

1. Vi 1. 364 piṭṭhe.

2. Sārattha-Ṭī 2. 105 piṭṭhe.

Terasasu sammutīsūti bhattuddesaka senāsana paññāpaka
bhaṇḍāgārikacīvarapaṭiggāhaka cīvarabhājaka yāgubhājaka phalabhājaka
khajjabhājaka appamattaka vissajjakasādiyagāhāpaka pattagāhāpaka
ārāmikapesaka sāmaṇerapesakasammutisaṅkhātāsu terasasu sammutīsu.

Pacchimikāya senāsanaggāhe paṭippassaddhepi appaṭippassaddhepi
kathinatthārassa, tammūlakānaṃ pañcānisamsānaṅca abhāvassa samānattā
tattha vijjamānampi senāsanaggāhapaṭippassaddhiṃ adassetvā tattha
bhikkhūhi kattabbaṃ saṅgahameva dassetuṃ **sace pacchimikāyāti**-ādi
vuttaṃ. **Sace akusalavipāke -pa- chārattaṃ mānattameva dātabbanti** idaṃ
paṭicchannāya sādharmaṇāpattiyā parivasantassa asamādinna-parivāsassa vā
liṅge parivatte pakkhamānattaṃ carantassa vasena vuttaṃ. Sace panassa
pakkhamānante asamādinne eva puna liṅgaṃ parivattati, parivāsaṃ datvā
parivutthaparivāsasseva chārattaṃ mānattaṃ dātabbaṃ. **Parivāsadānaṃ
natthi** bhikkhukāle appaṭicchannabhāvato. Sace pana bhikkhukālepi sañcicca
nāroceti, āpatti paṭicchannāva hoti, āpatti paṭicchannabhāvato parivāso ca
dātabboti vadanti. Pārājikaṃ āpannānaṃ itthipurisānaṃ liṅge parivattepi
pārājikattassa ekasmiṃ attabhāve avijahanato puna upasampadā na dātabbāti
gahetabbaṃ. Teneva tesāṃ sīsacchinnapurisādayo nidassitā.

71. **Tathevāti** muccatu vā mā vāti imamatthaṃ atidisati. **Aññesanti**
puthujjane sandhāya vuttaṃ. Tesañhi idise ṭhāne asādiyanāṃ dukkaraṃ
sotāpannādi-ariyānaṃ tattha dukkarattābhāvā. Na hi ariyā
pārājikādilokavajjāpattim āpajjanti.

73. **Suphusitāti** uparimāya dantapantiyā heṭṭhimā dantapanti āhacca
ṭhitā, avivaṭāti attho. Tenāha “antomukhe okāso natthi”ti. **Uppāṭite pana
oṭṭhamāse dante suyeva upakkamantassa thullaccayanti** nimittena
bahinimutte chupanattā vuttaṃ. Bahinikkhantadantajivhāsupi eseva nayo.
Nijjhāmatanḥikā nāma lomakūpehi samuṭṭhita-aggijālāhi daḍḍhasariratāya
ativiya tasitarūpā. **Ādi**-saddena khuppipāsāsura aṭṭhicammāvasiṭṭhā
bhayānakasarirā petiyo saṅgahitā. **Visaññaṃ katvāti** yathā so

katampi upakkamaṃ na jānāti, evaṃ katvā. Tena ca visaññī ahutvā sādiyantassa pārājikamevāti dasseti. **Upahatakāyappasādoti** vātapittādidosehi kāyaviññānānuppādakabhāvena dūsitakāyappasādo, na pana vinaṭṭhakāyappasādo. **Sīse patteti** maggena maggappaṭipādane jāte. Appavesetukāmatāya eva nimittena nimittachupane thullaccayaṃ vuttaṃ, sevetukāmassa pana tatthāpi dukkaṭamevāti āha “dukkaṭameva sāmantaṃ”ti.

74. Jāti-saddena sumanapupphapariyāyena tannissayo gumbo adhippetoti āha “jātipupphagumbānaṃ”ti. Tena ca jātiyā upalakkhitam vanaṃ jātiyāvananti aluttasamāsoti dasseti. **Ekarasanti** vīthicittehi asammissaṃ.

77. **Uppanne vatthumhīti** itthīhi kata-ajjhācāravatthusmiṃ. **Rukkhasūcikaṇṭakadvāraṃti** rukkhasūcidvāraṃ kaṇṭakadvāraṃ, evameva vā pāṭho. Tattha yaṃ ubhosu passesu rukkathambhe nikhanitvā tattha majjhe vijjhivā dve tisso rukkhasūciyo pavesetvā karonti, taṃ **rukkhasūcidvāraṃ** nāma. Pavesananikkhamaṇakāle pana apanetvā thakanakayoggena kaṇṭakasākhāpaṭalena yuttaṃ dvāraṃ **kaṇṭakadvāraṃ** nāma. Gāmadvārassa pidhānatthaṃ padarena kaṇṭakasākhādīhi vā katassa kavāṭassa udukkhalapāsarahitatāya ekena saṃvaritum vivarituṅca asakkuṇeyyassa heṭṭhā ekaṃ cakkam yojenti, yena parivattamānena taṃ kavāṭam sukhatthakanam hoti, taṃ sandhāya vuttaṃ “cakkalakayuttadvāraṃ”ti. Cakkameva hi lātabbaṭṭhena saṃvaraṇavivaraṇatthāya gahettabbaṭṭhena cakkalakam, tena yuttampi kavāṭam cakkalakam nāma, tena yuttaṃ dvāraṃ cakkalakayuttadvāraṃ. Mahādvāresu pana dve tīṇipi cakkalakāni yojentīti āha **phalakesūti**-ādi. **Kiṭikāsūti** veḷupesikāhi kaṇṭakasākhādīhi ca katathakanakesu. **Samsaraṇakiṭikadvāraṃti** cakkalakayantena samsaraṇakiṭikāyuttamahādvāraṃ. **Goppheṭvāti** āvuṇitvā, rajjūhi ganthetvā vā. **Ekaṃ dussasāṇidvāramevāti** ettha kilañjasāṇidvāraṃpi saṅgahaṃ gacchati taggatikkatā. **Atha bhikkhū -pa- nisinnā hontīti** idam bhikkhūnam sannihitabhāvadassanattam vuttaṃ. Nipannepi ābhogaṃ kātum vaṭṭati, nipajjitvā niddāyante pana ābhogaṃ kātum na vaṭṭati asantapakke ṭhitattā.

Raho nisajjāya viya dvārasamvaraṇaṃ nāma mātugāmānaṃ pavesananivāraṇatthaṃ anuññātanti āha **bhikkhuniṃ vāti**-ādi. **Nisseṇiṃ āropetvāti** idaṃ heṭṭhimatalassa sadvārabandhatāya vuttaṃ. Catūsu disāsu parikkhittassa kuṭṭassa ekābaddhatāya “ekakuṭṭake”ti vuttaṃ. **Pacchimānaṃ bhāroti** pāliya āgacchante sandhāya vuttaṃ. **Yena kenaci parikkhitteti** ettha parikkhepassa ubbedhato pamāṇaṃ sahaseyyappahonake vuttasadisameva.

Mahāpariveṇanti mahantaṃ aṅgaṇaṃ, tena ca bahujanasañcāraṃ dasseti, tenāha **mahābodhīti**-ādi. **Aruṇe uggate vuṭṭahati, anāpatti** anāpattikhettabhūtāya rattiyā suddhacittena nipannattā. **Pabujjhivā puna supati āpattīti** aruṇe uggate pabujjhivā aruṇuggamaṇaṃ ñatvā vā añatvā vā anuṭṭahivā sayitasantānena supati uṭṭahivā kattabbassa dvārasamvaraṇādino akatattā akiriyasamuṭṭhānā āpatti hoti anāpattikhette katanipajjanakiriyāya anaṅgattā. Ayañhi āpatti idise ṭhāne akiriyā, divā asaṃvaritvā nipajjanakkhaṇe kiriyā ca acittakā cāti veditabbā. Purāruṇā pabujjhivāpi yāva aruṇuggamaṇā sayantassāpi purimanayena āpattiyeva. **Aruṇe uggate vuṭṭahissāmīti -pa- āpattiyevāti** ettha kadā tassa āpattīti? Vuccate—na tāva rattiyā “divā āpajjati no rattin”ti¹ vuttattā. “Anādariyadukkaṭā na muccati”ti vuttadukkaṭaṃ pana divāsayanadukkaṭameva na hoti anādariyadukkaṭattā. Evaṃ aruṇuggamane pana acittakaṃ akiriyasamuṭṭhānaṃ āpattiṃ āpajjati veditabbaṃ. So sace dvāraṃ saṃvaritvā “aruṇe uggate vuṭṭahissāmī”ti nipajjati, dvāre ca aññehi aruṇuggamaṇakāle vivaṭepi tassa anāpattiyeva dvārapidahanassa rattidivābhāgesu visesābhāvā. Āpatti-āpajjanasseva kālaviseso icchitabbo, na tapparihārassāti gahetabbaṃ, “dvāraṃ asaṃvaritvā rattim nipajjati”ti² hi vuttaṃ. Divā saṃvaritvā nipannassa kenaci vivaṭepi dvāre anāpattiyeva. Attanāpi anuṭṭahivāva sati paccaye vivaṭepi anāpattīti vadanti. **Yathāparicchedameva ca navuṭṭhātīti**³ aruṇe uggateyeva uṭṭhāti. **Āpattiyevāti** mūlāpattiṃ yeva sandhāya vuttaṃ, anādariya-āpatti pana purāruṇā uṭṭhitassāpi tassa hoteva

1. Vi 5. 217 piṭṭhe.

2. Vi-Ṭṭha 1. 245 piṭṭhe.

3. Vuṭṭhātīti (Sī)

“dukkaṭā na muccati”ti vuttattā, dukkaṭā na muccatīti ca purāruṇā utṭhahitvā mūlāpattiyā muttopi anādariyadukkaṭā na muccatīti adhippāyo.

Niddāvasena nipajjatiti vohāravasena vuttaṃ, pādānaṃ pana bhūmito amocitattā ayaṃ nipanno nāma na hoti, teneva anāpatti vuttā. **Apassāya supantassā**ti kaṭiṭṭhito uddhaṃ piṭṭhikaṇṭake appamattakampi padesaṃ bhūmiṃ aphasāpetvā thambhādiṃ apassāya supantassa. Kaṭiṭṭhiṃ pana bhūmiṃ phusāpentassa sayanaṃ nāma hoti. Piṭṭhipasāraṇalakkhaṇā hi seyyā. Dīghavandanādīsupi tiriyaṃ piṭṭhikaṇṭakānaṃ pasāritattā nipajjanamevāti āpatti pariharitabbāva “vandāmīti¹ pādāmūle nipajjī”ti-ādīsū nipajjanasseva² vuttattā. **Tassāpi anāpatti** patanakkhaṇe avisayattā, visaye jāte sahasā vuṭṭhitattā ca. Yassa pana visaññitāya pacchāpi avisayo, etassa anāpattiyeva patitakkhaṇe viya. **Tattheva sayati na vuṭṭhātī**ti iminā visayepi akaraṇaṃ dasseti, teneva “tassa āpatti”ti vuttaṃ.

Ekabhaṅgenāti ubho pāde bhūmito amocetvāva ekapassena sarīraṃ bhañjitvā nipanno. Mahā-aṭṭhakathāyaṃ pana mahāpadumattherena vuttanti sambandho, tena “mahā-aṭṭhakathāya likhitamahāpadumattheravādo ayan”ti dasseti. Tattha supantassāpi avisayattamatthīti³ mahāpadumattherena “avisayattā pana āpatti na dissati”ti vuttaṃ. Ācariyā pana supantassa visaññattābhāvena visayattā anāpattiṃ na kathayanti. Visaññatte sati anāpattiyeva. **Dve pana janāti**-ādipi mahā-aṭṭhakathāyameva vacanaṃ, tadeva pacchā vuttattā pamāṇaṃ. Yakkhagahitaggahaṇeneva cettha visaññibhūtopi saṅghato. Ekabhaṅgena nipanno pana anipannattā āpattito mucctiyevāti gahetabbaṃ.

78. **Apadeti** ākāse. **Padanti** padavaḷaṅgaṃ, tenāha “ākāse padan”ti. **Etadagganti** eso aggo. **Yadidanti** yo ayaṃ. Sesam uttānameva.

Iti samantapāsādikāya vinayaṭṭhakathāya vimativinodaniyaṃ

Paṭhamapārājikavaṇṇanāyāya niṭṭhito.

1. Vandantāpi hi (Sī, Ka)

2. Nipajjanameva (Sī)

3. Avasattamatthīti (Sī)

2. Dutiyapārājikavaṇṇanā

Adutiyenāti asadisena jinena yaṃ dutiyam pārājikam pakāsitaṃ, tassa idāni yasmā saṃvaṇṇanākkamo patto, tasmā assa dutiyassa ayam saṃvaṇṇanā hotīti yojanā.

Dhaniyavattuvaṇṇanā

84. Rājūhi gahitanti rājagahanti āha “mandhātū”ti. Rājapurohitena pariggahitampi rājapariggahitamevāti **mahāgovinda**ggahaṇam, nagarasaddāpekkhāya cettha “rājagahan”ti napuṃsakaniddeso. **Aññepettha pakāreti** susaṃvhihitarakkhattā rājūnam gahaṃ gehabhūtanti rājagahanti-ādike pakāre. **Vasantavananti** kilāvanam, vasantakāle kilāya yebhuyyattā pana vasantavananti vuttam.

Sadvārabandhāti vassūpagamanayoggaṭāḍassanam. **Nālakapaṭipadanti suttanipāte**¹ nālakattherassa desitam moneyyapaṭipadam. **Pañcannam chadanānanti** tiṇapaṇṇa-itṭhakasilāsudhāsāṅkhātānam pañcannam. **No ce labhati -pa- sāmampi kātabbanti** iminā nāvāsathavaje ṭhapetvā aññattha “asenāsaniko ahan”ti ālayakaraṇamattena upagamanam na vaṭṭati. Senāsanam pariyesitvā vacībhedam katvā vassam upagantabbamevāti dasseti. Na bhikkhave asenāsanikenāti-ādinā² hi **pāliyam** “nālakapaṭipadam paṭipannenāpī”ti aṭṭhakathāyañca avisesena daḥham katvā vuttam, nāvāsathavajesuyeva ca anujānāmi bhikkhave nāvāya vassam upagantunti-ādinā³ asatipi senāsane ālayakaraṇavasena vassūpagamanam anuññātānam, nāññatthāti gahetabbanam. **Ayamanudhammatāti** sāmīcivuttam. **Katikavattānīti** bhassārāmatādim viḥāya sabbadā appamattehi bhavitabbanti-ādikatikavattāni. **Khandhakavattānīti** “āgantukādikhandhakavuttam pūretabban”ti evam khandhakavattāni ca adhiṭṭhahitvā.

Vassamvutthāti padassa aṭṭhakathāyam “purimikāya upagatā mahāpavāraṇāya pavāritā paṭipadaḍivasato paṭṭhāya ‘vutthavassā’ti vuccanti”ti⁴ vuttattā mahāpavāraṇādivase pavāretvā vā appavāretvā vā aññattha

1. Khu 1. 385 piṭṭhe.

3. Vi 3. 211 piṭṭhe.

2. Vi 3. 212 piṭṭhe.

4. Vi-Ṭṭha 1. 248 piṭṭhe.

gacchantehi sattāhakaṇṭhāyānimitte sati eva gantabbaṃ, nāsati, itarathā vassacchedo dukkaṭṭhaṃ hotīti veditabbaṃ. “Imaṃ temāsāṃ vassāṃ upemī”ti hi “na bhikkhave vassāṃ upagantvā purimaṃ vā temāsāṃ pacchimaṃ vā temāsāṃ avasitvā cārikā pakkamitabbā”ti¹ ca vuttaṃ. Idheva ca vassāṃvutthā temāsaccayena -pa- pakkamimsūti vuttaṃ.

Pavāraṇādivasopi temāsapariyāpannova. Keci pana “anujānāmi bhikkhave vassāṃvutthānaṃ bhikkhūnaṃ tīhi ṭhānehi pavāretunti² pavāraṇākammaṃ pubbeyeva vassāṃvutthānanti vutthavassatāya vuttattā mahāpavāraṇādivase sattāhakaṇṭhāyānimittaṃ vināpi yathāsukhaṃ gantum vaṭṭati”ti vadanti, taṃ tesāṃ matimattaṃ, vutthavassānaṃhi pavāraṇānujānaṃ anupagatachinnavassādīnaṃ nivattanatthaṃ kataṃ, na pana pavāraṇādivase avasitvā pakkamitabbanti dassanattaṃ tadatthassa idha pasaṅgābhāvā, pavāraṇāṃ kātuṃ anucchavikānaṃ pavāraṇā idha vidhīyati, ye ca vassāṃ upagantvā vassacchedaṅka akatvā yāva pavāraṇādivasā vasimsu, te tattakena pavāraṇākammaṃ pati pariyāyato vutthavassāti vuccanti, appakaṃ ūnamadhikaṃ vā gaṇanūpagaṃ na hotīti nāyato, na kathinakammaṃ pati temāsassa aparipuṇṇattā, itarathā tasmim mahāpavāraṇādivasepi kathinatthārappasaṅgato. “Anujānāmi bhikkhave vassāṃvutthānaṃ bhikkhūnaṃ kathinaṃ attharituṃ”ti³ idaṃ pana “na bhikkhave vassāṃ upagantvā purimaṃ vā temāsāṃ pacchimaṃ vā temāsāṃ avasitvā cārikā pakkamitabbā”ti-ādi⁴ ca nippariyāyato mahāpavāraṇāya anantarapāṭipadadivasato paṭṭhāya kathinatthāraṃ pakkamanaṅka sandhāya vuttaṃ, **parivāre** ca “kathinassa atthāramāso jānitabbo”ti⁵ vatvā “vassānassapacchimo māso jānitabbo”ti⁵ vuttaṃ. Yo hi kathinatthārassa kālo, tato paṭṭhāyeva cārikāpakkamanassāpi kālo, na tato pure vassāṃvutthānaṃyeva kathinatthārārahattā. Yadaggena hi pavāraṇādivase kathinatthāro na vaṭṭati tadaggena bhikkhūpi vutthavassā na honti pavāraṇādivasassa avutthattā.

Yaṃ pana **sārattadīpaniyaṃ**⁶ “ekadesena avutthampi taṃ divasaṃ vutthabhāgāpekkhāya vutthameva hotī”ti-ādi vuttaṃ, taṃ na vuttaṃ, taṃdivasapariyosāne aruṇuggamanakāle vasantova hi taṃ divasaṃ vuttho nāma

1. Vi 3. 193 piṭṭhe.

2. Vi 3. 223 piṭṭhe.

3. Vi 3. 351 piṭṭhe.

4. Vi 3. 193 piṭṭhe.

5. Vi 5. 308 piṭṭhe.

6. Sāratta-Ṭī 2. 116 piṭṭhe.

hoti parivāsa-araññavāsādīsu viya, ayañca vicāraṇā upari
vassūpanāyikkakkhandhake āvi bhavissatīti tattheva taṃ pākaṭaṃ karissāma.

Mahāpavāraṇāya pavāritāti purimikāya vassaṃ upagantvā
acchinnavassatādassanaparaṃ etaṃ kenaci antarāyena appavāritānampi
vuttavassattā. Na ovassiyatīti **anovassakanti** kammaśādhanaṃ daṭṭhabbaṃ,
yathā na temiyati, tathā katvāti attho. **Anavayoti** ettha anusaddo vicchāyaṃ
vattatīti āha **anu anu avayoti**-ādi. Ācariyassa kammaṃ ācariyakanti āha
“ācariyakamme”ti. Kaṭṭhakammaṃ **thambhādi**. **Telatambamattikāyāti**
telamissāya tambamattikāya.

85. **Kuṭīkāya karaṇabhāvanti** kuṭiyā katabhāvaṃ. Kim saddappayoge
anāgatappaccayavidhānaṃ sandhāya **tassa lakkhaṇanti**-ādi vuttaṃ. Kiñcāpi
therassa pāṇaghātādhippāyo natthi, anupaparikkhitvā karaṇena pana
bahūnaṃ pāṇānaṃ maraṇattā **pāṇe byābādhentassāti**-ādi vuttaṃ.
Pāṭabyabhāvanti vināsetabbataṃ. **Pāṇātipātaṃ karontānanti** therena akatepi
pāṇātipāte pāṇakānaṃ maraṇamattena pacchimānaṃ lesena gahaṇākāraṃ
dasseti, tena ca “mama tādīsaṃ akusalaṃ natthī”ti pacchimānaṃ
vipallāsalesaggahaṇanimittakiccaṃ na kattabbanti dīpitaṃ hoti.
Diṭṭhānugatinti diṭṭhassa kammaṃ anupagamaṃ anukiriyaṃ, diṭṭhiyā vā
laddhiyā anugamaṃ gāhaṃ. **Ghaṃsitabbeti** madditabbe, vināsitabbeti
attho. **Kataṃ labhitvā tattha vasantānampi dukkaṭamevāti** idaṃ bhagavatā
kuṭiyā bhedāpanavacanena siddhaṃ, sāpi tiṇadabbasambhārehi
tulāthambhādīhi amissā suddhamattikāmayāpi iṭṭhakāhi katā vaṭṭati. Keci hi
iṭṭhakāhiyeva thambhe cinitvā tadupari iṭṭhakāhiyeva vitānādīsaṇṭhānena
tulādīdārusambhāravirahitaṃ chadanampi bandhitvā iṭṭhakāmayameva
āvasathaṃ karonti, tādīsaṃ vaṭṭati. **Giṇjakāvasathasaṅkhepena katāti** ettha
giṇjakāvuccanti iṭṭhakā, tāhiyeva kato āvasatho giṇjakāvasatho.
Vayakammampīti mattikuddhāraṇa-iṭṭhakadāruccedanādīkārakānaṃ
dinnabhavattānādivatthubbayena nipphannakammampi atthi, etena
kuṭibhedakānaṃ gīvādībhāvaṃ paraṃsaṅkati. **Titthiyadhajoti** titthiyānameva
saññābhūtaṃ vuttaṃ. Te hi idīsesu cāṭi-ādīsu vasanti. **Aññānipīti pi-**
saddena attanā vuttakāraṇadvayampi **mahā-aṭṭhakathāyameva** vuttanti
dasseti. Yasmā

sabbamattikāmayā kuṭi sītakāle atisītā uṇhakāle ca uṇhā sukarā ca hoti corehi bhinditum, tasmā tattha ṭhapitapattacīvarādikaṃ sītuṇhacorādīhi vinassatīti vuttam “pattacīvaraguttatthāyā”ti. Chindāpeyya vā bhindāpeyya vā anupavajjoti idaṃ ayaṃ kuṭi viya sabbathā anupayogārahaṃ sandhāya vuttam. Yaṃ pana pañcavaṇṇasuttehi vinaddhachattādikaṃ, tattha akappiyabhāgo va chinditabbo, na tadavaseso tassa kappiyattā, taṃ chindanto upavajjova hoti. Teneva vakkhati “ghaṭakampi vālarūpampi bhinditvā dhāretabban”ti-ādi¹.

Pālimuttakavinicchayaṇṇanā

Chattadaṇḍaggāhakaṃ salākapañjaranti ettha yo pañjarasalākānaṃ majjhaṭṭho bunde puthulo ahicchattakasadiṣo agge sachiddo yattha daṇḍantaraṃ pavesetvā chattaṃ gaṇhanti, yo vā sayameva dīghatāya gahaṇaḍḍo hoti, ayaṃ chattaḍḍo nāma, tassa aparigaḷanattāya chattasalākānaṃ mūlappadesadaṇḍassa samantato daḷhapañjaraṃ katvā suttehi vinandhanti, so padeso chattaḍḍaggāhakaṃ salākapañjaraṃ nāma, taṃ vinandhitum vaṭṭati. **Na vaṇṇamaṭṭhatthāyāti** iminā thirakaraṇattameva ekavaṇṇasuttēna vinandhiyamānaṃ yadi vaṇṇamaṭṭham hoti, na tattha dosoti dasseti. **Āraggenāti** nikhādanamukhena. **Daṇḍabundeti** daṇḍamūle koṭiyam. **Chattamaṇḍalikanti** chattapañjare maṇḍalākārena baddhadaṇḍavalayaṃ. **Ukkiritvāti** ninnam, unnatam vā katvā.

Nānāsuttakehīti nānāvaṇṇehi suttehi. Idañca tathā karontānaṃ vasena vuttam, ekavaṇṇasuttakenāpi na vaṭṭatiyeva, “pakatisūcikkammameva vaṭṭati”ti hi vuttam. **Paṭṭamukheti** dvinnam paṭṭānaṃ saṅghaṭṭitaṭṭhānaṃ sandhāyetaṃ vuttam. **Pariyanteti** cīvarapariyante, anuvātaṃ sandhāyetaṃ vuttam. **Veṇinti** varakasīsākārena sibbanam. **Saṅkhalikanti** diguṇasaṅkhalikākārena sibbanam, veṇim vā saṅkhalikaṃ vā karontīti pakatena sambandho. **Agghiyam** nāma cetiyasaṅghānaṃ, yaṃ agghiyatthambhoti vadanti. **Ukkirantīti** utthapenti. **Catukonaṃeva vaṭṭatīti** gaṇṭhikapāsakaṭṭāni sandhāya vuttam. **Koṇasuttapiḷakāti** gaṇṭhikapāsakaṭṭānaṃ koṇehi bahi

1. Vi-Ṭṭha 1. 251 piṭṭhe.

niggatasuttānaṃ piḷakākārena ṭhapitakoṭiyoti keci vadanti, te piḷake chinditvā duviññeyyā kātabbāti tesāṃ adhippāyo. Keci pana “koṇasuttā ca piḷakāti dveyyevā”ti vadanti, tesāṃ matena gaṇṭhikapāsakapaṭṭānaṃ koṇato koṇehi nīhatasuttā koṇasuttā nāma. Samantato pana pariyantena katā caturassasuttā piḷakā nāma. Taṃ duvidhampi keci cīvarato visuṃ paññāyanatthāya vikārayuttaṃ karonti, taṃ nisedhāya “duviññeyyarūpā vaṭṭanti”ti vuttaṃ, na pana sabbathā acakkhugocarabhāvena sibbanatthāya tathāsibbanassa asakkuṇeyyattā. Yathā pakaticīvarato vikāro na paññāyati, evaṃ sibbitabbanti adhippāyo. Rajanakammato pubbe paññāyamānopi vireso cīvare ratte ekavaṇṇatāya na paññāyatīti āha “cīvare ratte”ti. **Maṇināti** nīlamaṇi-ādimaṭṭhapāsāṇena, aṃsavaddhakakāyabandhanādikaṃ pana acīvarattā saṅkhādīhi ghaṃsitaṃ vaṭṭatīti vadanti. **Kaṇṇasuttakanti** cīvarassa dīghato tiriyaṅca sibbitānaṃ catūsu kaṇṇesu koṇesu ca nikkhantānaṃ suttasīsānametaṃ nāmaṃ, taṃ chinditvāva pārupitabbaṃ, tenāha “rajitakāle chinditabbaṃ”ti. Bhagavatā anuññātaṃ ekaṃ kaṇṇasuttampi atthi, taṃ pana nāmena sadisampi ito aññamevāti dassetaṃ **yaṃ panāti**-ādi vuttaṃ. **Lagganatthāyāti** cīvararajjuyam cīvarabandhanatthāya. **Gaṇṭhiketi** dantādimaye. **Piḷakāti** binduṃ binduṃ katvā uṭṭhāpetabbapiḷakā.

Thālake vāti tambādimaye puggalike tividhepi kappiyathālake. **Na vaṭṭatīti** maṇivaṇṇakaraṇappayogo na vaṭṭati, telavaṇṇakaraṇattham pana vaṭṭati. **Pattamaṇḍaleti** tipusīsādimaye. “Na bhikkhave cittāni pattamaṇḍalāni dhāretabbāni rūpakākiṇṇāni bhittikammakatānī”ti¹ vuttattā “bhittikammaṃ na vaṭṭatī”ti vuttaṃ. “Anujānāmi bhikkhave makaradantakaṃ chinditun”ti¹ vuttattā “makaradantakaṃ pana vaṭṭatī”ti vuttaṃ, idaṃ pana pāḷiyā laddhampi idha pāḷiyā muttattā pāḷimuttakanaye vuttaṃ. Evamaññampi īdisaṃ.

Lekhā na vaṭṭatīti āraggena dinnalekhāva na vaṭṭati, jātihiṅgulikādivaṇṇehi katalekhā vaṭṭati. **Chattamukhavatṭiyanti** dhamakaraṇassa hatthena

1. Vi 4. 248 piṭṭhe.

gahaṇachattākārassa mukhavaṭṭiyam, “parissāvanacoḷabandhanatṭhāne”ti keci.

Deḍḍubhasīsanti udakasappasīsam. **Acchīnīti** kuñjaracchisaṇṭhānāni. **Ekameva vaṭṭatīti** ettha ekarajjukam diguṇam tiguṇam katvāpi bandhitum na vaṭṭati, ekameva pana satavārampi sarīram parikkhipitvā bandhitum vaṭṭati, bahurajjuka ekato katvā ekena nirantaram veṭhetvā katam “bahurajjukan”ti na vattabham “vaṭṭatī”ti vuttattā, tam murajasaṅkham na gacchatīti veditabham. Murajāhi nānāvaṇṇehi suttehi murajavaṭṭisaṇṭhānam veṭhetvā katam, idam pana murajam maddavīṇasaṅkhātam pāmaṅgasaṇṭhānaṅca dasāsu vaṭṭati “kāyabandhanassa dasā jīranti, anujānāmi bhikkhave murajam maddavīṇam”ti¹ vuttattā.

Vidheti dasāpariyosāne thirabhāvāya dantavisāṇasuttādīhi kattabbe vidhe. **Atṭha maṅgalāni** nāma saṅkho cakkam puṇṇakumbho gayā sirīvaccho aṅkuso dhajam sovattikanti² vadanti.

Macchayugaḷachattanandiyāvaṭṭādivasenapi vadanti.

Paricchedalekhāmattanti dantādīhi katavidhassa ubhosu koṭīsu kataparicchedarājimattam.

“Ujukamevā”ti vuttattā caturassādisaṇṭhānāpi añjanī vaṅkagatikā na vaṭṭati. **Sipāṭikāyāti** vāsi-ādibhaṇḍanikkhipanapasibbake. **Āraṇṭakam** nāma potthakādi-abhisāṅkhāraṇattham katadīghamukhasatthakanti vadanti. “Bhamakārānam dāru-ādilikhanasatthakan”ti keci. **Vaṭṭamaṇikanti** vaṭṭam katvā uṭṭhapetabham pupphūḷakam. **Aññanti** iminā piḷakādīm saṅgaṇhāti. **Vipphaliki**ti yam kiñci chedanake khuddakasatthe. **Valitakanti** nakhacchedanakāle daḷhaggahaṇattham valihi yuttameva karonti. **Tasmā tam vaṭṭatīti** iminā yam aññampi vikāram daḷhikammādi-atthāya karonti, na vaṇṇamaṭṭhatthāya, tam vaṭṭatīti dīpitam, tena ca kattaraḍḍakoṭiyam aññamaññampi ghaṭṭanena saddaniccharaṇatthāya katam ayovalayādikam saṃyuttampi kappiyato upapannam hoti. **Maṇḍalanti** uttarāraṇiyā pavesanattham āvāṭamaṇḍalam hoti. Ujukameva bandhitunti sambandho, ubhosu vā passesu ekapasse vāti vacanaseso, vāsidaṇḍassa ubhosu passesu daṇḍakoṭīnam acalanattham bandhitunti attho.

1. Vi 4. 277 piṭṭhe.

2. Sovattikanti (Sī)

Āmaṇḍasāraketi āmalakaphalāni pisitvā tena kakkena katatelabhājane. Tattha kira pakkhittam telam sītalam hoti. **Bhūmattharaṇeti** kaṭasārādimaye parikkammakatāya bhūmiyā attharitabba-attharaṇe. **Pānīyaghaṭeti** sabbam bhājanavikatim saṅgaṇhāti. **Sabbam -pa- vaṭṭatīti** yathāvuttesu mañcādīsu itthipurisarūpampi vaṭṭati telabhājanesuyeva itthipurisarūpānam paṭikkhattattā, telabhājanena saha agaṇetvā visum mañcādīnam gahittattā cāti vadanti, kiñcāpi vadanti, etesam pana mañcādīnam hatthena āmasitabbabhaṇḍattā itthirūpamevettha na vaṭṭatīti gahetabbam. **Aññesanti** sīmasāmikānam. **Rājavallabhehīti** lajjīpesalādīnam uposathādi-antarāyakarā alajjino bhinnaladdhikā ca bhikkhū adhippetā tehi saha uposathādikaraṇāyogā, teneva “sīmāyā”ti vuttam. **Tesam lajjīparisāti** tesam sīmāsāmikānam anubalam dātuṃ samatthā lajjīparisā. **Bhikkhūhi katanti** yaṃ alajjīnam senāsanabhedanādikaṃ lajjībhikkhūhi kataṃ, sabbañcetam sukatameva alajjīniggahatthāya pavattitabbato.

88. **Avajjhāyantīti** nīcato cintenti. **Ujjhāyanatthoti** bhikkhuno theyyakammanindanattho “kathañhi nāma adīnam ādiyissati”ti, na pana dārusaddavisesanattho tassa bahuvacanattā. **Vacanabhedeti** ekavacanabahuvacanānam bhede. **Sabbāvantanti** bhikkhubhikkhunī-ādisabbāvayavavantam. **Bimbisāroti tassa nāmanti** ettha **bimbīti** suvaṇṇam. Tasmā sārasuvaṇṇasadisavaṇṇatāya “bimbisāro”ti vuccatīti vedittabbam. Porāṇasatthānurūpam uppādito vīsati-māsappamāṇa-uttamasuvaṇṇagghanako lakkhaṇasampanno **nīlakahāpaṇoti** vedittabbo. Rudradāmena nāma kenaci uppādito **rudradāmako**. So kira nīlakahāpaṇassa tibhāgam agghati. Yasmim pana dese nīlakahāpaṇā na santi, tatthāpi kālakavirahitassa niddhantasuvaṇṇassa pañcamāsagghanakena bhaṇḍena pādaparichedo kātabbo. **Tenāti** nīlakahāpaṇassa catutthabhāgabhūtena. **Pārājīkavattumhi vāti**-ādi pārājīkānam sabbabuddhehi paññattabhāvena vuttam, saṃghādisesādīsu pana itarāpattīsūpi tabbatthūsu ca nānattam nattheva, kevalam keci sabbākārena paññapenti, keci ekadesenāti ettakameva viseso. Na hi kadācipi sammāsambuddhā yathāparādham atikkamma ūnamadhikam vā sikkhāpadam paññapenti.

Padabhājanīyavaṇṇanā

92. **Punapi** “āgantukāmā”ti vuttattā ca sabbathā manussehi anivutthapubbe abhinavamāpīte, “puna na pavisissāmā”ti nirālayehi pariccatte ca gāme gā mavohārābhāvā gā mappavesanāpucchanādikiccaṃ natthīti veditabbaṃ. **Araññaparicchedadassan atthanti** gāmagāmūpacāresu dassitesu tadaññaṃ araññanti araññaparicchedo sakkā ñātunti vuttaṃ. **Mātikāyaṃ**¹ pana gā maggaṇeṇeva gāmūpacāropi gahitoti daṭṭhabbo. **Indakhīleti** ummāre. **Araññasaṅkhepaṃ gacchati** tathā **abhidhamme**² vuttattā. Asatipi indakhīle indakhīlaṭṭhāniyattā “vemajjhameva indakhīloti vuccatī”ti vuttaṃ. Yattha pana dvārabāhāpi natthi, tattha pākāravemajjhameva indakhīloti gahetabbaṃ. **Luṭṭhitvāti** pavaṭṭitvā.

Majjhimassa purisassa suppapāto vāti-ādi mātugāmassa kākuṭṭhāpanavasena gahetabbaṃ, na baladassanavasena “mātugāmo bhājanadhovana-udakaṃ chaḍḍetī”ti³ upari vuccamānattā, teneva “leḍḍupāto”ti avatvā **suppapātoti**-ādi vuttaṃ. **Kurundaṭṭhakathāyaṃ mahāpaccariyaṅca** gharūpacārova gāmoti adhippāyena “gharūpacāre ṭhitassa leḍḍupāto gāmūpacāro”ti vuttaṃ. **Kataparikkhepoti** iminā parikkhepato bahi upacāro na gahetabboti dasseti. Suppamusalapātopi aparikkhittagehasseva, so ca yato pahoti, tattheva gahetabbo, appahonaṭṭhāne pana vijjamānaṭṭhānameva gahetabbaṃ. Yassa pana gharassa samantato pākārādīhi parikkhepo kato hoti, tattha sova parikkhepo gharūpacāroti gahetabbaṃ.

Pubbe vuttanayenāti parikkhittagāme vuttanayena. **Saṅkariyatīti** missīyati. Vikāle gā mappavesane “parikkhittassa gāmassa parikkhepaṃ atikkamantassa āpatti pācittiyassa. Aparikkhittassa gāmassa upacāraṃ okkamantassa āpatti pācittiyassā”ti⁴ vuttattā gāmagāmūpacārānaṃ asaṅkaratā icchitabbāti āha **asaṅkarato cāti**-ādi. Keci panettha **pāliyaṃ** “aparikkhittassa gāmassa upacāraṃ okkamantassāti idaṃ parikkhepārahaṭṭhānaṃ sandhāya vuttaṃ, na tato paraṃ ekaledḍupātaparicchinnāṃ

1. Kaṅkhā-Ṭṭha 2 piṭṭhe pātimokkhe.

3. Vi-Ṭṭha 1. 259 piṭṭhe.

2. Abhi 2. 260 piṭṭhe.

4. Vi 2. 216 piṭṭhe.

upacāraṃ. Tasmā parikkhepārahaṭṭhānasaṅkhātāṃ gāmaṃ okkamantasseva āpatti, na upacāraṃ”ti vadanti, taṃ na gahetabbaṃ “gharūpacāre ṭhitassa majjhimassa purisassa leḍḍupātabbhantaraṃ gāmo nāma. Tato aññaṃ leḍḍupātassa abbhantaraṃ gāmūpacāro nāmā”ti¹ idheva **aṭṭhakathāyaṃ** vuttattā. Vikāle gāmappavesanasikkhāpadaṭṭhakathāyaṃhi aparikkhittassa gāmassa upacāro adinnādāne vuttanayeneva veditabboti² ayameva nayo atidisito. Teneva **mātikāṭṭhakathāyampi** “yvāyaṃ aparikkhittassa gāmassa upacāro dassito, tassa vasena vikāle gāmappavesanādīsu āpatti paricchinditabbā”ti³ vuttaṃ, tasmā parikkhittassa gāmassa parikkhepaṃ atikkamantassa, aparikkhittassa gāmassa gharūpacārato paṭṭhāya dutiyaleḍḍupātasāṅkhātāṃ gāmūpacāraṃ okkamantassa vikāle gāmappavesanāpatti hoti, **mātikāyaṃ**ca vikāle gāmaṃ paviseyyāti⁴ gāmaggaṇeṇeva gāmūpacāropi gahitoti veditabbaṃ. **Vikāle gāmappavesanādīsūti ādi**-saddena gharagharūpacārādīsu ṭhitānaṃ uppannalābhābhājanādīṃ saṅgaṇhāti.

Nikkhamitvā bahi indakhilābhi indakhilato bahi nikkhamitvā ṭhitaṃ yaṃ ṭhānaṃ sabbametāṃ araṇṇanti yojanā. **Ācariyadhanu** nāma pakatihatthena navavidatthipamaṇaṃ, jiyāya pana āropitāya sattaṭṭhavidatthimattanti vadanti.

Kappiyanti anurūpavasena vuttaṃ akappiyassāpi appaṭiggahitassa paribhoge pācittiyattā. Pariccāgādimhi akate “idaṃ mayhaṃ santakaṃ”ti vatthusāminā aviditampi pariggahitameva bālummattādīnaṃ santakaṃ viya, tādīsaṃ avaharantopi nātakādīhi pacchā ṇatvā vatthusāminā ca anubandhitabbato pārājikova hoti. Yassa vasena puriso theno hoti, taṃ theyyanti āha “avaharaṇacittassetāṃ adhivacanaṃ”ti. **Papañcasāṅkhāti** taṇhāmānadiṭṭhisāṅkhātā papañcakoṭṭhāsā. **Eko citta**koṭṭhāsoti ṭhānācāvanapayogasamuṭṭhāpako eko cittakoṭṭhāsoti attho.

Abhiyogavasenāti aṭṭakaraṇavasena. **Saviññānakenevāti** idaṃ saviññānakānaññaeva āveṇīkavānicchayaṃ sandhāya vuttaṃ. Pāṇo apadanti-ādīsū⁵ hi “padasā nessāmī”ti paṭhamaṃ pādaṃ saṅkāmēti, āpatti thullaccayassāti-ādīnaṃ **pāliyaṃ**⁶, bhikkhu dāsaṃ disvā sukhadukkhaṃ

1. Vi-Ṭṭha 1. 259 piṭṭhe.

3. Kaṅkhā-Ṭṭha 115 piṭṭhe.

5. Vi 1. 58 piṭṭhe.

2. Vi-Ṭṭha 3. 154 piṭṭhe.

4. Kaṅkhā-Ṭṭha 26 piṭṭhe pātimokkhe.

6. Vi 1. 63 piṭṭhe.

pucchitvā vā apucchitvā vā “gaccha, palāyitvā sukhaṃ jīvā”ti vadati, so ce palāyati, dutiyapadavāre pārājikanti-ādinā¹ **aṭṭhakathāyañca** yo saviññāṇakānaññeva āveṇiko vinicchayo vutto, so ārāmādi-aviññāṇakesu na labbhatīti tādisaṃ sandhāya “saviññāṇakenevā”ti vuttaṃ. Yo pana vinicchayo ārāmādi-aviññāṇakesu labbhati, so yasmā saviññāṇakesu alabbhanako nāma natthi, tasmā vuttaṃ “nānābhaṇḍavasena saviññāṇakāviññāṇakamissakenā”ti. Saviññāṇakena ca aviññāṇakena cāti attho. Yasmā cettha aviññāṇakeneva ādiyanādīni chapī padāni na sakkā yojetuṃ iriyāpathavikopanassa saviññāṇakavaseneva yojetabbato, tasmā “aviññāṇakenevā”ti tatiyaṃ pakāraṃ na vuttanti daṭṭhabbāraṃ.

Ārāmanti idaṃ upalakkhaṇamattaṃ dāsādisaviññāṇakassāpi idha saṅghetabbato, nānābhaṇḍavasena hettha yojanā dassiyati. **Parikappitattḥānanti** parikappitokāsaṃ. **Suñkaghātanti** ettha maggaṃ gacchantehi satthikehi² attanā nīyamānabhaṇḍato rañño dātabbhāgo suñko nāma, so ettha haññati adatvā gacchantehi avaharīyati, taṃ vā hanti ettha rājapurisā adadantānaṃ santakaṃ balakkārenāti suñkaghāto, “ettha pavitṭhehi suñko dātabbo”ti rukkhapabbatādīsaññāṇena niyamitabbadesassetāṃ adhivacaṇaṃ.

Pañcavīsati-avahārakathāvaṇṇanā

Katthacīti ekissā aṭṭhakathāyaṃ. **Ekam pañcakaṃ dassitanti** “parapariggahitañca hoti, parapariggahitasaññī ca, garuko ca hoti parikkhāro pañcamāsako vā atirekapañcamāsako vā, theyyacittañca paccupaṭṭhitaṃ hoti, ṭhānā cāveti”ti³ vuttapañca-avahāraṅgāni ekam pañcakanti dassitaṃ. **Dve pañcakāni dassitānīti** “chahi ākārehi adinnaṃ ādiyantassa āpatti pārājikassa. Na ca sakasaññī, na ca vissāsaggāhī, na ca tāvakālikaṃ, garuko ca hoti parikkhāro pañcamāsako vā atirekapañcamāsako vā, theyyacittañca paccupaṭṭhitaṃ hoti, ṭhānā cāveti, āpatti pārājikassā”ti⁴ evaṃ vuttesu chasu padesu ekam apanetvā

1. Vi-Ṭṭha 1. 316 piṭṭhe.

3. Vi 1. 67 piṭṭhe.

2. Satthakehi (Ka)

4. Vi 1. 67, 68 piṭṭhesu.

sesāni pañca padāni ekaṃ pañcakaṃ katvā heṭṭhā vuttapañcakañca gahetvā dve pañcakāni dassitāni. **Ettha panāti** pañcahākārehīti-ādīsu. **Sabbehipi padehīti** parapariggahitañca hotīti-ādīhi sabbehi pañcahi padehi.

Pañcannaṃ avahārānaṃ samūho **pañcakaṃ**. Sako hattho sahattho, tena nibbatto, tassa vā sambandhīti sāhatthiko, avahāro. Sāhatthikādi pañcakaṃ **sāhatthikapañcakanti**-ādipadavasena nāmalābho daṭṭhabbo. Evaṃ sesesupi. **Tatiyapañcomesu pañcakesūti** sāhatthikapañcakatheyyāvahārapañcakesu. **Labhamānapadavasenāti** sāhatthikapañcake labbhamānassa nissaggiyāvahārapadassa vasena, theyyāvahārapañcake labbhamānassa parikappāvahārapadassa ca vasena yojetabbanti attho.

Nissaggiyo nāma -pa- pārājikassāti iminā bahisuṅkaghātapaṭānaṃ nissaggiyapayogoti dasseti. “Hatthe bhāraṃ theyyacitto bhūmiyaṃ nikkhipati, āpatti pārājikassā”¹ti vuttattā pana suddhacittena gahitaparabhaṇḍassa theyyacittena gumbādipaṭicchannaṭṭhāne khipanampi imasmiṃ nissaggiyapayoge saṅgayhatīti daṭṭhabbaṃ. Kiriyāsiddhito puretameva pārājikāpattisaṅkhātaṃ atthaṃ sādhetīti **atthasādhako**. Atha vā attano vattamānakkhaṇe avijjamānampi kiriyāsiddhisāṅkhātaṃ atthaṃ avassaṃ āpattiṃ sādhetītipi **atthasādhako**. **Asukaṃ nāma bhaṇḍaṃ yadā sakkosīti** idaṃ nidassanamattaṃ parassa telakumbhiyā upāhanādīnaṃ nikkhepayogassāpi atthasādhakattā. Tathā hi vuttam **mātikāṭṭhakathāyaṃ**—

“**Atthasādhako** nāma ‘asukassa bhaṇḍaṃ yadā sakkoti, tadā taṃ avaharā’¹ti aññaṃ āṇāpeti. Tattha sace paro anantarāyiko hutvā taṃ avaharati, āṇāpakassa āṇattikkhaṇeyeva pārājikaṃ. Parassa vā pana telakumbhiyā pādagghanakatelaṃ avassaṃ pivanakāni upāhanādīni pakkhipati, hatthato muttamatteyeva pārājikaṃ”².

1. Vi 1. 60 piṭṭhe.

2. Kaṅkhā-Ṭṭha 117 piṭṭhe.

Imassa atthasādhakassa āṇattiyā ca ko visesoti? Taṅkhaṇaṅṅeva gahaṇe niyuñjanam **āṇattikapayogo**, kālantarena gahaṇattham niyogo **atthasādhakoti** ayam nesam viseso. Tenevāha “asukam nāma bhaṇḍam yadā sakkosī”ti-ādi. **Dhuranikkhepo pana upanikkhittabhaṇḍavasena veditabboti** idam nidassanamattam, āramābhiyuñjanādīsupi tāvakālikabhaṇḍadeyyānam adānepi e seva nayo. Bhaṇḍaggahaṇappayogato āṇattiyā pubbatā āha “āṇattivasena pubbapayogo veditabbo”ti. Payogena saha vattamāno avahāro sahapayogoti āha “ṭhānācāvanavasena”ti, idaṅca nidassanamattam khīlasaṅkamanādīsupi asati ṭhānācāvane sahapayogattā. Vuttaṅhi **mātikāṭṭhakathāyam** “ṭhānācāvanavasena khīlādīni saṅkāmetvā khettādiggahaṇavasena ca **sahapayogo** veditabbo”ti¹.

Tulayitvāti upaparikkhitvā. **Sāmīcīti** vattam. Sakasaṅṅāya adentassa āpatti natthīti vadanti. **Sammaddoti** nividdhatāsāṅkhobho. **Bhaṭṭhe janakāyeti** apagate janasamūhe. **Attano santakam katvā etasseva bhikkhuno dehīti** idam ubhinnampi kukkuccavinodanattam vuttam. Avahārakassa hi “mayā sahatthena na dinnam, bhaṇḍadeyyam etan”ti kukkuccam uppajjeyya, itarassa ca “mayā paṭhamam dhuranikkhepam katvā pacchā adinnam gahitan”ti kukkuccam uppajjeyyāti.

Samagghanti appaggham. **Dāru-attham pharatīti** dārūhi kattabbakiccam sādheti. Ekadivasam dantakaṭṭhacchedanādīnā yā ayam agghahāni vuttā, sā sabbā bhaṇḍasāminā kiṇitvā gahitameva sandhāya vuttā. Sabbam panetam aṭṭhakathācariyappamaṇena veditabbam. Pāsāṅca sakkharaṅca **pāsāṅsasakkharam**.

Akkhadassāti ettha akkha-saddena kira vinicchayasālā vuccati, tattha nisīditvā vajjāvajjam nirūpayantīti “akkhadassā”ti vuccanti dhammavinicchanaḅ. Hananam nāma hatthapādādīhi pothanaṅceva hatthanāsādicchedanaṅca hotīti āha “haneyyunti potheyyuṅceva chindeyyuṅcā”ti.

Padabhājanīyaṅca “hatthena vā pādena vā kasāya vā vettana vā aḅḅhadanḅakena vā chajjāya vā haneyyun”ti² vuttam. Tattha **aḅḅhadanḅakenāti**

1. Kaṅkhā-ṭṭha 117 piṭṭhe.

2. Vi 1. 57 piṭṭhe.

dvihatthappamāṇena rassamuggarena, veḷupesikāya vā. **Chejjāya vāti** hatthādīnam chedanena. Chindanti etāya hatthapādādīnīti chejjā, sattham, tena satthenātipi attho. **Nīhareyyunti** raṭṭhato nīhareyyum. Corosi -pa- thenosīti ettha paribhāseyyunti padaṃ ajjhāharitvā attho veditabboti āha “Corosi -pa- paribhāseyyuntī”ti. Yam tam bhaṇḍam dassitanti sambandho.

93. **Yattha yattha ṭhitanti** bhūmiyādīsu yattha yattha ṭhitam. **Yathā yathā ādānam gacchatīti** yena yena ākārena gahaṇam upagacchati.

Bhūmatṭhakathāvaṇṇanā

94. **Vācāya vācāyāti** ekekatthadīpikāya vācāya vācāya. **Upaladdhoti** nāto. **Pāḷiyam** sesa-aṭṭhakathāsu ca kudālam vā piṭakam vāti idameva dvayam vatvā vāsipharasūnam avuttattā tesampi saṅkhepaṭṭhakathādīsu āgatabhāvam dassetum **saṅkhepaṭṭhakathāyanti**-ādi vuttam. Theyyacittena katattā “dukkaṭehi saddhim pācittiyānī”ti vuttam.

Aṭṭhavidham hetanti-ādīsu etaṃ dukkaṭam nāma therehi dhammasaṅgāhakehi imasmim ṭhāne samodhānetvā aṭṭhavidhanti dassitanti yojanā. Sabbesampi dukkaṭānam imesuyeva aṭṭhasu saṅghetabbabhāvato pana itarehi sattahi dukkaṭehi vinimuttam vinayadukkaṭeyeva saṅghetabbam. **Dasavidham ratananti** muttā maṇi veḷuriyo saṅkho silā pavālam rajatam jātarūpam lohitaḥ masāragallan”ti evamāgataṃ dasavidham ratanam.

“Muttā maṇi veḷuriyo ca saṅkho,
Silā pavālam rajatañca hemaṃ¹.
Lohitakañca masāragallam²,
Dasete³ dhīro ratanāni jaññā”ti—

hi vuttam. **Sattavidham dhaññanti** sāli vīhi yavo kaṅgu kudrūsam varako godhumoti imam sattavidham dhaññam. **Āvudhabhaṇḍādinti** ādi-saddena turiyabhaṇḍa-itthirūpādīm saṅgaṇhāti. Anāmasitabbe vatthumhi dukkaṭam **anāmāsadukkaṭam**. **Durūpaciṇṇadukkaṭanti** “akattabban”ti vāritassa katattā

1. Rajatam suvaṇṇam (Sī)

2. Masāragallampi ca lohitaṅkam (Sī)

3. Dase’ti (Sī)

duṭṭhu upaciñṇaṃ caritanti durūpaciñṇaṃ, tasmim̐ dukkaṭaṃ durūpaciñṇadukkaṭaṃ. Vinaye paññattaṃ avasesaṃ dukkaṭaṃ **vinayadukkaṭaṃ. Ekādasa samanubhāsanā** nāma bhikkhupābhimokkhe cattāro yāvataṭṭhāyākaṃ saṃghādisesā ariṭṭhasikkhāpadanti pañca, bhikkhunīpātimokkhe ekaṃ yāvataṭṭhāyākaṃ cattāro saṃghādisesā caṇḍakāḷisikkhāpadanti cha.

Sahapayogato paṭṭhāya cettha purimapurimā āpattiyo paṭippassambhantīti āha **atha dhuranikkhepaṃ akatvā**ti-ādi. “Dhuranikkhepaṃ akatvā”ti vuttattā dhuranikkhepaṃ katvā puna khaṇantassa purimāpattiyo na paṭippassambhantīti vadanti. “Chedanapaccayā dukkaṭaṃ desetvā muccati”ti vatvā pubbapayoge āpattinaṃ desetabbatāya avuttattā sahapayoge patte pubbapayoge āpattiyo paṭippassambhantīti veditabbaṃ.

Aparaddhaṃ viraddhaṃ khalitanti sabbametaṃ **yañca dukkaṭanti** ettha vuttassa dukkaṭassa pariyāyavacanaṃ, **yaṃ manusso kareti**-ādi panettha opammaṇidassanaṃ. **Samyogabhāvoti** dvittaṃ sandhāya vuttaṃ, tena rassattassāpi nimittaṃ dassitanti veditabbaṃ. **Ekassa mūleti** ekassa santike. Sabbatthāpi āmasane dukkaṭaṃ, phandāpane thullaccayañca visuṃ visuṃ āmasanaphandāpanapayogaṃ karontasseva hoti, ekapayogena gaṇhantassa pana uddhāre pārājikameva, na dukkaṭathullaccayānīti vadanti, ekapayogena gaṇhantassāpi āmasanaphandāpanānampi labbhamānattā taṃ na gahetabbaṃ. Na hi sakkā anāmasitvā aphanāpetvā ca kiñci gahetuṃ. “Ekameva desetvā muccati”ti paṃsukhaṇanādisamānapayogepi purimā āpatti uttaramuttaraṃ āpattiṃ patvā paṭippassambhantīti saññāya **kurundaṭṭhakathāyaṃ** vuttaṃ. **Itaraṭṭhakathāsu** pana khaṇanapayogabhedehi payoge payoge āpannā āpattiyo uttaramuttaraṃ patvā na paṭippassambhanti aññamaññaṃ sadisattā viyūhanaṃ patvā tā sabbāpi paṭippassambhanti visadisapayogattāti iminā adhippāyena paṭippassaddhividhānaṃ vuttanti veditabbaṃ. Iminā hi avahāraṃ āsannaṃ orimantaṃ parāmasati.

Tathevāti mukhavaṭṭiyameva. **Bundenāti** kumbhiyā heṭṭhimatalena. Ekaṭṭhāne ṭhitāya kumbhiyā ṭhānā cāvanaṃ chahi ākārehi veditabbanti sambandho. **Ekaṭṭhāneti** ca saṅkhalikabaddhabhāvena¹ ekasmim̐

1. ...bandhanabhāvena (Sī)

patiṭṭhitokāsaṭṭhāneti attho. **Khāṇukam kesaggamattampi ṭhānā cāvetī** khāṇukam attano patiṭṭhitaṭṭhānato pañcahi ākārehi ṭhānā cāveti. **Chinnamatte pārājikanti** avassam ce patati, chinnamatte pārājikam. **Paricchedoti** pañcamāsakādigarubhāvaparicchedo. **Apabyūhantoti** ṭhitaṭṭhānato apanayanavasena viyūhanto rāsim karonto. **Evaṃ katvāti** bhājanamukhavaṭṭiyā kumbhigatena bhājanagatassa ekābaddhabhāvaṃ viyojetvāti attho. **Upaḍḍhakumbhīyanti** upaḍḍhapuṇṇāya kumbhiyā. **Vinayadhammatāti** adhikakāraṇālābhe vinayaginicchayadhammatāti adhippāyo. Na kevalañcetha garukatāva, suttānugamanampi atthīti dassento **apicāti-ādimāha**. **Kaṇṭhena pana paricchinnakāleti** mukhagataṃ ajjhohaṭakāleti attho. Ajjhoharaṇameva hettha paricchindanaṃ, na kaṇṭhapidahanam. **Cikkananti** thaddham, bahalam ghananti attho.

Yopi theyyacittena parassa kumbhiyā pādagghanakam sappim vā telam vā avassam pivanakam yaṃ kiñci dukūlasāṭakam vā cammakhaṇḍādīnam vā aññataram pakkhipati, hatthato muttamatte pārājikanti ettha avahāro vīmaṃsitabbo. Yadi ca dukūlādīsu sappitelānam pavisanam sandhāya pārājikam bhaveyya, tattha pavīṭṭhatelādino kumbhigatena ekābaddhatāya na tāva avahāro bhājanantaram pavesetvā gahaṇakāye viya. Tathā hi vuttam “bhājanam pana nimujjāpetvā gaṇhantassa yāva ekābaddham hoti, tāva rakkhatī”ti-ādi¹. Atha telādivināsenā pārājikam bhaveyya, tadāpi tiṇajjhāpanādīsu viya avahāro natthi, dukkaṭena saddhim bhaṇḍadeyyameva hoti, tathā ca pādagghanakam telādīm pītam dukūlādīm uddharantassāpi pārājikam na siyā tattha pavīṭṭhassa telādino vinaṭṭhatṭhena gahaṇakkhaṇe avijjamānattā, vijjamānattena ca uddhāreyeva pārājikam vattabbam, na hatthato muttamatteti. **Sabba-aṭṭhakathāsu** ca dukūlādīnam pakkhipane hatthato muttamatte pārājikassa vuttattā na tam paṭikkhipitum sakkā. Aṭṭhakathāppamaṇena panetaṃ gahetabbam, yutti panettha paṇḍitehi pubbāparaṃ saṃsanditvā uddhāretabbā.

Palibujjhissatīti nivāressati. Vuttanayena pārājikanti hatthato muttamatteyeva pārājikam. **Neva avahāro, na gīvāti** attano

1. Vi-Ṭṭha 1. 276 piṭṭhe.

bhājanattā vuttaṃ, anāpattimattameva vuttaṃ, na pana evaṃ vicāritanti adhippāyo. **Bahigataṃ nāma hotīti** tato paṭṭhāya telassa aṭṭhānato adhomukhabhāvato ca bahigataṃ nāma hoti. Anto paṭṭhāya chidde kariyamāne telassa nikkhamitvā gatagataṭṭhānaṃ bhājanasaṅkhyameva gacchatīti āha “bāhirantato pādagghanake gaḷite pārājikan”ti. **Yathā tathā vā katassāti** bāhirantato vā abbhantarantato vā paṭṭhāya katassa. **Majjhe ṭhapetvā katachiddeti** majjhe thokaṃ kapālaṃ ṭhapetvā pacchā taṃ chindantena katachidde.

Patthīnassa¹ khādanam itarassa pānañca sappi-ādīnaṃ paribhogoti āha “akhāditaḅbaṃ vā apāṭaḅbaṃ vā karotī”ti. Kasmā panettha dukkaṭaṃ vuttanti āha “ṭhānācāvanassa natthitāya dukkaṭaṃ”ti. **Purimadvayanti** bhedanam chaḍḍanañca. **Kumbhijajjarakaraṇenāti** puṇṇakumbhiyā jajjarakaraṇena. **Mātikā-ujukaraṇenāti** udakapuṇṇāya mātikāya ujukaraṇena. **Ekalakkhaṇanti** bhedanam kumbhiyā jajjarakaraṇena, chaḍḍanam mātikāya ujukaraṇena ca saddhim ekasabhāvaṃ. **Pacchimaṃ pana dvayanti** jhāpanam aparibhogakaraṇaṃca. **Ettha evaṃ vinicchayaṃ vadantīti** etasmim **mahā-aṭṭhakathāyaṃ** vutte atthe eke ācariyā evaṃ vinicchayaṃ vadanti. **Pacchimadvayaṃ sandhāya vuttanti** ettha purimapadadvaye vinicchayo heṭṭhā vuttānusārena sakkā viññātunti tattha kiñci avatvā pacchimapadadvayaṃ sandhāya “ṭhānācāvanassa natthitāya dukkaṭaṃ”ti idaṃ vuttanti adhippāyo. **Theyyacittenāti** attano vā parassa vā kātukāmatāvasena uppannatheyyacittena. **Vināsetukāmatāyāti** hatthapādādāni chindanto viya kevalam vināsetukāmatāya. **Vuttanayena bhindantassa vā chaḍḍentassa vāti** muggarena pothetvā bhindantassa vā udakaṃ vā vālikaṃ vā ākiritvā uttarāpentassa vāti attho. **Ayuttanti ceti** pāḷiyam purimadvayepi dukkaṭasseva vuttattā “purimadvaye pārājikan”ti idaṃ ayuttanti yadi tumhākaṃ siyāti attho. **Nāti** ayuttabhāvaṃ nisedhetvā tattha kāraṇamāha “aññathā gahetabbatthato”ti.

Evameke vadantīti heṭṭhā vuttassa atthanayassa attanā anabhimatabhāvaṃ dassetvā sayam² aññathāpi pāḷim aṭṭhakathañca sāmsanditvā attham

1. Patthiṇṇassa (Sī)

2. Ayam (Ka)

dassetukāmo **ayam panettha sāroti**-ādimāha. **Acāvetukāmova**ti theyyacittena ṭhānā acāvetukāmova. **Achaḍḍetukāmoyevā**ti etthāpi theyyacittenāti sambandhitabbaṃ. Idañhi theyyacittapakkaṃ sandhāya vuttaṃ nāsetukāmatāpakkhassa vakkhamānattā. Tenevāha **nāsetukāmatāpakkhe panā**ti-ādi. **Itarathāpi yujjati**ti theyyacittābhāvā ṭhānā cāvetukāmassāpi dukkaṭaṃ yujjatiṭi vuttaṃ hoti.

Bhūmaṭṭhakathāvaṇṇanāyo niṭṭhito.

Ākāsaṭṭhakathāvaṇṇanā

96. Ākāsaṭṭhakathāyaṃ **antovatthumhī**ti parikkhittassa vatthussa anto. **Antogāmeti** parikkhittassa gāmassa anto. Aparikkhitte pana vatthumhi gāme vā ṭhitaṭṭhānameva ṭhānaṃ. **Aṭavimukhaṃ karoti -pa-** rakkhatiṭi tena payogena tassa icchitaṭṭhānaṃ āgatattā rakkhati. **Gāmato nikkhantassā**ti parikkhittagāmato nikkhantassa. **Kapiṇjaro** nāma aññamaññaṃ yujjhāpanatthāya bālaṃjanehi posāvaniyapakkhiṭi.

Vehāsaṭṭhakathāvaṇṇanā

97. Vehāsaṭṭhakathāyaṃ **chinnamate muttamatteti** yathā chinnaṃ muttañca pakatiṭṭhāne na tiṭṭhati, tathā chedanāṃ mocanañca sandhāya vuttaṃ.

Udakaṭṭhakathāvaṇṇanā

98. Udakaṭṭhakathāyaṃ sandamāna-udake nikkhittaṃ na tiṭṭhatiṭi āha “asandanake udake”ti. **Anāpattī**ti hatthavārapadavāresu dukkaṭāpattiyā abhāvaṃ sandhāya vuttaṃ. **Kaḍḍhati**ti heṭṭhato osāreti. **Sakalamudakanti** daṇḍena phuṭṭhokāsagataṃ sakalamudakaṃ. **Na udakaṃ ṭhānanti**¹ attanā kataṭṭhānassa aṭṭhānattā. **Paduminiyanti** padumagacche. **Kalāpabaddhanti** hatthakavasena khuddakaṃ katvā baddhaṃ kalāpabaddhaṃ. **Bhārabaddhaṃ** nāma sīsabhārādivasena baddhaṃ. **Muḷānti** kandaṃ. **Pattaṃ vā pupphaṃ vā**ti idaṃ kaddamassa

1. Na udakaṃ ṭhānaṃ (?)

anto pavisitvā ṭhitaṃ sandhāya vuttaṃ. **Niddhamanatumbanti** vāpiyā udakassa nikkhamananāḷaṃ. **Udakavāhakanti** mahāmātikāṃ. **Avahārena so na kāretabboti** iminā pāṇaṃ jīvitā voropane āpattiyā sabbattha na muccatīti dīpeti. **Mātikāṃ āropetvāti** khuddakamātikāṃ āropetvā. **Maritvā -pa-tiṭṭhantīti** ettha matamacchānaṃyeva tesāṃ santakattā amate gaṇhantassa natthi avahāro.

Nāvaṭṭhakathāvaṇṇanā

99. Nāvaṭṭhakathāyaṃ **thullaccayampi pārājikampi hotīti** ettha paṭhamāṃ ṭhānā acāvetvā mutte thullaccayaṃ, paṭhamāṃ pana ṭhānā cāvetvā mutte pārājikanti veditabbaṃ. Pāse baddhasūkarō viyāti-ādinā¹ vuttaṃ sandhāyāha “tattha yutti pubbe vuttā evā”ti. **Vipannaṭṭhanāvāti** visamavātehi desantaraṃ palātā, bhijjivā vā vināsaṃ patvā uduke nimujjivā heṭṭhā bhūmitalaṃ appatvā sāmikehi ca apariccattālayā vuccati. **Balavā ca vāto āgammāti** iminā asati vāte ayaṃ payogo katoti dasseti. **Puggalassa natthi avahāro**ti sukkhamātikāyaṃ ujukaraṇanayena vuttaṃ. Taṃ attano pādena anakkamitvā hatthena ca anukkhavitvā aññasmim daṇḍādīsu bandhitvā ṭhapite yujjati, attano pādena akkamitvā hatthena ca ukkhavitvā ṭhitassa pana balavavātena chattacīvarādīsu pahaṭesu pakatiṃ vijahitvā daḷhatarāṃ akkamanagahaṇādīpayogo abhinavo kātabbo siyā. Itarathā chattacīvarādīni vā vigacchanti, avahārako vā sayāṃ patissati, nāvā ca tadā na gamissati. Tasmā idise abhinavappayoge sati avahārena bhavitabbaṃ. Sukkhamātikāyaṃ ujukatāya udakāgamanakāle kātabbakiccaṃ natthīti taṃ idha nidassanaṃ na hoti. Dāsaṃ pana pakatiyā palāyantaṃ “sīghaṃ yāhī”ti vatvā pakatigamanato turitagamanuppādanādinā idha nidassanena bhavitabbanti amhākaṃ khanti, vīmaṃsitvā gahetabbaṃ. Vāte āgatepi yattha atilahukattā nāvāya kañci payogaṃ akatvā pakatiyā avahārako tiṭṭhati, tatthidaṃ aṭṭhakathāyaṃ vuttanti gahetabbaṃ.

1. Vi-Ṭṭha 1. 274 piṭṭhe.

Yānaṭṭhakathāvaṇṇanā

100. Yānaṭṭhakathāyaṃ ubhosu passesūti catunnaṃ thambhānaṃ upari caturassaṃ dārusaṅghātaṃ āropetvā tassa vāmadakkhiṇapassesu ubhosu vātātapādiparissayavinodanattamaṃ garuḷapakkhino ubho pakkhā viya katā sandamānikā. Dukayuttassāti dvīhi goṇehi yuttassa. Ayuttakanti goṇehi ayuttam. Kappakatāti dvinnaṃ sikhānaṃ sandhiṭṭhāne gosiṅgāni viya dve koṭṭiyo ṭhapetvā upatthambhanī kappakatā nāma, sā dvīhipi koṭṭihi bhūmiyaṃ patiṭṭhāti, tenāha “cha ṭhānāni”ti. Tīṇi vā cattāri vā ṭhānāni akappakatāya upatthambhaniyā ca dvinnaṃ cakkānaṅca vasena tīṇi ṭhānāni, kappakatāya vasena cattāri ṭhānāni, tathā pathaviyaṃ ṭhapitassa tīṇi ṭhānāni sambandho. Akkhasīsehīti akkhadārūno dvīhi koṭṭihi. Akkhuddhīhīti akkhadārūnā sampañcchakā heṭṭhimabhāge kappakatā dve dārūkhaṇḍā akkhuddhiyo nāma, tāsāṃ kappakatānaṃ dvinnaṃ kappasīsāni cattāri idha “akkhuddhiyo”ti vuccanti, tenāha “catūhi ca akkhuddhīhi”ti. Tāhi patiṭṭhitāhi patiṭṭhitatṭhānāni cattāri dhurena patiṭṭhitatṭhānaṃ ekanti pañca ṭhānāni honti. Uddhiyova “uddhikhāṇukā”ti vuttā, uddhikhāṇukānaṃ abhāve akkhasīsānaṃ patiṭṭhānokāsaṃ dassento āha samameva bāhaṃ katvāti-ādi. Tattha samamevāti uddhiyo heṭṭhā anolambetvā bāhuno heṭṭhimabhāgaṃ samaṃ katvā dvinnaṃ bāhudārūnaṃ majjhe akkhasīsappamaṅena chiddaṃ katvā tattha akkhasīsāni pavesitāni honti, tena bāhānaṃ heṭṭhābhāgaṃ sabbaṃ bhūmiṃ phusitvā tiṭṭhati, tenāha “sabbaṃ pathaviṃ phusitvā tiṭṭhati”ti. Sesāṃ nāvāyaṃ vuttasadisanti iminā yadi pana taṃ evaṃ gacchantāṃ pakatigamaṇaṃ pacchinditvā aññaṃ disābhāgaṃ neti, pārājikaṃ. Sayameva yaṃ kiñci ṭhānaṃ sampattāṃ ṭhānā acālentova vikkiṇitvā gacchati, nevatti avahāro, bhaṇḍadeyyaṃ pana hotīti imaṃ nayaṃ atidisati.

Bhāraṭṭhakathāvaṇṇanā

101. Bhāraṭṭhakathāyaṃ bhāraṭṭhanti mātikāpadassa bhāro nāmāti idaṃ atthadassananti āha “bhāroyeva bhāraṭṭhan”ti. Purimagaleti galassa purimabhāge. Galavāṭakoti gīvāya uparimagalavāṭako.

Uraparicchedamajjheti urapariyantassa majjhe. **Sāmikehi anāṇattoti** idaṃ yadi sāmikehi “imaṃ bhāraṃ netvā asukaṭṭhāne dehī”ti āṇatto bhaveyya, tadā tena gahitabhaṇḍaṃ upanikkhittaṃ siyā, tañca theyyacittena sīsādito oropentassāpi avahāro na siyā, sāmikānaṃ pana dhuranikkhepe eva siyāti tato upanikkhittabhaṇḍabhāvato viyojetuṃ vuttaṃ, teneva vakkhati “tehi pana anāṇattattā pārājikaṃ”ti¹. **Ghaṃsantoti** sīsato anukkipanto, yadi ukkhipeyya, ukkhittamatte pārājikaṃ, tenāha sīsato **kesaggamattampīti**-ādi. **Yo cāyanti** yo ayaṃ vinicchayo.

Ārāmaṭṭhakathāvaṇṇanā

102. Ārāmaṭṭhakathāyaṃ **ārāmaṃ abhiyuñjati**ti idaṃ abhiyogakaraṇaṃ paresaṃ bhūmaṭṭhabhaṇḍādīsupi kātuṃ vaṭṭatiyeva. Ārāmādithāvaresu pana yebhuyyena abhiyogavaseneva gahaṇasambhavato ettheva **pāḷiyaṃ** abhiyogo vutto, iti iminā nayena sabbatthāpi sakkā ñātunti gahetabbaṃ. **Adinnādānassa payogattāti** sahapayogamāha. Vatthumhiyeva katapayogattā sahapayogavasena hetam dukkaṭaṃ. **Sayampīti** abhiyuñjakopi. “Kiṃ karomi kiṃ karomī”ti evaṃ kiṅkārameva paṭissuṇanto viya caratīti kiṅkārapaṭissāvī, tassa bhāvo **kiṅkārapaṭissāvibhāvo**, tasmim, attano vasavattibhāveti vuttaṃ hoti. **Ukkocanti** lañjaṃ. **Sabbesaṃ pārājikanti** kūṭavinicchayikādīnaṃ ayaṃ vatthusāmīti-ādikassa ubhinnaṃ dhuranikkhepakaraṇahetuno payogassa karaṇakkhaṇeva pārājikaṃ hotīti veditabbaṃ. Sace pana sāmikassa vimati ca dhuranikkhepo ca kamena uppajjanti, payogasamuṭṭhāpakacittakkhaṇe pārājikameva hoti, na thullaccayaṃ. Yadi vimatiyeva uppajjati, tadā thullaccayamevāti veditabbaṃ, ayaṃ nayo sabbattha yathānurūpaṃ gahetabbo. **Dhuranikkhepavaseneva parājayoti** sāmiko “ahaṃ na muccāmī”ti dhuraṃ anikkhipanto aṭṭo parājito nāma na hotīti dasseti.

1. Vi-Ṭṭha 1. 293 piṭṭhe.

Vihāraṭṭhakathāvaṇṇanā

103. Vihāraṭṭhakathāyaṃ **vihāranti** upacārasīmāsaṅkhātāṃ sakalāṃ vihāraṃ. **Pariveṇanti** tassa vihārassa abbhantare visuṃ visuṃ pākārādiparicchinnatṭhānaṃ. **Āvāsanti** ekaṃ āvasathamattāṃ. Gaṇasantake paricchinnasāmikattā sakkā dhuraṃ nikkhipāpetunti āha “dīghabhāṇakādibhedassa pana gaṇassā”ti. Idhāpi sace ekopi dhuraṃ na nikkhipati, rakkhatiyeva. Esa nayo bahūnaṃ santake sabbattha.

Khettatṭhakathāvaṇṇanā

104. Khettatṭhakathāyaṃ **nirumbhitvā vāti**-ādīsu gaṇhantassāti paccakaṃ yojetabbaṃ, tattha nirumbhitvā gahaṇaṃ nāma vīhisīsaṃ acchinditvā yathāṭṭhitameva hatthena gahetvā ākaḍḍhitvā bījamattasseva gahaṇaṃ. **Ekamekanti** ekaṃ vīhisīsaṃ. **Yasmim̐ bīje vāti**-ādi nirumbhitvā gahaṇādīsu yathākkamaṃ yojetabbaṃ. “Tasmim̐ bandhanā mocitamatte”ti vacanato tasmim̐ bījādimhi bandhanā mutte sati tato anapanītepi ṭhānantarassa abhāvā pārājikameva. Yassa pana sīsādikassa santarādinā saha saṃsibbanāṃ vā ekābaddhatā vā hoti, tassa bandhanā mocite thullaccayaṃ, itaratṭhānato mocite pārājikanti gahetabbaṃ, tenāha **vīhināṇanti**-ādi. **Sabhusanti** palālasahitaṃ. **Khīlenāti** khāṇukena. Ettha ca khīlasaṅkamanādīsu sahapayogo dhuranikkhepo cāti ubhayaṃ sambhavati. **Khīlasaṅkamanādi** ettha sahapayogo. Tasmīṅca kate yadi sāmikā dhuraṃ na nikkhipanti puna gaṇhitukāmāva honti, na tāva avahāro, “khīlaṃ saṅkāmētvā khettādim̐ asuko rājavallabho bhikkhu gaṇhitukāmo”ti ñatvā tassa balāṃ kakkhaḷādibhāvaṅca nissāya khīlasaṅkamanādikiriyāniṭṭhānato paṭhamameva sāmikā dhuraṃ nikkhipanti, na avahāro etassa payogaṇiṭṭhānato puretarameva dhurassa nikkhattatā. Yadā pana khīlasaṅkamanādīpayogeneva dhuranikkhepo hoti, tadāyeva avahāro, tenevettha “taṅca kho sāmikānaṃ dhuranikkhepenā”ti vuttam̐. Khīlādīnaṃ saṅkamitabhāvaṃ aṅānitvā sāmikānaṃ sampatīcchanampettha dhuranikkhepoti vedītabbo. **Evam̐ sabbatthāti** yathāvuttamatthaṃ rajjusaṅkamanādīsopi atidisati. **Yaṭṭhinti** mānadaṇḍam̐. **Ekasmim̐ anāgate thullaccayaṃ, tasmim̐ āgate**

pārājikanti sace dārūni nikhaṇitvā tattakeneva gaṇhitukāmo hoti, avasāne dārumhi pārājikaṃ. Sace tattha kaṇṭakasākhādīhi pādānaṃ antaraṃ paṭicchādetvā kassaci appavesārahaṃ katvā gahetukāmo hoti, avasānasākhāya pārājikaṃ, tenāha “sākhāparivārenea attano kātum sakkotī”ti, dārūni ca nikhaṇitvā sākhāparivāraṇca katvā eva attano santakaṃ kātum sakkotīti attho. Khetamariyādanti vuttamevatthaṃ vibhāvetum “kedārapālin”ti vuttaṃ. Idaṅca khīlasaṅkamanādinā gahaṇaṃ āramādīsupi labbhateva.

Vatthuṭṭhakathāvaṇṇanā

105. Vatthuṭṭhakathāyaṃ **tiṇṇaṃ pākārānanti** iṭṭhakasilādārūnaṃ vasena tiṇṇaṃ pākārānaṃ.

106. Gāmaṭṭhakathāyaṃ “gāmo nāmā”ti **pāliyaṃ** na vuttaṃ sabbaso gāmalakkhaṇassa pubbe vuttatā.

Araññaṭṭhakathāvaṇṇanā

107. Araññaṭṭhakathāyaṃ **vinivijjhivāti** ujukameva vinivijjhivā. **Lakkhaṇacchinna**sāti araññasāmikānaṃ hatthato kiṇitvā gaṇhantehi kata-akkharādīsaññānaṃ. **Challiyā pariyaonaddhanti** iminā sāmikānaṃ nirāpekkhatāya cirachadditabhāvaṃ dīpeti, tenāha “gahetum vaṭṭatī”ti. Yadi sāmikānaṃ sāpekkhatā atthi, na vaṭṭatī. **Tāni katāni ajjhāvuttāni ca hontīti** tāni gehādīni katāni pariniṭṭhitāni manussehi ca ajjhāvutthāni ca hontī. **Dārūnīti** gehādīnaṃ katattā avasiṭṭhadārūni. **Gahetum vaṭṭatīti** sāmikānaṃ anālayattā vuttaṃ, te ca yadi gahaṇakāle disvā sālayā hutvā vārenti, gahetum na vaṭṭatiyeva. **“Dehī”ti vutte dātabbamevāti** “dehī”ti vutte “dassāmī”ti ābhogaṃ katvā gacchantassa “dehī”ti avutte adatvā gamane āpatti natthi. Pacchāpi tehi codite dātabbameva.

Adisvā gacchati, bhaṇḍadeyyanti suddhacittena gatassa bhaṇḍadeyyaṃ. **Ārakkhaṭṭhānampi** suddhacittena atikkamitvā theyyacitte uppannepi avahāro

natthi ārakkhaṭṭhānassa atikkantattā. Keci pana “yattha katthaci nītanampi dārūnaṃ araññasāmikānaññeva santakattā puna theyyacittaṃ uppādetvā gacchati, pārājikamevā”ti vadanti, taṃ na yuttaṃ “ārakkhaṭṭhānaṃ patvā -pa- assatiyā atikkamatī”ti, sahasā taṃ ṭhānaṃ atikkamatīti-ādinā¹ ca ārakkhaṭṭhānātikkameyeva āpattiyā vuccamānattā, ārakkhaṭṭhānātikkamameva sandhāya “idaṃ pana theyyacittena pariharantassa ākāseṇa gacchatopi pārājikamevā”ti vuttaṃ. Yañca “yattha katthaci nītanampi dārūnaṃ araññasāmikānaññeva santakattā”ti kāraṇaṃ vuttaṃ, tampi ārakkhaṭṭhānato bahi pārājikāpajjanassa kāraṇaṃ na hoti bhaṇḍadeyyabhāvasseva kāraṇattā. Tesam̐ santakatteneva hi bahi katassāpi bhaṇḍadeyyaṃ jātaṃ, itarathā ca bhaṇḍadeyyampi na siyā suṅkaghātātikkame viya. Addhikehi dinnameva suṅkikānaṃ santakaṃ hoti, nādinnaṃ, tena taṃ ṭhānaṃ yato kutoci paccayato suddhacittena atikkantassa bhaṇḍadeyyampi na hoti. Idha pana araññasāmikānaṃ santakattā sabbatthāpi bhaṇḍadeyyameva hoti, tenevetam̐ araññe ārakkhaṭṭhānaṃ suṅkaghātatoṃ garutaraṃ jātaṃ. Yadi hi ārakkhaṭṭhānato bahipi theyyacitte sati avahāro bhavēyya, ārakkhaṭṭhānaṃ patvāti-ādinā ṭhānaniyamo niratthako siyā yattha katthaci theyyacitte uppanne pārājikanti vattabbato. Tasmā ārakkhaṭṭhānato bahi theyyacittena gacchantassa avahāro na bhavati evāti niṭṭhamettha gantabbaṃ. **Idaṃ pana theyyacittena pariharantassāti** yasmiṃ padese atikkante tesam̐ araññaṃ ārakkhaṭṭhānañca atikkanto nāma hoti, taṃ padesaṃ ākāseṇāpi atikkamanavasena gacchantassāpīti attho.

Udakakathāvaṇṇanā

108. Udakakathāyaṃ mahākucchikā udakacāti **udakamaṇiko**, “samekhalā cāti udakamaṇiko”tipi vadanti. **Tatthāti** tesu bhājanesu. **Bhūtagāmena saddhimpīti pi-saddena** akappiyapathavimpi saṅgaṇhāti. **Taḷākarakkhaṇatthāyāti** “mahodakaṃ āgantvā taḷākamariyādaṃ mā chindī”ti taḷākarakkhaṇattham̐. **Nibbahana-udakanti** ettha taḷākassa ekena unnatena passena adhikajalaṃ nibbahati nigacchati etenāti “nibbahanaṃ”ti

1. Vi-Ṭṭha 1. 299 piṭṭhe.

adhikajalanikkhamanamātikā vuccati. Tattha gacchamānaṃ udakaṃ nibbahana-udakaṃ nāma. **Niddhamanatumbanti** sassādīnaṃ atthāya iṭṭhakādīhi kataṃ udakanikkhamanapanāli. **Mariyādaṃ dubbalaṃ katvāti** ettha dubbalaṃ akatvāpi yathāvuttappayoge kate mariyādaṃ chinditvā nikkhanta-udakagghānurūpena avahārena kattabbameva. **Yattakaṃ tappaccayā sassaṃ uppajjati**ti bījakasikammādibbayaṃ ṭhapetvā yaṃ adhikalābhaṃ uppajjati, taṃ sandhāya vuttaṃ. Na hi tehi kātappaṃ vayakaraṇampi etassa dātappaṃ. Idañca taruṇasasse jāte udakaṃ vināsentassa yujjati, sasse pana sabbathā akateyeva udakaṃ vināsentena ca udakagghameva dātappaṃ, na tappaccayā sakalaṃ sassaṃ tena vināsitabhaṇḍasseva bhaṇḍadeyyatā, itarathā vāṇijjādi-atthāya parehi ṭhapitabhaṇḍaṃ avaharantassa tadubhayampi gahetvā bhaṇḍagghaṃ kātappaṃ siyā, tañca na yuttanti amhākaṃ khanti. **Sāmikānaṃ dhuranikkhepenāti** ettha ekassa santake taḷāke khette ca jāte tasseva dhuranikkhepena pārājikaṃ, yadi pana taṃ taḷākaṃ sabbasādhāraṇaṃ, khettāni pāṭipuggalikaṃ, tassa tassa puggalasseva dhuranikkhepe avahāro, atha khettānipi sabbasādhāraṇāni, sabbesaṃ dhuranikkhepeyeva pārājikaṃ, nāsatiṭi daṭṭhabbaṃ.

Aniggateti anikkhante, taḷākeyeva ṭhiteti attho. **Paresaṃ mātikāmukhanti** khuddakamātikāmukhaṃ. **Asampattevāti** taḷākato nikkhamitvā mahāmātikāyaṃ eva ṭhite. **Anikkhante baddhā subaddhāti** taḷākato anikkhante bhaṇḍadeyyampi na hoti sabbasādhāraṇattā udakassāti adhippāyo. Nikkhante pana pāṭipuggalikaṃ hotīti āha “nikkhante baddhā bhaṇḍadeyyan”ti. Idha pana khuddakamātikāyaṃ appaviṭṭhattā avahāro na jāto, “taḷākato aniggate paresaṃ mātikāmukhaṃ asampattevā”ti heṭṭhā vuttassa vikappadvayassa “anikkhante baddhā subaddhā, nikkhante baddhā bhaṇḍadeyyan”ti idaṃ dvayaṃ yathākkamena yojanatthaṃ vuttaṃ. **Natthi avahāro**ti ettha “avahāro natthi, bhaṇḍadeyyaṃ pana hotī”ti keci vadanti, taṃ na yuttaṃ. **Vatthuraṃ -pa- na sameti**ti ettha taḷākagata-udakassa sabbasādhāraṇattā parasantakavattu na hotīti adhippāyo.

Dantaponakathāvaṇṇanā

109. Dantakaṭṭhakathāyaṃ **tato paṭṭhāya avahāro natthīti** “yathāsukhaṃ bhikkhusaṅgho paribhuñjatū”ti abhājetvāva yāvadicchakaṃ¹ gahaṇatthameva ṭhapitattā arakkhitattā sabbasādhāraṇattā ca aññaṃ saṅghikaṃ viya na hotīti theyyacittena gaṇhantassāpi natthi avahāro. **Khādantu, puna sāmaṇerā āharissantīti keci** therā vadeyyunti yojetabbaṃ.

Vanappatikathāvaṇṇanā

110. Vanappatikathāyaṃ **sandhāritattāti** chinnassa rukkhassa patituaṃ āraddhassa sandhāraṇamattena vuttaṃ, na pana maricavalli-ādīhi pubbe veṭhetvā ṭhitabhāvena. Tādise hi chinnepi² avahāro natthi araṇṇaṭṭhakathāyaṃ veṭhitavalliyāṃ viya³. **Ujukameva tiṭṭhatīti** iminā sabbaso chindanameva valli-ādīhi asambaddhassa rukkhassa ṭhānācāvanāṃ pubbe viya ākāśādisu phuṭṭhasakalapadesato mocananti āveṇikamidha ṭhānācāvanāṃ dasseti. Keci pana “rukkhabhārena kiñciveva bhassitvā⁴ ṭhitattā hotiyeva ṭhānācāvanāṃ”ti vadanti, tanna, rukkhena phuṭṭhassa sakalassa ākāśapadesassa pañcahi chahi vā ākārehi anatikkamitattā. **Vātamukhaṃ sodhetīti** yathā vāto āgantvā rukkhaṃ pātetī, evaṃ vātassa āgamanamaggāṃ rundhitvā ṭhitāni sākhāgumbādīni chinditvā apanento sodheti. **Maṇḍūkakaṇṭakaṃ vāti** maṇḍūkānaṃ naṅguṭṭhe aggakoṭiyāṃ ṭhitakaṇṭakanti vadanti, eke “visamacchakaṇṭakan”tipi vadanti.

Haraṇakakathāvaṇṇanā

111. Haraṇakakathāyaṃ **haraṇakanti** vatthusāminā hariyamānaṃ. **So ca pādaṃ agghati, pārājikamevāti** “antaṃ na gaṇhissāmi”ti⁵ asallakkhitattā sāmāññato “gaṇhissāmi etan”ti sallakkhitasseva paṭassa ekadesatāya tampi gaṇhitukāmovāti pārājikaṃ vuttaṃ. **Sabhaṇḍahāraṇakanti** sahabhaṇḍahāraṇakāṃ, sakārādesassa vikappattā saha saddova ṭhito, bhaṇḍahāraṇakena saha taṃ bhaṇḍanti attho. **Sāsaṅkoti** “yadi

1. Yadicchakaṃ (Sī)

2. Tādisehi chinnehi (Sī, Ka)

3. Vi 1. 62 piṭṭhe.

4. Phusitvā (Ka)

5. Addhaṃ gaṇhissāmīti (Sī)

upasaṅkamitvā bhaṇḍaṃ gaṇhissāmi, āvudhena maṃ pahareyyā”ti bhayena sañjātāsanko. **Ekamantaṃ paṭikkammā**ti bhayeneva anupagantvā maggato sayam paṭikkamma. **Santajjetvā**ti pharusavācāya ceva āvudhaparivattanādikāyavikārena ca santajjetvā. **Anajjhāvutthakanti** apariggahitakaṃ. Ālayena anadhimuttampi bhaṇḍaṃ anajjhāvutthakaṃ nāma hotīti āha “āharāpente dātabban”ti, iminā paṭhamam paṛiccattālayānampi yadi pacchāpi sakasaññā uppajjati, tesaññeva taṃ bhaṇḍaṃ hoti, balakkārenāpi sakasaññāya tassa gahaṇe doso natthi, adadantasseva avahāroti dasseti. Yadi pana sāmīno “paṛiccattaṃ mayā paṭhamam, idāni mama santakaṃ vā etaṃ, no”ti āsaṅkā hoti, balakkārena gahetuṃ na vaṭṭati sakasaññābaleneva puna gahetabbabhāvassa āpannattā. “Adentassa pārājikan”ti vacanato corassa sakasaññāya vijjamānāyapi sāmīkesu sālāyesu adātuṃ na vaṭṭatīti dīpitaṃ hoti. **Aññesūti** mahāpaccariyādīsu. **Vicāraṇāyeva natthīti** iminā tatthāpi paṭikkhepābhāvato ayameva atthoti dasseti.

Upanidhikathāvaṇṇanā

112. Upanidhikathāyaṃ saṅgopanattāya attano hatthe nikkhattassa bhaṇḍassa guttaṭṭhāne paṭisāmanappayogaṃ vinā nāhaṃ gaṇhāmīti-ādinā aññasmiṃ payoge akate rajjasāṅkhobhādīkāle “na dāni tassa dassāmi, na mayhaṃ dāni dassatī”ti ubhohipi sakasakaṭṭhāne nisīditvā dhuranikkhepe katepi avahāro natthi. Keci panettha “pārājikameva paṭisāmanappayogassa katattā”ti vadanti, taṃ tesam matimattaṃ, na sārato paccetabbaṃ. Paṭisāmanakāle hissa theyyacittaṃ natthi, “na dāni tassa dassāmī”ti theyyacittupattikkhaṇe pana sāmīno dhuranikkhepacittupattiyā hetubhūto kāyavacīpayogo natthi, yena so āpattim āpajjeyya. Na hi akiriyasamuṭṭhānā’yaṃ āpattīti. **Dāne sa-ussāho, rakkhati tāvā**ti avahāram sandhāya avuttattā nāhaṃ gaṇhāmīti-ādinā musāvādarkaṇe pācittiyameva hoti, na dukkaṭam theyyacittābhāvena sahapayogassāpi abhāvato gahetabbaṃ. **Yadipi mukhena dassāmīti vadati -pa- pārājikanti** ettha katarapayogena āpatti, na tāva paṭhamena bhaṇḍapaṭisāmanappayogena tadā theyyacittābhāvā, nāpi

“dassāmī”ti kathanappayogena tadā theyyacitte vijjamānepi payogassa kappiyattāti? Vuccate—sāminā “dehī”ti bahuso yāciyamānopi adatvā yena payogena attano adātukāmataṃ sāmikassa ñāpeti, yena ca so “adātukāmo ayam vikkhipatī”ti ñatvā dhuraṃ nikkhipati, teneva payogenassa āpatti. Na hettha upanikkhittabhaṇḍe pariyāyena mutti atthi. Adātukāmātāya hi kadā te dinnam, kattha te dinnanti-ādi pariyāyavacanenāpi sāmikassa dhure nikkhipāpate āpattiyeva. Teneva **atthakathāyam** vuttaṃ “kiṃ tumhe bhaṇatha -pa- evaṃ ubhinnaṃ dhuranikkhepena bhikkhuno pārājikan”ti¹. Parasantakassa parehi gaṇhāpane eva pariyāyato mutti, na sabbatthāti gahetabbaṃ. **Attano hatthe nikkhattattāti** ettha attano hatthe sāminā dinnatāya bhaṇḍagārikatthāne tthitattā ca tthānācāvanepi natthi avahāro, theyyacittena pana gahaṇe dukkaṭato na muccatīti veditabbaṃ.

Eseva nayoti uddhāreyeva corassa pārājikaṃ, kasmā? Aññehi sādharmaṇassa abhiññāṇassa vuttattā. **Aññaṃ tādiseva gaṇhante yujjātīti** saññāṇato okāsato ca tena sadiseva aññaṃ gaṇhante yujjati, corena sallakkhitappadesato taṃ apanetvā kehici tattha tādise aññasmim patte tthapite taṃ gaṇhanteyeva yujjātīti adhippāyo, tena corena divā sallakkhitapattam aññattha apanetvā tadaññe tādise patte tattha tthapitepi corassa pacchā rattibhāge uppajjamānaṃ theyyacittam divā sallakkhitappadesa tthapitam aññaṃ tādisaṃ pattameva ālambitvā uppajjātīti dassitam hoti. **Padavārenāti** therena nīharitvā dinnam pattam gahetvā gacchato corassa padavārena. **Atādiseva gaṇhante yujjātīti** atādiseva therena gahaṇakkhaṇe avahārābhāvato pacchā hatthapattam “tan”ti vā “aññaṃ”ti vā saññāya “idaṃ gahetvā gacchāmī”ti gamane padavāreneva avahāro yujjātīti adhippāyo.

Pārājikaṃ natthīti padavārepi pārājikaṃ natthi upanidhibhaṇḍe viyāti gahetabbaṃ. **Gāmadvāranti** bahigāme vihārassa patiṭṭhitattā gāmapavesassa ārambhappadesadassanavasena vuttaṃ, antogāmanti attho. **Dvinnampi uddhāre-**

1. Vi-Ṭṭha 1. 305 piṭṭhādīsu.

yeva pārājikanti therassa abhaṇḍāgārikattā vuttaṃ. Yadi hi so bhaṇḍāgāriko bhaveyya, sabbampi upanikkhittameva siyā, upanikkhittabhaṇḍe ca theyyacittena gaṇhatopi na tāva therassa avahāro hoti, corasseva avahāro. **Ubhinnampi dukkaṇanti** therassa attano santakatāya corassa sāmikena dinnattā avahāro na jāto, ubhinnampi asuddhacittena gahitattā dukkaṇanti attho.

Āṇattiyā gahitattāti “pattacīvaraṃ gaṇhā”ti evaṃ therena kata-āṇattiyā gahitattā. **Aṭaviṃ pavisati, padavārena kāretabboti** “pattacīvaraṃ gaṇha, asukaṃ nāma gāmaṃ gantvā piṇḍāya carissāmā”ti therena vihārato paṭṭhāya gāmamaggepi sakalepi gāme vicaraṇassa niyamitattā maggato okkamma gacchantasseva padavārena āpatti vuttā. Vihārassa hi parabhāge upacārato paṭṭhāya yāva tassa gāmassa parato upacāro, tāva sabbaṃ daharassa therāṇattiyā sañcaraṇupacārova hoti, na pana tato paraṃ. Teneva “upacārātikame pārājikaṃ. Gāmupacārātikame pārājikaṃ”ti ca vuttaṃ. Paṇinivattane cīvaradhovanādi-atthāya pesanepi eseva nayo. **Aṭṭhatvā anisīditvāti** ettha vihāraṃ pavisitvā sīsādīsu bhāraṃ bhūmiyaṃ anikkhipitvā tiṭṭhanto vā nisīdanto vā vissamitvā theyyacitte vūpasante puna theyyacittaṃ uppādetvā gacchati ce, pādudhārena kāretabbo. Sace bhūmiyaṃ nikkhipitvā puna taṃ gahetvā gacchati, uddhārena kāretabbo. Kasmā? Āṇāpakassa āṇattiyā yaṃ kattabbaṃ, tassa tāvatā pariniṭṭhitattā. “Asukaṃ nāma gāmaṃ”ti aniyametvā “antogāmaṃ gamissāmā”ti avisesena vutte vihārasāmantā pubbe piṇḍāya pavitṭhapubbā sabbe gocaragāmāpi khattamevāti vadanti. **Sesanti** maggukkamanavihārābhimukhagamanādi sabbaṃ. **Purimasadisamevāti** anāṇattiyā gahitepi sāmikassa kathetvā gahitattā heṭṭhā vuttavihārūpacārādi sabbaṃ khattamevāti katvā vuttaṃ. **Eseva nayoti** antarāmagge theyyacittaṃ uppādetvāti-ādinā¹ vuttaṃ nayaṃ atidisati.

Nimitte vā kateti cīvaraṃ me kiliṭṭhaṃ, ko nu kho rajitvā dassatīti-ādinā nimitte kate. **Vuttanayenevāti** anāṇattassa

1. Vi-Ṭṭha 1. 308 piṭṭhe.

therena saddhiṃ pattacīvaram gahetvā gamanavāre vuttanayeneva.

Ekapasseti vihārassa mahantatāya attānaṃ adassetvā ekasmiṃ passe.

Theyyacittena paribhuñjanto jīrāpetīti theyyacitte uppanne ṭhānācāvanam akatvā nivatthapārutanīhārenea paribhuñjanto jīrāpeti, ṭhānā cāventassa pana theyyacitte sati pārājikameva sīse bhāram khandhe karaṇādīsu viya¹.

Yathā vā tathā vā nassatīti aggi-ādinā nassati, **añño vā kocīti** iminā yena ṭhapitam, sopi saṅgahitoti veditabbam.

Itarassāti corassa. **Itaram gaṇhato uddhāre pārājikanti** ettha “pavisitvā tava sāṭakam gaṇhāhi”ti imināva upanidhibhāvato mocitattā, sāmikassa itaram gaṇhato attano sāṭake ālayassa sabbhāvato ca “uddhāre pārājikan”ti vuttam. Sāmiko ce “mama santakam idam vā hotu, aññaṃ vā, kim tena, alam mayham iminā”ti evam suṭṭhu nirālayo hoti, corassa pārājikam natthīti gahetabbam. **Na jānantīti** tena vuttavacanam asuṇantā na jānanti. **Eseva nayoti** ettha sace jānitvāpi cittena na sampaṭicchanti, eseva nayoti daṭṭhabbam. **Paṭikkhipantīti** ettha cittena paṭikkhepopi saṅgahitovāti veditabbam. **Upacāre vijjamāneti** bhaṇḍāgārassa samīpe uccārapassāvattāhāne vijjamāne. **Mayi ca mate saṅghassa ca senāsane vinatṭheti** ettha “tam māressāmā”ti ettake vuttepi vivaritum vaṭṭati gilānapakkhe ṭhitattā avisayoti vuttattā. Maraṇato hi param gelaññaṃ avisayattañca natthi. “Dvāram chinditvā parikkhāram harissāmā”ti ettake vuttepi vivaritum vaṭṭatiyeva. **Sahāyehi bhavitabbanti** tehipi bhikkhācārādīhi pariyesitvā attano santakepi³ kiñci kiñci dātabbanti vuttam hoti. **Ayam sāmīcīti** bhaṇḍāgāre vasantānam idam vattam.

Lolamahātheroti mando momūho ākiṇṇavīhārī. **Itarehīti** tasmimīyeva gabbhe vasantehi itarabhikkhūhi. Vihārarakkhaṇavāre niyutto **vihāravāriko**, vuddhapaṭipāṭiyā attano vāre vihārarakkhaṇako. **Nivāpanti** bhattavetanam. **Corānam paṭipatham gatesūti** corānam āgamanam ṇatvā “paṭhamataraññaeva gantvā saddam karissāmā”ti corānam

1. Vi 1. 60 piṭṭhe.

2. Vi-Ṭṭha 1. 311 piṭṭhe.

3. Santakāpi (?)

abhimukhaṃ gatesu, “corehi haṭṭabhaṇḍaṃ āharissāmā”ti tadanupathaṃ gatesupi eseva nayo. **Nibaddhaṃ katvāti** “asukakule yāgubhattaṃ vihāravārikānaññevā”ti evaṃ niyamaṇaṃ katvā. **Dve tisso yāgusalākā cattāri pañca salākabhattāni ca labhamānovāti** idaṃ nidassanaṃ attamaṃ, tato ūnaṃ vā hotu adhikaṃ vā attano veyyāvaccakarassa ca yāpanamaṇaṃ labhanaṃ eva paṃṇanti gaṇetabbaṃ. **Nissitake jaggentīti** tehi vihāraṃ jaggāpentīti attho. **Asahāyakassāti** saḥāyarahitassa. **Attadutiyaṃ** appicchassa attā sarīraṃ eva dutiyo assa nāññoti attadutiyo. Tadubhayassa pi atthassa vibhāvaṇaṃ **yassāti**-ādi, etena sabbena ekekassa vāro na pāpetabboti dassitanti veditaṃ. **Pākavattatthāyāti** niccaṃ pacitabbayāgubhattasaṅkhātavattatthāya. **Ṭhapentīti** dāyakaṃ ṭhapenti. **Taṃ gaḥetvāti** taṃ āraṃikādīhi diyyamaṇaṃ bhāgaṃ gaḥetvā. **Na gāḥapetabboti** ettha abbhokāsikassa pi attano adhikaparikkhāro vā ṭhapito atthi, cīvaraḍisaṅghikabhāgepi ālayo vā atthi, sopi gāḥapetabbova. **Diguṇanti** aññehi labbhamānato diguṇaṃ. **Pakkhavārenāti** adḍhamāsavārena.

Suṅkaghātakathāvaṇṇanā

113. Suṅkaghātakathāyaṃ suṅkaṃ yattha rājapurisā hananti adadantānaṃ santakaṃ acchinditvāpi gaṇhanti, taṃ ṭhānaṃ **suṅkaghātanti** evampi attho daṭṭhabbo. Vuttamevatthaṃ pākāṇaṃ kātuṃ **tañhīti**-ādi vuttaṃ. **Dutiyaṃ pādaṃ atikkāmetīti** ettha paṭṭhamaṃ pādaṃ paricchedato bahi ṭhapetvā dutiyapāde uddhaṭṭamatte **pārājikaṃ**. Uddharitvā bahi aṭṭhapitepi bahi ṭhito eva nāma hotīti katvā evaṃ sabbattha padavāresupīti daṭṭhabbaṃ. **Parivattitvā abbhantarimaṃ bahi ṭhapeti, pārājikanti** idaṃ sayamaṃ bahi ṭhatvā paṭṭhamaṃ abbhantarimaṃ ukkhipitvā vā samakaṃ ukkhipitvā vā parivattanaṃ sandhāya vuttaṃ. Bahi ṭhatvā ukkhittamatte hi sabbamaṃ bahigatameva hotīti. Sace pana so bahi ṭhatvāpi bāhirapuṭakaṃ paṭṭhamaṃ anto ṭhapetvā pacchā abbhantarimaṃ ukkhipitvā bahi ṭhapeti, tadāpi ekābaddhatāya avijahitattā avahāro na dissati. Keci pana “bhūmiyaṃ patitvā vattantaṃ puna anto pavisati, pārājikamevāti¹ vuttattā

1. Vi-Ṭṭha 1. 314 piṭṭhe.

bāhirapuṭake antopaviṭṭhepi bahigatabhāvato na muccati, antogataṃ pana puṭakaṃ paṭhamaṃ, pacchā eva vā bahi ṭhapitamatte vā pārājikamevā”ti vadanti, taṃ na yuttam. Bahi bhūmiyaṃ pātitaṃ kenaci saddhiṃ ekābaddhatāya abhāvena antopaviṭṭhepi pārājikamevāti vattum yuttam, idaṃ pana ekābaddhattā tena saddhiṃ na sameti. Tasmā yathā antobhūmigatena ekābaddhattā na hoti, evaṃ ubhayassāpi bahigatabhāve sādhitēya avahāroti viññāyati, vīmaṃsitvā gahetabbaṃ. Ye pana parivattitvāti imassa nivattitvāti atthaṃ vadanti, tehi pana abhantarimaṃ bahi ṭhapetīti ayamatto gahito hotīti tattha saṅkāyeva natthi. **Ekābaddhanti kājakoṭiyaṃ rajjuyā bandhanaṃ sandhāya vuttam. Abandhitvā kājakoṭiyaṃ ṭhapitamattameva hoti, pārājikanti** bahi gahitakājakoṭiyaṃ ṭhapitaṃ yadi pādaṃ agghati, pārājikameva, antoṭhapitena ekābaddhatāya abhāvāti adhippāyo. **Gacchante yāne vā -pa- thapetīti** suṅkaghātaṃ pavisitvā appavisitvā vā ṭhapeti. **Suṅkaṭṭhānassa bahi ṭhitanti** yānādīhi nīhaṭattā bahi ṭhitaṃ. Keci pana “bahi ṭhapitaṃ”ti pāṭhaṃ vikappetvā suṅkaṭṭhānato pubbeva bahi ṭhapitanti atthaṃ vadanti, taṃ na sundaraṃ suṅkaṭṭhāne pavisitvā yāne ṭhapitepi pavattitvā gate viya dosābhāvato. Yo pana suṅkaṭṭhānassa antova pavisitvā “suṅkaṭṭhānan”ti ṇatvā theyyacittena āgatamaggena paṇivattitvā gacchati, tassāpi yadi tena disābhāgena gacchantānampi hatthato suṅkaṃ gaṇhanti, pārājikameva. **Imasmim ṭhāneti** yānādīhi nīharaṇe. **Tatrāti** tasmim eḷakalomasikkhāpade¹.

Pāṇakathāvaṇṇanā

114. Pāṇakathāyaṃ **āṭhapitoti** māṭāpitūhi iṇaṃ gaṇhantehi “yāva iṇadānā ayaṃ tumhākaṃ santike hotū”ti iṇadāyakānaṃ niyyātito. **Avahāro natthīti** māṭāpitūhi puttassa apariccattattā māṭāpitūnaṃca asantakattā avahāro natthi. **Dhanaṃ pana gataṭṭhāne vadḍhatīti** iminā āṭhapetvā gahitadhaṇaṃ vadḍhiyā saha āṭhapitaputtahāraṇassa gīvāti dassitanti vadanti. **Dāsassa jātoti** ukkaṭṭhalakkhaṇaṃ dassetum vuttam. Dāsikucchiyaṃ pana adāsassa jātopi ettheva

1. Vi 1. 340 piṭṭhe.

saṅgahito. **Paradesato paharivā**ti paradesavilumpakehi rājacorādihi paharivā. **Sukhaṃ jīvāti vadatī**ti theyyacittena sāmikānaṃ santikato palāpetukāmatāya vadati, tathā pana acintevā kāruṇṇena “sukhaṃ gantvā jīvā”ti vadantassa natthi avahāro, gīvā pana hoti. **Dutiyapadavāreti** yadi dutiyapadaṃ avassaṃ uddharissati, bhikkhussa “palāyivā sukhaṃ jīvā”ti vacanakkhaṇeyeva pārājikaṃ. **Anāpatti pārājikassā**ti tassa vacanena vegavaddhane akatepi dukkaṭā na muccatīti dasseti. “Adinnaṃ theyyasaṅkhātāṃ ādiyeyyā”ti¹ ādānasseva vuttattā vuttapariyāyena muccatīti.

Catuppadakathāvaṇṇanā

117. Catuppadakathāyaṃ **pāliyaṃ āgatāvasesā**ti pāliyaṃ āgatehi hatthi-ādīhi aññe pasu-saddassa sabbasādhāraṇattā. **Bhiṅkacchāpanti** “bhiṅkā bhiṅkā”ti saddāyanato evaṃ laddhanāmaṃ hatthipotakaṃ. **Antovatthumhī**ti parikkhitte. **Bahinagare ṭhitassā**ti parikkhittanagaraṃ sandhāya vuttaṃ, aparikkhittanagare pana antonagare ṭhitassāpi ṭhitaṭṭhānameva ṭhānaṃ. **Khaṇḍadvāraṇti** attanā khaṇḍitadvāraṃ. **Eko nipannoti** etthāpi bandhoti ānetvā sambandhitabbaṃ, tenāha “nipannassa dve”ti. **Ghātetī**ti ettha theyyacittena vināsentassa sahapayogattā dukkaṭamevāti vadanti.

Ocarakakathāvaṇṇanā

118. Ocarakakathāyaṃ **pariyāyena hi adinnādānato muccatī**ti idaṃ āūattikapayogaṃ sandhāya vuttaṃ, sayameva pana abhiyuñjanādīsu pariyāyenapi makkho natthi.

Oṇirakkhakathāvaṇṇanā

Oṇirakkhakathāyaṃ **oṇinti** oṇitaṃ, ānītanti attho. Oṇirakkhassa santike ṭhapitabhaṇḍaṃ **upanidhi** viya² guttaṭṭhāne ṭhapetvā saṅgopanaṭṭhāya anikkhipitvā yathāṭṭhapitaṭṭhāne eva muhuttamattaṃ olokanatthāya ṭhapitattā tassa bhaṇḍassa ṭhānācāvanamattena oṇirakkhakassa pārājikaṃ hoti.

1. Vi 1. 55, 56 piṭṭhesu.

2. Vi 1. 63 piṭṭhe.

Saṁvidāvahārahakathāvaṇṇanā

Saṁvidāvahārahakathāyaṁ **saṁvidhāyā**ti saṁvidahitvā. **Tena nesam dukkaṭṭāpattiyoti** āṇattivasena pārājikāpattiyā asambhave satīti vuttam. Yadi hi tena āṇattā yathāṇattivasena haranti, āṇattikkhaṇe eva pārājikāpattim āpajjanti. **Pāḷiyam** “sambahulā saṁvidahitvā eko bhaṇḍam avaharati, āpatti sabbesam pārājikassā”¹ti¹ etthāpi āṇāpakānam āṇattikkhaṇeyeva āpatti, avahārahakassa uddhāreti gahetabbo. **Sambahulā bhikkhū ekam āṇāpentī ‘gacchetam āharā’**ti, tassuddhāre sabbesam pārājikanti-ādīsupi evameva attho gahetabbo. **Sāhatthikam vā āṇattikassa āṇattikam vā sāhatthikassa aṅgam na hotī**ti bhinnakālikattā aññamaññassa aṅgam na hoti. Tathā hi sahatthā avaharantassa ṭhānācāvanakkhaṇe āpatti, āṇattiyā pana āṇattikkhaṇeyevāti bhinnakālikattā āpatthiyoti.

Saṅketakammakathāvaṇṇanā

119. Saṅketakammakathāyaṁ **ocarake vuttanayenevā**ti ettha avassam hāriye bhaṇḍeti-ādinā² vuttanayeneva. **Pāḷiyam** “tam saṅketam pure vā pacchā vā”²ti tassa saṅketassa pure vā pacchā vāti attho. “Tam nimittam pure vā pacchā vā”²ti etthāpi eseva nayo.

Nimittakammakathāvaṇṇanā

120. Nimittakammakathāyaṁ akkhinikhaṇanādinimittakammam pana lahukam ittarakālam, tasmā taṅkhaṇeyeva tam bhaṇḍam avaharitam na sakkā. Nimittakammānantameva gaṇhitum āradhantā teneva nimittena avaharātīti vuccati. Yadi evam purebhattappayogova esoti vādo pamāṇabhāvam āpajjātīti? Nāpajjati. Na hi **saṅketakammam** viya¹ nimittakammam kālaparicchedayuttam. Kālavasena hi saṅketakammam vuttam, kiriyāvasena nimittakammanti ayameva tesam viseso. “Tam nimittam pure vā pacchā vā tam bhaṇḍam avaharati, mūlaṭṭhassa anāpattī”¹ti idam pana nimittakaraṇato

1. Vi 1. 65 piṭṭhe.

2. Vi-Ṭṭha 1. 320 piṭṭhe.

pure gaṇhantassa ceva nimittakamme ca katepi gaṇhitum anārabhitvā
pacchā sayameva gaṇhantassa ca vasena vuttam.

Āṇattikathāvaṇṇanā

121. Āṇattikathāyaṃ **asammohatthanti** yasmā
saṅketakammanimittakammāni karonto na kevalam
purebhattādikalasaṅketakammaṃ akkhinikhaṇanādinimittakammameva vā
karoti, atha kho evaṃvaṇṇasaṅṭhānabhaṇḍam gaṇhā'ti, bhaṇḍaniyamampi
karoti, tvaṃ itthannāmassa pāvada, so aññassa pāvadatūti-ādinā
puggalapaṭipāṭiyā ca āṇāpeti, tasmā pubbaṇhādikalavasena
akkhinikhaṇanādikiriyāvasena bhaṇḍapuggalapaṭipāṭivasena ca āṇatte etesu
saṅketakammanimittakammesu visaṅketā visaṅketabhāve¹ sammoho jāyati,
tadapagamena asammohattham. **Yaṃ āṇāpakena nimittasaññam katvā**
vuttanti pubbaṇhādīsu akkhinikhaṇanādīsu vā gahaṇattham āṇāpentena
īdisavaṇṇasaṅṭhānādiyuttam gaṇhā'ti evaṃ gahaṇassa nimittabhūtasaññānam
katvā yaṃ bhaṇḍam vuttam. **Ayaṃ yutti sabbatthāti** heṭṭhā vuttesu upari
vakkhamānesu ca sabbattha āṇattippasaṅgesu āṇattikkhaṇeyeva
pārājikādīnam bhāvasaṅkhātā vinayayutti, sā ca āṇattassa
kiriyaṇiṭṭhāpanakkhaṇe āṇāpakassa payoge² theyyacittānam abhāvā
āṇattikkhaṇe ekā eva āpatti hotīti evaṃ upapattiyā pavattattā yuttīti vuttā.
“Mūlaṭṭhassa thullaccayan”ti vuttattā saṅgharakkhitena paṭiggahitepi
buddharakkhitadhammarakkhitānam dukkaṭameva, kasmā panettha
ācariyassa thullaccayanti āha “**mahājano hī**”ti-ādi. Mahājanoti ca
buddharakkhitadhammarakkhitasamgharakkhite sandhāya vuttam.
Mūlaṭṭhasseva dukkaṭanti buddharakkhitassa dukkaṭam. Idañca mūlaṭṭhassa
thullaccayābhāvadassanattam paṭhamam āṇattikkhaṇe dukkaṭam sandhāya
vuttam, na pana saṅgharakkhitassa paṭiggahaṇapaccayā puna
dukkaṭasambhavam sandhāya. Na hi so ekapayogena dukkaṭadvayaṃ
āpajjati. Keci pana “visaṅketattā **pāliyam** ‘mūlaṭṭhassā’ti avatvā
‘paṭiggahaṇhāti, āpatti dukkaṭassā’ti sāmāññena vuttattā idam
saṅgharakkhitassa dukkaṭam sandhāya vuttan”ti vadanti, tam kiñcāpi
aṭṭhakathāya na sameti, pāḷito pana yuttam viya dissati. Na hi tassa
paṭiggahaṇappayoge anāpatti hotīti. Imināva heṭṭhā āgatavāresupi

1. Vibhāge (Sī)

2. Payogassa (Sī)

paṭiggaṇhantānaṃ dukkaṭaṃ veditabbaṃ. “Paṇṇe vā silādīsu vā ‘coriyaṃ kātābbaṃ’ ti likhitvā ṭhapite pārājikamevā” ti keci vadanti, taṃ pana “asukassa gehe bhaṇḍaṃ” ti evaṃ niyametvā likhite yujjati, na aniyametvā likhite vīmaṃsitabbaṃ. **Maggānantaraphalasadisāti** iminā yathā ariyapuggalānaṃ maggānantare phale uppanne kilesapaṭippassaddhipariyosānaṃ bhāvanākiccaṃ nipphannaṃ nāma hoti, evametissā atthasādhakacetanāya uppannāya āṇattikiccaṃ nipphannaṃ evāti dasseti, tenāha “tasmā ayaṃ āṇattikkhaṇeṇeva pārājiko” ti, āṇattivacīpayogasamuṭṭhāpakacetanākkhaṇeṇeva pārājiko hotīti attho.

Āṇattikathāvaṇṇanānayo niṭṭhito.

Āpattibhedavaṇṇanā

122. **Tattha tatthāti** bhūmaṭṭhathalaṭṭhādīsu. **Pāliyaṃ** manussapariggahitaṃ sandhāya “parapariggahitaṃ” ti vuttaṃ. Āmasati phandāpeti ṭhānā cāvetīti imehi tīhi padehi pubbapayogasahitaṃ pañcamaṃ avahāraṅgaṃ vuttaṃ, ṭhānā cāvetīti ca idaṃ upalakkhaṇamattaṃ. Āṇattikādayo sabbepi payogā dhuranikkhepo ca idha saṅghetabbā vāti daṭṭhabbaṃ.

125. **Ṭhānācāvananti** idaṃ pāli-anusārato vuttaṃ dhuranikkhepassāpi saṅghetabbato. Esa nayo uparipi sabbattha. Tattha hi na ca sakasaññīti iminā parapariggahitā vuttā, na ca viśāsaggāhī na ca tāvakālikanti imehi parapariggahitasāññitā, tīhi vā etehi parapariggahitā parapariggahitasāññitā ca vuttāti veditabbā. **Anajjhāvutthakanti** “mamedan” ti pariggahavasena anajjhāvutthakaṃ araññe dāruṭiṇapaṇṇādī. **Chaḍḍitanti** paṭhamam pariggahetvā pacchā anattikatāya chaḍḍitaṃ yaṃ kiñci. **Chinnamūlakanti** naṭṭham pariyesitvā ālayasaṅkhātassa mūlassa chinnattā chinnamūlakaṃ. **Assāmikanti** anajjhāvutthakādīhi tīhi ākārehi dassitaṃ assāmikavatthu. **Ubhayampīti** assāmikaṃ attano santakañca.

Anāpattibhedavaṇṇanā

131. **Tasmimyeva attabhāve nibbattāti** tasmimyeva matasarīre petattabhāvena nibbattā. **Rukkhādīsu laggitasātake vattabbameva natthīti** manussehi agopitaṃ sandhāya vuttaṃ, sace panetaṃ devālayacetiyarukkhādīsu niyuttehi purisehi rakkhitagopitaṃ hoti, gahetuṃ na vaṭṭati. **Thoke khāyite -pa- gahetuṃ vaṭṭatīti** idam adinnādānābhāvaṃ sandhāya vuttaṃ. Jighacchitapāṇinā khādiyamānamamsassa acchinditvā khādanam nāma kāruññahānito lolabhāvato ca asārupameva. Teneva hi ariyavaṃsikā attano patte bhattaṃ khādantampi sunakhādīṃ tajjetvā na vārenti, tiracchānānaṃ āmisadāne kusalaṃ viya tesam āmisassa acchindanepi akusalamevāti gahetabbaṃ, teneva vakkhati “parānuddayatāya ca na gahetabbaṃ”ti¹.

Pakiṇṇakakathāvaṇṇanā

Bahu ekato dāru-ādibhāriyassa ekassa bhaṇḍassa ukkhipanakāle “gaṇhatha ukkhipathā”ti vacīpayogena saddhim kāyapayogasabbhāvaṭṭhānaṃ sandhāya “sāhatthikāṇattikan”ti vuttaṃ. “Tvaṃ etaṃ vatthuṃ gaṇha, ahaṃ aññaṃ”ti evaṃ pavatte pana avahāre attanā gahitaṃ sāhatthikameva, parena gāhāpitaṃ āṇattikameva, teneva tadubhayagghena pañcamāsepi pārājikaṃ na hoti, ekekabhaṇḍagghavasena thullaccayādimeva hoti. Vuttañhi “sāhatthikaṃ vā āṇattikassa aṅgaṃ na hoti”ti-ādi². Upanikkhittabhaṇḍaṃ bhaṇḍadeyyaṅca adātukāmatāya “demi dammī”ti vikkhipanto tuṇhībhāvena viheṭṭhenti tena tena kāyavikārādikiriyaṃ parassa dhuraṃ nikkhipāpesīti “kiriyaṃsamuṭṭhānañcā”ti vuttaṃ.

Padabhājanīyavaṇṇanānayo niṭṭhito.

1. Vi-Ṭṭha 1. 334 piṭṭhe.

2. Vi-Ṭṭha 1. 321 piṭṭhe.

Vinītavatthuvaṇṇanā

135. Vinītavatthūsu niruttiyeva taṃtaṃatthaggaṇaṇassa upāyatāya pathoti niruttipatho, tenevāha “vohāravacanamatte”ti. **Yathākammaṃ gatoti** tato petattabhāvato matabhāvaṃ dasseti. **Abbhunḥeti** āsannamaraṇatāya sarīrassa uṇhasamaṅgitaṃ dasseti, tenevāha “allasarīre”ti. Kuṇapabhāvaṃ upagatampi bhinnameva allabhāvato bhinnattā. **Visabhāgasarīreti** itthisarīre. **Sīse vāti**-ādi adhakkhake ubbhajāṇumaṇḍale padese cittavikārapattim sandhāya vuttaṃ, yatha katthaci anāmasantena kataṃ sukatameva. Matasarīrampi hi yena kenaci ākārena sañcicca phusantassa anāmāsadukkaṭamevāti vadanti, taṃ yuttameva. Na hi apārājikavatthukepi cittādi-itthirūpe bhavantaṃ dukkaṭaṃ pārājikavatthubhūte matitthisarīre nivattati.

Kusasaṅkāmanavatthukathāvaṇṇanā

138. **Balasāti** balena. **Sāṭako bhavissati, gaṇhissāmīti** anāgatavacanāṃ pasibbakagggaṇato puretaraṃ samuppannaparikappadassanavasena vuttaṃ. Gahaṇakkhaṇe pana “sāṭako ce, gaṇhāmī”ti pasibbakaṃ gaṇhātīti evamettha adhippāyo gahetabbo, na pana bahi nīharitvā sāṭakabhāvaṃ ṇatvā gahessāmīti, tenāha “uddhāreyeva pārājikan”ti. Itarathā “idāni na gaṇhāmī¹, pacchā andhakāre jāte vijānanakāle vā gaṇhissāmi, idāni olokento viya hatthagataṃ karomī”ti gaṇhantassāpi gahaṇakkhaṇe avahāro bhaveyya, na ca taṃ yuttaṃ tadā gahaṇe sannitṭhānābhāvā. Sannitṭhāpakacetanāya eva hi pāṇātipātādi-akusalaṃ viya. Na hi “pacchā vadhissāmī”ti pāṇaṃ gaṇhantassa tadeva tasmim̐ matepi pāṇātipāto hoti vadhakacetanāya payogassa akatattā, evamidhāpi atthaṅgate sūriye avaharissāmīti-ādinā kālaparikappanavasena ṭhānā cāvitepi tadāpi avahāro na hoti **okāsaparikappe** viya², tasmim̐ pana yathāparikappitaṭṭhāne kāle āgate bhaṇḍaṃ bhūmiyaṃ anikkhipitvāpi theyyacittena gacchato padavārena avahāroti khāyati. Tasmā bhaṇḍaparikappo okāsaparikappo kālaparikappoti tividhopi

1. Na gaṇhāmīti (Sī, Ka)

2. Vi-Ṭṭha 1. 331 piṭṭhe.

parikappo gahetabbo. **Aṭṭhakathāyaṃ** pana okāsaparikappe samodhānetvā kālaparikappo visum na vuttoti amhākaṃ khanti, vīmaṃsitvā gahetabbaṃ. **Padavārena kāretabboti** bhūmiyaṃ anikkhipitvā vīmaṃsitattā vuttaṃ. **Pariyutṭhitoti** anubaddho.

Parikappo dissatīti gahaṇakkhaṇe parikappo dissati, na tadā tesam matena avahāroti dasseti. **Disvā haṭattā parikappāvahāro na dissatīti** pacchā pana bahi vīmaṃsitvā sāṭakabhāvaṃ ṇatvā tato pacchā theyyacittena haṭattā pubbe katassa parikappassa avahārānaṅgattā “suttan”ti ṇatvā haraṇe viya theyyāvahāro eva siyā. Tasmā parikappāvahāro na dissati. Sāṭako ce bhavissatīti-ādikassa parikappassa tadā avijjamānattā kevalaṃ avahāro eva, na parikappāvahāroti adhippāyo, tena bhaṇḍaparikappāvahārassa “sāṭako ce bhavissati, gahessāmī”ti evaṃ bhaṇḍasanniṭṭhānābhāvakkhaṇeyeva pavattim dasseti, tenāha “yaṃ parikappitaṃ, taṃ adiṭṭhaṃ parikappitabhāve ṭhitāmyeva uddharantassa avahāro”ti. Yadi evaṃ kasmā okāsaparippāvahāro bhaṇḍaṃ disvā avaharantassa parikappāvahāro siyāti? Nāyaṃ doso abhaṇḍavisayattā tassa parikappassa, pubbeva disvā ṇātabhaṇḍasseva hi okāsaparikappo vutto. **Taṃ maññamāno taṃ avaharīti** idaṃ suttaṃ kiñcāpi “taññevetan”ti niyametvā gaṇhantassa vasena vuttaṃ, tathāpi “tañce gaṇhissāmī”ti evaṃ pavatte imasmiṃ parikappepi “gaṇhissāmī”ti gahaṇe niyamasabbhāvā avahāratthasādhakaṃ hotīti uddhaṭaṃ, teneva “sametī”ti vuttaṃ.

Kecīti mahā-aṭṭhakathāyameva ekacce ācariyā. **Mahāpaccariyaṃ panāti-**ādināpi kecivādo gārayho, mahā-aṭṭhakathāvādova yuttataroti dasseti.

Alaṅkārabhaṇḍanti aṅgulimuddikādi. **Kusaṃ pātetvāti** vilīvamayaṃ vā tālapaṇṇādimaṃ vā katasaññānaṃ pātetvā. Parakoṭṭhāsato kuse uddhaṭepi na tāva kusassa parivattanaṃ jātanti vuttaṃ “uddhāre rakkhatī”ti. **Hatthato muttamatte pārājikanti** iminā ṭhānācāvanaṃ dhuranikkhepañca vinā kusasaṅkāmanaṃ nāma visum ekoyaṃ avahāroti dasseti. Sabbepi hi

avahārā sāhatthikāṇattikādhippāyayogehi nipphādiyamānā atthato
 ṭhānācāvanadhuranikkhepakusasaṅkāmanesu tīsu samosarantīti daṭṭhabbāṃ.
Itaro tassa bhāgaṃ uddharati, uddhāre pārājikanti purimassa attano koṭṭhāse
 ālayassa avigatattā vuttāṃ, ālaye pana sabbathā asati avahāro na hoti, tenāha
 “vicinitāvasesaṃ gaṇhantassāpi avahāro natthevā”ti.

Nāyaṃ mamāti jānantopīti ettha **pi**-saddena tattha vematikopi hutvā
 theyyacittena gaṇhantopi saṅgayhati. **Siveyyakanti** siviraṭṭhe jātaṃ.

140-1. **Kappiyaṃ kārāpetvāti** pacāpetvā. **Tasmim̐ pācittiyanti**
 adinnādānabhāvena sahapayogassāpi abhāvā dukkaṭaṃ na vuttanti
 veditabbāṃ. **Āṇattehīti** sammatena āṇattehi. **Āṇattenāti** sāmikehi āṇattena.
Bhaṇḍadeyyanti sammatādīhi dinnattā na parājikaṃ jātaṃ, asantaṃ
 puggalaṃ vatvā gahitattā pana bhaṇḍadeyyaṃ vuttaṃ. **Aññena**
diyyamānanti sammatādīhi catūhi aññena diyyamānaṃ. **Gaṇhantoti**
 “aparassa bhāgaṃ dehī”ti vatvā gaṇhanto. (**Aparassāti**)¹ asantaṃ puggalaṃ
 adassetvā pana “aparaṃ bhāgaṃ dehī”ti vā kūṭavassāni gaṇetvā vā gaṇhato
 gihisantake sāmīnā ca “imassa dehī”ti evaṃ āṇattena ca dinne
 bhaṇḍadeyyampi na hoti, saṅghasantake pana hotīti imaṃ visesaṃ
 dassetuṃ **asammattena vā anāṇattena vāti**-ādi puna vuttaṃ. **Itarehi**
diyyamānanti sammatena āṇattena vā diyyamānaṃ. **Evaṃ gaṇhatoti**
 “aparampi bhāgaṃ dehī”ti vatvā kūṭavassāni gaṇetvā vā gaṇhato. **Sāmikena**
panāti ettha **pana**-saddo visesatthajotako, tena “aparampi bhāgaṃ dehī”ti vā
 kūṭavassāni gaṇetvā vā gaṇhante sāmikena sayāṃ dente vā dāpente vā
 viseso atthīti vuttaṃ hoti. **Sudinnanti** bhaṇḍadeyyaṃ na hotīti adhippāyo.
 Heṭṭhā pana sāmikena tena āṇattena vā diyyamānaṃ gihisantaṃ “aparassa
 bhāgaṃ dehī”ti vatvā gaṇhato aparassa abhāvato sāmisantakameva hotīti
 bhaṇḍadeyyaṃ jātaṃ, idha² pana tehiyeva diyyamānaṃ “aparampi bhāgaṃ
 dehī”ti vatvā vā kūṭavassāni gaṇetvā vā gaṇhato “dehī”ti

1. () Sabbattha, so adhikapāḷho.

2. Tam idha (Sī, Ka)

vuttattā aññātakaviññattimattaṃ ṭhapetvā bhaṇḍadeyyaṃ na hotīti sudinnaevāti vuttaṃ. Assāmikena pana āṇattena dinnam bhaṇḍam gaṇhato bhaṇḍadeyyamevāti vadanti, pattacatukke viya avahāratāvettha yuttā, saṃghasantake pana “dehī”ti vuttepi sāmikassa kassaci abhāvā sammatena dinnepi bhaṇḍadeyyaṃ vuttanti gahetabbaṃ.

146-9. **Āharāpentesu bhaṇḍadeyyanti** “gahite attamano hotī”ti¹ vacanato anattamanassa santakaṃ gahitampi puna dātabbamevāti vuttaṃ. “Sammukhībhūtehi bhājetabbaṃ”ti vacanato bhājanīyabhaṇḍam upacārasīmaṭṭhānameva pāpuṇātīti āha “anto-upacārasīmāyaṃ ṭhitasseva gahetum vaṭṭatī”ti. **Bhaṇḍadeyyanti** ubhinnaṃ sālayabhāvepi corassa adatvā sāmikasseva dātabbaṃ coreṇāpi sāmikasseva dātabbato. **Eseva nayoti** paṃsukūlasaññāya gahite bhaṇḍadeyyaṃ, theyyacittena pārājikanti attho.

Vuṭṭhahantesūti gāmaṃ chaḍḍetvā palāyantesu. **Avisesenāti** sa-ussāhatādivisesaṃ aparāmasitvā sāmāññato. Sa-ussāhamattameva āpattibhāvassa pamāṇaṃ sāmikānaṃ paricchinnabhāvato. **Tatoti** gaṇasantakādito. **Kulasaṅgahaṇatthāya detīti** paṃsukūlavissāsikādīsaññāya gahetvā deti, tadā kulasaṅgahapaccayā ca dukkaṭaṃ bhaṇḍadeyyaṃca, theyyacitte pana satī kulasaṅgahaṇatthāya gaṇhatopi pārājikameva. Ūnapañcamāsakādīsu kuladūsakadukkaṭena saddhim thullaccayadukkaṭāni. **Senāsanatthāya niyamitanti** idaṃ issaravatāya dadato thullaccayadassanatthaṃ vuttaṃ. Itarapaccayatthāya dinnampi attheyyacittena issaravatāya kulasaṅgahaṇatthāya vā ñātakādīnaṃ vā dadato dukkaṭaṃ bhaṇḍadeyyaṃca hoteva. **Issaravatāyāti** “mayi dente ko nivāressati, ahamevettha pamāṇaṃ”ti evaṃ attano issariyabhāvena. **Thullaccayanti** kulasaṅgahaṇatthāya vā aññathā vā kāraṇena dadato senāsanatthāya niyamitassa garubhaṇḍatāya thullaccayaṃ bhaṇḍadeyyaṃca. **Gīvāti** ettha senāsanatthāya niyamite thullaccayena saddhim gīvā, itarasmim dukkaṭena saddhinti veditabbaṃ. **Sukhādītamevāti** anto-upacārasīmāyaṃ ṭhatvā bhājetvā attano santakaṃ katvā khādītattā vuttaṃ. Saṃghikañhi

1. Vi-Ṭṭha 1. 326 piṭṭhe.

vihārapaṭibaddham vebhaṅgiyaṃ bahi-upacārasīmaṭṭham bhaṇḍaṃ anto-upacāraṭṭhehi bhikkhūhi eva bhājetabbaṃ, na bahi ṭhitehi upacārasīmāya bhājetabbanti.

150. “Vutto vajjemī”ti vuttabhikkhusmiṃ “vutto vajjehī”ti vuttassa pacchā uppajjanakapārājikādidosāropanato, gahaṭṭhānaṃ vā “bhadantā aparicchedaṃ katvā vadantī”ti evaṃ dosāropanato.

153-5. **Chātajjhantanti** tena chātena jighacchāya udaragginā jhantaṃ, daḍḍhaṃ pīḷanti attho. **Dhanukanti** khuddakadhanusaṅṭhānaṃ lagganakadaṇḍaṃ. **Maddanto gacchati, bhaṇḍadeyyanti** ettha ekasūkaragghanakabhaṇḍaṃ dātabbaṃ ekasmiṃ bandhe aññesaṃ tattha abajjhanato. **Adūhalanti** yantapāsāṇo, yena ajjhottaṭṭā migā palāyituṃ na sakkonti. **Pacchā gacchati**ti tena katapayogena agantvā pacchā sayameva gacchati, heṭṭhā vuttasupi idisesu ṭhānesu eseva nayo. **Rakkhaṃ yācivāti** rājapurisānaṃ santikaṃ gantvā anuddissa rakkhaṃ yācivā. **Kumīnamukhanti** kumīnassa anto macchānaṃ pavisanamukhaṃ.

156. **Therānanti** āgantukattherānaṃ. **Tesampīti** āvāsikabhikkhūnampi. **Paribhogatthāyāti** saṅghike kattabbavidhiṃ katvā paribhuñjanatthāya. Gahaṇeti pāṭhaseso daṭṭhabbo. **Yatthāti** yasmim āvāse. **Aññesanti** aññesaṃ āgantukānaṃ. **Tesupi āgantukā anissarāti** senāsane nirantaraṃ vasantānaṃ cīvaratthāya dāyakehi bhikkhūhi vā niyametvā dinnattā bhājetvā khādituṃ anissarā, āgantukehipi icchantehi tasmim vihāre vassānādīsu pavisitvā cīvaratthāya gahetabbaṃ. **Tesaṃ katikāya ṭhātabbanti** sabbāni phalāphalāni abhājetvā “ettakesu rukkesu phalāni bhājetvā paribhuñjissāma, aññesu phalāphalehi senāsānāni paṭijaggissāmā”ti vā, “piṇḍapātādipaccayaṃ sampādessāmā”ti vā, “kiñcipi abhājetvā catupaccayatthāyeva upanemā”ti vā evaṃ sammā upanentānaṃ āvāsikānaṃ katikāya āgantukehi ṭhātabbaṃ. **Mahā-aṭṭhakathāyaṃ** “anissarā”ti vacanena dīpito eva attho, **mahāpaccariyaṃ** catunnaṃ paccayānanti-ādinā vitthāretvā dassito. **Paribhogavasenevāti** ettha eva-saddo aṭṭhānappayutto, paribhogavasena tameva bhājetvāti yojetabbaṃ. **Etthāti** etasmim vihāre, raṭṭhe vā.

Senāsanapaccayanti senāsanāṅca tadatthāya niyametvā ṭhapitaṅca. **Ekaṃ vā dve vā varasenāsanāni ṭhapetvāti** vuttamevatthaṃ puna byatirekamukhena dassetuṃ “mūlavatthucchedaṃ pana katvā na upanetabban”ti vuttaṃ, senāsanasaṅkhātavatthuno mūlacchedaṃ katvā sabbāni senāsanāni na vissajjetabbānīti attho. Keci panettha “ekaṃ vā dve vā varasenāsanāni ṭhapetvā lāmakato paṭṭhāya vissajjentehipi senāsanabhūmiyo na vissajjetabbāti ayamattho vutto”ti vadanti, tampi vuttameva imassāpi atthassa avassaṃ vattabbato, itarathā keci saha vatthunāpi vissajjetabbaṃ maññeyyūṃ.

Paṇṇaṃ āropetvāti “ettake rukkhe rakkhivā tato ettakaṃ gahetabban”ti paṇṇaṃ āropetvā. **Nimittasaññaṃ katvāti** saṅketāṃ katvā. **Dāraḱāti** tesāṃ puttanaṭṭādayo ye keci gopenti, te sabbepi idha “dāraḱā”ti vuttā. **Tatoti** yathāvuttadārusambhārato. **Āpucchitvāti** kāraḱasaṅghaṃ āpucchitvā. **Taṃ sabbampi āharitvāti** anāpucchitvāpi tāvakālikaṃ āharitvā. **Ayameva bhikkhu issaroti-ādito** paṭṭhāya attano santakehi dārusambhārādīhi ca kārāpitattā paṭijaggitattā ca saṅghikaḱasenaḱasane bhāgitāya ca ayameva issaro, na ca so tato vuṭṭhāpetabboti vuttaṃ hoti. **Udakaḱūjanti** cetiyaṅgaṇe siṅcanaḱipūjaṃ. **Vattasiṅnāti** kevalaṃ saddhāya, na vetanādi-atthāya¹. **Savatthukanti** saha bhūmiyā. **Kuṭṭanti** gehabhittiṃ. **Pākāraṅti** parikkhepapākāraṃ. **Tatoti** chaḱḱitavihārato. **Tato āharitvā senāsanāṃ kataṃ hotīti** sāmantaḱāmaḱāsīhi bhikkhūhi chaḱḱitavihārato dārusambhārādīṃ āharitvā senāsanāṃ kataṃ hoti.

157. “Puggalikaḱaribhogena ḱaribhuṅḱati”ti vuttamatthaṃyeva pākaṱaṃ kātuṃ “āḱatāḱatānaṃ vuḱḱhataraṅanaṃ na detī”ti vuttaṃ. **Catubhāḱa-udakaḱasambhinneti** catutthabhāḱena sambhinne. **Pāḱiyaṃ** “anāḱatti bhikkhave pāraḱikassā”ti² sāmikehi thullanandaṃ uddissa etissā hatthe dinnattā, attheyyacittena ḱaribhuṅḱitattā ca vuttaṃ. Theyyacittena ḱaribhuttepi cassā bhāḱadeyyameva upanikkhittabhāḱaḱatṭhāniyattā. **Odanabhāḱaniyavattusmīnti** “aparassa bhāḱaṃ dehī”ti āḱatavattusmīṃ³.

1. Vettanādi... (Ka)

2. Vi 1. 84 piṭṭhe.

3. Vi 1. 74 piṭṭhe.

159. **Tassa kulassa anukampāya pasādānurakkhaṇatthāyāti-ādinā** kulasaṅgahattham nākāsīti dasseti. “Yāva dārakā pāsādam ārohanti, tāva pāsādo tesam santike hotū”ti pubbe kālaparicchedam katvā adhiṭṭhitattā eva yathākālaparicchedameva tattha tiṭṭhati, tato param pāsādo sayameva yathāṭṭhānam gacchati, tathāgamanañca iddhivissajjanena sañjātam viya hotīti vuttam “thero iddhiṃ paṭisamharī”ti. Yasmā evam iddhividhaññena karontassa kāyavacīpayogā na santi theyyacittañca natthi pāsādasseva vicāritattā, tasmā “ettha avahāro natthī”ti thero evamakāsīti daṭṭhabbam. Atha vā dārakesu anukampāya ānayanatthameva pāsāde upanīte pāse baddhasūkarādīnam āmisam dassetvā ṭhānācāvanam viya karamarānītesu dārakesu pāsādam āruḷhesupi puna paṭisamharaṇe ca idha avahāro natthi kāruññādhippāyattā, bhaṇḍadeyyampi na hoti kāyavacīpayogābhāvā. Kāyavacīpayoge satiyeva hi āpatti bhaṇḍadeyyam vā hoti, teneva bhagavā “anāpatti bhikkhave attheyyacittassā”ti-ādim avatvā “anāpatti bhikkhave iddhimassa iddhivisaye”ti¹ ettakameva avoca. **Iddhivisayeti** cettha parabhaṇḍādāyakakāyavacīpayogāsamuṭṭhāpakassa kevalam manodvārikassa attheyyacittabhūtassa iddhicittassa visaye āpatti nāma natthīti adhippāyo gahetabbo. Kim pana paṭikkhittam iddhipāṭihāriyam katum vaṭṭatīti codanam sandhāyāha “īdisāya adhiṭṭhānidhiyā anāpatti”ti. “Anāpatti bhikkhave iddhimassa iddhivisaye”ti hi imināyeva suttena adhiṭṭhānidhiyā appaṭikkhittabhāvo sījhati. Attano pakativaṇṇam avijahitvā bahiddhā hatthi-ādidassanam, “ekopi hutvā bahudhā hotī”ti² āgatañca adhiṭṭhānavasena nipphannattā **adhiṭṭhānidhi** nāma, “so pakativaṇṇam vijahitvā kumārakavaṇṇam vā dasseti, nāgavaṇṇam -pa- viddhampi senābyūham dasseti”ti³ evam āgatā iddhi pakativaṇṇavijahanavikārasena pavattattā **vikubbaniddhi** nāma. Attano pana pakatirūpam yathāsabhāvena ṭhapetvāva bahi hatthi-ādidassanam vikubbaniddhi nāma na hoti, attano rūpameva hatthi-ādirūpena nimmānam vikubbaniddhīti veditabbam.

1. Vi 1. 85 piṭṭhe.

2. Dī 1. 73, 74; Ma 1. 98; Khu 9. 107 piṭṭhādīsu.

3. Khu 9. 388 piṭṭhe Paṭisambhidāmagge.

Parājītakilesenāti vijitakilesena, nikkilesenāti attho. **Idhā**ti imasmim̄ sāsane, tena dutiyapārājikasikkhāpadena samam̄ aññam̄ anekanayavokiṇṇam̄ gambhīratthavinicchayam̄ kiñci sikkhāpadam̄ na vijjatīti yojanā. Tattha attho nāma pāḷi-attho, vinicchayo pāḷimuttakavinicchayo, te gambhīrā yasmim̄, tam̄ **gambhīratthavinicchayam̄**. **Vatthumhi otiṇṇeti** codanāvasena vā attanāva attano vītikkamārocanavasena vā saṅghamajjhe adinnādānavatthusmim̄ otiṇṇe. **Etthā**ti otiṇṇavatthumhi. **Vinicchayoti** āpattānāpattiniyamanam̄. **Kappiyepi ca vatthusminti attanā**¹ gahetum̄ yutte mātāpitādīnam̄ santakepi.

Iti samantapāsādikāya vinayaṭṭhakathāya vimativinodaniyam̄

Dutiyapārājikavaṇṇanānayo niṭṭhito.

3. Tatiyapārājika

Tihīti kāyavacīmanodvārehi.

Paṭhamapaññattinidānavāṇṇanā

162. Yā ayam̄ heṭṭhā tam̄ panetaṃ buddhakāle ca cakkavattikāle ca nagaram̄ hotīti-ādīnā² rājagahassa buddhuppādeyeva vepullappatti vuttā, sā etthāpi samānāti dassetum̄ “idampi ca nagaran”ti vuttam̄, tena ca na kevalam̄ rājagahādayo evāti dasseti. **Mahāvanam̄ nāmā**ti-ādi majjhimabhāṇakasaṃyuttabhāṇakānam̄ matena vuttam̄, dīghabhāṇakā pana “himavantena saddhim̄ ekābaddham̄ hutvā ṭhitam̄ mahāvanan”ti vadanti. **Haṃsavattakacchadanē**ti³ haṃsavattakapaṭicchannena⁴, haṃsamaṇḍalākārenāti attho. **Kāyavicchandaniyakathanti** karajakāye virāguppādanakatham̄. **Chandoti** dubbalarāgo. **Rāgoti** balavarāgo. “Kesalomādin”ti saṅkhepato vuttamattham̄ vibhāgena dassetum̄ **yepi hī**ti-ādi vuttam̄. **Pañcapañcappabhedanē**ti ettha pañca pañca pabhedā etassa pariyāyassāti

1. Attano (Sī)

3. Haṃsavattakacchannēti (Sī, Ka)

2. Vi-Ṭṭha 1. 247 piṭṭhe.

4. ...paricchannena (Ka)

pañcapañcappabhedo, tena pañcapañcappabhedenāti evaṃ
bāhiratthasamāsavasena pariyāyavisesanātaṃ daṭṭhabbā.

Asubhāyāti asubhamātikāya. Vaṇṇetabbamātikañhi apekkhitvā itthilinge
sāmvacanāṃ, tenāha **mātikam nikkhipitvāti**-ādi. **Tam vibhajantoti** mātikam
vibhajanto. **Phātikammanti** nipphattikaraṇam. **Pañcaṅgavippahīnanti**
kāmacchandādipañcanīvaraṇaṅgavigamena pañcaṅgavippahīnatā,
appanāppattavitakkādijjhānaṅgānaṃ uppattivāsena pañcaṅgasamannāgatā
ca veditabbā. **Tividhakalyāṇam dasalakkhaṇasampannanti** ettha pana
jhānassa ādimajjhapariyosānānaṃ vasena tividhakalyāṇatā, tesāmyeva
ādimajjhapariyosānānaṃ lakkhaṇavasena dasalakkhaṇasampannatā ca
veditabbā. **Atṭhakathāyaṃ** pana “dasalakkhaṇavibhāvaneneva
tannissayabhūtā tividhakalyāṇatāpi jhānassa pākaṭā hotīti **tatrimānīti**-ādi
vuttaṃ.

Tatrāyaṃ pālīti tasmim dasalakkhaṇavibhāvanavisaye ayaṃ pālī.
Paṭipadāvisuddhīti gotrabhupariyosānāya pubbhāgapaṭipadāya jhānassa
nīvaraṇādīparibandhato visuddhi, sāyaṃ yasmā upekkhānubrūhanādīnampi
paccayattena padhānā purimakāraṇasiddhā ca, tasmā vuttaṃ
“paṭipadāvisuddhi ādi”ti. **Upekkhānubrūhanāti** visodhetabbatādīnaṃ
abhāvato tatramajjhātupekkhāya kiccanipphattiyā anubrūhanā, sā pana
paribandhavisuddhisamakālavibhāvinīpi tabbisuddhiyāva nipphannāti
dīpanatthamāha “upekkhānubrūhanā majjhe”ti. **Sampahaṃsanāti**
vatthudhammādīnaṃ¹ anativattanādisādhakassa nīṇassa
kiccanipphattivāsena pariyodapanā, sā pana yasmā kattabbassa
sabbakicassa nipphattiyāva siddhā nāma hoti, tasmā vuttaṃ
“sampahaṃsanā pariyosānaṃ”ti. Tīṇipi cetāni kalyāṇāni ekakkhaṇe
labbhamānānīpi paccayapaccayuppannatādivāsena pavattantīti dassanatthaṃ
ādimajjhapariyosānabhāvena vuttāni, na pana jhānassa uppādādikkhaṇattaye
yathākkamaṃ labbhamānattāti daṭṭhabbāṃ. **Majjhimaṃ samādhinimittam**²
paṭipajjati-ādīsu majjhimaṃ samādhinimittam nāma samappavatto
appanāsamādhīyeva. So hi līnuddhaccasaṅkhātānaṃ ubhinnaṃ antānaṃ
anupagamanena majjhimo, savisesaṃ cittassa ekattārammaṇe ṭhapanato
samādhīyeva uparivisesānaṃ kāraṇabhāvato “samādhinimittan”ti vuccati,
tam paṭipajjati paṭilabbhatīti attho.

1. Tattha dhammādīnaṃ (Sī)

2. Samathanimittam (Vi-Ṭṭha 2)

Evam paṭipannattā majjhimena samādhinimittena tatha ekattārammaṇe appanāgocare pakkhandati upatiṭṭhati, evam visuddhassa pana tassa cittassa puna visodhetabbābhāvato visodhane byāpāram akaronto puggalo visuddham cittam ajjupekkhati nāma. Samathabhāvūpagamanena samathapaṭipannassa puna samādhāne byāpāram akaronto samathapaṭipannam ajjupekkhati, samathapaṭipannabhāvato evamassa kilesasamsaggam pahāya ekattena upaṭṭhitassa puna ekattupaṭṭhāne byāpāram akaronto ekattupaṭṭhānam ajjupekkhati nāma.

Tattha jātānanti-ādīsu ye pana te evam upekkhānubrūhite tasmim jhānacitte jātā samādhipaññāsaṅkhātā yuganaddhadhammā¹, tesam aññamaññam anativattanasabhāvena sampahaṃsanā visodhanā pariyodapanā ca, saddhādīnam indriyānam kilesehi vimuttattā vimuttirasena ekarasatāya sampahaṃsanā ca, yañcetam tadupagam tesam anativattana-ekarasabhāvānam anucchavikam vīriyam, tassa tadupagavīriyassa vāhanaṭṭhena pavattanaṭṭhena sampahaṃsanā ca, tasmim khaṇe yathāvuttadhammānam āsevanaṭṭhena sampahaṃsanā ca, pariyodapanā ca pariyodapanakassa ñāṇassa kiccanipphattivaseneva ijhatīti veditabban. **Evam tividdhattagam cittanti-ādīni** tasseva cittassa thomanavacanāni. **Vitakkasampannanti** vitakkaṅgena sundarabhāvamupagam. **Cittassa adhiṭṭhānasampannanti** tasmiññeva ārammaṇe cittassa nīrantarappavattisaṅkhātēna samādhinā sampannam, idam jhānaṅgavasena vuttam. **Samādhisampannanti** idam pana indriyavasenāti veditabban.

Paṭikuṭatīti saṅkucati. **Paṭivaṭṭatīti** paṭinivaṭṭati. **Nhārudaddulanti** nhārukhaṇḍam. **Payuttavācanti** paccayapariyesane niyuttavācam. **Daṇḍavāgurāhīti** daṇḍapaṭibaddhāhi dīghajālasaṅkhātāhi vāgurāhi.

Samaṇakuttakoti kāśāyanivāsanādisamaṇakiccako. **Vaggumudāti** ettha “vaggumatā”ti vattabbe lokikā “mudā”ti vohariṃsūti dassento āha “vaggumatā”ti. “Vaggū”ti matā, suddhasammataṭi attho, tenāha “puññasammata”ti. Sattānam pāpunanena² sodhanena sā puññasammata.

163. Mārassa dheyyam ṭhānam, vatthu vā nivāso mārādheyyam, so atthato tebhūmakadhammā eva, idha pana pañca kāmaguṇā adhippetā, tam

1. Yuganandhadhammā (Sī)

2. Pāpapunanena (Sī)

māradheyyaṃ. “Ayaṃ samaṇakuttako yathāsamuppannaṃvegamūlakena samaṇabhāvūpagamanena atikkamituṃ sakkhissatī”¹ti¹ cintetvā avoca, na pana “arahattappattiyā tīsu bhavesu appaṭṭisandhikatāya taṃ atikkamituṃ sakkhissatī”¹ti¹ maraṇeneva sattānaṃ saṃsāramocanaladdhikattā devatāya. Na hi matānaṃ² katthaci paṭṭisandhi gacchati. **Iminā atthena evameva bhavitabbanti** iminā paresaṃ jīvitā voropanatthena evameva saṃsāramocanasabhāveneva bhavitabbaṃ. “Attanāpi attānaṃ jīvitā voropenti, aññaṃaññaṃpi jīvitā voropenti”³ti³ vuttattā **sabbānīpi tāni pañcabhikkhusatāni jīvitā voropesīti** idaṃ yebhuyyavasena vuttanti gahetabbaṃ. Tasmā ye attanāpi attānaṃ aññaṃaññaṃca jīvitā voropesuṃ, te puthujjanabhikkhū ṭhapetvā tadavasese ca puthujjanabhikkhū, sabbe ca ariye ayaṃ jīvitā voropesīti veditabbaṃ.

164. **Ekībhāvatoti** pavivekato. **Uddesaṃ paripucchaṃ gaṇhantīti** attano attano ācariyānaṃ santike gaṇhanti, gahetvā ca ācariyehi saddhiṃ bhagavantaṃ upaṭṭhahanti. Tadā pana uddesādidāyakā tanubhūtehi bhikkhūhi bhagavantaṃ upagatā, taṃ sandhāya bhagavā pucchati.

Ānāpānassatisamādhikathāvaṇṇanā

165. Dasānussatīsu antogadhāpi ānāpānassati tadā bhikkhūnaṃ bahūnaṃ sappāyataṃ dassetuṃ puna gahitā. Tathā hi taṃ bhagavā tesāṃ desesi. Āhāre paṭikkūlasaññā asubhakammaṭṭhānasadisā, cattāro pana āruppā ādikammikānaṃ ananurūpāti tesāṃ idha aggahaṇaṃ daṭṭhabbaṃ. **Aññaṃ pariyāyanti** arahattādhigamatthāya aññaṃ kāraṇaṃ. **Atthayojanākkamanti** atthañca yojanākkamañca. **Assāsavasenāti** assāsaṃ ārammaṇaṃ katvāti vuttaṃ hoti. **Upaṭṭhānaṃ satīti** appamussanatāya tameva assāsaṃ passāsañca upagantvā ṭhānaṃ, tathā tiṭṭhanakadhammo sati nāmāti attho. Idāni sativaseneva puggalaṃ niddisitukāmena **yo assasatīti**-ādi vuttaṃ. Tattha yo assasati, tassa sati assāsaṃ upagantvā tiṭṭhatīti-ādinā attho gahetabbo. **Akosallasambhūtetī**

1. Na sakkhissatīti (Sī)

2. Na hi sā matānaṃ (Sī)

3. Vi 1. 86 piṭṭhe.

avijjāsambhūte. **Khaṇenevā**ti attano pavattikkhaṇeneva. Ariyamaggassa pādakabhūto ayaṃ samādhi anukkamena vaḍḍhitvā ariyamaggabhāvaṃ upagato viya hotīti āha “ariyamaggavuḍḍhippatto”ti. **Opammanidassananti** ettha upamāva opammaṃ, tassa nidassanaṃ.

Bāhirakā ānāpānassatiṃ jānantā ādito catuppakārameva jānanti, na sabbaṃ soḷasappakāranti āha **sabbappakāra-iccādi**. **Evamassetam** **senāsananti** ettha **evanti** bhāvanāsatiyā yathāvuttanayena ārammaṇe cittassa nibandhane satiyeva, nāsatiṃ attho, tena muṭṭhassatissa araññavāso niratthako ananurūpoti dasseti. **Avasesasattavidhasenāsananti** “pabbataṃ kandaraṃ giriguhaṃ susānaṃ vanapatthaṃ abbhokāsaṃ palālapuñjaṃ”ti¹ evaṃ vuttaṃ. **Ututtayānukūlaṃ dhātucariyānukūlanti** gimhānādi-ututtayassa semhādihātuttayassa mohādicariyattayassa ca anukūlaṃ. Nisajjāya daḷhabhāvaṃ pallaṅkābhujanena, assāsapassāsānaṃ pavattanasukhataṃ uparimakāyassa ujukaṃ ṭhapanena, ārammaṇapariggahūpāyaṃ parimukhaṃ satiyā ṭhapanena **upadisanto**². **Na paṇamantī**ti na oṇamanti. **Pariggahitaniyyānaṃ satinti** sabbathā gahitaṃ sammosaṇṇapakkhato³ niggamanasaṅkhātaṃ satim katvā, paramaṃ satinepakkam upaṭṭhapetvāti attho.

Satovāti satiyā samannāgato eva. **Bāttimsāya ākārehī**ti catūsu catukkesu āgatāni dīgharassādīni soḷasa padāni assāsapassāsavasena dvidhā vibhajitvā vuttehi dvittimsākārehi. **Dīghamassāsavasenā**ti dīgha-assāsavasena, vibhatti-alopaṃ katvā niddeso, dīghanti vā bhagavatā vutta-assāsavasena. **Cittassa ekaggataṃ avikkhepanti** vikkhepapaṭipakkhabhāvato “avikkhepo”ti laddhanāmaṃ cittassa ekaggabhāvaṃ **pajānato**. **Paṭinissaggānupassī assāsavasenā**ti paṭinissaggānupassī hutvā assāsavasena, “paṭinissaggānupassī-assāsanavasena”ti vā pāṭho, tassa paṭinissaggānupassino assāsavasenāti attho. Ā paṭhamaṃ bahimukhaṃ sasaṇaṃ assāso, tato antomukhaṃ paṭisasaṇaṃ passāsoti āha **assāsoti bahinikkhamaṇavātoti**-ādi, **suttantaṭṭhakathāsu** pana ākaḍḍhanavasena anto sasaṇaṃ assāso, bahi paṭisasaṇaṃ passāsoti katvā uppaṭipāṭiyā vuttaṃ.

1. Abhi 2. 253 piṭṭhe.

2. Dassento (Sī, Ka)

3. Sammoha... (Sī)

Tatthāti bahinikkhamana-antopavisanavātesu, tassa ca paṭhamam abbhantaravāto nikkhamatīti iminā sambandho. “**Sabbesampi gabbhaseyyakānanti**-ādinā dārakānam pavattikkamena assāso bahinikkhamanavātoti gahetabbanti dīpeti”ti keci vadanti. Suttanayo eva cettha “assāsādimaḥḥapariyosānam satiyā anugacchato ajjhataṃ vikkhepagatena cittena kāyopi cittampi sāraddhā ca honti iñjitā ca phanditā ca passāsādimaḥḥapariyosānam satiyā anugacchato bahiddhā vikkhepagatena cittena kāyopi cittampi sāraddhā ca honti iñjitā ca phanditā cā”ti imāya pāḷiyā sametīti gahetabbaṃ. **Addhānavasenā**ti kāladdhānavasena. Ayañhi addhāna-saddo kālassa desassa ca vācako. Tattha **yathā hīti**-ādinā desaddhānam upamāvasena dassitam. Idāni tabbisitṭhakāladdhānavasena assāsapassāsānam dīgharassataṃ upameyyavasena vibhāvetum **evanti**-ādi vuttaṃ. **Cuṇṇavicuṇṇā** anekakalāpabhāvena. Ettha ca hatthi-ādisarīre sunakhādisarīre ca assāsapassāsānam desaddhānavisiṭṭhakāladdhānavaseneva dīgharassatā vuttāti veditabbā attabhāvasaṅkhātaṃ dīgham addhānam saṅgikam pūretvāti-ādivacanato. **Tesanti** sattānam. **Teti** assāsapassāsā. **Ittaramaddhānanti** appakam kāmam. **Navahākārehīti** bhāvanamanuyuñjantassa pubbenāparam aladdhavisessassa kevalam addhānavasena ādito vuttā tayo ākāra, te ca kassaci assāsova, kassaci passāsova, kassaci tadubhayampi upaṭṭhātīti tiṇṇam puggalānam vasena vuttā, tathā chandavasena tayo, tathā pāmojjavasenāti imehi navahi ākārehi. **Ekenākārenā**ti dīgham assāsādīsu ekenākārena.

Addhānasāṅkhāte dīghe okāsaddhānasāṅkhāte attabhāve kāladdhānēpi vā, evam upari **ittarasāṅkhā**te etthāpi. **Chando uppajjati**ti bhāvanāya pubbenāparam visesam āvahantiyā laddhassādattā tattha sātisayo kattukāmatālakkaṇo kusalacchando uppajjati. **Chandavasenā**ti tathāpavattachandassa vasena. **Pāmojjam uppajjati**ti assāsapassāsānam sukhumatarabhāve ārammaṇassa santataratāya, kammaṭṭhānassa ca vīthipaṭipannatāya bhāvanācittasahagato pamodo khuddakādibhedā taruṇā pīti uppajjati. **Cittam vivatta**ti¹ paṭibhāganimitte

1. Vivaṭṭatīti (Si)

uppanne pakati-assāsapassāsato cittaṃ nivattati. **Upekkhā saṅghātī**ti tasmim̐ paṭibhāganimitte upacārappanābhede samādhimhi uppanne puna jhānanibbattanattham̐ byāpārābhāvato ajjupekkhanam̐ hoti, sā panāyam̐ upekkhā tatramajjhattupekkhāti veditabbā. **Anupassanāññānti** samathavasena nimittassa anupassanā, vipassanāvasena assāsapassāsasamukhena tannissayanāmarūpassa anupassanā ca ññānam̐. **Kāyo upaṭṭhānanti** assāsapassāsasaṅkhāto kāyo upagantvā tiṭṭhati ettha satīti upaṭṭhānam̐, no sati, sati pana sarasato upatiṭṭhanaṭṭhena saraṇaṭṭhena ca upaṭṭhānañceva sati ca. **Tena vuccatī**ti-ādīsu yā ayam̐ yathāvutta-assāsapassāsakāye, tannissayabhūte karajakāye ca kāyasessa anupassanā niccādibhāvam̐ vā itthipurisasattaḥivādibhāvam̐ vā ananupassitvā assāsapassāsakāyamattasseva aniccādibhāvassa ca anupassanā, tāya kāyānupassanāya satisaṅkhātassa paṭṭhānassa bhāvanā vaḍḍhanā **kāye kāyānupassanā satipaṭṭhānabhāvanā**ti ayam̐ saṅkhepattho.

Ittaravasenāti parittakālavasena. **Tādisoti** dīgho rasso ca. **Vaṇṇā**ti dīghādi-ākārā. **Nāsikagge va bhikkhunoti** nāsikagge vā, **vā-saddena** uttarotṭhe vāti attho. **Tasmāti** yasmā “ādimaḥḥapariyosānavasena sabbam̐ assāsapassāsakāyam̐ viditam̐ pākāṭam̐ karissāmī”ti pubbe pavatta-ābhogavasena pacchā tathā samuppannena ññasampayuttacittena tam̐ assāsapassāsakāyam̐ evam̐ viditam̐ pākāṭam̐ karonto assasati ceva passasati ca, tasmā evambhūto sabbakāyapaṭisaṃvedī assasissāmi passasissāmīti sikkhati nāma, na pana “anāgate evam̐ karissāmī”ti cintanamattena so evam̐ vuccatīti adhippāyo. **Tathābhūtassāti** ādimajjhapariyosānam̐ viditam̐ karontassa. **Saṃvaroti** sati vīriyampi vā. **Na aññam̐ kiñcīti** sabbakāyam̐ viditam̐ karissāmīti-ādikaṃ pubbābhogaṃ sandhāya vadati.

Ññuppadanādīsūti ādi-saddena

kāyasaṅkhārapassambhanapītipaṭisaṃvedanādīm̐ saṅgaṇhāti.

Kāyasaṅkhārananti assāsapassāsam̐. So hi cittasamuṭṭhānopi samāno karajakāyapaṭibaddhavuttitāya tena saṅkharīyatīti kāyasaṅkhāroti vuccati.

Apariggahitakāleti kammaṭṭhānassa anāraddhakāle, tadārambhatthāya kāyaccittānampi apariggahitakāleti attho. Nisīdati

pallaṅkaṃ ābhujitvā ujum kāyaṃ paṇidhāyāti hi iminā kāyapariggaho, parimukhaṃ satim upaṭṭhapetvāti iminā cittapariggaho vutto. **Adhimattanti** balavaṃ oḷārikaṃ, liṅgavipallāsena vuttaṃ. Kāyasaṅkhāro hi adhippeto. Adhimattaṃ hutvā pavattatīti kiriyāvisesanaṃ vā etaṃ. **Sabbesaṃyevāti** ubhayesampi.

Mahābhūtapariggahe sukhumoti catudhātumukhena vipassanābhinivesaṃ sandhāya vuttaṃ. **Lakkhaṇārammaṇikavipassanāyāti** kalāpasammaśānaṃ. Nibbidānupassanato paṭṭhāya balavavipassanā, tato oraṃ dubbalavipassanā. **Pubbe vuttanayenāti** apariggahitakāleti-ādinā samathanaye vuttanayena.

Codanāsodhanāhīti anuyogaparihārehi. **Kathanti**-ādi paṭisambhidāpāli, tattha kathaṃ sikkhatīti sambandho. **Iti kirāti**-ādi codakavacanaṃ. **Iti kirāti** evañceti attho. Assāsapassāso sabbathā abhāvaṃ upaneti ceti codakassa adhippāyo. **Vātūpaladdhiyāti** assāsapassāsavātassa abhāvena tabbisayāya upaladdhiyā bhāvanācittassa uppādo vaḍḍhi ca na hotīti attho. **Na ca nanti** ettha **nanti** nipātamattaṃ. **Puna iti kirāti**-ādi yathāvuttāya codanāya vissajjanā, tattha **iti kira sikkhatīti** mayā vuttākārena yadi sikkhatīti attho. **Pabhāvanā hotīti** yadipi oḷārikā kāyasaṅkhārā paṭippassambhanti, sukhumā pana atthevāti bhāvanāyapi vaḍḍhi hotevāti adhippāyo. **Kamseti** kamsabhājane. **Nimittanti** nimittassa, tesāṃ saddānaṃ pavatti-ākārassāti attho. **Sukhumakā saddāti** anurave āha. **Sukhumasaddanimittārammaṇatāpīti** sukhumo saddova nimittaṃ tadārammaṇatāyapi.

Ābhisamācārikasīlanti ettha abhisamācāroti uttamasamācāro, tadeva ābhisamācārikaṃ sīlaṃ, khandhakavattapariyāpannaṃ sīlassetaṃ adhivacanaṃ. **Ahaṃ sīlaṃ rakkhāmīti** ubhatovibhaṅgapariyāpannaṃ sīlaṃ sandhāya vuttaṃ. **Āvāsoti** āvāsapalibodho. **Kulanti**-ādisupi eseva nayo. **Kammanti** navakammaṃ. **Iddhīti** pothujjanikā iddhi, sā vipassanāya palibodho. **So upacchinditabboti visuddhimagge**¹ vuttena

1. Visuddhi 1. 86 piṭṭhe.

tassa tassa palibodhassa upacchedappakārena upacchinditabbo.

Yogānuyogoti yogassa bhāvanāya anuyuñjanam. **Aṭṭhatimsārammaṇesūti** ālokākāsakasiṇadvayaṃ vajjetvā **pāliyaṃ** āgatānaṃ aṭṭhannaṃ kasiṇānaṃ vasena vuttaṃ, cattārīsaññeva pana kammaṭṭhānāni. **Yathāvutteneva nayanāti** yogānuyogakammassa padaṭṭhānattāti imamattamaṃ atidisati.

Imināva kammaṭṭhānenāti iminā ānāpānassatikammaṭṭhānena.

Mahāhatthipathaṃ nīharanto viyāti kammaṭṭhānavīthim mahāhatthimaggam katvā dassento viya.

Vuttappakāramācariyanti “imināva kammaṭṭhānena catutthajjhānam nibbattetvā vipassanaṃ vaḍḍhetvā arahattaṃ pattassā”ti-ādinā heṭṭhā vuttappakāraṃ ācariyaṃ. “Piyo garu bhāvanīyo”ti-ādinā¹ **visuddhimagge**² vuttappakāramācariyantipi vadanti. **Pañcasandhikanti** pañcapabbam, pañcabhāganti attho. **Kammaṭṭhānassa uggaṇhananti** kammaṭṭhānaganthassa uggaṇhanam. Tadatthaparipucchā **kammaṭṭhānassa paripucchā**, tattha saṃsayaparipucchā vā. **Kammaṭṭhānassa upaṭṭhānanti** evam bhāvanamanuyuñjantassa evamidha nimittaṃ upaṭṭhātīti upadhāraṇam. Tathā **kammaṭṭhānappanā** evam jhānamappetīti. **Kammaṭṭhānassa lakkhaṇanti** gaṇanānubandhanāphusaṇānaṃ vasena bhāvanaṃ ussukkāpetvā ṭhapanāvasena matthakappatti idha bhāvanāti kammaṭṭhānasabhāvassa sallaṅkhaṇam, tenāha “kammaṭṭhānasabhāvūpadhāraṇanti vuttaṃ hoti”ti.

Aṭṭhārasasenāsanadosavivajjitanti mahattaṃ navattaṃ jīṇṇattaṃ panthanissitattaṃ soṇḍipañṇapupphaphalayuttatā patthanīyatā nagaradārukhettasannissitatā visabhāgānaṃ puggalānaṃ atthitā paṭṭanasannissitatā paccantasannissitatā rajjasīmasannissitatā asappāyatā kalyāṇamittānaṃ alābhoti imehi aṭṭhārasahi senāsanadosehi vivajjitaṃ.

Pañcasenāsanāṅgasamannāgatanti—

“Idha bhikkhave senāsanam nātidūram hoti nāccāsannaṃ gamaṇāgamaṇasampannaṃ divā appākiṇṇam rattiṃ appasaddam appanigghosaṃ appaḍaṃsamakasavātātapasarīsapasamphassaṃ, tasmim kho pana senāsane viharantassa appakasirena uppajjanti cīvarapiṇḍapātasenāsanagilānapaccayabhesajjaparikkhārā, tasmim kho pana

1. Am 2. 422; Khu 10. 142; Khu 11. 356 piṭṭhesu.

2. Visuddhi 1. 95 piṭṭhe.

senāsane therā bhikkhū viharanti -pa-. Evaṃ kho bhikkhave senāsanaṃ pañcaṅgasamannāgataṃ hotī”ti¹—

evaṃ bhagavatā vuttehi pañcahi senāsanaṅgehi samannāgataṃ, ettha ca nātidūratādi ekaṃ, divā appākiṇṇatādi ekaṃ, appaḍamsāditā ekaṃ, cīvarādilābho ekaṃ, therānaṃ bhikkhūnaṃ nivāso ekanti evaṃ pañcaṅgāni veditabbāni.

Upacchinnakhuddakapalibodhenāti dīghānaṃ kesādīnaṃ haraṇena pattacīvarādīnaṃ pacanatunnakaraṇarajanādikaraṇehi ca upacchinnā khuddakā palibodhā yena, tena. **Bhattachammadanti** bhojananimittaṃ parissamaṃ. Ācariyato uggaho **ācariyuggaho**,²sabbopi kammaṭṭhānavidhi, na pubbe vutta-uggahamattaṃ, tato². **Ekapadampī**ti ekakoṭṭhāsampi.

Anuvahanāti assāsapassāsānaṃ anugamanavasena satiyā niraṇṭaraṃ anuppavattanā. Yasmā pana gaṇanādivasena viya phusanāvasena viṣuṃ manasikāro natthi, phuṭṭhaphuṭṭhaṭṭhāne eva gaṇanādi kātabbanti dassetuṃ idha phusanāgahaṇanti dīpento “phusanāti phuṭṭhaṭṭhānaṃ”ti āha. Ṭhapanāti samādhānaṃ, samādhippadhānā pana appanāti āha “ṭhapanāti appanā”ti. Aniccatādīnaṃ lakkhaṇato **sallakkhaṇā vipassanā**. Pavattato nimittato ca vinivaṭṭanato **vinivaṭṭanā maggo**. Kilesapaṭippassaddhibhāvato **pārisuddhi phalaṃ**. **Tesanti** vinivaṭṭanāpārisuddhīnaṃ. **Khaṇḍanti** “ekaṃ tīṇi pañcā”ti ekantarikādibhāvena gaṇanāya khaṇḍanaṃ. Atha vā khaṇḍanti antarantarā katipayakālaṃ agaṇetvā puna gaṇanavasena antarā odhiparicchedo na dassetabbo. Tathā khaṇḍaṃ dassentassa hi “kammaṭṭhānaninnaṃ pavattati nu kho me cittaṃ, no”ti vīmaṃsuppattiyā vikkhepo hoti, tenāha **sikhāppattaṃ nu kho meti**-ādi, idaṅca evaṃ khaṇḍaṃ dassetvā cirataraṃ gaṇanāya manasikarontassa vasena vuttaṃ. So hi tathā laddhaṃ avikkhepamattaṃ nissāya evaṃ maññeyya. **Yo upaṭṭhāti, taṃ gahetvāti** idaṃ assāsapassāsesu yassa ekova paṭṭhamaṃ upaṭṭhāti, taṃ sandhāya vuttaṃ, yassa pana ubhopi upaṭṭhahanti, tena ubhayampi gahetvā gaṇitabbaṃ. Yo upaṭṭhātīti imināva dvīsu nāsāpuṭavātesu yo pākaṭo hoti, so

1. Am 3. 268 piṭṭhe. 2-2. Sabbopi kammaṭṭhānavidhinā pubbe vutta-uggahamattato (Sī)

gahettabboti ayampi attho dīpitoti gahettabbāṃ. Paṭhamāṃ ekekasmim̐ upaṭṭhitepi upalakkhetvā gaṇantasseva kamena ubhopi pākaṭā hontīti āha “assāsapassāsā pākaṭā hontī”ti. Evaṃ sīghaṃ sīghaṃ gaṇetabbamevāti sambandho. Evaṃ sīghagaṇanārambhassa okāsaṃ dassetuṃ **imassāpi purimanayena gaṇayatoti**-ādi vuttaṃ. Tattha **purimanayenāti** dandhagaṇanāya, **pākaṭā hutvāti** iminā dandhagaṇanāya āraddhakāle cittassa avisadatāya sukhumassāsādīnaṃ apākaṭataṃ,¹ pacchā visadakāle pākaṭatañca tesu ca pākaṭesu dandhagaṇanaṃ pahāya sīghagaṇanā kātābbāti dasseti. Sīghagaṇanāya nippariyāyato nirantarappavatti appanāvīthiyameva, na kāmāvacare bhavaṅgantarikattāti āha “nirantarappavattaṃ viyā”ti. **Purimanayenevāti** sīghagaṇanāya. Anto pavisaṅgaṃ vātaṃ manasikaronto anto cittaṃ paveseti nāma.

Etanti etaṃ assāsapassāsajātaṃ. **Anugamananti** phuṭṭhaṭṭhāne manasikaraṇameva, na assāsapassāsānaṃ anuvattanaṃ, tenāha “tañca kho na ādimajjhapariyosānānugamanavasena”ti. **Phusanāṭṭhapanāvasena visuṃ manasikāro natthīti** iminā yathā gaṇanāya phusanāya ca manasikaroti, evaṃ anubandhanaṃ vinā kevalaṃ ṭhapanāya ca phusanāya ca manasikāropi natthīti dassentena gaṇanaṃ paṭisaṃharitvā yāva appanā uppajjati², tāva anubandhanāya ca phusanāya ca manasikaroti, appanāya pana uppannāya anubandhanāya ṭhapanāya ca manasikaroti nāmāti dīpitaṃ hoti, **aṭṭhakathāyaṃ** pana anubandhanāya vinā ṭhapanāya manasikāro natthīti dassanattamaṃ “anubandhanāya ca phusanāya ca ṭhapanāya ca manasikarotīti vuccatī”ti ettakameva vuttanti gahettabbāṃ. Yā accantāya na minoti na vinicchanati, sā mānassa samīpeti upamānaṃ siddhasādisena³ sādhyasādhanaṃ yathā go viya gavayoti. **Paṅguloti** pīṭhasappī. **Dolāti** peṅkhola. **Kīḷatanti** kīḷantānaṃ. **Upanibandhanatthambhamūleti** nāsikaggāṃ mukhanimittaṃ sandhāya vuttaṃ. **Ādito pabhutīti** upameyyatthadassanato paṭṭhāya. **Nimittanti** upanibandhananimittaṃ nāsikaggāṃ, mukhanimittaṃ vā. **Anārammaṇamekacittassāti** assāsapassāsānaṃ ekakkhaṇe appavattanato ekassa cittassa tayopi ārammaṇaṃ na honti, nimittena saha assāso passāso vāti dveveva ekakkhaṇe

1. Pākaṭataṃ (Ka)

2. Na uppajjati (Sī)

3. Upamānasiddhasādisena (Sī)

ārammaṇaṃ hontīti attho. **Ajānato ca tayo dhammeti** nimittaṃ assāso passāsoti ime tayo dhamme ārammaṇakaraṇavasena avindantassa, **ca-saddo** byatireko tena evañca sati ayaṃ aṇiṭṭhappasaṅgoti byatirekaṃ dasseti. **Bhāvanāti** ānāpānassatibhāvanā.

Kathaṃ ime -pa- visesamadhigacchatīti idaṃ parihāragāthāya vuttamevatthaṃ **kakacopamāya**¹ vivarituṃ pucchāṭṭhapanam. Tattha kathaṃ-saddo paccekaṃ yojetabbo “kathamime aviditā -pa- kathaṃ visesamadhigacchatī”ti. **Padhānanti** bhāvanānipphādakaṃ vīriyaṃ. **Payoganti** nīvaraṇavikkhambhakaṃ bhāvanānuyogaṃ. **Visesanti** arahattapariyosānavisesaṃ. **Padhānanti** rukkhassa chedanavīriyaṃ. **Payoganti** tasseva chedanakakiriyaṃ. Kiñcāpettha “visesamadhigacchatī”ti upamāyaṃ na vuttaṃ, tathāpi atthato yojetabbameva. **Yathā rukkhoti-ādi** upamāsaṃsandanaṃ. **Nāsikagge vā mukhanimutte vāti** dighanāsiko nāsikagge, itaro mukhaṃ nimiyati chādiyati etenāti mukhanimittanti laddhanāme uttarotṭhe.

Idaṃ padhānanti yena vīriyārambhena kāyopi cittampi bhāvanākammassa arahaṃ idha padhānanti phalena hetuṃ dasseti. **Upakkilesāti** nīvaraṇā. **Vitakkāti** kāmavitakkādīmichchāvitakkā, nīvaraṇappahānena vā paṭhamajjhānādhiḡamaṃ dassetvā vitakkūpasamāpadesena dutiyajjhānādinamadhigamamāha. **Ayaṃ payogoti** ayaṃ jhānādhiḡamassa hetubhūto kammaṭṭhānānuyogasaṅkhāto payogo. **Samyojanā pahīyantīti** dasapi samyojanāni maggapaṭipāṭiyā samucchēdavasena pahīyanti. **Byantī hontīti** tathā sattapi anusayā bhāṅgamattassapi anavasesato vigatantā honti. **Ayaṃ visesoti** imaṃ samādhim nissāya anukkamena labbhamāno ayaṃ samyojanappahānādiko imassa samādhissa visesoti attho. **Evaṃ ime tayo dhammāti-ādi** nigamanavacanaṃ. **Paripuṇṇāti** soḷasannaṃ vatthūnaṃ pāripūriyā sabbaso puṇṇā. **Anupubbanti** anukkamena. **Paricitāti** pariciṇṇā. **Imaṃ lokanti** khandhādilokaṃ paññāpabhāsenā pabhāseti.

I dhāti imasmim ṭhāne. **Assāti** upamābhūtassa kakacassa. **Ānāyane** payojananti yojetabbaṃ. **Nimittanti** paṭibhāganimittam. **Avasesajhānaṅgaṭimaṇḍitāti** vitakkādi-avasesajhānaṅgaṭimaṇḍitāti vadanti.

1. Ma 1. 173 piṭṭhe.

Vicārādīhīti pana vattabbaṃ nippariyāyena vitakkassa appanābhāvato. So hi “appanā byappanā”¹ti niddiṭṭho. Evañhi sati avasesa-saddo upapanno hoti, vitakkasampayogato vā jhānaṅgesu padhānabhūto samādhi appanāti katvā “avasesajhānaṅgapaṭimaṇḍitā appanāsaṅkhātā ṭhapanā ca sampajjati”²ti vuttaṃ. **Kassaci pana gaṇanāvaseneva manasikārakālato pabhutīti** ettha “anukkamoto -pa- pattam viya hoti”² upari vakkhamāno gantho purāṇapotthakesu dissati, tasmā ayaṃ pāṭho etthāpi likhitabbo, lekhakānaṃ pana dosena gaḷitoti veditabbo.

Oḷārike assāsapassāse niruddheti-ādi heṭṭhā vuttanayampi vicetabbākārappattassa kāyasaṅkhārassa vicayanavidhiṃ dassetuṃ ānītaṃ. **Desatoti** pubbe phusanavasena gahitaṭṭhānato. **Nimittam paṭṭhapetabbanti** pubbe gahitākāranimittaggāhikā saññā phusanaṭṭhāne paṭṭhapetabbā. **Imameva hi atthavasanti** imaṃ anupaṭṭhahantassa ārammaṇassa upaṭṭhānavidhisāṅkhātāṃ kāraṇaṃ paṭicca. **Itoti** ānāpānakammaṭṭhānato. Garukatā ca bhāvanādukkaratāyāti āha “garukabhāvanan”²ti. **Caritvāti** gocaraṃ gahetvā. **Nimittanti** uggahanimittam, paṭibhāganimittam vā. Ubhayampi hi idha ekajjham vuttaṃ. Tathā hi tūlapicu-ādi-upamattayaṃ uggāhe yujjati, sesam ubhayattha.

Tārakarūpaṃ viyāti tārakāya sarūpaṃ viya. **Saññānānatāyāti** nimittupaṭṭhānato pubbe pavattasaññānaṃ nānatāya. **Saññajanti** bhāvanāsaññāya parikappitaṃ, na uppāditaṃ avijjamānattā, tenāha “nānato upaṭṭhāti”²ti. **Evam hotīti** bhāvanamanuyuttassa evam upaṭṭhāti. **Evanti** evam sati, yathāvuttanayena nimitte eva cittaṃ ṭhapanā satīti attho. **Iti pabhutīti** ito paṭibhāganimittuppattito paṭṭhāya. **Nimitteti** paṭibhāganimitteti. **Ṭhapayanti** ṭhapanāvasena cittaṃ ṭhapanāto. **Nānākāranti** “cattāro vaṇṇā”²ti evam vuttaṃ nānākāraṃ. **Vibhāvayanti** vibhāvato antaradhāpento. Nimittuppattito paṭṭhāya hi te ākāra aṃasikaroto antarahitā viya honti. **Assāsapassāseti** assāse passāse ca yo nānākāro, tam vibhāvayaṃ assāsapassāsasambhūte vā nimitte cittaṃ ṭhapaṃ sakam cittaṃ nibandhati

1. Abhi 1. 18 piṭṭhe.

2. Vi-Ṭṭha 2. 27 piṭṭhe.

nāmāti yojanā. Keci pana vibhāvayanti etassa vibhāvento viditam pākaṭam karontoti attham vadanti, tam pubbhāgavasena yujjeyya. Ayañhettha attho—assāsapassāse nānākāram vibhāvento pajānanto tattha yam laddham nimittam, tasmim cittam ṭhapento anukkamena sakam cittam nibandhati appetīti.

Kilesāti avasesakilesā. **Sannisinnāyevāti** aladdhanīvaraṇasahāyā olīnāyeva. **Upacārabhūmiyanti** upacāravattahāyam. **Lakkhaṇatoti** vikkhambhanādisabhāvato vā aniccādisabhāvato vā. **Gocaroti** bhikkhācāragāmo. Yattha dullabhā sappāyabhikkhā, so asappāyo, itaro sappāyo. **Bhassanti** dasakathāvattahunissitam bhassam, tam sappāyam, itaramasappāyam. Sesusu āvāsādisu yattha yattha asamāhitam cittam samādhiyati, tam tam sappāyam, itaramasappāyanti gahetabbam. Yassa pana evam sattavidham asappāyam vajjetvā sappāyameva sevantassapi appanā na hoti, tena sampādetabbam dasavidham appanākosallam dassento **vatthuvisadakiriya**ti-ādīmāha. Tattha **vatthuvisadakiriya** nāma kesanakhacchedanādīhi ajjhattikassa sarīravatthussa, cīvarasenāsanādihovanaparikkammādīhi bāhiravatthussa ca visadabhāvakaraṇam. Evañhi nāṇampi visadakiccanipphattikaram hoti. **Indriyasamattapaṭipādanatā** nāma saddhādīnam indriyānam samabhāvakaraṇam. **Nimittakusalatā** nāma bhāvanāya laddhanimittassa rakkhaṇakosallam. **Yasmim samaye cittam niggaḥetabbanti**-ādīsu yasmim samaye cittam accāraddhatādīhi kāraṇehi uddhatatāya niggaḥetabbam, tadā dhammavicayasambojjhaṅgādayo tayo abhāvetvā passaddhādīnam tiṇṇam bhāvanena cittassa niggaṇhanā hoti. Yadāssa cittam atisithilavīriyatādīhi līnatāya paggaḥetabbam, tadā passaddhisammojjhaṅgādayo tayo abhāvetvā dhammavicayādīnam tiṇṇam bhāvanena cittassa paggaṇhanam hoti. Yadāssa paññāpayogamandatādīhi nirassādam cittam hoti, tadā tassa cittassa aṭṭhasamvegavatthu¹ paccavekkhaṇādīnā sampahaṃsanasaṅkhātā samvejanā hoti. Yadā panassa evam paṭipajjanato alīnam anuddhatam anirassādam ārammaṇe samappavattam samathavīthipaṭipannaṅca cittam hoti, tadā tassa pagghaniggahasampahaṃsanesu abyāpāratāsamāpajjanena ajjupekkhanā hoti.

1. Am-Ṭṭha 1. 401 piṭṭhe.

Tadadhimuttatā nāma samādhi-adhimuttatā, samādhininnapoṇapabbhāratāti attho. **Etthāti** etissam kāyānupassanāyam.

Pārisuddhim pattukāmoti phalaṃ adhigantukāmo samāpajjitukāmo ca. Tattha sallakkhaṇāvivaṭṭanāvasena paṭhamam maggānantaraphalaṃ adhigantukāmo. Tato param sallakkhaṇavasena phalasamāpattim samāpajjitukāmopīti evamattho gahetabbo. **Āvajjanasamāpajjana -pavasippattanti** ettha paṭiladdhajhānato vuṭṭhāya vitakkādīsu jhānaṅgesu ekekaṃ āvajjayato bhavaṅgam upacchindivā uppannāvajjanānantaram vitakkādīsu yathāvajjitajhānaṅgārammaṇāni kāmāvacarajavanāni bhavaṅgantaritāni yadā nirantaram pavattanti, athassa **āvajjanavasī** siddhā hoti. Tam pana jhānam samāpajjitukāmatānantaram sīgham samāpajjanasamatthatā **samāpajjanavasī** nāma. “Accharāmatam vā dasaccharāmatam vā khaṇam jhānam ṭhapetum samatthatā **adhiṭṭhānavasī** nāma. Tatheva lahum khaṇam jhānasamaṅgī hutvā jhānato bhavaṅgupattivasena vuṭṭhātum samatthatā **vuṭṭhānavasī** nāma. “Ettakameva khaṇam samāpajjissāmī”ti “ettakameva khaṇam jhānasamaṅgī hutvā jhānato vuṭṭhahissāmī”ti ca pavattapubbaparikkammabhedenettha adhiṭṭhānavuṭṭhānavasiyo bhinnā, na sarūpabhedena, yā “samāpattikusalatā, vuṭṭhānakusalatā”ti vuccanti. **Paccavekkhaṇavasī** pana āvajjanavasiyā eva vuttā. Paccavekkhaṇavīthiyaṅhi sīgham āvajjanupattiyā āvajjanavasī tadanantarānam javanānam samuppattiyā paccavekkhaṇavasīti āvajjanavasīsiddhiyāva paccavekkhaṇavasī siddhā eva hotīti veditabbā. **Jhānaṅgāni pariggahetvāti** jhānacittasampayuttāni jhānaṅgāni lakkhaṇādivasena pariggahetvā. **Tesaṅca nissayanti** tesam vatthunissayānam bhūtānam nissayam. Idaṅca karajakāyassa vatthudasakassa bhūtanissayattā suttantanayena vuttam, na paṭṭhānanayena. Na hi kalāpantaragatāni bhūtāni kalāpantaragatānam bhūtānam nissayapaccayā hontī, suttantanayena pana upanissayapaccayoti veditabbāni. Paṭṭhāne hi asaṅgahitā sabbe paccayā suttantikanayena upanissayapaccaye saṅgayhantīti veditabbam. **Tamnishtarūpānīti** upādārūpāni. **Yathāpariggahitarūpavatthudvārārammaṇam vāti** ettha yathāpariggahitakesādirūpārammaṇam tato pubbe vuttanayavathārammaṇaṅca¹

1. Vuttahadayavathārammaṇaṅca (Sī)

tannissayakarakāyapariggahamukhena upaṭṭhitacakkhādīdvārañca sasampayuttadhammaviññānaṃ vāti yojetabbaṃ. **Kammāragagarīti** kammārānaṃ aggidhamanabhastā. **Tajjanti** tadanurūpaṃ. **Tassāti** nāmarūpassa. **Taṃ disvāti** avijjātaṇhādīpaccayaṃ disvā. **Kaṅkhaṃ vitaratīti** ahoṣiṃ nu kho ahaṃ atītamaddhānanti¹ ādinayappavattaṃ soḷasavatthukaṃ vicikicchāṃ atikkamati. **Kalāpasammasanavasena**ti yaṃ kiñci rūpaṃ atītānāgatapaccuppannanti-ādinā² pañcasu khandhesu atītādikoṭṭhāsaṃ ekekakalāpato gahetvā aniccādivasena sammasanaṃ kalāpasammasanaṃ, tassa vasena. **Pubbabhāgeti** paṭipadāññadassanavisuddhipariyāpannāya udayabbayānupassanāya pubbabhāge. **Obhāsādayoti** obhāso ñānaṃ pīti passaddhi sukhaṃ adhimokkho paggaho upekkhā upaṭṭhānaṃ nikanti ca. Tatha **adhimokkhoti** saddhā. **Upaṭṭhānanti** sati. **Upekkhāti** tatramajjhataṭā. Ettha ca obhāsādayo nava nikantisaṅkhātataṇhupakkilesavatthutāya upakkilesā vuttā, nikanti pana upakkilesatāya tabbatthutāya ca. **Nibbindanto** ādīnavānupassanāpubbaṅgamāya nibbidānupassanāya nibbindanto. Muñcitukamyatāpaṭisaṅkhānupassanāsaṅkhārupekkhānulomaññānaṃ ciṅṅapariyante uppannagotrabhūññānantaraṃ uppannena maggaññāna sabbasaṅkhāresu **virajjanto vimuccanto**. Phalakkhaṇe hi vimutto nāma vuccati, maggakkhaṇe vimuccantoti. **Ekūnavīsati**hedassāti catunnaṃ maggavīthīnaṃ anantaraṃ paccekaṃ uppajjantassa maggaphalanibbānapahīnāvasiṭṭhakilesānaṃ pañcannaṃ paccavekkhitabbānaṃ vasena ekūnavīsatihedassa. Arahaṭo hi avasiṭṭhakilesābhāvena ekūnavīsatiṭā. **Assāti** ānāpānakammaṭṭhānikassa.

Sappīṭike dve jhāneti pītisahagatāni catukkanaye dve paṭhamadutiyaṃjjhānāni. **Tassāti** tena yoginā. **Samāpattikkhaṇeti** samāpannakkhaṇe. **Ārammaṇatoti** paṭibhāgārammaṇaggahaṇamukhena **pīti paṭisaṃviditā hoti, ārammaṇassa paṭisaṃviditattā**. Ārammaṇe hi vidite tabbisayā cittacetāsikā dhammā sayāṃ attano paṭisaṃviditā nāma hoti salakkhaṇato sāmāññalakkhaṇato ca pacchā gahaṇe sandehābhāvato. **Vipassanākkhaṇeti** vipassanāpaññāya visayato dassanakkhaṇe. Evaṃ pītiṃ aniccādivasena gahaṇameva **asammohato** pītipaṭisaṃvedanaṃ nāma.

1. Ma 1. 10; Saṃ 1. 265 piṭṭhesu. 2. Ma 1. 297; Ma 3. 67, 69; Aṃ 1. 490 piṭṭhesu.

Dīgham assāsavasenāti dīghassa assāsassa ārammaṇabhūtaṃ vasena, pajānato sā pīti paṭisaṃviditā hotīti sambandho. **Cittassa ekaggataṃ avikkhepaṃ pajānatoti** jhānapariyāpannaṃ avikkhepāpannaṃ nāma cittassekaggataṃ taṃsampayuttāya paññāya pajānato. Yatheva hi ārammaṇamukhena pīti paṭisaṃviditā hoti, evaṃ taṃsampayuttadhammāpi paṭisaṃviditā eva hontīti. **Sati upaṭṭhitā hotīti** dīgham assāsavaseṇa jhānasampayuttā sati tassa ārammaṇe upaṭṭhitā tadārammaṇajjhānepi upaṭṭhitā nāma hotīti. **Dīgham passāsavaseṇā**ti-ādīsupi imināva nayena attho veditabbo. Evaṃ dassitaṃ pītipaṭisaṃvedanaṃ ārammaṇato asammohato ca vibhāgato dassetuṃ **āvajjatoti**-ādi vuttaṃ. Tattha **āvajjatoti** jhānaṃ āvajjantassa. **Sā pīti**ti sā jhānapariyāpannā pīti. **Jānatoti** samāpannakkhaṇe ārammaṇamukhena jānato, tassa sā pīti paṭisaṃviditā hotīti sambandho. **Passatoti** dassanabhūtena nāṇena jhānato vuṭṭhāya passantassa. **Paccavekkhatoti** jhānaṃ paccavekkhantassa. **Cittaṃ adhiṭṭhahatoti** “ettakaṃ velaṃ jhānasamaṅgī bhavissāmī”ti jhānacittaṃ adhiṭṭhahantassa. Evaṃ pañcannaṃ vasibhāvānaṃ vasena jhānassa pajānanamukhena ārammaṇato pītiyā paṭisaṃvedanā dassitā. **Adhimuccatoti** saddahantassa, samathavipassanāvaseṇāti adhippāyo. **Vīriyaṃ paggaṇhatoti**-ādīsupi eseva nayo. **Abhiññeyyanti** viṣiṭṭhāya paññāya jānitabbaṃ catusaccaṃ vipassanāpaññāpubbaṅgamāya maggapaññāya abhijānatoti-ādi yojanā. Evaṃ **pariññeyyanti**-ādīsupi pari jānatoti-ādinā yojanā veditabbā. Tattha **pariññeyyanti** dukkhasaccaṃ. **Avasesapadānīti** sukha paṭisaṃvedī cittasaṅkhārapaṭisaṃvedīti padāni.

Vedanādayoti ādi-saddena saññā gahitā, tenāha “dve khandhā”ti. **Vipassanābhūmidassanatthanti** kāyikasukhādisīseṇa pakiṇṇakasaṅkhārādasanato vuttaṃ samathe kāyikasukhābhāvato. **Soti** passambhanapariyāyena vutto nirodho. **Vuttanayenā**ti imassa hi bhikkhuno pubbe apariggahitakāleti-ādinā¹ kāyasaṅkhāre vuttanayena. **Pītisīseṇa vedanā vuttāti** pīti-apadesena vedanā vuttā,

1. Vi-Ṭṭha 2. 17 piṭṭhe.

sukhaggaḥaṇato vedanānupassanāpasaṅgoti adhippāyo. **Dvīsu cittasaṅkhārapadesūti** “cittasaṅkhārapaṭisaṁvedī passambhayaṁ cittasaṅkhāraṇ”ti imesu dvīsu koṭṭhāsesu. **Saññāsampayuttā vedanāti** vedanānupassanābhāvato vuttaṁ. **Cittapaṭisaṁveditā veditabbāti** ārammaṇato asammohatoti-ādinā vuttanayaṁ sandhāya vuttaṁ. **Cittanti** jhānasampayuttaṁ vipassanāsampayuttañca cittaṁ. **Āmodetīti** sampayuttāya pītiyā jhānavisayāya¹ modeti. **Vipassanākkhaṇeti-ādinā** vuttabhāṅgānupassanakkhaṇe.

Ānāpānassatisamādhikathāvaṇṇanāyano niṭṭhito.

167. Yadipi ariyā neva attanāva attānaṁ aññamaññaṁ vā jīvitā voropenti, nāpi parehi samādapenti, tathāpi yathāvuttehi tīhi pakārehi matānaṁ puthujjanānaṁ antare migalaṇḍikena māritānaṁ ariyapuggalānampi atthitāya “ariyapuggalamissakattā”ti vuttaṁ. Atha vā puthujjanakāle attanāva attānaṁ ghātetvā maraṇasamaye vipassanaṁ vadḍhetvā ariyamaggaṁ paṭilabhitvā matānampi sabbhāvato² evaṁ vuttanti gahetabbaṁ.

Padabhājanīyavaṇṇanā

172. **Byañjane ādaraṁ akatvāti** jānitvā sañjānitvāti-ādinā byañjanānurūpaṁ avuttattā vuttaṁ. **Pāṇoti jānantoti** idaṁ manussoti ajānitvāpi kevalaṁ sattasaññāya eva pārājikabhāvadassanattamaṁ vuttaṁ. **Vadhakacetanāvasena cetetvāti** “imaṁ māremī”ti vadhakacetanāya cintetvā. **Pakappetvāti** “vadhāmi naṁ”ti evaṁ cittaṇa paricchinditvā. **Abhivitaritvāti** sanniṭṭhānaṁ katvā, tenāha “nirāsaṅkacittaṁ pesetvā”ti. **Sikhāppatto atthoti** sañciccāti pubbakālakiriyāvasena vuttassapi vītikkamabhūtassa aparakālakiriyāyuttadassanena koṭṭipatto attho. **Jāti-uṇṇā** nāma tadahujāta-eḷakassa lomāṁ. **Evaṁ vaṇṇappaṭibhāganti** evaṁ vaṇṇasaṅghānaṁ. **Tato vā uddhanti** dutiyasattāhādīsu abbudādibhāvappattaṁ sandhāya vuttaṁ. **Parihīnavegassa santānassa paccayo**

1. Jhānavisayā (Si)

2. Sambhavato (Ka)

hotīti sahakārīpaccayo hoti, na janako. Kammameva hi khaṇe khaṇe uppajjamānānaṃ kammajarūpānaṃ janakapaccayo, tañca pavattiyāṃ pubbe uppajjitvā ṭhitāṃ anupahataṃ catusantirūpaṃ sahakārīpaccayaṃ labhitvāva kātum sakkoti, na aññathā, yena kenaci virodhipaccayena niruddhacakkhādippasādānaṃ puggalānaṃ vijjamānampi kammaṃ cakkhādikaṃ janetuṃ na sakkotīti siddhameva hoti.

Atipātentoti atipātentō vināsento. **Vuttapakāramevāti** jīvitindriyātipātanavidhānaṃ vuttappakārameva. Saraseneva patanasabhāvassa saṅikaṃ patitum adatvā atīva pātanaṃ sīghapātanaṃ atipāto, pāṇassa atipāto pāṇātipāto. **Āthabbanīkāti** athabbaṇavedino. **Athabbananti** athabbaṇavedavihitāṃ. **Mantaṃ payojentīti** aloṇabhojanadabbasayanasusānagamanādīhi payogehi mantaṃ parivattenti, tena yathicchitapāṇavadhādiphalaṃ upapajjati, tasmā taṃ kāyavacīkammesu pavīṭṭhaṃ. **Ītinti** pīlaṃ. **Upaddavanti** tato adhikataraṃ pīlaṃ. **Pajjarakanti** visamajjaraṃ. **Sūcīkanti** sūcīhi viya vijjhamānaṃ sūlaṃ. **Visūcīkanti** sasūlaṃ āmātisāraṃ. **Pakkhandiyanti** rattātisāraṃ. **Vijjam parivattetvāti** gandhāravijjādikaṃ attano vijjam katūpacāraṃ mantapaṭhanakkamena pariappitvā. **Tehīti** tehi vatthūhi. **Payojananti** pavattanaṃ. **Aho vatāyanti** ayaṃ taṃ kucchigataṃ. **Gabbhanti** idaṃ kucchigataṃ gabbhaṃ. **Kulumbassāti** gabbhassa, kulasseva vā, kuṭumbassāti vuttaṃ hoti. **Bhavanāmayiddhiyāti** adhiṭṭhāniddhiṃ sandhāya vuttaṃ. **Taṃ tesāṃ icchāmattanti** suttatthato na sametīti adhippāyo. Athabbaṇiddhivaseneva hi sutte “iddhimā cetovasippatto”ti vuttaṃ, na bhāvanāmayiddhivasenāti daṭṭhabbaṃ.

Itarathāti pariyeseyyāti padassa gavesanamattameva yathārutavasena attho siyā, tadā pariyaṭṭhamattena pariyesitvā satthādīnaṃ laddhamattenāti attho. Sasanti hīmsanti etenāti satthanti vadhopakaraṇassa pāsāṇarajju-ādino sabbassāpi nāmantī āha **laguḷāti**-ādi. **Laguḷanti** muggarassetāṃ adhivacanaṃ. **Satthasaṅgahoti** mātikāyaṃ **satthahārakanti**¹ ettha vuttasatthasaṅgaho. **Parato vuttanayattāti**

1. Kaṅkhā-Ṭṭha 2 piṭṭhe pātimokkhe.

parato nigamanavasena vuttassa dutiyapadassa padabhājane vuttanayattā.
Cittasaddassa atthadīpanattham vuttoti citta-saddassa vicittādi-
 anekatthavisayattā itarehi nivattetvā viññāṇattham niyametum vutto.

174. **Kammunā bajjhatī** pāṇātipātakammunā bajjhati, taṃ
 kammamassa siddhanti attho. **Ubhayathāpī**ti uddisakānuddisakavasena.
Pacchā vā tena rogenāti etena anāgatampi jīvitindriyaṃ ārabha
 pāṇātipātassa pavattim dasseti. Evañca “yadā sakkoti, tadā taṃ jīvitā
 voropehī”ti āṇattiyā cirena samiddhiyampi āṇattikkhaṇeyeva pāṇātipāto.
 Opātakhaṇanādithāvarapayogesū payogakaraṇato pacchā
 gahitapaṭisandhikassāpi sattassa maraṇe pāṇātipāto ca anāgatārammaṇo
 upapanno hoti. Yaṃ pana **sikkhāpadavibhaṅge** “pañca sikkhāpadāni
 paccuppannārammaṇāyevā”ti¹ vuttam, taṃ pāṇātipātādito viratim sandhāya
 vuttam, na pāṇātipātādinti gahetabbam. **Aññacittenāti** amāretukāmatācittena.
Dutiyappahārena maratīti paṭhamappahāram vinā dutiyeneva maratīti attho.
Paṭhamappahārenevāti paṭhamappahārasamuṭṭhāpakacetanākkhaṇeyevāti
 attho. Kiñcāpi paṭhamappahāro sayameva na sakkoti māretum, dutiyaṃ
 pana labhitvā sakkonto jīvitavināsahetu hoti, tasmā paṭhamappahāram vinā
 maraṇassa asiddhattā “payogo tena ca maraṇan”ti iminā saṃsandanato
 paṭhamappahāreneva kammabaddho yutto, na dutiyena tassa aññacittena
 dinnattā. Yathā cettha, evaṃ aññena puggalena dutiyappahāradānādīsū viya.
 Yadi pana dutiyappahāradāyakassāpi puggalassa vadhakacetanā atthi, tassāpi
 attano payogenāpi matattā payogakkhaṇe pāṇātipātoti veditabbam.

Kammāpattibyattibhāvattanti ānantariyādikammavibhāgassa²
 pārājikādi-āpattivibhāgassa ca pākāṭabhāvattam. “Eḷakam māremī”ti
 viparītaggaṇepi “iman”ti yathānipannasseva paramatthato gahitattā
 yathāvattukam kammabaddho hotiyevāti āha **iman vatthunti-ādi**. **Ghātako**
ca hotīti pāṇātipātakammena baddhoti attho. Mātādiguṇamahante ārabha

1. Abhi 2. 305 piṭṭhe.

2. ...vipākassa (Ka)

pavattavadhakacetanāya mahāsāvajjatāya vuttaṃ “idha pana cetanā dāruṇā hotī”ti.

Lohitakanti lohitamakkhitaṃ. **Kammaṃ karonteti** yuddhakammaṃ karonte. **Yathādhippāyaṃ gateti** yodhaṃ vijjhivā pitari viddhe, yodhaṃ pana avijjhivā kevalaṃ pitari viddhepi visaṅketo natthiyeva pitaripi vadhakacittassa atthitāya, kevalaṃ yodhe viddhepi eseva nayo. **Ānantariyaṃ pana natthīti** pituvisayaṃ paṇātipātakammaṃ natthīti attho.

Evaṃ vijjhāti evaṃ pādehi bhūmiyaṃ tthatvā evaṃ dhanuṃ gahetvā ākaḍḍhitvāti-ādinā vijjhanappakārasikkhāpanamukhena āṇāpetīti attho. **Evaṃ paharāti** daḷhaṃ asiraṃ gahetvā evaṃ pahara. **Evaṃ ghātehīti** evaṃ kammakāraṇaṃ katvā mārehi. **Tattakā ubhinnaṃ paṇātipātāti** anuddisitivā yesaṃ kesañci māraṇatthāya ubhopi payogassa katattā vuttaṃ. Sace hi āṇāpako “evaṃ viddhe asuko evaṃ marati”ti saññāya “evaṃ vijjhā”ti āṇāpeti, niyamitasseva maraṇe āṇāpakassa kammabaddhoti vadanti. Sace āṇatto “asukan”ti niyametvā uddissa saraṃ khipati āṇāpako aniyametvā āṇāpeti, āṇāpakassa yesaṃ kesañci maraṇepi kammabaddho, āṇattassa pana niyamitamaraṇeyevāti veditabbaṃ. **Majjheti** hatthino piṭṭhino majjhe. **Etenāti** adhiṭṭhahitvā āṇāpetīti-ādipāḷivacanena. **Tatthāti** āṇattikapayoge.

Kiñcāpi kiriyāviseso aṭṭhakathāsu anāgato, **pāliyaṃ** pana “evaṃ vijjha, evaṃ pahara, evaṃ ghātehī”ti¹ kiriyāvisesassaparāmaṭṭhattā ācariyaparamparā āgataṃ kiriyāvisesampi pāḷisaṃsandanato gahetvā dassento **aparo nayoti-ādimāha**. **Vijjhananti** ususatti-ādīhi vijjhanāṃ. **Chedananti** asi-ādīhi hatthapādādicchedanaṃ. **Bhedananti** muggarādīhi sīsādibhedanaṃ dvidhākaraṇaṃ. **Saṅkhamuṇḍakanti** sīsakaṭāhe cammaṃ saha keschi uppāṭetvā thūlasakkharāhi sīsakaṭāhaṃ ghaṃsitvā saṅkhavaṇṇakaraṇavasena saṅkhamuṇḍakammakaraṇaṃ. **Evaṃādīti ādi-**saddena bilaṅgathālikādim saṅgaṇhāti. Ure paharivā piṭṭhiyaṃ paharivā gīvāyaṃ paharivāti-ādinā sarīrāvayavappadesesu paharaṇavijjhanādinīyamopi kiriyāviseseyeva saṅgayhati aṭṭhakathāsu saṅkhamuṇḍakādisarīrappadesavisayāyapi ghātanāya

1. Vi 1. 94 piṭṭhe.

tattha pavesitattā, yaṃ pana **sāratthadīpaniyam**¹ purato paharivā mārehīti-
 ādikassa aṭṭhakathāpāṭhassa “purimapassādīnampi vatthusabhāgato
 vatthuggahaṇeneva gahaṇanti āha purato paharivāti-ādī”²
 evamadhippāyakathanam, taṃ saṅkhamuṇḍakādikassa sarīrappadesa
 kammakāraṇākaraṇassa aṭṭhakathāya kiriyāvisesavisaye vuttattā na yujjati.
 Yathāṇattam muñcitvā puggalantaramāraṇameva hi vatthuvisaṃvādo, na
 paharituṃ āṇattam sarīrappadesavisamvādanam, tenāha “vatthuṃ visam
 vādetvā -pa- tato aññaṃ māreti. Purato paharivā mārehīti vā -pa- natthi
 kammabaddho”³ti, idaṃ pana yathāṇattavatthusmimpi
 kiriyāvisesavisaṅketena kammabaddhābhāvaṃ dassetuṃ vuttanti paññāyati.
 Tena “vatthuṃ avisaṃvādetvā mārentī”³ti ettakameva avatvā “yathāṇattiyā”³ti
 kiriyāvisesaniyamopi dassito, itarathā yathāṇattiyāti vacanassa
 niratthakatāpattito. **Vatthuniddese** ca “vatthūti māretabbo satto”³
 ettakameva vuttam, na pana “yathāṇattassa paharitabbasarīrappadesopi”³ti
 vuttam. Tasmā purato paharaṇādipi kiriyāvisese eva saṅgayhatīti amhākam
 khanti, vīmaṃsitvā gahetabbam. **Vatthuvisesenāti** mātu-
 ādimatasattavisesena. **Kammavisesoti** ānantariyādikammaviseso.
Āpattivisesoti pārājikādi-āpattiviseso.

Yadā kadāci pubbaṇheti āṇattadivasato aññassapi yassa kassaci
 divasassa pubbaṇhe. **Etaṃ gāme thitanti** gāmo puggalaniyamanattham vutto,
 na okāsaniyamanattham, tasmā “yattha katthaci māreti, natthi visaṅketo”³ti,
 vuttam, etena kālokāsa-āvudha-iriyāpathakiriyāvisesānam niyamicchāya
 asati yena kenaci pakārena maraṇameva icchantassa āṇāpakassa
 mukhāruḥhasena vuttassa desakālādiniyamassa visaṅketepi
 kammabaddhoyevāti nāpitaṃ hoti. Yo pana cittena yattha katthaci yadā
 kadāci yena kenaci pakārena maraṇameva icchantopi kālādivisaṅketena
 akusalato codanato vā mucchitukāmo lesena kālādiniyamam karoti, tassa
 manussaviggahapārājikato pariyāyena amuccanato kālādivisaṅketepi
 kammabaddhovāti gahetvā vicāraṇato gahetabbam, keci panetaṃ na
 icchanti, vīmaṃsitabbam.

1. Sārattha-Ṭī 2. 263 piṭṭhe.

2. ...ādīhi (Sī)

3. Vi-Ṭītha 2. 45 piṭṭhe.

Tuṇḍenāti aggakoṭiyā. **Tharunāti** khaggamuṭṭhinā. **Etam gacchantanti** gamanena puggalova niyamito, na iriyāpatho, tenāha “natthi visanketan”ti.

“Dīgham mārehī”ti vuttepi dīghasaṅṭhānānam bahubhāvato “itthannāmam evarūpañca dīghan”ti aññesaṃ asādhāraṇalakkhaṇena aniddiṭṭhattā “aniyametvā āṇāpeti”ti vuttam, tenevāha “yam kiñci tādisaṃ māremī”ti. Ettha ca cittena bahūsu dīghasaṅṭhānesu ekaṃ niyametvā vuttepi vācāya aniyamitattā aññasmiṃ tādise mārite natthi visanketoti vadanti. Attānam muñcitvā parapāṇimhi pāṇasaññitālakkhaṇassa aṅgassa abhāvato nevatthi pāṇātipātoti āha “āṇāpako muccati”ti. Attānam uddissa “asukatṭhāne nisinnan”ti okāsaniyame tasmim padese nisinnassa yassa kassaci jīvitindriyam ārabha vadhakacittam uppajjātīti vuttam “neva vadhako muccati na āṇāpako”ti. Okāsañhi niyametvā niddisanto tasmim okāse nisinnam māretukāmo hoti, sayam pana tadā tattha natthi, tasmā okāsenā saha tattha nisinnasseva jīvitindriyam ārammaṇam hoti, na attanoti gahetabbam. Sace pana sayam tattheva nisīditvā attano nisinnaṭṭhānameva niyametvā “mārehī”ti vuttepi añño tattha nisinno māriyati, tassāpi attanopi jīvitam ārabha vadhakacetanā pavattati, parasmiṃ tattha mārite āṇāpakassa kammabaddhoti gahetabbam. Evarūpe ṭhāne cittappavattiniyamo buddhavisayo, na aññesaṃ visayoti āha “tasmā ettha na anādariyam kātabban”ti.

Evam āṇāpentassa ācariyassa tāva dukkaṭanti sace āṇattiko yathādhippāyam na gacchati, ācariyassa āṇattikkhaṇe dukkaṭam. Sace pana so yathādhippāyam gacchati, yam parato thullaccayam vuttam, āṇattikkhaṇe tadeva hoti. Atha so avassam ghātetī, yam parato “āpatti sabbesaṃ pārājikassā”ti¹ vuttam, tato imassa āṇattikkhaṇeyeva pārājikam hoti, na dukkaṭathullaccayānīti gahetabbam. **Tesampi dukkaṭanti** buddharakkhitādīnampi ārocanapaccayā dukkaṭam, idañca yathāṇattivasena saṃgharakkhitassa jīvitā voropane asati² yujjati, voropane sati tesampi ārocanakkhaṇeyeva pārājikam. **Paṭiggahitamatteti** idam avassam paṭiggahaṇasabhāvadīpanattham vuttam, na paṭiggahitakkhaṇeyeva

1. Vi 1. 95 piṭṭhe.

2. Sati (Sī, Ka)

thullaccayanti dassanattam. Sace hi so avassam paṭiggahessati, kammaṃ pana na nipphādessati, tadā ācariyassa āṇattikkhaṇeyeva thullaccayam hotīti daṭṭhabbam.

Mūlaṭṭhasseva dukkaṭanti idam mahā-aṭṭhakathāyaṃ āgatanayadassanamattam, na panetaṃ attanā adhippetam, tenāha **evam santeti**-ādi, evam mahā-aṭṭhakathāyaṃ vuttanayena atthe satīti attho. **Paṭiggahaṇe āpattiyeva na siyāti** vadhakassa “sādhu suṭṭhū”ti maraṇapaṭiggahaṇe dukkaṭāpatti neva siyā, evam anoḷārikavisayepi tāva dukkaṭam, kimaṅgam pana maraṇapaṭiggahaṇeti dassanattam sañcarittapaṭiggahaṇādi nidassitam. “Aho vata itthannāmo hatō assā”ti¹ evam maraṇābhinandanadassanattam sañcaritta paṭiggahaṇādiabhinandane dukkaṭe sati¹ pageva “aham tam māressāmi”ti maraṇapaṭiggahaṇeti adhippāyo. **Paṭiggaṇhantassevetam dukkaṭanti** avadhāraṇena saṃgharakkhitassa paṭiggahaṇapaccayā mūlaṭṭhassa nattheva āpattīti dasseti, visaṅketatā paṭhamam āṇattadukkaṭamevassa hoti. Keci pana “mūlaṭṭhassāpi dukkaṭamevā”ti vadanti, tam na yuttam ekena payogena dvinnam dukkaṭānnaṃ asambhavā. **Purimanayeti** samanantarātīte avisakkiyadūtaniddese. **Etanti** dukkaṭam. **Okāsābhāvenāti** mūlaṭṭhassa thullaccayassa vuccamānattā paṭiggaṇhantassa dukkaṭam na vuttam okāsābhāvena, na pana āpatti-abhāvatoti adhippāyo.

175. Sayam saṃghattherattā “upaṭṭhānakāle”ti vuttam. **Vācāya vācāya dukkaṭanti** “yo koci mama vacanam sutvā imam māretū”ti iminā adhippāyena avatvā kevalam maraṇābhinandanavaseneva vuttattā **corāpi nāma tam na hanantīti**-ādivācāyapi dukkaṭameva vuttam. **Dvinnam uddissāti** dve uddissa, dvinnam vā maraṇam uddissa. Ubho uddissa maraṇam saṃvaṇṇentassa payogasamuṭṭhāpikāya cetanāya ekattepi “dve pāṇātipātā”ti vattabātāsāṅkhātā balavabhāvaṃ āpajjitvā paṭisandhipavattīsu mahāvīpākattā “akusalarāsi”ti vuttam, bahū uddissa maraṇasaṃvaṇṇanepi eseva nayo. **Tattakā pāṇātipātāti** yattakā saṃvaṇṇanam sutvā marissanti, tattakānampi vattamānam anāgatañca jīvitindriyam sabbam ālambitvāva cetanāya

1-1. Evam maraṇābhinandane dukkaṭe sati (?)

pavattanato tattakā pāṇātipātā honti, tattakāhi cetanāhi dātabbāṃ pavattivipākāṃ ekāva sā cetanā dātuṃ sakkotīti attho, paṭisandhivipākāṃ pana sayañca pubbāparacetanā ca ekekameva dātuṃ sakkotīti gahetabbāṃ.

176. **Yesāṃ hatthato**ti yesāṃ ñātakapavāritādīnaṃ hatthato, idañca bhikkhuno rūpiyamūlassa abhāvaṃ sandhāya vuttaṃ, ¹attanova dhanañce, sayameva¹ mūlaṃ gahetvā muñcati, mūlaṃ pana aggahetvāpi potthakassa potthakasāmino santakattā'pādanamevettha² pamāṇanti gahetabbāṃ. **Lekhādassanakotūhalakā**ti sundarakkharaṃ disvā vā “kīdisaṃ nu kho potthakan”ti vā oloketukāmā.

Pāṇātipātassa payogattāti sarīrato pāṇaviyojanassa niṭṭhāpakapayogattā. Opātakhaṇanatthaṃ pana kudālādi-atthāya ayobījasamuṭṭhāpanatthaṃ akappiyapathaviṃ vā kudāladaṇḍādīnaṃ atthāya bhūtagāmaṃ vikopentassa pācittiyameva. Pāṇātipātapayogattābhāvā adinnādānapubbapayoge viya dutiyapariyesanādīsipi ettha dukkaṭaṭṭhāne dukkaṭaṃ, musāvādādipācittiyaṭṭhāne pācittiyamevāti gahetabbāṃ. **Pamāṇeti** attanā sallakkhite pamāṇe. **Tacchetvāti** unnatappadesaṃ tacchetvā. **Paṃsupacchinti** sabbantimaṃ paṃsupacchiṃ. **Ettakaṃ alanti** niṭṭhāpetukāmatāya sabbantimapayogasādhikā cetanā sanniṭṭhāpakacetanā, **mahā-aṭṭhakathāyaṃ** “ekasmiṃ divase avūpasanteneva payogena khaṇitvā niṭṭhāpentaṃ sandhāya sabbantimā sanniṭṭhāpakacetanā vuttā, itarāsu pana **aṭṭhakathāsu** “imasmiṃ patitvā marantū”ti adhippāyena ekasmiṃ divase kiñci khaṇitvā aparasmimpi divase tato kiñci kiñci khaṇitvā niṭṭhāpentaṃ sandhāya vuttanti evaṃ aṭṭhakathānaṃ aññamaññavirodho ñātabbo. **Attano dhammatāyāti** ajānitvā, pakkhalitvā vā. **Arahantāpi saṅghaṃ gacchantīti** aññehi pātiyamānānaṃ amaritukāmānaṃ arahantānaṃ maraṇaṃ sambhavatīti vuttaṃ. **Purimanayeti** “maritukāmā idha marissantī”ti vuttanaye. **Visaṅketoti** maritukāmānaṃ māretukāmānañca uddissa khatattā amaritukāmānaṃ maraṇe kammabaddho natthīti attho.

1-1. Attano vacanajjhāsayaṃeva (Sī) 2. ...pādakamevettha (Sī), ...pādamevettha (Ka)

Tattha patitaṃ bahi nīharitvāti idaṃ tattha patanapaccayā maraṇassa pavattattā vuttaṃ. Āvāṭe patitvā thokaṃ cirāyitvā gacchantaṃ gahetvā mārite tattha patitarogena pīḷitassa gacchato¹ pakkhalitvā pāsāṇādīsu patanenāpi maraṇepi opātakhaṇako na mucatīti veditabbaṃ. Amaritukāmā vāti adhippāyassa sambhavato opapāṭike uttaritūṃ asakkuṇitvā matepi pārājikaṃ vuttaṃ. “Nibbattitvā”ti vuttattā patanaṃ na dissatīti ce? Tatthassa nibbattiyeva patananti natthi virodho. Yasmā mātuyā patitvā parivattitaliṅgāya matāya so mātughātaḥ hoti, na kevalaṃ manussapurisaghātaḥ, tasmā patitasseva vasena āpattīti adhippāyena “patanarūpaṃ pamāṇaṃ”ti vuttaṃ, idaṃ pana akāraṇaṃ “liṅge parivattepi ekasantānattassa avigatattā. Manussabhūtaṃ mātaraṃ vā pitaraṃ vā api parivattaliṅgaṃ jīvītā voropentassa kammaṃ ānantariyaṃ”ti hi **aṭṭhakathāyaṃ** vuttaṃ. Yena pana sabhāvena sattā jāyanti, teneva maranti, sova tesāṃ rūpantaraggahaṇepi sabhāvoti “maraṇarūpameva pamāṇaṃ, tasmā pācittiyaṃ”ti vutto. Pacchimo vādo pamāṇaṃ, evaṃ sante **pāliyaṃ** “yakkho vā peto vā tiracchānagatamanussaviggaho vā tasmim patati, āpatti dukkaṭassa. Patite dukkhā vedanā uppajjati, āpatti dukkaṭassa. Marati, āpatti thullaccayassā”ti kasmā vuttanti ce? Nāyaṃ doso. “Yakkho vā peto vā”ti hi paṭhamaṃ sakarūpaṃ dassetvā rūpantaraṃ gahetvāpi ṭhiteyeva yakkhapete dassetuṃ “tiracchānagatamanussaviggaho vā”ti vuttaṃ. Tasmā tiracchānagataviggaho manussaviggaho vā yakkho vā peto vāti evamettha yojanā kātabbā. Keci pana “manussaviggahena ṭhitatiracchānagatānaṃ āveṇikaṃ katvā thullaccayaṃ vuttaṃ viya dissatī”ti vadanti, taṃ na yuttaṃ tiracchāno vā manussaviggahoti vattabbato, aṭṭhakathāsu ca imassa visesassa avuttattā. **Yakkhapetarūpena matepi eseva nayoti** iminā maraṇarūpasseva pamāṇattā thullaccayaṃ atidisati.

Mudhāti amūlena. **So niddosoti** tena tattha katapayogassa abhāvato, yadi pana sopi tattha kiñci karoti, na muccati evāti dassento **evaṃ patitāti-**ādimāha. Tattha **evanti** evaṃ mayā kateti

1. Pacchato (Ka)

attho. **Na nassissantīti** adassanaṃ na gamissanti, na palāyissantīti adhippāyo. **Su-uddharā¹ vā bhavissantīti** idaṃ gambhīrassa opātassa pūraṇe payo janadassanaṃ. Uttāne kate opāte sīghaṃ amhehi gahetvā māretuṃ su-uddharā¹ bhavissantīti adhippāyo. **Vippaṭṭisāre uppanneti** mūlaṭṭhaṃ sandhāya vuttaṃ. ²Yadi pana pacchimopi² labhitvā tattha vuttappakāraṃ kiñci katvā puna vippaṭṭisāre uppanne evaṃ karoti, tassāpi ese va nayo. **Jātapathavī jātāti** īdise puna aññena opāte khate tadā muccatīti dassanattamaṃ vuttaṃ, jātapathavīsadisaṃ katvā puna suṭṭhu koṭṭetvā daḷhataraṃ pūritepi muccatiye vāti gahetabbaṃ.

Thaddhataranti thirakaraṇattamaṃ aparāparāya pāsayaṭṭhiyā saddhiṃ bandhitvā vā tameva vā sithilabhūtapāsaṃ thaddhataramaṃ bandhitvā ṭhabeti. **Khāṇukanti** pāsayaṭṭhibandhanakhāṇukaṃ. **Tatthajātakayaṭṭhiṃ chinditvā muccatīti** idaṃ araññe yathāṭṭhitameva daṇḍaṃ mūle acchinditvā pāsabandhanayoggaṃ katvā ṭhapitattā tattha aññopi koci pāsaṃ bandheyya, mūlaṭṭho na muccati, taṃ pana mūlepi chinditvā khaṇḍākhaṇḍaṃ katvā muccatīti dassanattamaṃ vuttaṃ. **Rajjuketi** vākehi ekavāraṃ vaṭṭitarajjuke. **Sayaṃ vaṭṭitanti** tanukavaṭṭitaṃ diguṇatiguṇatāpādanena attanā vaṭṭitaṃ. **Ubbatṭetvāti** pākātikaṃ katvā. **Gopentopi** hīraṃ hīraṃ katvā gopentopi.

177. **Ālambanarukkho vāti** tatthajātakaṃ sandhāya vuttaṃ. **Tadatthameva katvāti** māraṇattameva ayobhījasamuṭṭhāpanādinā vāsi-ādim sattaṃ kāretvā. **Pākātikanti** aññehi kataṃ pakatisattameva labhitvā mūlaṭṭhena ṭhapitaṃ hotīti³ attho. **Mucchatīti** mūlaṭṭho muccati. **Visamaṇḍalanti** mañcapīṭhādīsu ālittaṃ visamaṇḍalaṃ.

Vatvā asim upanikkhipatīti ettha mukhena avatvā manasāva cintetvā upanikkhipanepi ese va nayo. **Purimanayenāti** yesaṃ hatthato mūlaṃ gahitanti-ādinā. **Visabhāgarogo** nāma kuṭṭhādivirūpabhāvato, gaṇḍapīlakādi vā jīvitappavattiyā paccanīkattā.

178. **Manāpiyepi ese va nayoti** etena manāpiyaṃ rūpaṃ upasaṃharatīti ettha yaṃ vā manāparūpaṃ, tassa samīpe ṭhabeti, attanā vā manāpiyena

1. Su-uddharā (Sī)

2-2. Yadi puna (Ka)

3. Cetanti (Ka), hotimevāti (Sī)

rūpena samannāgato tiṭṭhatīti-ādi yojetabbanti dasseti. **Alañkaritvā upasaṃharatīti** “alābhakena sussitvā maratū”ti iminā adhippāyena upasaṃharati, teneva “sace uttasitvā marati, visaṅketo”ti vuttam. **Alābhakena sussitvā maratīti** ettha pārājikoti pāṭhaseso daṭṭhabbo. **Mahākacchu** nāma valliphalaviseso, yassa majjārapādasessa saṅghānam dukkhasamphassāni sukhumalomāni ca honti. **Hamsapupphanti** hamsādīnam pakkhalomam sandhāya vadanti. **Attano dhammatāya marati, anāpattīti** pārājikam sandhāya vuttam dukkaṭā na muccanato.

179. Asañciccāti idam maraṇasaṃvattanika-upakkamassa asallakkhaṇam sandhāya vuttanti āha **iminā upakkamenāti**-ādi. Ajānantassāti idam pana maraṇasaṃvattanikavisādi-upakkamakaraṇassa ajānanam sandhāya vuttanti āha **iminā ayam marissatīti**-ādi. Na maraṇādhippāyassāti idam dukkhuṇṇadakaṃ upakkamanti jānantassāpi maraṇādhippāyassa abhāvam sandhāya vuttanti āha **marañam anicchantassāti**-ādi. **Anuppabandhābhāvāti** domanassavīthīnam nirantarappavatti-abhāvā.

Padabhājanīyavaṇṇanāyō niṭṭhito.

Vinītavatthuvaṇṇanā

180. **Vohāravasenāti** pubbhāgavohāravasena, maraṇādhippāyassa sanni ṭṭhāpakacetanākkhaṇe karuṇāya abhāvato kāruṇṇena pāse baddhasūkaramocanam viya¹ na hotīti adhippāyo. “Yathāyunā”ti vuttamevattham “yathānusandhinā”ti pariyāyantarena vuttam. Heṭṭhā kismiñci vijjamāne sātakaṃ valim gaṇhātīti āha “yasmim vali na paññāyatī”ti. Paṭivekkhaṇaṅcetaṃ gihīnam santake evāti daṭṭhabbam. Pāḷiyam **musale ussiteti** aññamaññam upatthambhetvā dvīsu musalesu bhittim apassāya ṭhapitesūti attho. **Udukkhalabhaṇḍikanti** udukkhalatthāya ānītam dārubhaṇḍam. **Paribandhanti**² bhojanaparibandham, bhojanantarāyanti vuttam hoti.

1. Vi 1. 79 piṭṭhe.

2. Paṭibandhanti (Sī)

181. Aggākārikanti ettha kārika-saddassa bhāvavacanattā “aggakiriyan”ti atthaṃ vatvāpi yasmā kiriyaṃ dātum na sakkā, tasmā dānasāṅkhātāya aggakiriyaṃ yuttapiṇḍapātameva idha upacārayuttīyā aggakiriyaṃ gaheṭṭabanti āha **paṭhamāṃ laddhapiṇḍapātanti**-ādi.

182-3. **Daṇḍamuggaranikhādanavemādīnaṃ vasenā**ti ettha **daṇḍo** nāma dīghadaṇḍo. **Muggaro** nāma rasso¹. **Vemaṃ** nāma tantavāyānaṃ vatthavāyana-upakaraṇaṃ, yena vītaṃ tantaṃ ghaṭṭenti. **Vibhattibyattayenā**ti vibhattivipariṇāmena. **Visesādhigamoti** samādhī vipassanā ca. **Visesādhigamanti** lokuttaradhammapaṭilābhaṃ. **Byākaritvā**ti ārocetvā, idaṅca visesassa adhigatabhāvadassanattamaṃ vuttaṃ. Adhigatavisesā hi diṭṭhānugati-āpajjanattamaṃ lajjibhikkhūnaṃ avassaṃ adhigamaṃ byākaronti, adhigatavisesena pana abyākaritvāpi āhāraṃ upacchinditum na vaṭṭati, adhigamantarāyavinodanattameva āhārūpacchedassa anuññātattā tadadhigame so na kātabbova. Kim panādhigamaṃ ārocetum² vaṭṭatīti āha **sabhāgānanti**-ādi. **Bhaṇḍakam vā dhovantā**ti cīvaraṃ vā dhovantā. **Dhovanadaṇḍakanti** cīvaradhovanadaṇḍam.

185. **Maddāpetvā pāṭeti, visaṅketoti** yathāṇattiyā akatattā vuttaṃ, yadi pana āṇāpako maddanampi maddāpanampi sandhāya vohārasena “madditvā pāṭehi”ti vadati, visaṅketo natthīti veditabbaṃ. “Maraṇavaṇṇam vā saṃvaṇṇeyyā”ti³ vuttattā āha “pariyāyo nāma natthī”ti, pariyāyena āpattimokkha na hotīti adhippāyo. Avijāyanattāya gabbhaggahaṇato puretameva bhesajjaṃ dentassa kucchiyaṃ uppajjitvā gabbho vinassatīti iminā adhippāyena dinne tathāmarantānaṃ vasena kammabaddho, kucchiyaṃ na uppajjissatīti iminā adhippāyena dinne uppajjitvā maratu vā mā vā, nevatthi kammabaddho.

Sahadhammikānanti ekassa satthu sāsane sahasikkhamānadhammānaṃ, sahadhamme vā sikkhāpade sikkhanabhāvena niyuttānaṃ. **Samasīlasaddhānanti**-ādinā dussīlānaṃ bhinnaladdhikānaṅca akātumpi labbhatīti dasseti.

1. Rasso thūlamuggaro (Sī)

2. Nārocetum (Ka)

3. Vi 1. 92 piṭṭhe.

Ñātakapavāritatṭhānatoti attano tesam vā ñātakapavāritatṭhānato. Ariyehi akatā ayuttavasena akatapubbā viññatti **akataviññatti**.

Paṭiyādiyatiti sampādiyati. **Akatum na vaṭṭati**ti ettha dukkaṭam vadanti, ayuttatāvaseneva panettha akaraṇapaṭikkhepo yutto, na āpattivasenāti gahetabban. **Yāva ñātakā passanti**ti yāva tassa ñātakā passanti.

Pitubhaginī **pitucchā**. Mātubhātā **mātulo**. **Nappahontī**ti katum na sakkonti. **Na yācanti**ti lajjāya na yācanti. “Ābhogaṃ katvā”ti vuttattā aññathā dentassa āpattiyeva. Keci pana “ābhogaṃ akatvāpi dātum vaṭṭati”ti vadanti, tam na yuttam bhesajjakaraṇassa **pāḷiyam** “anāpatti bhikkhu pārājikassa, āpatti dukkaṭassā”ti¹ evaṃ antarāpattidassanavasena sāmāññato paṭikkhittattā, aṭṭhakathāyaṃ avuttappakārena karontassa sutteneva āpatti siddhāti daṭṭhabbā, teneva aṭṭhakathāyampi “tesaññeva santakan”ti-ādi vuttam. **Aññesanti** asālohitānaṃ, tenāha **etesam puttaparamparāyāti**-ādi. **Kulaparivaṭṭoti** kulasmim ñātiparamparā. **Bhesajjam karontassāti** yathāvuttavidhinā karontassa, “tāvakālikam dassāmī”ti ābhogaṃ akatvā dentassāpi pana antarāpatti dukkaṭam vinā micchājīvaṃ vā kuladūsanam vā na hotiyeva, tenāha “vejjakammaṃ vā kuladūsakāpatti vā na hoti”ti. Ñātakānañhi santakam yācitvāpi gahetum vaṭṭati, tasmā tattha kuladūsanādi na siyā. **Sabbapadesūti** “cūḷamātuyā”ti-ādīsu sabbapadesu.

Upajjhāyassa āharāmāti idam upajjhāyena “mama ñātakānaṃ bhesajjam āharathā”ti āṇatthehi kattabbavidhidassanattam vuttam, iminā ca sāmaṇerādīnaṃ apaccāsāyapi paraṇassa bhesajjakaraṇam na vaṭṭati dasseti. **Vuttanayena pariyesitvāti** iminā “bhikkhācāravattena vā”ti iminā, “ñātisāmaṇerehī”ti iminā ca vuttamattham atidisati. **Apaccāsīsantenāti** āgantukacorādīnaṃ karontenāpi “manussā nāma upakārakā hontī”ti attano tehi lābham apatthayantena. Paccāsāya karontassa pana vejjakammakuladūsanādidoso hotīti adhippāyo. “Evaṃ upakāre kate

1. Vi 1. 108 piṭṭhe.

sāsanaguṇaṃ ñatvā pasīdanti, saṅghassa vā upakāraḱā hontī”ti karaṇe pana doso natthi. Keci pana “apaccāsīsantena āgantukādīnaṃ paṭikkhittapuggalādīnampi dātum vaṭṭatī”ti vadanti, taṃ na yuttaṃ kattabbākattabbaṭṭhānavibhāgassa niratthakattappasaṅgato “apaccāsīsantena sabbesaṃ dātum kātuṇca vaṭṭatī”ti ettakamattasseva vattabbato. Apaccāsīsanaṅca micchājīvakuladūsanādidosanisedhanatthameva vuttaṃ bhesajjakaraṇasaṅkhātāya imissā antarāpattiyā muccanattham āgantukacorādīnaṃ anuññātānaṃ dāneneva tāya āpattiyā muccanatoti gahetabbaṃ. Teneva apaccāsīsantenāpi akātabbaṭṭhānaṃ dassetuṃ **saddham** **kulanti**-ādi vuttaṃ. **Pucchantī**ti iminā diṭṭhadiṭṭharogīnaṃ pariyāyenāpi vatvā vicaraṇaṃ ayuttanti dasseti. Pucchitassāpi pana paccāsīsantassa pariyāyakathāpi na vaṭṭatīti vadanti.

Samullapesīti apaccāsīsanto evaṃ aññamaññaṃ kathaṃ samuṭṭhāpesi. **Ācariyabhāgoti** vinayācāraṃ akopetvā bhesajjācikkhaṇena vejjācariyabhāgoti¹ attho. Pupphapūjanatthāya sampaṭicchiyamānaṃ rūpiyaṃ attano santakattabhajanena nissaggiyamevāti āha “kappiyavasena gāhāpetvā”ti, “amhākaṃ rūpiyaṃ na vaṭṭatī, pupphapūjanattham pupphaṃ vaṭṭatī”ti-ādinaṃ paṭikkhipitvā kappiyena kammena gāhāpetvāti attho.

Yadi “parittaṃ karoṭhā”ti vutte karonti, bhesajjakaraṇaṃ viya gihikammaṃ viya hotīti “na kātabban”ti vuttaṃ. “Parittaṃ bhaṇathā”ti vutte pana dhammajjhesanattā anajjhīṭṭhenapi bhaṇitabbo dhammo, pageva ajjhīṭṭhenāpīti “kātabban”ti vuttaṃ. **Cāletvā suttaṃ parimajjitvāti** idaṃ “parittāṇaṃ ettha pavesemī”ti cittena evaṃ kate parittāṇā tattha pavesitā nāma hotīti vuttaṃ. **Vihārato -pa- dukkaṭanti** idaṃ aññātakagahaṭṭhe sandhāya vuttanti vadanti. **Pādesu udakaṃ ākiritvāti** idaṃ tasmim dese cārittavasena vuttaṃ. Vuttaṅhi “tattha pāliyaṃ nisinnānaṃ bhikkhūnaṃ pādesu rogavūpasamanādi-atthāya udakaṃ siṅcitvā parittaṃ kātum suttaṅca ṭhapetvā ‘parittaṃ bhaṇathā’ti vatvā gacchanti. Evaṅhi kariyamāne yadi pāde apanenti, manussā taṃ avamaṅgalanti maññaṅti, rogo vā na vūpasamissatī”ti. Tenāha “na pādā apanetabbā”ti. Matasarīradassane viya kevalaṃ susānadassanepi “idaṃ jātānaṃ sattānaṃ khayagamaṇaṭṭhānaṃ”ti maraṇasañña

1. Vejjācariyabhāgo ayanti (Si)

uppajjatīti āha “sīvathikadassane -pa- maraṇassatiṃ paṭilabhissāmā”ti kammaṭṭhānasīsena gantuṃ vaṭṭatī”ti. Lesakappaṃ akatvā samuppannasuddhacittena “parivāratthāya āgacchantū”ti vuttepi gantuṃ vaṭṭati.

Anāmatṭhapiṇḍapātoti aggahita-aggo, aparibhuttoti attho.

Kahāpaṇagghanako hotīti iminā dāyakehi bahubyañjanena sampādetvā sakkaccaṃ dinnabhāvaṃ dīpeti. **Thālaketi** saṅghike kaṃsādimaye thālake, pattopi ettha saṅgayhati. **Na vaṭṭatīti** iminā dukkaṭanti dasseti.

Dāmarikacorassāti rajjaṃ patthentassa pākaṭacorassa. Adīyamānepi “na denti”ti kujjhantīti sambandho. Āmisassa dhammassa ca alābhena attano parassa ca antare sambhavantassa chiddassa ca vivarassa paṭisantharaṇaṃ pidhanaṃ **paṭisanthāro**, so pana dhammāmisavasena duvidho. Tattha āmisapaṭisanthāraṃ sandhāya “kassa kātabbo, kassa na kātabbo”ti vuttaṃ. “Āgantukassa vā -pa- katabbo yevā”ti saṅkhepato vuttamatthaṃ pākaṭaṃ kātuṃ **āgantukaṃ tāvāti**-ādimāha. **Khīṇaparibbayanti** iminā agatibhāvaṃ kāruṇṇabhājanatañca dasseti, tena ca tabbidhurānaṃ samiddhānaṃ dāyakādīnaṃ āgantukattepi dātuṃ na vaṭṭatīti siddhaṃ hoti. Taṇḍulādīmi dātabbe sati “avelāyaṃ -pa- na vattabbo”ti vuttaṃ. “Apaccāsīsantenā”ti vatvā paccāsīsanaṃ dassetuṃ **manussā nāmāti**-ādi vuttaṃ. Ananuñātānaṃ pana apaccāsīsantenāpi dātuṃ na vaṭṭati saddhādeyyavinipātattā, paccāsīsāya pana sati kuladūsanampi hoti.

Ubbāsetvāti¹ samantato tiyojanaṃ vilumpante manusse palāpetvā.

Varapotthakacittattharaṇanti anekappaṭākāra-itthipurisādi-uttamarūpavicittaṃ attharaṇaṃ.

187. Sattarasavaggiyesu pubbe ekassa aṅgulipatodakena māritattā sesesu soḷasajanesu udaraṃ āruhitvā nisinnaṃkaṃ ṭhapetvā “sesāpi pannarasa jānā”ti vuttaṃ. **Adūhalapāsāṇā viyāti** adūhale āropitapāsāṇā viya. **Kammādhippāyāti** tajjanīyādikammakaraṇādhippāyā.

1. Uppātetvāti (Sī, Syā)

Āvāhetvāti āvisāpetvā. **Rūpaṃ katvā hatthapādādāni chindantī**ti tasmim piṭṭhādīmāye rūpe amanussam āpāhetvā tassa hatthapādādāni chindanti. **Sakkaṃ devarājānaṃ māreyyā**ti idaṃ sambhāvanavasena vuttaṃ. Na hi tādisā mahānubhāvā yakkhā satthaghātārahā honti devāsurayuddhepi tesam satthappahārena maraṇābhāvā.

188. Pahāro na dātāboti sambandho. Amanussam kodhacittena paharantassa dukkaṭameva. Cīkicchādhippāyena paharantassa anācāroti gahetabbo. **Tālapaṇṇaṃ -pa- bandhitābanti** amanussā tālapaṇṇabandhanena palāyantīti katvā vuttaṃ, idaṃca gihīnaṃ vejjakammavasena kātum na vaṭṭati.

189. **Yo rukkhena otthatopi¹ na maratī**ti-ādīsu yaṃ vattabbaṃ, taṃ bhūtagāmasikkhāpadaṭṭhakathāyaṃ² sayameva vakkhati, taṃ tattheva gahetabbaṃ.

190. **Dabbūpakaraṇānī**ti kehici chinditvā ṭhapitāni sapaṛiggahitāni sandhāya vuttaṃ. Tattha hi ṭhānācāvanābhāvena vināsādhippāyassa dukkaṭam vuttaṃ. **Khiddādhippāyenāpi dukkaṭanti** sukkhatiṇādīsu aggikaraṇam sandhāya vuttaṃ, allesu pana kīḷādhippāyenāpi karontassa pācittiyameva. Paṭipakkhabhūto, paṭimukhaṃ gacchanto vā aggi **paṭaggi**, tassa allatiṇādīsupi dānaṃ anuññātaṃ, taṃ dentena dūrato āgacchantam dāvaggim disvā vihārassa samantato ekakkhaṇe adatvā ekadesato paṭṭhāya vihārassa samantato saṅikaṃ jhāpetvā yathā mahantopi aggi vihāraṃ pāpuṇitum na sakkoti, evaṃ vihārassa samantā abbhokāsam katvā paṭaggi dātabbo, so dāvaggino paṭipathaṃ gantvā ekato hutvā tena saha nibbāti. **Parittakaraṇanti** samantā rukkhatiṇādicchedanaparikhākhaṇanādi-ārakkhakarāṇam, tenāha **tiṇakuṭikānaṃ samantā bhūmitacchananti**-ādi.

191. **Khettameva otiṇṇatā pārājikanti** dvīsu ekassāpi antogadhattā “dvīhi”ti vuttakhette ekassāpi otiṇṇatā pārājikaṃ, “dvīhi eva mārehi na ekenā”ti niyamite pana ekeneva mārite natthi pārājikanti vadanti, evaṃ dve eva purisāti-ādīsupi. Pubbe katasīsacchedapayogato añño payogo jīvitindriyupacchedako³ na upalabbhati, paṭhamena

1. Otthatopi (?)

2. Vi-ṭṭha 3. 33 piṭṭhe.

3. Jīvitindriyupacchedato (Sī)

payogenassa jīvitindriyaṃ upacchijjati “sīsacchedakassā”ti vuttaṃ, yaṃ pana **sāratthadīpaniyaṃ**¹ “jīvitindriyassa avijjamānattā”ti kāraṇaṃ vuttaṃ, taṃ akāraṇaṃ jīvitindriyasannissitacittasantatiṃ vinā ukkhipanasannirujjhanādivasappavattassa gamanassa asambhavato. Na hi vāyuvegena paṇṇapaṭādayo viya kāyo gacchati, na ca ukkhipane pavattāva cittajaviññatti-ādayova nikkhipanādinopi hetubhūtāti sakkā vattum vicchinditvā pavattanato. Pubbe anāhitavegāpi hi kāci sarīsapajāti dvidhā chinnā chedanamattā dvīhi vibhāgehi katipayakkhaṇaṃ dvīsu disāsu gacchati, tattha ca yasmiṃ bhāge hadayavatthu tiṭṭhati, tatraṭṭhaṃ pañcadvārāvajjanacittaṃ dvīsupi bhāgesu kāyappasāde ghaṭṭitaṃ phoṭṭhabbaṃ ālambitvā uppajjati, tato tadārammaṇameva yathārahamekasmiṃ bhāge ekadā aññasmiṃ aññadāti evaṃ pariyāyena kāyaviññāṇaṃ uppajjati, tato hadayavattusmiṃyeva sampañcchānādivīthiccittāni bhavaṅgantariṭāni manodvārāvīthiviññāṇāni ca viññattijanakāni uppajjanti, ye hi ubhayabhāgā gacchanti vā calanti vā phandanti vā. Cittassa pana lahuparivattiyā ekakkhaṇe ubhayabhāgāpi calantā viya upaṭṭhahanti, seyyathāpi nāma kukkuḷādinarakesu nimuggasakalasarīrassa sattassa ekasmiṃ khaṇe sakalasarīrepi kāyaviññāṇadukkaṃ uppajjamānaṃ viya upaṭṭhāti, evaṃsampadamidaṃ daṭṭhabbaṃ, tato pana yasmiṃ bhāge jīvitindriyaṃ sasesakammajarūpaṃ nirujjhati, tattha kāyaviññāṇaṃ nappavattati, hadayavattusahitabhāgeyeva yāva jīvitindriyanirodhā pavattati.

Nanu narakādīsu ekābaddhe sarīre sabbattha pariyāyena kāyaviññāṇasamuppatti yuttā hotu, dvidhā hutvā vicchinne pana bhāgadvaye kathanti? Nāyaṃ doso. Sarīre hi ekābaddhatā nāma paramatthadhammabyatirittā kāci natthi paravādīnaṃ avayavī-ādi viya, kammādi-ekakāraṇapuñjāyattatāya bahūnaṃ sahuppattiyeva ekābaddhatā. Tattha ca satthappahārādiviruddhapaccayopanipātena vibhinnānampi kammādi-ekakāraṇānaṃ puñjāyattatā na vigacchati, yāva sā na vigacchati, tāva avicchinnāva² tattha viññāṇappavatti. Vibhinnānaṃ pana kammajarūpānaṃ aññesaṅca sesatisantatirūpānaṅca upatthambhanabhāvena cirāṃ pavattitum na sakkonti, yāva ca dharanti, tāva viññāṇapaccayā honti, viññāṇena ca

1. Sārattha-Ṭī 2. 278 piṭṭhe.

2. Avachinnā (Ka)

tesaṃ calanagamanādidesantaruppatti. Tasmā kabandhassapi dhāvakkhaṇe saviññāṇajīvitindriyaṃ attheva, tañca sīsacchedakappayyogeneva sīghaṃ patati, tato aññappayogassa sarīre visesuppādanato puretameva paṭhameneva kiccanipphattito sīsacchedakasseva kammabaddhoti gahetabbo. **Evarūpānī**ti kabandhavatthusadisāni. **Imassa vatthussāti** āghātanavatthussa. **Atthadīpaneti** ekena purisena payogena vā māritatāsaṅkhātassa atthassa dīpane.

192. Pānaparibhogena vaṭṭatīti sambandho. Evaṃ pana vuttattā “loṇasovīrakam yāmakālikan”ti keci vadanti, keci pana “gilānānaṃ pākaticameva, agilānānaṃ pana udakasambhinnan”ti vuttattā “guḷam viya sattāhakālikan”ti.

Iti samantapāsādikāya vinayaṭṭhakathāya vimativinodaniyaṃ
Tatiyapārājikavaṇṇanāyaya niṭṭhito.

4. Catutthapārājika

Vaggumudātīriyabhikkhuvatthuvaṇṇanā

193. **Adhiṭṭhemā**ti samvidahāma. **Iriyāpathaṃ saṅṭhapetvāti** padhānānurūpaṃ katvā. **Anāgatasambandhe pana asatī**ti bhāsito bhavissatīti pāṭhasesaṃ katvā anāgatasambandhe asati. Bhāsitoti atītavacanaṃ kathaṃ anāgatavacanena sambandhamupagacchatīti āha **lakkhaṇaṃ panā**ti-ādi. Īdise hi ṭhāne dhātusambandhe paccayāti iminā lakkhaṇena dhātuvatthasambandhe sati ayathākālavihitāpi paccayā sādhave bhavanti saddasatthavidū vadanti.

194. **Vaṇṇavāti** iminā abhinavuppannavāṇṇatā vuttā. **Pasannamukhavaṇṇā**ti iminā mukhavaṇṇassa atipaṇītatā vuttā. **Vippasannacchavivaṇṇā**ti iminā pakatisarīravaṇṇasseva yathāvuttanayena vippasannatā vuttā. Yasmā indriyānaṃ upādārūpattā nissayavaseneva pīṇananti āha “abhiniviṭṭho kāsassa paripuṇṇattā”ti. Pañcappasādānaṃ viya hadayarūpassāpi paripuṇṇatā

vuttāyevāti āha “manacchaṭṭhānam indriyānam”ti. Uddesaṃ paripucchaṃ anuyuñjantā imaṃ sarīrasobhaṃ neva pāpuṇimsūti sambandho. **Yathā tanti** ettha **tanti** nipātamattaṃ. **Catucakkanti** ettha pavattanaṭṭhena iriyāpathova cakkanti vutto.

195. **Upalabbhantī** dissanti, ñāyantīti attho. **Pacantoti** pīlento, gehādīni vā sayam ḍahanto, aññehi vā pācento. **Uddhateti** uddhaccapakatike. **Unnaleti** uggatanaḷasadisena uggatatucchamānena sahite. **Capaleti** pattacīvamaṇḍanādīnā cāpallena yutte. **Mukhareti** kharavacane. **Pākatindriyeti** asaṃvutattā gihikāle viya pakatiyaṃ ṭhitindriye. **Iriyāpathasaṅṭhapanādīnīti ādi**-saddena paccayapaṭisevana¹ sāmantaḷappānam gahaṇam veditabbaṃ. Paramasallekhavuttīhi mahā-ariyavaṃsehi bhikkhūhi nivutthasenāsanāni **lokasammata senāsanāni** nāma. **Paripācetunti** vimhāpanavasena pariṇāmetuṃ. **Bhikkhācāre asampajjamāneti** idaṃ **janapadacārikam carantīti** iminā sambandhitabbaṃ, na pana **pāḷim vācentoti**-ādīhi, tāni pana padāni attano niran taravāsaṭṭhānepi janapadesupi kattabbakiccadassanavasena vuttāni, tāni ca te vattasīsenā karontī, na lābhanimittam, tenāha **tantīti**-ādī. **Kicchenāti** imasseva vevacanaṃ **kasirenāti**. Tadubhayampi pāramīpūraṇavāyāmaṃ sandhāya vuttam. **Sādhāraṇaparikkhārabhāvenāti** saṅghikaparikkhārabhāvena. **Tathābhāvato thenetvāti** avissajjiya-avebhaṅgiyabhāvato thenetvā, na ṭhānācāvanavasenāti² adhippāyo, tenāha “kuladūsakadukkaṭam āpajjati”ti. **Asantanti** imassa **abhūtanti** idaṃ kāraṇavacanaṃ, anuppannattā avijjamānanti attho. **Kitavassevāti** kitavassa saḷaṇḷagahaṇamiva. **Kerāṭikassāti** saḷassa. Samaṇoti gottamattaṃ anubhonti dhārentīti **gotrabhuno**, nāmamattasamaṇāti attho. **Dujjānaparicchedanti** anantadukkhattā “ettakam dukkhan”ti saṅkhyāvasena paricchinditvā ñātuṃ sabbaññutaññāṇepi dukkaram, na pana sarūpavasena ñātuṃ buddhaññāṇassa avisayabhāvā.

Adhimānavatthuvaṇṇanā

196. **Arahatteti** aggaphale. **Ñānacakkhunāti** paccavekkhaṇañāṇasaṅkhātena cakkhunā, atha vā phalacittasampayutteneva ñānacakkhunā. Attanā

1. Paccayapaṭisedhana... (Sī)

2. Ṭhānācāvanavasenāti (Sī, Ka)

sampayuttenāpi hi nāṇena asammohato sayam diṭṭham nāma hoti, tathā tasmim̄ adiṭṭheti attho. Sabbesaṃ kilesānaṃ pahāyakavasena ājānāti, samantato sabbena vā pakārena jānātīti “aññā”ti aggamaggo vuccati, tadupacārena pana tapphalampīti āha “aññāṃ byākarimsūti arahattaṃ byākarimsū”ti. **Antarā ṭhapetīti** sekhabhūmiyaṃ adhimāno ṭhapeti. **Kilesasamudācāraṃ apassantoti** purimamaggattayavajjhānamyeva kilesānaṃ vasena vuttaṃ, na bhavarāgādīnaṃ.

Savibhaṅgasikkhāpadavaṇṇanā

197. Pakatimanussehi uttaritarānaṃ buddhādi-uttamapurisānaṃ adhigamadhammo uttarimanussadhammoti āha **uttarimanussānanti-ādi**. **Pāliyaṃ**¹ “atthi ca me ete dhammā mayī”ti ettha **meti** idaṃ padapūraṇamattaṃ. Adhigantabbato adhigamasaṅkhātassa jhānādino pucchā **adhigamapucchā**, sā ca jhānādīsu sāmāññato pavattāti idāni tattha paṭhamajjhānaṃ vā dutiyādīsu aññataraṃ vā tatthāpi kasiṇādi-ārammaṇesu kataramārammaṇaṃ jhānaṃ vā lokuttaresu ca sotāpattimaggaṃ vā sakadāgāmimaggādīsu aññataraṃ vā tatthāpi suññatavimokkhaṃ vā appaṇihitavimokkhādīsu aññataraṃ vāti evaṃ paccekaṃ bhedaniddhāraṇavasena pucchanaṅkāraṃ dassetuṃ **pāliyaṃ**² “puna katamesaṃ tvaṃ dhammānaṃ lābhī”ti ayaṃ pucchā dassitāti daṭṭhabbā, tenāha **paṭhamamaggādīsūti-ādi**. Yāya anukkamaṇapaṭipattiyā lokuttaro adhigamo āgacchati, sā pubbabhāgapaṭipatti **āgamanapaṭipadā**. **Na sujjhātīti** pucchiyamāno paṭipattikkamaṃ ullaṅghitvā katheti. **Apanetabboti** tayā vuttakkamenāyaṃ na sakkā adhigantunti adhigatamānato apanetaṃ. Sannihitesu kappiyesupi catūsu paccayesu alaggatā “ākāse pāṇisamena cetasā”ti vuttaṃ. Vuttasadiṣaṃ byākaraṇaṃ hotīti yojanā. **Khīṇāsavaṇṇapattisadisā paṭipadā hoti** suvikkhambhi takilesattā. Idaṃca arahattaṃ paṭijānantassa vasena vuttaṃ, tenāha **khīṇāsavassa nāmāti-ādi**. Evaṃ suvikkhambhitakilesassa vattanasekkhadhammapaṭijānaṃ iminā bhayuppādanena, ambilādīdassane kheḷuppādādīnā ca na sakkā vīmaṃsitum̄, tasmā tassa vacaneneva taṃ saddhātabbaṃ. **Ayaṃ bhikkhu**

1. Vi 1. 117 piṭṭhe.

2. Vi 1. 117 piṭṭhe.

sampannabyākaraṇoti idaṃ na kevalaṃ abhāyanakameva sandhāya vuttaṃ ekaccassa sūrajātikassa puthujjanassāpi abhāyanato, rajjanīyārammaṇānaṃ badarasālavādi-ambilamaddanādīnaṃ upanayanepi kheḷuppādāditaṇhāpavattarahitaṃ sabbathā susodhitameva sandhāya vuttanti gahetabbaṃ.

Asantaguṇasambhāvanalakkhaṇā pāpicchāti āha **yā sā idhekaccoti**-ādi. **Ādi**-saddena assaddhoti-ādipāṭhaṃ saṅgaṇhāti. **Sāmaññaṃ dupparāmaṭṭhanti** samaṇadhammasaṅkhātāṃ sāmaññaṃ khaṇḍasilādītāya dupparāmaṭṭhaṃ duṭṭhu gahitaṃ nirayāya nirayadukkhāya taṃ puggalaṃ tattha niraye upakaḍḍhati nibbattāpetīti attho. **Sithiloti** olīyivā karaṇena sithilagāhena kato, sathena vā sāṭheyena ādiṇṇo sithilo. **Paribbajoti** samaṇabhāvo. **Bhiyyoti** pubbe vijjamānānaṃ rāgarajādīnaṃ upari aparampi rajaṃ ākiratīti attho. **Bhikkhubhāvoti** adhammikapaṭiññāmasiddho bhikkhubhāvo. **Ajānamevāti** ettha evasaddo avadhāraṇe ajānanto evāti, “ajānamevan”tipi pāṭho, tattha pana evaṃ jānāmi evaṃ passāmīti yojetabbaṃ.

Padabhājanīyavaṇṇanā

199. **Evanti** ca paṭhamajjhānādīparāmasanaṃ paṭhamajjhānaṃ jānāmi dutiyādijhānanti. **Asubhajjhānādīnīti ādi**-saddena kāyagatāsatiijhānaṃ kasiṇajjhānaṃ kasiṇamūlakāni āruppajjhānāni ca saṅgaṇhāti. **Vimokkhoti** catubbidho maggo, tassa saguṇato suññatādīnāmaṃ dassento āha **so panāyanti**-ādi. Maggo hi nāma pañcahi kāraṇehi nāmaṃ labhati sarasena vā paccanīkena vā saguṇena vā ārammaṇena vā āgamanena vā. Sace hi saṅkhārupekkhā aniccato saṅkhāre sammāsivā vuṭṭhāti, maggo animittavimokkhena vimuccati. Sace dukkhato sammāsivā vuṭṭhāti, appaṇihitavimokkhena vimuccati. Sace anattato sammāsivā vuṭṭhāti, suññatavimokkhena vimuccati, idaṃ **sarasato** nāmaṃ nāma. Yasmā pana saṅkhāresu aniccānupassanāya niccanimittaṃ pajahanto āgato, tasmā animitto. Dukkhanupassanāya sukhasaññaṃ paṇidhiṃ patthanaṃ pahāya āgatattā appaṇihito. Anattānupassanāya attasaññaṃ pahāya attasuññatādassanavasena suññatā hoti, idaṃ **paccanīkato** nāmaṃ nāma.

Rāgādīhi panesa suññatattā suññato, rūpanimittādīnam, rāganimittādīnam eva vā abhāvena animitto, rāgapaṇidhi-ādīnam abhāvato appaṇihitoti vuccati, idaṃ assa **saguṇato** nāmaṃ¹. Rāgādisuññam animittam appaṇihitañca nibbānam ārammaṇam karotīti suññato animitto appaṇihitoti vuccati, idamassa **ārammaṇato** nāmaṃ¹. Āgamanam pana duvidam vipassanāgamanam maggāgamañca. Tattha magge vipassanāgamanameva, phale pana maggānantare maggāgamanam, phalasamāpattiyam vipassanāgamanampi. Anattānupassanāvasena maggo suññato aniccadukkhānupassanāhi animitto appaṇihitoti evam vipassanā attano nāmam maggassa deti, maggo phalassāti idaṃ **āgamanato** nāmam.

Suññattāti vivittattā. Rāgādayova paṭiṭṭhānaṭṭhena paṇidhīti āha “rāgadosamohaṇidhīnan”ti. **Imissā vijjāyāti dibbacakkhuvijjāyāti**-ādīna ekekavijjam sandhāya vadanti. Evam ekissāpi nāmam aggahetvāpi tā eva sandhāya “vijjānam lābhimhi”ti bhaṇantopi pārājiko hotīti saṅkhepaṭṭhakathāyam adhippāyo. Vatthuvijjādīni pana sandhāya vadanto na hoti. **Ekekakoṭṭhāsavasenāti** mahā-aṭṭhakathāyam vuttanayena lokuttaravisesam akatvā kevalam “satipaṭṭhānānam lābhi”ti ekekakoṭṭhāsavasenāti adhippāyo. **Tatthāti** tesu koṭṭhāsesu. Kilesānam pahānam nāma abhāvamattampi lokuttarakiccattā lokuttaranti samatthetum **taṃ panāti**-ādi vuttam. **Rāgā cittaṃ vinīvaraṇatāti** rāgato cittaṃ vinīvaraṇatā, tato rāgato vimuttattā eva vītarāganīvaraṇatāti attho, yā ca pañca vijjāti yojetabbam. **Na āgatāti** idha padabhājane “nāṇanti tisso vijjā”ti² vuttattā sesā pañca vijjā na āgatāti attho. **Nibbattitalokuttarattāti** lokiyadhammasādhāraṇasaṅkhatassāpi abhāvā lokiyehi sabbathā asammissalokuttarattā. **Aññanti** saṅkhepaṭṭhakathādīm vadanti, tampi tatheva paṭikkhittanti sambandho.

200. **Puna ānetvā paṭhamajjhānādīhi na yojitanti** ettha “paṭhamajjhānenāti pāṭho”ti keci vadanti, taṃ yuttameva ādisaddena

1. Nāmam nāma (Sī)

2. Vi 1. 119 piṭṭhe.

gahetabbassa jhānassa abhāvā. Paṭhamajjhānamūlakañhi ekameva khaṇḍacakkaṃ. Kattusādhanopi bhaṇita-saddo hotīti āha **atha vāti**-ādi. Yena cittaena musā bhaṇati, teneva cittaena na sakkā “musā bhaṇāmī”ti jānitum, antarantarā pana aññāhi manodvāravīthīhi “musā bhaṇāmī”ti jānātīti vuttaṃ “bhaṇantassa hoti musā bhaṇāmī”ti. **Ayamettha attho dassitoti** tīhi aṅgehi samannāgato musāvādoti ayamattho dassito. **Davāti** sahasā. **Ravāti** aññaṃ vatthukāmassa khalitvā aññabhaṇanaṃ. Tam jānātīti tamñānaṃ, tassa bhāvo **tamñānatā**, ñāṇassa visayavisayībhāvena attasamvedananti¹ attho. **Ñāṇasamodhānanti** bahūnaṃ ñāṇānaṃ ekasmiṃ khaṇe samodhānaṃ, sahuppattīti attho. **Yena cittaena “musā bhaṇissan”ti jānātīti** idaṃ pubbhāgacetanañca sanniṭṭhānacetanañca ekato katvā vuttaṃ. Yena cittaena pubbhāgacetanābhūtena sanniṭṭhānacetanābhūtena ca visamvāditabbasattasaṅkhāre jānāti, yena cittaena musā bhaṇissanti² attho. **Teneva -pa- pariccajitabbāti** teneva cittaena “evaṃ ahaṃ musā bhaṇāmī”ti vā “bhaṇitan”ti vā tadeva musāvādacittamārammaṇaṃ katvā bhikkhu jānātīti evaṃ pubbāparasanniṭṭhānacetanākkhaṇesu tīsu ekeneva³ cittaena ñāṇavisayañca ñāṇaṅcāti ubhayampi ekakkhaṇe puggalo jānātīti ayaṃ tamñānatā pariccajitabbā visayasessa tadā pakāsanatoti adhippāyo, tenāha **na hīti**-ādi. Yadi ñāṇassa attano sarūpaṃ na ñāyati, kathaṃ pacchimaṃ cittaṃ jānātīti āha **purimaṃ purimanti**-ādi. Tattha **bhaṇissāmīti**-ādinā tīsu kālesu uppannaṃ purimapurimacittaṃ attānaṃ visayaṃ katvā uppajjamānassa pacchimassa pacchimassa cittassa tathā uppattiyā paccayo hotīti attho. **Tenāti** yena kāraṇena tīsu khaṇesu cittāni tadanñcheva cittehi jānitabbāni, tāni ca purimapurimacitteneva avassaṃ uppajjanti, tena kāraṇenāti attho. **Tasmim satīti** bhaṇissāmīti pubbhāge sati. **Sesadvayanti** bhaṇāmi, bhaṇitanti idaṃ dvayaṃ na hessatīti etaṃ natthīti yojanā hotiyevāti attho. **Ekam vya pakāsatīti** bhinnakkhaṇānampi nirantaruppattiyā “tadevedan”ti gahetabbataṃ sandhāya vadati.

1. Attha... (Sī)

2. Bhaṇinti (Ka)

3. Ekekeneva (Ka)

Balavadhamavinidhānavasenāti balavagāhassa vinidhānavasena.
Dubbaladubbalānanti dubbaladubbalānaṃ gāhānaṃ.
Sakabhāvapariccajanavasenati attano santakabhāvassa pariccajanavasena.

207. **Uttāsittā**ti bhayaṃ janetvā viya palāpitattā. Evaṃ palāpito na puna taṃ ṭhānaṃ āgacchatīti āha “puna anallīyanabhāvadassanavasena”ti. Kheṭṭa-saddaṃ¹ saddatthavidū uttāsatthe paṭhantīti āha **svāyamatthoti**-ādi. Aṇu eva aṇusahagataṃ, aṇuttena vā yuttanti attho.

Vatthukāmaṅgalaṅkāraṇā

215. **Kevalañhiyanti** kevalañhi ayaṃ vāroti ajjhāharitabbaṃ.
Taṅkhaṇaṇṇeva jānātiti pakatiyā vacanānantaraṃ vijānaṃ sandhāya vuttaṃ. Evaṃ pana vacībhedaṃ akatvā “yo imamaṃ āvāsā paṭhamam pakkamissati, naṃ mayaṃ ‘arahā’ti jānissāma”ti evaṃ katasāṅketā vihārā paṭhamam pakkamanena tasmim khaṇe avīvattepi nikkhantamattepi pārājikaṃ aññataro bhikkhu “maṃ ‘arahā’ti jānantū”ti tamaṃ āvāsā paṭhamam pakkāmiti āgatavatthumhi viya². **Viññattipatheti** kāyavacīviññattinaṃ gahaṇayogge padese, tena viññattipatham atikkamitvā ṭhito koci dibbena cakkhunā kāyavikāraṃ disvā dibbāya sotadhātuyā vacībhedaṃ sutvā jānāti, na pārājikanti dīpeti. **Pāḷiyam** “paṭivijānantassa āpatti pārājikassa”ti³ imasmim paṭivijānavāre yasmim akkhare vā uccārite kāyappayoge vā kateyeva ayaṃ paṭhamajjhānaṃ samāpannoti-ādi-attham paro vijānāti, tato purimesu akkharuccāraṇādippayogesu thullaccayaṃ āpajjitvā pacchimeva paṭivijānapayogakkhaṇe pārājikaṃ āpajjatīti vedittabbaṃ thullaccayasavevetha sāmāntattā, teneva **buddhadattācariyena**—

“Dukkaṭṭam paṭhamasseva, sāmāntamiti vaṇṇitam.

Sesānaṃ pana tiṇṇampi, thullaccayamudīritan”ti⁴—

1. Kḥiṭṭasaddaṃ (Ka)

2. Vi 1. 144 piṭṭhe.

3. Vi 1. 132 piṭṭhe.

4. Vinayavinicchaye paṭhamapārājikakathāyaṃ (35 gāthā)

vuttaṃ, ayañcattho “na paṭivijānantassa āpatti thullaccayassā”ti iminā suttena saṅgahitoti daṭṭhabbo. **Uggahaparipucchādivasenā**ti-ādinā jhānasamādhī-ādisaddānamatthesu pubbe akataparicayattā sutvā “atthaṃ īdisan”ti ajānitvā kevalaṃ “visiṭṭho koci samaṇaguṇo anena laddho”ti parena ñātepi pārājikamevāti dasseti.

Anāpattibhedakathāvaṇṇanā

220. **Anullapanādhippāyassā**ti “evaṃ vutte uttarimanussadhammo mayā pakāsito hotī”ti amanasikatvā “nāhaṃ āvuso maccuno bhāyāmi”ti-ādikāṃ kathentassa. Evaṃ kathento ca vohārato aññaṃ byākaronṭo nāma hotīti vuttaṃ “aññaṃ byākaronṭassā”ti. **Bhāyantoti** “ñātvā garahanti nu kho”ti bhāyanto.

Padabhājanīyavaṇṇanānayo niṭṭhito.

Vinītavatthuvaṇṇanā

223. **Sekkhabhūmiyanti** iminā jhānabhūmimpi saṅgaṇhāti. **Tiṇṇaṃ vivekānanti** kāyacitta-upadhivivekānaṃ. Piṇḍāya caraṇassa bhojanapariyosānatāya vuttaṃ “yāva bhojanapariyosānan”ti. Antaraghare bhutvā āgacchantassāpi vuttanayeneva sambhāvanicchāya cīvarasaṅṭhāpanādīni karontassa dukkaṭameva, **pāḷiyaṃ** pana dukkarādivatthūsu “anāpatti anullapanādhippāyassā”ti idaṃ thullaccayenāpi anāpattidassanattamaṃ vuttaṃ. Ullapanādhippāyassāpi hi “nāvuso dukkaraṃ aññaṃ byākātun”ti vutte thullaccayameva attupanāyikattābhāvatoti daṭṭhabbaṃ.

227. **Na dānāhaṃ tattha gamissāmi**ti puna tattha vasitaṭṭhāne na gamissāmi, evaṃ sati paṭhamaṃ gato ayaṃ puna ca nāgato, tasmā arahāti maññissantīti adhippāyo. **Taṃ thānanti** āvāsaṃ vāti-ādinā pubbe paricchinnatṭhānaṃ. Padasā gamanaṃ sandhāya katikāya katattā **yānenā**ti-ādi vuttaṃ. Vijjāmayiddhiṃ sandhāya “iddhiyā”ti vuttaṃ ullapanādhippāyassa abhiññiddhiyā asambhavato. **Aññamaññaṃ rakkhantī**

ullapanādhippāye satipi ekassāpi pathamagamanābhāvā rakkhanti. Sace pana katikaṃ katvā nisinnesu ekaṃ dve ṭhapetvā avasesā ullapanādhippāyena ekato gacchanti, gatānaṃ sabbesaṃ pārājikameva. Tesu yassa ullapanādhippāyo natthi, tassa anāpatti. **Etanti** heṭṭhā vuttaṃ sabbaṃ katikavattaṃ. **Nānāverajjakāti** nānājanapadavāsino. **Samghalābhoti** yathāvuddhaṃ pāpuṇanakakoṭṭhāso. Ayañca paṭikkhepo avisesetvā karaṇaṃ sandhāya kato, visesetvā pana “ettako asukassā”ti paricchindivā apaloketvā dātuṃ vaṭṭati.

228. **Dhammadhātūti** sabbaññutaññānaṃ, dhammaṇaṃ sabhāvo vā. **Upapattīti** attabhāvaṃ sandhāya vadati. **Dussaddhāpayā hontīti** puthujjane sandhāya vuttaṃ, na lakkhaṇattherādike ariyapuggale. **Vitudentīti** vinivijjhivā ḍenti gacchanti, phāsuḷantarikāyo chiddāvachiddaṃ katvā tāhi gacchantīti nissakkavasena attho. Vitudentīti¹ pāṭhe phāsuḷantarikāhīti ādhāratthe nissakkavacanaṃ. **Lohatuṇḍehīti** kālālohamayehi tuṇḍehi. **Acchariyaṃ vatāti** garahitabbatāya accharaṃ paharituṃ yuttarūpaṃ. **Cakkhubhūtāti** lokassa cakkhu viya bhūtā sañjātā, cakkhusadisātipi attho. **Tasseva kammassāti** yena goghātakakammeneva niraye nibbato, tassevāti atthe gayhamāne ekāya cetanāya bahupaṭisandhiyo hontīti āpajjati, na cetam yuttaṃ ekassa ambādibijassa anekaṅkuruppatti viyāti taṃ pariharanto āha **tassa nānācetanāhi ayūhitassāti**-ādi, tena goghātakakammakkaṇḍe pubbacetanā-aparacetanā sanniṭṭhāpakacetanāti ekasmimpi pāṇātipāte bahū cetanā honti, nānāpāṇātipātesu vattabbameva natthi. Tattha ekāya cetanāya narake pacivā tadaññācetanāsu ekāya aparāpariyacetanāya imasmim petattabhāve nibbattoti dasseti, tenāha “avasesakammaṃ vā kammanimittaṃ vā”ti. Ettha ca kammasarikkhavipākuppattim sandhāya kammakammanimittānameva gahaṇaṃ kataṃ, na gahinimittassa, tenāha “atṭhirāsiyeva nimittaṃ ahoṣī”ti. **Pāliyaṃ**² vitacchentīti tuṇḍehi tacchento viya luṅcanti. **Virājentīti** vilikhanti.

1. Vitudenti (Sī)

2. Vi 1. 144 piṭṭhe.

229. **Vallūravikkayenā**ti sukkhāpitamaṃsavikkayena.
Nippakkhacammeti vigatapakkhalomacamme. **Ekam** miganti dīpakamigaṃ.
Kāraṇāhīti ghātanāhi¹. **Ñatvā**ti kammaṭṭhānam² ñatvā.

230. Maṅganavasena ulatīti **maṅguli**, virūpabībhacchabhāvena
pavattatīti attho. **Cittakeḷinti** cittaruciyaṃ anācāraḷaṃ.

231. **Nissevālapaṇakakaddamoti** tilabījakādisevālena
nīlamaṇḍūkapiṭṭhivaṇṇena udakapiṭṭhe udakaṃ nīlavaṇṇaṃ kurumānena
paṇakena kaddamena ca virahito. Uṇhabhāvena tapanato tapaṃ udakaṃ
assāti tapodakāti vattabbe kakāralopaṃ katvā “tapodā”ti vuccati. **Petalokoti**
pakaṭṭhena akusalakammaena sugatīto duggatīti itānaṃ gatānaṃ loko
samūho, nivāsaṭṭhānaṃ vā. **Katahatthā**ti dhanusippe suṭṭhu sikkhitahatthā,
avirajjhanalakkhavedhāti attho. Sippadassanavasena rājakulādīsu
rājasamūhaṃ upecca kataṃ asanaṃ sarakkhepo etesanti **katupāsana**,
sabbattha dassitasippāti attho. **Pabhagoti** pabhañjito, parājīto attho.

232. **Āneñjasamādhinti** arūpasamāpattiyāṃ niruddhe satipi
saddakaṇṭakena utṭhānāraho rūpāvacarasamādhiyeva idha vattabboti āha
anejaṃ acalanti-ādi. **Samādhiparipanthaketi**³ vitakkādike sandhāya vadati,
idaṃ pana paṭhamabodhiyaṃ uppannampi vatthum anācāramattavasena
bhikkhūhi coditepi bhagavatā “anāpatti bhikkhave moggallānassā”ti⁴ evaṃ
āyatīti attanā paññapiyamānapārājikānugaṇaṃ tadā eva vinīṭanti⁵
dhammasaṅgāhakattherehi pacchā paññattassa imassa sikkhāpadassa
vinīṭavattubhāvena saṅghamaṛopitanti daṭṭhabbam. Sāvakaṇaṃ
uppaṭipāṭiyā anussaraṇābhāvaṃ dassetuṃ “na uppaṭipāṭiyā”ti vuttaṃ.
Dukkaraṃ katanti anantare pañcakappasatike kāle viññāṇasantatīti adisvāpi
asammuyhitvā parato tatiyattabhāve diṭṭhacuticittena saddhim
vattamānabhavapaṭisaṇḍhiyā anumānenāpi kāriyakāraṇābhāvagahaṇaṃ
nāma sāvakaṇaṃ dukkarattā vuttaṃ.

1. Yātanāhi (Sī)

2. Mammaṭṭhānaṃ (Sī)

3. Samādhiparibandhaketi (Ka)

4. Vi 1. 145 piṭṭhe.

5. Vinicchitanti (Sī)

Paṭividdhāti paṭividdhasadisā. Yathā nāma sattadhā phālitassa cāmaravālamassa ekāya aggakoṭiyā aparassa vālalomaṃsuno koṭim dūre ṭhatvā vijjheyya āvunanto viya paṭipādeyya, evameva imināpi dukkaram katanti vuttam hoti. **Etadagganti** eso aggo. **Yadidanti** yo ayaṃ.

Nigamanavaṇṇanā

233. **Idhāti** bhikkhuvibhaṅge. **Uddiṭṭhapārājikaparidīpananti** sikkhāpadesu pātimokkhuddesavasena uddiṭṭhapārājikaparidīpanam, na pana sabbasmim pārājikavibhaṅge āgata-āpattiparidīpanam tattha thullaccayādīnampi āgatattā teneva uddiṭṭhasaddena vuttavibhaṅgassa niddesattā. **Bhikkhunīnam asādhāraṇāni cattārīti** ubbhajāṇumaṇḍalikā¹ vajjappaṭicchādikā² ukkhittānuvattikā³ aṭṭhavatthukā⁴ti imāni bhikkhūhi asādhāraṇāni bhikkhūnīyam eva paññattāni pārājikanīti attho. **Vatthuvipannāti** pabbajjupasampadānam vatthubhāvo vatthu nāma, tena vatthumattena vipannā, vipannavatthukāti attho. **Ahetukapaṭisandhikāti** maggānuppattikāraṇamāha. Kiñcāpi duhetukānampi maggo nuppajjati, te pana pabbajjupasampadāsu ṭhatvā āyatim maggahetum sampādetum sakkonti, ahetukā pana parisuddhe catupārisuddhisīle ṭhatvā sampādetum na sakkonti, tasmā te tampi paṭicca vatthuvipannāvāti veditabbā. **Pārājikāti** kammavipattiyā paṭisandhikkhaṇeyeva parājayaṃ āpannā. Theyyasamvāsakādīnam gihibhāve ṭhatvā vipassanāya vāyamantānampi tasmim attabhāve magguppatti-abhāvato “maggo pana vārito”ti vuttam. Dīghatāya lambamānam aṅgajātam lambam nāma, tam yassa atthi so **lambī**. So ettāvātā na pārājiko, tam pana dīgham aṅgajātam attano mukhe vā vaccamagge vā sevanādhippāyena pavesentova pārājiko, idha pana vaccamagge pavesentova adhippeto mudupiṭṭhikeneva mukhe pavesanassa vuttattā. Sopi hi kataparikkamatāya mudubhūtāya piṭṭhiyā onamitvā attano aṅgajātam mukhena gaṇhantova pārājiko hoti, na kevalo. Yo pana mukhena attano vaccamaggaṃ vā paresam vaccamaggamukham vā itthīnam passāvamaggaṃ vā gaṇhāti, tassa ca purisanimittena purisanimittam chupantassa ca maggena maggapaṭipādanepi pārājikaṃ na hoti purisanimittena taditaramaggasampāpādaneneva

1. Vi 2. 276 piṭṭhe. 2. Vi 2. 280 piṭṭhe. 3. Vi 2. 282 piṭṭhe. 4. Vi 2. 285 piṭṭhe.

methunadhammavohārato. **Parassa aṅgajāte abhinisīdatīti** parassa uttānaṃ sayantassa kammaniye aṅgajāte attano vaccamaggaṃ pavesento tassūpari nisīdati, idaṅca upalakkhaṇamattaṃ paresaṃ aṅgajātaṃ vaccamagge pavesento sādīyantopi pārājikova, balakkārena pana vaccamagge vā mukhe vā parena pavesiyamāno yadi na sādīyati, anāpattikova. Ettha asādīyanam nāma dukkaraṃ virajjitabbato. Ettha ca anupasampannabhāve ṭhatvā mātupitu-arahantesu aññataraṃ ghātento bhikkhunim dūsentō ca sāmaṇerapabbajjampi na labhatīti dassanattamaṃ visum gahitattā mātughātakādīnaṃ catunnaṃ tatiyapaṭhamapārājikesu antogadhatā veditabbā. Yathā ettha, evaṃ gihibhāve¹ ṭhatvā lohituppādaṃ karonto lohituppādakovāti gahetabbam. **Etena pariyāyenāti** ubhinnaṃ rāgapariyuṭṭhānasaṅkhātena pariyāyena. Dutiyavikappe kacci atthāti padacchedo veditabbo.

Iti samantapāsādikāya vinayaṭṭhakathāya vimativinodaniyaṃ

Catutthapārājikavaṇṇanānayo niṭṭhito.

Niṭṭhito ca pārājikakaṇḍavaṇṇanānayo.

1. Gihibhāvepi bhikkhubhāvepi (Sī)

2. Saṃghādisesakaṇḍa

1. Sukkavissatṭhisikkhāpadavaṇṇanā

234. **Terasakassāti** terasa sikkhāpadāni parimāṇāni assāti terasako, kaṇḍo, tassa. Samathe vipassanāya vā abhiratirahito idha **anabhirato**, na pabbajjāyāti āha “vikkhittacitto”ti. Vikkhittatāya kāraṇamāha **kāmarāgā-iccādi**.

235. **Abbohārikāti** sīlavipattivohāraṃ nārahatīti katvā vuttaṃ. Akusalabhāve panassā abbohāratā natthi.

236-7. Cetanā-saddato visum saṃ-saddassa atthābhāvaṃ ikapaccayassa ca atthavantataṃ dassetuṃ **sañcetanā vāti**-ādi dutiyavikappo vutto. **Sikhāppatto atthoti** adhippetattham sandhāya vuttaṃ. **Āsayabhedatoti** pittasemhapubbalohitānaṃ catunnaṃ āsayānaṃ bhedena. **Dhātunānattatoti** rasaruhirādīnaṃ sattannaṃ, pathavādīnaṃ vā catunnaṃ dhātūnaṃ nānattena. **Vatthisīsanti** muttavatthito¹ matthakapassaṃ. Hatthimadacalanam nāmañca sambhavoti āha “sambhavo nikkhamati”ti. **Sambhavaveganti** sambhavassa ṭhānato cavitvā dakasotābhimukham otaraṇena sañjātasarīrakkhobhavegam. **Bāhusīsanti** khandhappadesam. **Dassesīti** ettha **īti**-saddo hetuttho, tena yasmā kaṇṇacūlikāhi sambhavo nikkhamati -pa- sambhavañca dassesī. Tasmā tatiyassa bhāsitaṃ subhāsitaṃ evaṃ yojanā veditabbā. **Dakasotanti** muttassa vatthito nikkhamanamaggaṃ, aṅgajātappadesanti vuttaṃ hoti. Sukkañca nāmetaṃ rasaruhirādisattadehadhātūsu majjhimadhātucatujaṃ aṭṭhimiñjādi viya pathavīdhātusaṅgahitaṃ āhārūpajīvīnaṃ sakalakāyagataṃ atidaharadārakānampi attheva, taṃ pana pannarasasoḷasavassuddesato paṭṭhāya sattānaṃ samuppajjanakakāmarāgeheva ṭhānato calati, calitañca āpodhātubhāvena cittajameva hutvā dakasotaṃ otarati, dakasotato pana paṭṭhāya citta-paccaya-utujaṃ hoti matthaluṅgato calitasiṅghāṇikā viya. Yesam pana samucchedanavikkhambhanādīhi rāgapariyuṭṭhānaṃ

1. Muttavatthino (?)

natthi, tesam sukkavissatṭhi na siyā. Iti yathāṭṭhānato sukkassa vissatṭhiyeva rāgacittasamuṭṭhānā, na pakatirūpaṃ, teneva **kathāvatthu-aṭṭhakathāyaṃ**¹ “sukkavissatṭhi nāma rāgasamuṭṭhānā hotī”ti sukkassa vissatṭhi eva rāgasamuṭṭhānā vuttā, na pakatirūpaṃ. Channaṃ pana kāmāvacaradevānaṃ vijjamānāpi sukkadhātu dvayaṃdvayasamāpattivāsena pariyuṭṭhitarāgenāpi ṭhānato na gaḷati, yathāṭṭhāne eva ṭhatvā kiñci vikāraṃ āpajjamānā taṅkhaṇikapariḷāhavūpasamāvahā methunakiccaniṭṭhāpitā hotīti veditabbaṃ. Keci pana “kāyasamphassasukhameva tesam kāmakkiccan”ti vadanti. Khīṇāsavānaṃ pana anāgāmīnañca sabbaso kāmāragābhāvena sukkadhātuvikāraṃpi nāpajjatīti veditabbaṃ. Rūpībrahmānaṃ pana vikkhambhitakāmāragena janitattā anāhārūpajjivittā ca sabbathā sukkadhātupi nattheva. **Tathevā**ti mocanassādena nimitte upakkamatoti-ādiṃ atidisati. “Vissatṭhīti ṭhānācāvanā vuccatī”ti padabhājane² vuttattā “dakasotaṃ otiṇṇamatte”ti kasmā vuttanti āha **dakasotorohaṇaṇcettṭhā**ti-ādi. **Etthā**ti tīsupi vādesu. **Adhivāsetvā**ti nimitte upakkamivā puna vippaṭṭisāre uppanne mocanassādaṃ vinodetvā. **Antarā nivāretunti** attano³ nimitte katūpakkamena ṭhānā cutaṃ dakasotaṃ otarituṃ adatvā antarā nivāretuṃ. Mocanassādena hatthaparikkammādiṃ karontassa muttepi dukkaṭameva, nimitte upakkamābhāvato pana saṃghādiseso na hotīti āha “hattha -pa-anāpattī”ti. Dakasotorohaṇaṇcettṭhāti-ādinā vuttavinicchayaṃ sandhāya “ayaṃ sabbācariyasādhāraṇavinicchayo”ti vuttaṃ.

Khobhakaranapaccayo nāma visabhāgabhesajjasenāsanāhārādipaccayo. **Nānāvidhaṃ supinanti** khubhitavātādīdhātūnaṃ anuṇaṃ. **Anubhūtapubbanti** pubbe bhūtapubbaṃ manasā parikkappitapubbañca. Sagganarakadesantarādīnampi hi saṅgahetvā vuttaṃ. **Atthakāmatāya vā anattakāmatāya vā**ti idaṃ devatānaṃ hitāhitādhippāyataṃ dassetuṃ vuttaṃ. **Atthāya vā anattāya vā**ti sabhāvato bhavitabbaṃ hitāhitaṃ sandhāya vuttaṃ. Nanu devatāhi upasamhariyamānāni ārammaṇāni paramatthato natthi, kathaṃ tāni puriso passati, devatā vā tāni avijjamānāni upasamharantīti codanaṃ manasi

1. Abhi-Ṭṭha 3. 160 piṭṭhe.

2. Vi 1. 153 piṭṭhe.

3. Attanā (Ka)

katvā āha so **tāsanti**-ādi. Tena “evameso parikappatū”ti devatāhi cintitamattena supantassa cittaṃ bhavaṅgasantatito nipatitvā devatāhi cintitaniyāmeneva parikappamānaṃ pavattati, evaṃ tena parikappamānāni ārammaṇāni devatāhi upasaṃhaṭāni nāma honti, tāni ca so devatānubhāvena passati nāmāti dasseti. **Bodhisattamā** viya **puttapaṭilābhanimittanti**-ādīsu bodhisattassa gabbhokkantidivase mahāmāyādeviyā attano dakkhiṇapassena ekassa setavaravāraṇassa antokucchipaviṭṭhabhāvadassanaṃ puttapaṭilābhanimittaṃ supinaṃ nāma. Amhākaṃ pana bodhisattassa “sve buddho bhavissati”¹ti cātuddasiyaṃ pakkhassa rattivibhāyanakāle himavantaṃ bibbohanaṃ katvā puratthimapacchimasamuddesu vāmadakkhiṇahatthe dakkhiṇasamudde pāde ca odahitvā mahāpathaviyā sayanaṃeko, dabbatiṇasaṅkhātāya tiriya nāma tiṇajātiyā naṅgalamattarattaṇḍāya nābhito uggaṭāya khaṇena anekayojanasahassaṃ nabhaṃ āhacca ṭhānaṃ eko, setānaṃ kaṇhasīsānaṃ kimīnaṃ pādehi ussakkivā yāva jāṇumaṇḍalaṃ āhacca ṭhānaṃ eko, nānāvāṇṇānaṃ catunnaṃ sakuṇānaṃ catūhi disāhi āgantvā pādamaṅgale setavaṇṇatāpajjanaṃ eko, bodhisattassa mahato mīlhapabbatassa upari alimpamānassa caṅkamaṃ ekoti ime pañca mahāsupinā nāma, ime ca yathākkamaṃ sambodhiyā,² devamanussesu ariyamaggappakāsanassa, gihinaṅca saraṇūpagamaṇassa, khattiyādicatuvaṇṇānaṃ pabbajitvā arahattapaṭilābhassa, catunnaṃ paccayānaṃ lābhe alittabhāvassa ca pubbanimittānīti veditabbaṃ. Soḷasa supinā pākāṭā eva. **Ekantasaccamevā**ti phalaniyamuppattito vuttaṃ. Dassanaṃ pana sabbattha vipallatthameva. Dhātukkhobhādīsu catūsu mūlakāraṇesu dvīhi tīhipi kāraṇehi kadāci supinaṃ passantīti āha “saṃsaggabhedato”ti. **Supinabhedoti** saccāsaccatthātābhedo.

Rūpanimittādi-ārammaṇanti ettha kammanimittagatinimittato aññarūpameva viññāṇassa nimittanti rūpanimittaṃ, taṃ ādi yesaṃ sattanimittādīnaṃ tāni rūpanimittādīni ārammaṇāni yassa bhavaṅgacittassa taṃ rūpanimittādi-ārammaṇaṃ. **Īdisānī**ti rūpanimittādi-ārammaṇāni rāgādisampayuttāni ca. **Sabbohārikacittenā**ti paṭibuddhassa pakativīthiccittena. **Ko nāma passatī**

1. Bhavissāmīti (Sī, Ka)

2. Sammāsambodhiyā (Sī)

suttapaṭibuddhabhāvaviyuttāya cittappavattiyā abhāvato supinaṃ passanto nāma na siyāti adhippāyo, tenāha “supinassa abhāvova āpajjati”ti.

Kāpimiddhaparetoti iminā niddāvasena

pavattamānabhavaṅgasantatibyavahitāya kusalākusalāya manodvāravīthiyā ca passatīti dasseti, tenāha **yā niddāti**-ādi. **Dvīhi antehi muttoti** kusalākusalasaṅkhātehi dvīhi antehi mutto. **Āvajjanatadārammaṇakkhaṇeti** supine pañcadvāravīthiyā abhāvato manodvāre uppajjanārahaṃ gahetvā vuttaṃ.

Ettha ca supinantepi tadārammaṇavacanato anubhūtesu sutapubbesu vā rūpādīsu purāpattibhāvena parikappetvā vipallāsato pavattamānāpi kāmāvacaravipākadhammā parittadhamme nissāya parikappetvā pavattattā parittārammaṇā vuttā, na pana sarūpato parittadhamme gahetvā pavattattā evāti gahetabbaṃ. Evañca itthipurisādi-ākāraṃ āropetvā pavattamānānaṃ rāgādisavipākadhammānampi tesāṃ ārammaṇaṃ gahetvā uppannānaṃ paṭisandhādivipākānampi parittārammaṇatā kammanimittārammaṇatā ca upapannā eva hoti. Vatthudhammavinimuttaṃ pana sammutibhūtaṃ kasiṇādīpaṭibhāgārammaṇaṃ gahetvā uppannā upacārappanādivasappavattā cittacetasikadhammā eva parittattike¹ na vattabbārammaṇāti² gahetabbā.

Svāyanti supino. Vipallāsena parikappitaparittārammaṇatā “dubbalavatthukattā”ti vuttaṃ, avijjamānārammaṇe avasavattitoti adhippāyo, tenāha **avisaye uppannattāti**-ādi.

Āpattinikāyassāti idaṃ saṃghādisesoti pulliṅga-saddassa anurūpavasena vuttaṃ. **Assāti** assa āpattinikāyassa, vuṭṭhāpetuṃ icchitassāti attho, tenāha **kiṃ vuttanti**-ādi. **Ruḷisaddenāti** ettha samudāye nipphannassāpi saddassa tadekadesepe pasiddhi idha ruḷhī nāma, tāya ruḷhiyā yutto saddo ruḷhisaddo, tena. Ruḷhiyā kāraṇamāha **avayave**-iccādinā.

Kālañcāti “rāgūpatthambhe”ti-ādinā dassitakālañca, “rāgūpatthambhe”ti vutte rāgūpatthambhe jāte tasmim kāle mocetīti

1. Abhi 1. 2 piṭṭhe.

2. Parittattikena vattabbārammaṇāti.

atthato kālo gammati. **Navamassa adhippāyassāti** vīmaṃsādhippāyassa. **Vatthūti** visayaṃ.

238. Lomā etesaṃ santīti **lomasā**, bahulomapāṇakā.

239. **Mocanenāti** mocanappayogena. **Mocanassādasampayuttāyāti** ettha mocanicchāva mocanassādo, tena sampayuttā cetanā mocanassādacetanāti attho, na pana mocane assādaṃ sukhaṃ patthentiyā cetanāyāti evaṃ attho gahetabbo, itarathā sukhatthāya mocentasseva āpatti, na ārogyādi-atthāyāti āpajjati. Tasmā ārogyādīsu yena kenaci adhippāyena mocanicchāya cetanāyāti atthova gahetabbo.

240. **Vāyamatoti** aṅgajāte kāyena upakkamato. **Dve āpattisahassānīti** khaṇḍacakkādīni anāmasitvāva vuttaṃ, icchantena pana khaṇḍacakkādibhedenāpi gaṇanā kātabbā. **Ekena padenāti** gehasitapemapadena. **Tathevāti** mocanassādacetanāya eva gāḷhaṃ pīḷanādippayogaṃ avijahitvā supanena saṃghādisesoti vuttaṃ. **Suddhacittoti** mocanassādassa nimitte ūru-ādīhi kata-upakkamassa vijahanam sandhāya vuttaṃ. Tena asubhamanasikārābhāvepi payogābhāveneva¹ mocanepi anāpatti dīpitāti veditabbā.

Tena upakkamena mutteti muccamānaṃ vinā aññasmimpi sukke ṭhānato mutte. Yadi pana upakkame katepi muccamānameva dakasotaṃ otarati, thullaccayameva payogena muttassa abhāvā. **Jagganatthāyāti** cīvarādīsu limpanaparihārāya hatthena aṅgajātaggahaṇaṃ vaṭṭati, tappayogo na hotīti adhippāyo. **Anokāsanti** aṅgajātappadesaṃ.

262. **Supinantena kāraṇenāti** supinante pavatta-upakkamahetunā. **Āpattiṭṭhāneyeva** hi ayaṃ anāpatti avisayattā vuttā. Tenāha “**sacassa visayo hoti niccalena bhavitabban**”ti-ādi.

1. Cittapayogābhāveneva (Sī)

263. Vinītavatthupāḷiyam **aṇḍakaṇḍuvanavatthusmim** mocanādhippāyena aṇḍacalanena aṅgajātassāpi calanato nimitte upakkamo hotīti saṅghādiseso vutto. Yathā pana aṅgajātam na calati, evam aṇḍameva kaṇḍuvanena phusantassa muttepi anāpatti aṇḍassa anaṅgajātattā.

264. **Vatthinti** aṅgajātasīacchādakacammaṃ. **Udaram tāpentassa -pa-anāpattiyevāti** udaratāpanena aṅgajātepi tatte tāvattakena nimitte upakkamo kato nāma na hotīti vuttam.

265. **Ehi me tvaṃ āvuso sāmaṇerāti vatthusmim** aññam āṇāpetu, tena¹ kariyamānassa aṅgajātacalanassa mocanassādena sādiyanato tam calanam bhikkhussa sādiyanacittasamuṭṭhitampi hotīti sukkavissatṭhipaccayassa aṅgajātacalanassa hetubhūtā assādacetanāva āpattiyā aṅgam hoti, na āṇāpanavācā tassā pavattikkhaṇe saṅghādisesassa asijjhanato. Evam āṇāpetvāpi yonisomanasikārena mocanassādam paṭivinodentassa āpattiasambhavato idam sikkhāpadam anāṇattikam, kāyakammaṃ, kiriyasamuṭṭhānaṅca jātanti gahetabbaṃ, āṇāpanavācāya pana dukkaṭam āpajjati. Yo pana parena anāṇattena balakkārenāpi kariyamānappayogaṃ mocanassādena sādiyati, tassāpi mutte **paṭhamapārājike**² viya saṅghādisesova, amutte thullaccayam. Mocanassāde cetanāya pana asati kāyasamsaggarāgena sādiyantassāpi muttepi saṅghādisesena anāpattīti ācariyā vadanti, taṅca yuttameva.

266. **Kāyatthambhanavatthusmim** calanavasena yathā aṅgajāte upakkamo sambhavati, tathā vijambhitattā āpatti vuttā.

Upanijjhāyanavatthusmim aṅgajātanti jīvamāna-itthīnam passāvamaggova adhippeto, netaro.

267. **Pupphāvalīti** kīḷāviseso. Tam kira kīḷantā nadī-ādīsu chinnataṭam udakena cikkhallaṃ katvā tattha ubho pāde pasāretvā nisinnā

1. Aññam āṇāpentena (Ka)

2. Vi 1. 35, 36 piṭṭhesu.

patanti, “pupphāvaliyan”tipi pāṭho. **Pavesentassā**ti payojakattena dvikammikattā “vālikam̐ aṅgajātan”ti ubhayatthāpi upayogavacanaṃ kataṃ. Cetanā, upakkamo, mucchananti imānettha tīṇi aṅgāni veditabbāni.

Sukkavissatṭhisikkhāpadavaṇṇanā niṭṭhitā.

2. Kāyasamsaggasikkhāpadavaṇṇanā

269. Dutiye kesuci vātapānesu vivaṭesu bahipi andhakārattā āloko na pavisati, vivaṭakavāṭena aññato āgacchantassa ālokassa nivāraṇato kavāṭassa piṭṭhipasse ghanandhakārova hoti, tādisāni sandhāya “**yesu vivaṭesu andhakāro hoti**”ti-ādi vuttaṃ.

Brāhmaṇi attano aṅgamaṅgānaṃ parāmasanakkhaṇe anācārānukūlā hutvā na kiñci vatvā bhikkhuno vaṇṇabhaṇanakkhaṇe vuttattā āha “**pabbajitukāmo maññeti sallakkhetvā**”ti, pabbajitukāmo viyāti sallakkhetvāti attho. Kulitthīnaṃ evaṃ parehi abhibhavanaṃ nāma accantāvamānoti āha “**attano vippekāran**”ti.

270. Otiṇṇasaddassa kammāsādhanaṃ pakkaṃ sandhāya “**yakkhādihī**”ti-ādi vuttaṃ, kattusādhanaṃ pakkaṃ sandhāya “**kūpādīni**”ti-ādi vuttaṃ. **Tasmim̐ vatthusminti** itthisarīrasaṅkhāte vatthusmim̐.

271. **Assā**ti hatthagāhādikassa sabbassa.

273. **Etesaṃ padānanti** āmasanādipadānaṃ. **Itthisaññīti** manussitthisaññī. **Nam̐**-saddassa kāyavisesanabhāvena etaṃ kāyanti atthaṃ dassetuṃ “**atha vā**”ti-ādi vuttaṃ. **Omasanto -pa- ekāva āpattīti** anivatthaṃ sandhāya vuttaṃ, na nivatthaṃ. Sanivatthāya pana matthakato paṭṭhāya hatthaṃ otārentassa nivatthasāṭakopari hatthe āruḷhe thullaccayaṃ. Sāṭakato hatthaṃ otārāpetvā jaṅghato paṭṭhāya omasantassa puna saṃghādiseso.

Yathānidḍiṭṭhaniddeseti yathāvuttakāyasamsagganiddese. **Tenā**ti yena kāraṇena vatthusaññādayo honti, tena kāraṇena. Yathāvuttasikkhāpadaniddese vuttaṃ garukaṃ bhikkhuno kareyya pakāseyyāti yojanā.

Saññāya virāgitamhīti saññāya viraddhāya. **Idaṃ nāma vatthunti** imasmiṃ sikkhāpade āgataṃ, anāgatañca yaṃ kiñci saviññāṇakāviññāṇakaṃ phusantassa anāpatti-abhāvaṃ sandhāya vuttaṃ.

Sārattanti kāyasamsaggarāgeneva sārattaṃ. **Virattanti** kāyasamsaggarāgarahita mātu-ādiṃ sandhāya vadati. **Dukkaṭanti** mātupemādivasena gaṇhantassa vasena vuttaṃ, virattampi itthiṃ kāyasasaggarāgena gaṇhantassa pana saṃghādiseso eva. Imāya pāḷiyā sametīti sambandho. Kathaṃ sametīti ce? Yadi hi “itthiyā kāyappaṭibaddhaṃ gaṇhissāmi”ti citte uppanne itthisaññā virāgitā bhaveyya. Kāyappaṭibaddhaggaṇepi thullaccayenāpi na bhavitabbaṃ itthisaññāya eva **pāḷiyam**¹ thullaccayassa vuttattā, tasmā “itthiyā kāyappaṭibaddhaṃ gaṇhissāmi”ti kāyaṃ gaṇhantassa itthisaññā virāgitā nāma na hotīti kāyappaṭibaddhaṃ gaṇhissāmi”ti kāyaṃ gaṇhato itthisaññāya ceva kāyasamsaggarāgassa ca kāyaggaṇassa ca sambhavā yathāvattukam saṃghādisesameva āpajjati”ti **mahāsumattherena** vuttavādova imāya pāḷiyā sameti. Aṭṭhakathāyañhi “sambahulā itthiyo bāhāhi parikkhipivā gaṇhāmi”ti saññāya parikkhipato majjhagatānaṃ vasena thullaccayaṃ vuttaṃ. Na hi tassa “majjhagatā itthiyo kāyappaṭibaddhena gaṇhāmi”ti saññā atthi, tasmā aṭṭhakathāyapi sametīti gahetabbaṃ. Nīlena duviññeyyabhāvato **kāḷitthi** vuttā.

279. **Sevanādhippāyobhi** phassasukhasevanādhippāyo. Kāyappaṭibaddhāmasanavāre kāyappaṭibaddhavasena phassapaṭivijānaṃ veditabbaṃ. **Cuttuppādamatte āpattiyābhāvato anāpattī**ti idaṃ kāyasamsaggarāgamattena kāyacalanassa anuppattito itthiyā kariyamānakāyacalanam sādīyatopi payogābhāvaṃ sandhāya vuttaṃ. Paṭhamapārājike pana parehi upakkamiyamānassa bhāvato sevanādhippāye uppanne tena adhippāyena

1. Vi 1. 179 piṭṭhe.

aṅgajātakkhobho sayameva avassaṃ sañjāyati, so ca tena kato nāma hotīti pārājikaṃ vuttaṃ, teneva nayena paṭhamasaṃghādisesepi parena kariyamānapayogasādiyamānepi aṅgajātakkhobhasambhavana āpatti hotīti veditabbaṃ. **Catuttheti** “na ca kāyena vāyamati, na ca phassaṃ paṭivijānāti”ti imasmim vāre. **Phassapaṭivijānanampīti api**-saddena tatiyavāre viya vāyānopi natthīti dasseti. **Nissaggiyena nissaggiyāmasane viyāti** idaṃ pana phassapaṭivijānanābhāvamattasseva nidassanaṃ, na payogābhāvassāti daṭṭhabbaṃ. **Mokkhādhippāyoti** ettha cittassa lahuparivattitāya antarantarā kāyasaṃsaggarāge samuppannepi mokkhādhippāyassa avicchinnatāya anāpattiyeva, vicchinne pana tasmim āpatti eva.

Padabhājanīyavaṇṇanānayo.

281. **Ettha gaṇhāhīti na vattabbāti** gehasitapemena kāyappaṭibaddhena phusane dukkaṭaṃ sandhāya vuttaṃ, kāruṇṇena pana vatthādiṃ gahetuṃ asakkontim “gaṇhā”ti vadantassāpi avasasabhāvappattaṃ uduke nimujjantim kāruṇṇena sahasā anāmāsanti acintetvā kesādisu gahetvā mokkhādhippāyena ākaḍḍhatopi anāpattiyeva. Na hi mīyamānaṃ mātaraṃ ukkhipituṃ na vaṭṭati. Aññātikāya itthiyāpi eseva nayo. Ukkatthāya mātuyāpi āmāso na vaṭṭatīti dassanatthaṃ “**mātaran**”ti vuttaṃ. Tassā kātabbaṃ pana aññāsampi itthīnaṃ karontassāpi anāpattiyeva anāmāsatte visesābhāvā.

Tiṇaḍḍupakanti hiriverādimūlehi kesālankāratthāya katacumbaṭakaṃ. **Parivattetvāti** attano nivāsanādibhāvato apanetvā. Pūjādi-atthaṃ pana tāvakālikampi āmasituṃ vaṭṭati. **Sīsapasādhanakadantasūci-ādīti** idaṃ sīsālankāratthāya paṭapilotikādīhi kataṃ sīsapasādhanakañceva dantasūci-ādi cāti dvidhā yojetvā sīsapasādhanam sipāṭikopakaraṇatthāya ceva dantasūci-upakaraṇatthāya ca gahetabbanti yathākkamaṃ atthaṃ dasseti. Kesakalāpaṃ bandhitvā tattha tiriyaṃ pavesanatthāya katā dantasūci eva sīsapasādhanakadantasūcīti ekameva katvā sipāṭikāya pakkhipitvā pariharitabbasūciyeva tassa tassa kiccasa upakaraṇanti sipāṭikāsūci-upakaraṇanti evaṃ vā yojanā

kātabbā. **Potthakarūpanti** sudhādīhi katam, pārājikavatthubhūtānaṃ tiracchānagatiṭṭhīnaṃ saṅghānena katampi anāmāsameva. Itthirūpādīni dassetvā katam, vatthabhitti-ādīṅca itthirūpaṃ anāmasitvā vaḷaṅjetuṃ vaṭṭati. Evarūpehi anāmāse kāyasamsaggarāge asati kāyappaṭibaddhena āmasato doso natthi. **Bhinditvā**ti ettha anāmāsampi daṇḍapāsāṇādīhi bhedanassa aṭṭhakathāyaṃ vuttattā, pāḷiyampi āpadāsu mokkhādhippāyassa āmasanepi anāpattiyā vuttattā ca. Sappinī-ādīhi vaḷamigīhi ca gahitapānakānaṃ mocanattāya taṃ sappinī-ādīṃ vatthadaṇḍādīhi parikkhipitvā gahetuṃ, mātu-ādīṃ udake mīyamānaṃ vatthādīhi gahetuṃ, asakkontiṃ kesādīsu gahetvā kāruṅṅena ukkhipituṃ vaṭṭatīti ayamatto gahetabbova. Aṭṭhakathāyaṃ “na tveva āmasitabbā”ti idaṃ pana vacanaṃ amīyamānavatthuṃ sandhāya vuttanti ayaṃ amhākaṃ khanti.

Maggaṃ adhiṭṭhāyāti “maggo ayan”ti maggasaṅghaṃ uppādetvāti attho. **Paññāpetvā dentīti** idaṃ sāmīcivasena vuttaṃ, tehi pana āsanaṃ apaññāpetvāva nisīdathāti vutte sayameva paññāpetvā nisīditumpi vaṭṭati. **Tatthajātakānīti** acchinditvā bhūtagāmahāveneva ṭhitāni. **Kiḷantenāti** vuttattā sati paccaye āmasantassa anāpatti. **Bhikkhusantakaṃ** pana paribhogārahaṃ sabbathā āmasituṃ na vaṭṭati durupaciṅṅattā. **Anupasampannānaṃ dassāmīti** idaṃ appaṭiggahetvā gahaṇaṃ sandhāya vuttaṃ. Attanopi atthāya paṭiggahetvā gahaṇe doso natthi anāmāsattābhāvā.

Maṇīti veḷuriyādito añño jotirasādibhedo sabbopi maṇi. **Veḷuriyoti** allaveḷuvaṅṅo maṇi, “majjārakkhi¹ maṇḍalavaṅṅo”tipi vadanti. **Silābhi** muggamāsavaṅṅā atisiniddhā kāḷasilā, maṇivohāraṃ āgatā rattasetādivaṅṅā sumaṭṭhāpi silā anāmāsā evāti vadanti. **Rajatanti** kahāpaṇamāsādibhedam jātumāsādīṃ upādāya sabbam vuttāvasesam rūpiyam gahitam. **Lohitaṅkoti²** rattamaṇi. **Masāragallanti** kabaravaṅṅo maṇi, “marakatan”tipi vadanti. **Bhesajjattāya** pisitvā yojitānaṃ muttānaṃ ratanabhāvavirahato gahaṇakkhaṇepi ratanākārena apekkhitābhāvā “**bhesajjattāya pana vaṭṭatī**”ti vuttaṃ. Yāva

1. Mañjārakkhi (Ka)

2. Lohitaṅgoti (Ka)

pana tā muttā ratanarūpena tiṭṭhanti, tāva āmasitum na vaṭṭati eva. Evam aññampi ratanapāsānam pisitvā bhesajje yojanathāya gahetum vaṭṭati eva, jātarūparajataṃ pana pisitvā yojanabhesajjathāyapi sampaṭicchitum na vaṭṭati, gahaṭṭhehi yojetvā dinnampi yadi bhesajje suvaṇṇādirūpena tiṭṭhati, viyojetuñca sakkā, tādisaṃ bhesajjampi na vaṭṭati. Tam abbohārikattaṃ gataṃ ce, vaṭṭati. “**Jātiphalikaṃ upādāyā**”ti vuttattā, sūriyakantacandakantādikaṃ jātipāsānam maṇimhi eva saṅgahitanti daṭṭhabbaṃ. Dhamanaṣaṅkho ca dhotavidhho ca ratanamisso cāti yojetabbaṃ. **Viddhoti** maṇi-ādibhāvena katachiddo.

Ratanamissoti kañcanalatādivicitto, muttādiratanakhacito ca, etena dhamanaṣaṅkhato añño ratanamissova anāmāsoti dasseti. Silāyampi eseva nayo. **Pānīyasāṅkhoti** imināva thālakādi-ākārena katasāṅkhamayabhājanāni bhikkhūnaṃ sampaṭicchitum vaṭṭatīti siddhaṃ. **Sesāti** ratanasamyuttaṃ ṭhapetvā avasesā.

Bījato paṭṭhāyāti dhātupāsānato paṭṭhāya. **Paṭikkhipīti** suvaṇṇamayadhātukaraṇḍakassa, buddharūpādissa¹ ca attano santakakaraṇe nissaggiyattā vuttaṃ. “**Rūpiyachaddakattāhāne**”ti vuttattā rūpiyachaddakassa jātarūparajataṃ āmasitvā chaḍḍetum vaṭṭatīti siddhaṃ. **Keḷāpayituntī** āmasitvā ito cito ca sañcāretum. **Vuttanti** mahā-aṭṭhakathāyaṃ vuttaṃ. **Kacavameva haritum vaṭṭatīti** gopakā vā hontu aññe vā, hatthena puñchitvā kacavaraṃ aparetum vaṭṭati, malampi pamajjitum vaṭṭati evāti vadanti, taṃ aṭṭhakathāya na sameti keḷāyanasadisattā. **Ārakūṭalohanti**² suvaṇṇavaṇṇo kittimalohaviseso. Tividhañhi kittimalohaṃ kaṃsalohaṃ vaṭṭalohaṃ hārakūṭalohanti. Tattha tiputambe missetvā kataṃ **kaṃsalohaṃ** nāma. Sīsatambe missetvā kataṃ **vaṭṭalohaṃ**. Rasatambe missetvā kataṃ³ **hārakūṭalohaṃ** nāma. Tam pana “**jātarūpagatikan**”ti vuttattā uggaṇhato nissaggiyampi hotīti keci vadanti. Rūpiyesu pana agaṇitattā nissaggiyaṃ na hoti, āmasane, sampaṭicchane ca dukkaṭamevāti veditabbaṃ. **Sabbakappiyoti**

1. Buddhādirūpassa (Ka)

2. Hārakūṭalohanti (Sī)

3. Rasatambehi rañcittaṃ tambaṃ (Ka) Sārattha-Ṭī 2. 321 piṭṭhe passitabbaṃ.

yathāvuttasuvaṇṇādimayānaṃ senāsanaparikkhārānaṃ
āmasanagopanādivasena paribhogo sabbathā kappiyoti adhippāyo. Tenāha
“**tasmā**”ti-ādi. “**Bhikkhūnaṃ dhammavinayavaṇṇanaṭṭhāne**”ti vuttattā
saṃghikameva suvaṇṇādimayaṃ senāsaṇaṃ, senāsanaparikkhārā ca vaṭṭanti,
na puggalikānīti gahettabbā.

Bhinditvāti paṭhamameva anāmasitvā pāsāṇādinā kiñcimattaṃ bhedaṃ
katvā pacchā kappiyabhaṇḍatthāya adhiṭṭhahitvā hatthena gahetum vaṭṭati.
Tenāha “**kappiyabhaṇḍaṃ karissāmīti sabbampi sampaṭicchitum vaṭṭati**”ti.
Etthāpi kiñci bhinditvā, viyojetvā vā āmasitabbā.

Phalakaajālikādīnīti ettha saraparittāṇāya hatthena gahetabbāṃ
kiṭikāphalakaṃ akkhirakkhaṇatthāya ayalohādīhi jālakārena katvā sīsādīsu
paṭimuñcitabbāṃ jālikaṃ nāma. **Ādi**-saddena kavacādiṃ saṅgaṇhāti.
Anāmāsānīti macchajālādīparūparodhakaṃ sandhāya vuttaṃ, na
saraparittāṇaṃ tassa āvudhabhaṇḍattābhāvā. Teneva vakkhati
“parūparodhanivāraṇaṃ hi”ti-ādi. **Āsanassā**ti cetiyassa samantā
kataparibhaṇḍassa. **Bandhissāmī**ti kākādihi adūsanatthāya bandhissāmi.

“**Bherisaṅghāṭoti** saṅghaṭitacammabherī. **Vīṇasaṅghāṭoti**
saṅghaṭitacammavīṇā”ti **sāratthadīpaniyaṃ**¹ vuttaṃ. “Cammavinaddhāni
vīṇābheri-ādīnī”ti mahā-aṭṭhakathāyaṃ vuttavacanato visesābhāvā,
“**kurundiyaṃ panā**”ti-ādīnā tato visesassa vattumāraddhattā ca bheri-ādīnaṃ
vinaddhanopakaraṇasamūho bherivīṇasaṅghāṭoti veditabbāṃ saṅghaṭitabboti
saṅghāṭoti katvā. **Tucchapokkharanti** avinaddhacammabherivīṇānaṃ
pokkharāṃ. **Āropitacammanti** pubbe āropitaṃ hutvā pacchā tato apanetvā
visum ṭhapitamukhacammamattaṃ, na sesopakaraṇasahitaṃ. Sahitaṃ pana
saṅghāṭoti ayaṃ viseso. **Onahitunti** bheripokkharādīni cammaṃ āropetvā
cammavaṭṭi-ādīhi sabbehi upakaraṇehi vinandhitum.

Pāliyaṃ **paṇḍakassā**ti paṇḍakena. **Pārājikappahonakakā**leti akuthitakāle.
Kāyasaṃsaggarāgādibhāve sabbāvatthāyapi itthiyā

1. Sārattha-Ṭī 2. 321 piṭṭhe.

saṅghāne paññāyamāne anāmāsadukkaṭaṃ na vigacchatīti daṭṭhabbaṃ.
Saṅkamādīnaṃ ṭhānācāvanavasena acāletabbatāya na
kāyappaṭibaddhavohāroti dukkaṭaṃ vuttam.

282. **Ekapadikasaṅkamoti** tanukasetu. “**Āviñchanto**”ti vuttattā cāletuṃ
yuttāya eva rajjuyā thullaccayaṃ, na itarāya bhittithambhādīgatīkattāti āha
“**yā mahārajju hotī**”ti-ādi. Tena cāletuṃ yutte tanukarajjudandaḍḍake acāletvā
phusantassāpi thullaccayamevāti dīpitanti veditabbaṃ. **Paṭicchādetabbā**
chādanādivasena gūhitabbā. Manussithī, manussithisaññitā,
kāyasamsaggarāgo, vāyāmo, tena hatthādīsu phusananti imānettha pañca
aṅgāni.

Kāyasamsaggasikkhāpadavaṇṇanā niṭṭhitā.

3. Duṭṭhullavācāsikkhāpadavaṇṇanā

285. Tatiye **asaddhammapaṭisaññuttanti**
methunadhammapaṭisaṃyuttaṃ. **Bālā**ti subhāsītadubbhāsitaṃ ajānantī,
surāmadamattatāya ummattakādibhāvena ca ajānantīpi ettheva saṅgayhati.
Na tāva sīsam etīti saṅghādīsesapaccayattasaṅkhātāṃ matthakaṃ pāripūri
na hoti, maggamethunehi aghaṭitattā dukkaṭaṃ pana hoti, eva.

Apasādetīti apasādarkaravacanaṃ karoti. **Dosaṃ detī**ti dosaṃ
paṭiṭṭhāpeti. **Tīhī**ti animittāsīti-ādīnaṃ padānaṃ aduṭṭhullabhāvenāpi
atthayojanārahattā passāvamaggādīpaṭisaññuttatāniyamo natthīti vuttam, tehi
pana aṭṭhahi padehi **paribbājikāvatthusmim**¹ viya thullaccayanti veditabbaṃ.

Kuñcikapanālimattanti² kuñcikāchiddamattaṃ. **Sukkhāsotā**ti³
dakasotassa sukkhātāya lohitavaṇṇavigamo hotīti vuttam.

Suddhānīti methunādīpadehi ayojitānīpi. **Methunadhammena**
ghaṭitānevāti idaṃ upalakkhaṇamattaṃ, vaccamaggapassāvamaggehipi
animitte

1. Vi 1. 191 piṭṭhe.

2. Kuñciyapanālimattanti (Ka)

3. Sukkhasonitāti (Ka)

“tava vaccamaggo, passāvamaggo vā īdiso”ti-ādinā ghaṭitepi āpattikarāneva.

286. **Garukāpattinti** bhikkhuniyā ubbhajāṇumaṇḍalikāya pārājikāpattim sandhāya vadati.

287. **Hasanto hasantoti** upalakkhaṇamattaṃ, ahasantopi yena kenaci ākārena attano vipariṇatacittataṃ itthiyā pakāsento vadati, āpattiyeva.

Kāyacittatoti hatthamuddāya obhāsentaṃ kāyacittato samuṭṭhāti.

288. **Tasmā dukkaṭanti** appaṭivijānanato dukkaṭaṃ, paṭivijānane pana sati thullaccayameva **paribbājikāvattusmim**¹ viya akhettapadattā. Khettapade hi paṭivijānantiyā saṃghādisesova siyā **methunadhammayācanavattudvaye**² viya, taṃ pana vattudvayaṃ methunayācanato catutthasaṃghādisese vattabbampi duṭṭhullavācassādamattena pavattattā idha vuttanti veditabbaṃ. Evaṃ khettapadena vadantassa itthiyā appaṭivijānantiyā kim hotīti? Kiñcāpi ayaṃ nāma āpattīti pāḷi-aṭṭhakathāsu na vuttaṃ, atha kho thullaccayenevettha bhavitabbaṃ. Tathā hi akhettapade appaṭivijānantiyā dukkaṭaṃ, paṭivijānantiyā thullaccayaṃ vuttaṃ. Khettapade pana paṭivijānane saṃghādisesova vutto, appaṭivijānane thullaccayameva bhavituṃ yuttaṃ, na dukkaṭaṃ, akhettapadato visesābhāvappasaṅgoti gahetabbaṃ. Yathā cettha, evaṃ catutthasikkhāpadehi akhettapade paṭivijānantiyā thullaccayaṃ, appaṭivijānantiyā dukkaṭaṃ, khettapade pana appaṭivijānantiyā thullaccayanti veditabbaṃ. Pāḷiyaṃ **navāvutanti** navavītaṃ.

289. **Asaddhammaṃ sandhāyāti** methunaṃ sandhāya vuttaṃ. Tañhi puttasaṃpattiyā bījanikkhepato vappariyāyaṃ labhatīti.

Samsīdatīti vahati, saṃsariyatīti vā attho. Manussitthī, tathāsaññitā, duṭṭhullavācassādarāgo, tena obhāsanaṃ, taṅkhaṇaviijānananti imānettha pañca aṅgāni.

Duṭṭhullavācāsikkhāpadavaṇṇanā niṭṭhitā.

1. Vi 1. 191 piṭṭhe.

2. Vi 1. 191-2 piṭṭhesu.

4. Attakāmapāricariyasikkhāpadavaṇṇanā

290. Catutthe parehi patte pātiyamānānaṃ bhikkhāpiṇḍānaṃ pāto sannipātoti piṇḍapātoti bhikkhāhāro vuccati, taṃsadisatāya aññopi yo koci bhikkhācariyaṃ vinā bhikkhūhi laddho piṇḍapātotveva vuccati. Pati eti etasmāti paccayoti āha “**patikaraṇaṭṭhena**¹ **paccayo**”ti. Rogadukkhānaṃ vā paṭipakkhabhāvena ayati pavattaṭṭi paccayo. **Sappāyassāti** hitassa. **Nagaraparikkhārehī**ti nagaraṃ parivāretvā rakkhaṇakehi. Rājūnaṃ gehaparikkhepo parikhā uddāpo pākāro esikā paligho aṭṭoti ime satta nagaraparikkhārāti vadanti. **Setaparikkhāro**ti visuddhisīlālaṅkāro. Ariyamaggo hi idha “ratho”ti adhippeto, tassa ca sammāvācādayo alaṅkāraṭṭhena “parikkhārā”ti vuttā. **Cakkavīriyoti** vīriyacakko. **Jīvitaparikkhārāti** jīvitassa pavattikāraṇāni. **Samudānetabbāti** sammā uddhaṃ ānetabbā pariyesitabbā.

291. **Upacāreti** yattha ṭhito viññāpetuṃ sakkoti, tādise ṭhāne. **Kāmo ceva hetu ca pāricariyā ca atthoti** pāḷiyaṃ “attano kāmaṃ, attano hetuṃ, attano adhippāyaṃ, attano pāricariyaṃ”ti² vuttasu imesu catūsu padesu kāmo, hetu, pāricariyā ca **aṭṭhakathāyaṃ** vutte paṭhame atthavikappe viggahavākyādhippāyasūcanato attho. **Sesanti** adhippāyapadamekaṃ. **Byañjananti** byañjanamattaṃ, paṭhamavikappānupayogitāya vacanamattanti attho. Dutiye atthavikappepi eseva nayo.

Yathāvuttameva atthaṃ padabhājanena saṃsanditvā dassetuṃ “**attano kāmaṃ attano hetuṃ attano pāricariyanti hi vutte jānissanti paṇḍitā**”ti-ādi āraddhaṃ. Idaṃ vuttaṃ hoti—“attano hetuṃ”ti vutte attano atthāyāti ayamattho viññāyati, “attano kāmaṃ attano pāricariyaṃ”ti vutte kāmena pāricariyāti ayamattho viññāyati. Tasmā imehi tīhi padehi attano atthāya kāmena pāricariyā attakāmapāricariyāti imaṃ atthavikappaṃ viññū jānissanti.

1. Pītikaraṇaṭṭhena (Ka), paṭi-ayanaṭṭhena (Visuddhi 1. 33 piṭṭhe sīlaniddese.)

2. Vi 1. 194 piṭṭhe.

“Attano adhippāyan”ti vutte pana adhippāyasaddassa kāmitasaddena samānatthabhāvato attanā adhippetakāmitaṭṭhena attakāmapāricariyāti imamattham vikappam viññū jānissanti.

Etadagganti esā aggā. **Duṭṭhullavācāsikkhāpade**¹ kāmam “yācatipi āyācatipī”ti evam methunayācanam āgataṃ, tam pana duṭṭhullavācassādarāgavasena vuttam, idha pana attano methunassādarāgavasenāti ayam viseso.

Vinītavatthūsu “**aggadānam dehī**”ti idam attano atthāya vuttam, duṭṭhullavācāsikkhāpade pana paratthāyapi vutte sīsam eṭṭi veditabbam. **Subhagā**ti issariyādīhi sundarehi bhagehi samannāgatā. Manussitthī, tathāsaññitā, attakāmapāricariyāya rāgo, tena kāmapāricariyayācanam, taṅkhaṇavijānananti imānettha pañca aṅgāni.

Attakāmapāricariyasikkhāpadavaṇṇanā niṭṭhitā.

5. Sañcarittasikkhāpadavaṇṇanā

296. Pañcame **paṇḍiccenā**ti sabhāvañāṇena. **Gatimantā**ti sabhāvañāṇagatiyuttā. **Veyyattiyenā**ti itthikattabbesu sikkhitañāṇena. **Medhāyā**ti asikkhitesupi tam-itthikattabbesu ṭhānuppattiyā paññāya. **Chekā**ti kāyena pacanādikusalā.

Āvahanam **āvāho**, dārikāya gahaṇam. Vidhinā parakule vahanam pesanam **vivāho**, dārikāya dānam.

297. **Randhāpanam** bhattapacāpanam. Byañjanādisampādanam **pacāpanam**. Na **upāhaṭanti** na dinnam. **Kayo** nāma gahaṇam. **Vikkayo** nāma dānam. Tadubhayam saṅgahetvā “**voḥāro**”ti vuttam.

300. “**Abbhutam kātum na vaṭṭati**”ti iminā dukkaṭam hotīti dīpeti. “**Parājiteṇa dātabban**”ti vuttattā adento dhuranikkhepena kāretabbo.

1. Vi 1. 188 piṭṭhe.

Acirakāle adhiḱāro etassa atthīti **acirakālādhikārikam**, sañcarittam.

“Acirakālācārikan”ti vā pāṭho. Acirakāle ācāro ajjhācāro etassāti yojanā.

301. Kiñcāpi ehibhikkhu-ādikāpi sañcarittādipaṇṇattivajjam āpattim āpajjanti, tesam pana asabbakālikattā, appakattā ca idhāpi ñatticatuttheneva kammaena upasampannam sandhāya “**yvāyan**”ti-ādipadabhājanamāha.

Sañcaraṇam sañcaro, so etassa atthīti sañcarī, tassa bhāvo sañcarittam.

Tenāha “**sañcaraṇabhāvan**”ti. Sañcaratīti sañcaraṇo, puggalo, tassa bhāvo **sañcaraṇabhāvo**, tam itthipurisānam antare sañcaraṇabhāvanti attho.

Jāyābhāveti bhariyabhāvāya. **Jārabhāveti** sāmibhāvāya, tamnimittanti attho. Nimittatthe hi etam bhumavacanam. Kiñcāpi “jārattane”ti padassa padabhājane “jārī bhavissasī”ti¹ itthilingavasena padabhājanam vuttam, “sañcarittam samāpajjeyyā”ti padassa pana niddese “itthiyā vā pahito purisassa santike gacchati, purisena vā pahito itthiyā santike gacchati”ti¹ vuttattā purisassāpi santike vattabbākāram dassetuṃ “jārattane”ti niddesassa itthipurisasādhāraṇattā “**itthiyā matim purisassa ārocento jārattane ārocetī**”ti vuttam. **Pāliyam**¹ pana purisassa matim itthiyā ārocanavaseneva padadvayepi yojanā katā, tadanusārena itthiyā matim purisassa ārocanākāropi sakkā viññātunti.

Idāni **pāliyam**¹ vuttanayenāpi attham dassento “**apicā**”ti-ādimāha. “**Pati bhavissasī**”ti idam jāyāsaddassa itthilinganiyamato purisapariyāyena vuttam, nibaddhasāmiko bhavissasīti attho. **Jāro bhavissasīti** micchācārabhāvena upagacchanako bhavissasīti adhippāyo.

303. **Serivihāranti** sacchandacāram. **Attano vasanti** attano āṇam. Gottavantesu gottasaddo, dhammacārīsu ca dhammasaddo vattatīti āha “**sagottehī**”ti-ādi. Tattha **sagottehīti** samānagottehi. **Sahadhammikehīti** ekassa satthu sāsane saharitabbadhammehi,

1. Vi 1. 202 piṭṭhe.

samānakuladhammehi vā. Tenevāha “**ekam satthāran**”ti-ādi.

Ekagaṇapariyāpannehīti mālakārādi-ekagaṇapariyāpannehi.

Sassāmikā **sārakkhā**. Yassā gamane raññā daṇḍo ṭhapito, sā **saparidaṇḍā**. **Pacchimānaṃ dvinnanti** sārakkhasaparidaṇḍānaṃ. **Micchācāro hotīti** tāsu gatapurisānaṃ viya tāsampi micchācāro hoti sassāmikabhāvato. **Na itarāsanti** māturakkhitādīnaṃ aṭṭhannaṃ micchācāro natthi assāmikattā, tāsu gatānaṃ purisānameva micchācāro hoti mātādīhi rakkhitattā. Purisā hi parehi yehi kehici gopitaṃ itthiṃ gantuṃ na labhanti, itthiyo pana kenaci purisena bhariyābhāvena gahitāva purisantaraṃ gantuṃ na labhanti, na itarā attano phassassa sayam sāmikattā. Na hi mātādayo sayam tāsam phassānubhavanattham tā rakkhanti, kevalam purisagamanameva tāsam vārenti. Tasmā kenaci apariggahitaphassattā, attano phassattā ca itthīnaṃ na micchācāro, purisānaṃ pana parehi vārite attano asantakaṭṭhāne pavīṭṭhattā micchācāroti vedītabbo.

Bhogenāti bhogahetu. Udapattam¹ āmasitvā gahitā **odapattakinī**. Dhajasaddena senā eva upalakkhitāti āha “**ussitaddhajāyā**”ti-ādi.

305. **Bahiddhā vimatṭhanti** aññattha ārocitaṃ. **Tam kiriyam sampādessatīti** tassā ārocetvā tam kiccaṃ sampādetu vā mā vā, tam kiriyam sampādane sāmattiyaṃ sandhāya vuttam. Dārakam, dārīkaṅca ajānāpetvā mātāpitu-ādīhi mātāpitu-ādīnaññeva santikam sāsane pesitepi paṭiggaṇhanavīmaṃsanapaccāharaṇasaṅkhātāya tivaṅgasampattiyā saṅghādiseso hoti evāti daṭṭhabbam.

Yaṃ uddissa sāsanaṃ pesitaṃ, tam eva sandhāya tassā mātu-ādīnaṃ ārocitepi khattameva otiṇṇabhāvaṃ dassetuṃ “**buddham paccakkhāmi**”ti-ādi udāhaṭam, idaṅca vacanabyattayahetubyattayānaṃ bhedepe byattayasāmaññato udāhaṭanti daṭṭhabbam. Tampi udāharaṇadosaṃ pariharitvā suttānulomataṃ dassetuṃ “**tam panā**”ti-ādi vuttam. **Iminā sametīti**

1. Udakapattam (Ka), Sārattha-Ṭī 2. 328 piṭṭhepi.

etthāyamadhippāyo—yathā sayam anārocetvā aññesaṃ antevāsikādīnaṃ vatvā vīmaṃsāpetvā paccāharantassa natthi visaṅketo, evaṃ tassā sayam anārocetvā ārocanaṭṭhaṃ mātu-ādīnaṃ vadantassāpi mātu-ādayo taṃ kiriyaṃ sampādentu vā mā vā. Yadi hi tesam mātu-ādīnaṃ tuṅhībhūtabhāvampi paccāharati, visaṅketo natthīti.

Gharakiccaṃ netīti **gharaṇī**. Aññataraṃ vadantassa visaṅketaṃ adinnādānādīsu āṇattiyam vatthusāṅketo viyāti adhippāyo. **Mūlaṭṭhānañca vasenā**ti ettha purisassa mātu-ādayo sāsanaṃ pesane mūlabhūtattā “mūlaṭṭhā”ti vuttā.

322. Pāḷiyam **māturakkhitāya mātā bhikkhum paṇiṇatī**ti ettha attano vā dhītu santikaṃ “itthannāmassa bhariyā hotū”ti bhikkhum paṇiṇati, purisassa vā tassa ñātakānaṃ vā santikaṃ “mama dhītā itthannāmassa bhariyā hotū”ti paṇiṇatīti gahetabbaṃ. Eseva nayo sesesupi. **Pubbe vuttanayattāti paṭhamasaṃghādisese**¹ vuttanayattā.

338. **Ante ekenā**ti ekena padena. **Ettova pakkamatī**ti apaccāharitvā tatova pakkamati. “**Anabhinanditvā**”ti idaṃ tathā paṭipajjamānaṃ sandhāya vuttam. Satipi abhinandane sāsanaṃ anāroceto pana **na vīmaṃsati** nāma. **Tatīyapade vuttanayenā**ti “so tassā vacanaṃ anabhinanditvā”ti-ādīnā vuttanayena. Pāḷiyam **antevāsīm vīmaṃsāpetvā**ti “ayaṃ tesam vattum samattho”ti antevāsīnā vīmaṃsāpetvā. Sace pana so antevāsiko taṃ vacanaṃ ādiyitvā tuṅhī hoti, tassāpi taṃ pavattim paccāharantassa ācariyassa saṃghādisesova mātu-ādīsu tuṅhībhūtesu tesam tuṅhībhāvaṃ paccāharantassa viyāti daṭṭhabbaṃ.

Pāḷiyam catutthavāre asatipi gacchanto sampādeti, āgacchanto visamvādeti anāpattīti atthato āpannamevātikatvā vuttam “**catutthe anāpattī**”ti.

1. Vi 1. 156 piṭṭhe.

340. **Kārukānanti** vaḍḍhakī-ādīnam tacchaka-
ayokāratantavāyarakānāhāpitakā pañca kāravo “kārukā”ti vuccanti.
Evarūpena -pa- anāpattīti tādīsam gihiveyyāvacca mpi na hotīti katvā
vuttam.

Kāyato samuṭṭhātīti paṇṇattim vā alamvacanīyabhāvaṃ vā tadubhayaṃ
vā ajānantassa kāyato samuṭṭhātī. Esa nayo itaradvayepi. **Alamvacanīyā**
hontīti itthī vā puriso vā ubhopi vā jāyābhāve, sāmikabhāve ca
nikkhattachandatāya¹ accantaviyuttattā puna aññamaññaṃ samāgamattham
“mā evaṃ akaritthā”ti-ādīnā vacanīyatāya vattabbatāya alam arahātī
alamvacanīyā, alam vā kattuṃ araham sandhānavacanametesu itthipurisesūti
alamvacanīyā, sandhānakārassa vacanam vinā asaṅgacchanakā
pariccattāyevāti adhippāyo.

Paṇṇattim pana jānitvāti ettha alamvacanīyabhāvaṃ vāti vattabbam.
Teneva **mātikāṭṭhakathāya**ñca “tadubhayaṃ pana jānitvā”ti-ādi² vuttam.
Bhikkhum ajānāpetvā attano adhippāyam paṇṇe likhitvā “imam paṇṇam
asukassa dehī”ti dinnam harantassa saṅcarittam na hoti. Paṇṇatti-
alamvacanīyabhāva-ajānavaseneva hi imam sikkhāpadaṃ acittakam, na
sabbena sabbam saṅcaraṇabhāvampi ajānavasena, pāḷiyañca
aṭṭhakathāyañca ārocaneva dassitam. Tasmā sandassanattam nātva
paṇṇasandassanavenāpi kāyena vā vācāya vā ārocentasseva āpatti hotīti
gahetabbam.

341. **Yathā yathā yesu yesu janapadesūti**
pariccattabhāvappakāsanattam kattabbam
paṇṇadānañātījanissarādījānāpanādītamdesaniyatam pakāram dasseti,
idañca nibaddhabhāriyābhāvena gahitam sandhāya vuttam. Attano ruciyā
saṅgatānam pana itthīnam, muhuttikāya ca purise cittassa virajjanameva
alamvacanīyabhāve kāraṇanti daṭṭhabbam. **Duṭṭhullādisupīti ādi**-saddena
attakāmasaṅcarittāni saṅgaṇhātī, ettha pana pāḷiyam kiñcāpi “itthī nāma
manussitthī na yakkhī”ti-ādīnā manussitthipurisā na dassitā, tathāpi “dasa
itthiyo māturakkhitā”ti-ādīnā³ manussitthīnaññeva dassitattā purisānampi
tadanuguṇānameva gahetabbato

1. Anikkhitta... (Ka)

2. Kañkhā-Ṭṭha 133 piṭṭhe.

3. Vi 1. 202 piṭṭhe.

manussajātikāva itthipurisā idhādhippetā. Tasmā yesu sañcarittam samāpajjati, tesam manussajātikatā, na nālamvacanīyatā, paṭiggaṇhana, vīmaṃsana, paccāharaṇānīti imānettha pañca aṅgāni.

Sañcarittasikkhāpadavaṇṇanā niṭṭhitā.

6. Kuṭikārasikkhāpadavaṇṇanā

342. Chaṭṭhe **ettakenā**ti ettakena dāru-ādinā. **Aparicchinnappamāṇāyoti** aparicchinnadāru-ādipamāṇāyo. **Mūlacchejjāyāti** parasantakabhāvato mocetvā attano eva santakakaraṇavasenāti attho. Evaṃ yācato aññātakaviññattidukkaṭaṅceva dāsapaṭiggahaṇadukkaṭaṅca hoti “dāsīdāsapaṭiggahaṇā paṭivirato hoti”¹ti vacanam nissāya aṭṭhakathāsu paṭikkhattatā. **Sakakammanti** paṇavadhakammaṃ. Idañca paṇātipātasaparīhārāya dukkaṭam vuttam, na viññattiparīhārāya. **Aniyametvāpi na yācītabbāti** sāmīcidassanattam vuttam, suddhacittena pana hatthakammaṃ yācantassa āpatti nāma natthi. **Yadicchakam kārāpetum vaṭṭatīti** hatthakammaṃ yācāmi, dethā”²ti-ādinā ayācītvāpi² vaṭṭati. Sakiccapasutampi evam kārāpentassa viññatti natthi eva, sāmīcidassanattam pana vibhajivā vuttam.

Sabbakappiyabhāvadīpanatthanti sabbaso kappiyabhāvadīpanattham. **Mūlam dethāti vattum vaṭṭatīti** “mūlam dassamā”³ti paṭhamam vuttatā viññatti vā mūlanti vacanassa kappiyākappiyavattusamāññavacanattepi niṭṭhitabhatikiccānam dāpanato akappiyavattusādiyanam vā na hotīti katvā vuttam. **Anajjhāvutthakanti** apariggahitam.

Mañca -pa- cīvarādīni kārāpetukāmenāpīti-ādīsu cīvaram kārāpetukāmassa aññātaka-appavarītatantavāyehi hatthakammayācanavasena vāyāpane viññattipaccayā dukkaṭābhāvepi **cīvaravāyāpanasikkhāpadena**³ yathāraham pācittiyadukkaṭāni hontīti veditabbam. **Akappiyakahāpaṇādi na dātābanti** kappiyamukhena laddhampi hatthakammakaraṇatthāya

1. Dī 1. 5, 60 piṭṭhesu.

2. Ayācītvāpi (Ka)

3. Vi 1. 370 piṭṭhe.

imassa kahāpaṇaṃ dehīti vatvā dānaṃ na vaṭṭatīti vuttaṃ. Pubbe katakammasa dāpane kiñcāpi doso na dissati, tathāpi asāruppamevāti vadanti. Katakammatthāyapi kātabbakammatthāyapi kappiyavohārena pariyāyato bhatim dāpentassa natthi doso. **Vattanti** cārittaṃ, āpatti na hotīti adhippāyo.

Kappiyaṃ kārāpetvā paṭiggahetabbānīti sākhāya makkhikabījanena paṇṇādicchede bījagāmakopanassa ceva tattha laggaraajādi-appaṭiggahitassa ca parihāratthāya vuttaṃ. Tadubhayāsaṅkāya asati tathā akaraṇe doso natthi. Nadīyādīsu udakassa apariggahitāya **“āharāti vattum vaṭṭatī”**ti vuttaṃ. **“Na āhaṭaṃ paribhuñjitun”**ti vacanato viññattiyā āpannaṃ dukkaṭaṃ desetvāpi taṃ vatthum paribhuñjantassa puna paribhoge dukkaṭameva, pañcannampi sahadhammikānaṃ na vaṭṭati. **“Alajjīhi pana bhikkhūhi vā sāmaṇerehi vā hatthakammaṃ na kāretabban”**ti sāmaññato vuttattā attano atthāya yaṃkiñci hatthakammaṃ kāretum na vaṭṭati. Yaṃ pana alajjī nivāriyamānopi bījanādiṃ karoti, tattha doso natthi. Cetiyaṃkammādiṃ pana tehi kārāpetum vaṭṭati. Ettha ca “alajjīhi sāmaṇere hī”ti vuttattā “sañcicca āpattim āpajjati”ti-ādi¹ alajjilakkhaṇaṃ ukkaṭṭhavasena upasampanne paṭicca upalakkhaṇato vuttanti taṃlakkhaṇavirahitānaṃ sāmaṇerādīnaṃ liṅgathenakagotrabhupariyosānānaṃ bhikkhupaṭiññānaṃ dussilānampi sādharmaṇavasena alajjitālakkhaṇaṃ yathāvihitapaṭipattiyā sañcicca atīṭṭhanamevāti gahetabbaṃ.

Āharāpentassa dukkaṭanti viññattikkhaṇe viññattipaccayā, paṭilābhakkhaṇe goṇānaṃ sādiyanapaccayā ca dukkaṭaṃ. Goṇāhi attano atthāya aviññattiyā laddhampi sādītum na vaṭṭati “hatthigavassavaḷavapaṭiggahaṇā paṭivirato hotī”ti² vuttattā. Tenevāha **“ñātipavāritatṭhānatopi mūlacchejjāya yācītum na vaṭṭatī”**ti. Ettha ca viññattidukkaṭābhāvepi akappiyavattahuyācanepi paṭiggahaṇepi dukkaṭameva. **Rakkhitvāti** corādi-upaddavato rakkhitvā. **Jaggitvāti** tiṇadānādīhi posetvā.

Ñātipavāritatṭhāne pana vaṭṭatīti sakaṭassa sampaṭicchitabbattā mūlacchejjasena yācītum vaṭṭati. **Tāvakālikam vaṭṭatīti** ubhayatthāpi vaṭṭatīti

1. Vi 5. 279 piṭṭhe.

2. Dī 1. 5, 61 piṭṭhesu.

attho. Vāsi-ādīni puggalikānīpi vaṭṭantīti āha “**esa nayo vāsī**”ti-ādi. Valli-ādīsu ca parapariggahitesu ca eseva nayoti yojetabbaṃ.

“**Garubhaṇḍappahonakesuyevā**”ti idaṃ viññattim sandhāya vuttaṃ. Adinnādāne pana tiṇasalākaṃ upādāya parapariggahitaṃ theyyacittena gaṇhato avahāro eva, bhaṇḍagghena kāretabbo. **Villi-ādīsūti** ettha **ādi-**saddena pāḷi¹ āgatānaṃ veḷu-ādīnaṃ saṅgaho. Tattha yasmim padese haritālaajātihiṅgulādi appakampi mahagghaṃ hoti, tattha taṃ tālapakkapamaṇato ūnampi garubhaṇḍameva, viññāpetuñca na vaṭṭati.

Sāti viññatti. Parikathādīsu “senāsanāṃ sambādhan”ti-ādīnā² pariyaēyena kathanāṃ **parikathā** nāma. Ujukameva akathetvā “bhikkhūnaṃ kiṃ pāsādo na vaṭṭatī”ti-ādīnā² adhippāyo yathāvibhūto hoti, evaṃ bhāsanāṃ **obhāso** nāma. Senāsanādi-atthaṃ bhūmiparikammādikaraṇavasena paccayuppādāya nimittakaraṇāṃ **nimittakammaṃ** nāma. **Ukkamantīti** apagacchanti.

344. Maṇi kaṇṭhe assāti **maṇikaṇṭho**. **Devavaṇṇanti** devattabhāvaṃ.

345. Pāḷiyam³ **pattena me atthoti** anathhikampi pattena bhikkhūṃ evaṃ vadāpento bhagavā sotthiyā mantapadavasena vadāpesi. Sopi bhikkhu bhagavatā āṇattavacanāṃ vademīti avoca, tenassa musā na hoti. Atha vā “**pattena me attho**”ti idaṃ “**pattam dadantū**”ti iminā samānatthanti daṭṭhabbaṃ. Esa nayo **maṇinā me atthoti** etthāpi. Tasmā aññesampi evarūpaṃ kathentassa, kathāpentassa ca vacanadoso natthīti gahetabbaṃ.

349. Uddhammukhaṃ littā ullittā, chadanassa anto limpantā hi yebhuyyena uddhammukhā limpanti. Tenāha “**antolittā**”ti. Adhomukhaṃ littā avalittā. Bahi limpantā hi yebhuyyena adhomukhā limpanti. Tenāha “**bahilittā**”ti.

Byañjanaṃ vilomitaṃ bhaveyyāti yasmā “kārayamānenā”ti imassa hetukattuvacanassa “karontenā”ti idaṃ suddhakattuvacanāṃ pariyaēyavacanāṃ

1. Vi 1. 224 piṭṭhe.

2. Visuddhi 1. 39 piṭṭhe.

3. Vi 1. 222 piṭṭhe.

na hoti, tasmā “karontena vā karāpentena vā”ti kārayamānenāti bahu-uddesapadānugunaṃ karaṇavacaneneva padattham katvā niddese kate byañjanaṃ viruddham bhaveyya, tathā pana padatthavasena adassetvā sāmattiyato siddhamevattham dassetuṃ paccattavasena “karonto vā karāpento vā”ti padabhājanaṃ vuttanti adhippāyo. Tenāha “**atthamattamevā**”ti-ādi. Padatthato, sāmattiyato ca labbhamānam atthamattamevāti attho. Yañhi kārayamānena paṭipajjitabbaṃ, taṃ karontenāpi paṭipajjitabbamevāti idamettha sāmattiyam daṭṭhabbaṃ.

Uddesoti sāmibhāvena uddisitabbo. **Setakammanti**

setavaṇṇakaraṇattham setavaṇṇamattikāya vā sudhāya vā katatanukalepo, tena pana saha miniyamāne pamāṇātikkantaṃ hotīti saṅkānivāraṇattham āha “**abbohārikan**”ti. Tena pamāṇātikkantavohāram na gacchati kuṭiyā anaṅgattāti adhippāyo.

Yathāvuttassa atthassa vuttanayam dassentena “**vuttañhetan**”ti-ādi vuttaṃ. Tattha “Āyāmato ca vitthārato cā”ti avatvā “āyāmato vā vitthārato vā”ti vikappatthassa vā-saddassa vuttattā ekatobhāge vaḍḍhitepi āpattīti pakāsītanti adhippāyo. **Tihatthāti** pakatihatthena tihatthā, “vaḍḍhakīhatthenā”tipi¹ vadanti, taṃ “yattha -pa- ayam kuṭīti saṅkhyam na gacchatī”ti iminā virujjhati vaḍḍhakīhatthena tihatthāyapi kuṭiyā pamāṇayuttassa mañcassa sukhena parivattanato. “**Ūnakacatuhatthā vā**”ti idaṅca pacchimappamāṇayuttassa mañcassa aparivattanārahaṃ sandhāya vuttaṃ. Yadi hi pakatihatthena catuhatthāyapi kuṭiyā pamāṇayutto mañco na parivattati, sā akuṭīyeva, tasmā mañcaparivattanamatteneva pamāṇanti gahetabbaṃ. **Pamāṇayutto mañcoti** sabbapacchimappamāṇayutto mañco. So hi pakatividatthiyā navavidatthiko, aṭṭhavidatthiko vā hoti, tato khuddako mañco sīsūpadhānam ṭhapetvā pādam pāsāretvā nipajjitum na pahoti. **Pamāṇato ūnatarampīti** ukkaṭṭhappamāṇato ūnatarampi, idaṅca heṭṭhimappamāṇayuttāyapi vatthudesanā kātabbā, na vāti sandehanivattanattham vuttaṃ.

1. Sārattha-Ṭī 2. 334 piṭṭhe.

Kalalalepoti kenaci silesena katalepo, setarattādivaṇṇakaraṇattham katatambamattikādikalalalepo vā. Tenāha “**alepo evā**”ti. Tena taḷākādīsu ghanena kalalena katabahalalepo mattikālepane eva pavīsati le pavohāragamanatoti dasseti. **Piṭṭhasaṅghāto** nāma dvārabāhasaṅkhāto caturassadārusaṅghāto, yattha sa-uttarapāsam kavāṭam apassāya dvāram pidahanti.

Oloketvāpīti apaloketvāpi, apalokanakammavasenāpīti attho, apasaddassāpi o-ādeso katoti daṭṭhabbo.

353. **Nibaddhagocarattṭhānampīti** ettha gocarāya pakkamantānam hatthīnam nibaddhagamanamaggopi saṅgayhati. **Etesanti** sīhādīnam. **Gocarabhūmīti**¹ āmisaggahaṇattṭhānam. **Na gahitāti** paṭikkhipitabbabhāvena na gahitā, na vāritāti attho. Sīhādīnaṅhi gocaraggahaṇattṭhānam hatthīnam viya nibaddham na hoti, yattha pana gomahimsādipāṇakā santi, dūrampi tam ṭhānam sīgham gantvā gocaram gaṇhanti. Tasmā tesam tam na vāritam, nibaddhagamanamaggova vārito āsayato gamanamaggassa nibaddhattā. **Aññesampi vālānanti** araññamahimsādīnam. **Ārogyatthāyāti** nirupaddavāya. **Sesānīti** pubbaṇṇanissitādīni soḷasa. Tāni ca janasammaddamahāsammaddakuṭivilopasarīrapīḷādi-upaddavehi **sa-upaddavānīti** veditabbāni. Abhihananti etthāti **abbhāghātam**. “Verigharan”ti vuttamevattham vibhāvetum “**corānam māraṇatthāya katan**”ti vuttam.

Dhammagandhikāti² dhammena daṇḍanītiyā hatthapādādicchindanagandhikā. Gandhikāti ca yassa upari hatthādīm ṭhapetvā chindanti, tādisam dārukhaṇḍaphalakāti vuccati, tena ca upalakkhitam ṭhānam. Pāḷiyam **racchānissitanti** rathikānissitam. **Caccaranissitanti** catunnam rathikānam sandhinissitam. **Sakaṭenāti** iṭṭhakasudhādibhaṇḍāharaṇasakaṭena.

Pācinanti³ senāsanassa bhūmito paṭṭhāya yāva talāvasānam cinitabbavatthukam adhiṭṭhānam, yassa upari bhittithambhādīni ca paṭiṭṭhapenti. Tenāha “**tato paṭṭhāyā**”ti-ādi. Kiñcāpi idha pubbapayogasahapayogānam adinnādāne⁴ viya viseso natthi, tathāpi tesam vibhāgena

1. Cāribhūmīti (Sī), cārabhūmīti (Syā)

3. Pācīranti (Sī, Syā)

2. Dhammagandhikāti (Sī)

4. Vi 1. 50 piṭṭhe.

dassanaṃ bhinditvā vā puna kātabbāti ettha kuṭiyā bhedena paricchadadassanatthaṃ kataṃ. **Tadatthāyāti** tacchanatthāya. **Evaṃ katanti** adesitavatthukaṃ pamāṇāṭikkantaṃ vā kataṃ. **Paṇṇasālanti** paṇṇakuṭiyā tiṇapaṇṇacuṇṇassa aparipatanatthāya anto ca bahi ca limpinti, taṃ sandhāyetaṃ vuttaṃ. Teneva vakkhati “paṇṇasālaṃ limpatī”ti.

Antolepeneva niṭṭhāpetukāmaṃ sandhāya “**antolepe vā**”ti-ādi vuttaṃ. **Bahilepe vāti** etthāpi eseva nayo. **Tasminti** dvārabandhe vā vātapāne vā ṭhapiteti yojetabbaṃ. **Tassokāsanti** tassa dvārabandhādissa okāsabhūtaṃ chiddaṃ. **Puna vaḍḍhetvāti** pubbe ṭhapitokāsaṃ khuddakaṃ ce, taṃ dvāravātapānacchiddabhedanena puna vaḍḍhetvā, **ṭhapiteti** dvārabandhe vā gavakkhasaṅghāṭe vā ānetvā tasmim vaḍḍhite vā avāḍḍhite vā chidde patiṭṭhāpite. **Lepo na ghaṭiyatīti** samantato dinno lepo tathā ṭhapitena dvārabandhanena vā vātapānena vā saddhim na ghaṭiyati, ekābaddhaṃ na hotīti vuttaṃ hoti. **Tanti** dvārabandhaṃ vā vātapānaṃ vā. **Paṭhamameva saṅghādisesoti** tesāṃ samantato pubbeva lepassa ghaṭetvā niṭṭhāpitattā dvārabandhavātapānānaṃ ṭhapanato pubbe eva saṅghādiseso.

Lepaghaṭanenevāti iṭṭhakāhi katavātapānādīni vinā samantā lepaghaṭaneneva āpatti vātapānādīnaṃ alepokāsattā, iṭṭhakāhi katattā vā, vātapānādīsipi lepessa bhittilepena saddhim ghaṭanenevātipi atthaṃ vadanti. **Tatthāti** paṇṇasālāyaṃ. **Ālokatthāya aṭṭhaṅgulamattaṃ ṭhapetvā limpatīti** dārukuṭṭassa dārūnamantarā aṭṭhaṅgulamattaṃ vivaraṃ yāva limpati, tāva ālokatthāya ṭhapetvā avasesaṃ sakuṭṭacchadanaṃ limpati, pacchā etaṃ vivaraṃ limpissāmīti evaṃ ṭhapane anāpattīti adhippāyo. Sace pana evaṃ akatvā sabbadāpi ālokatthāya vātapānavasena ṭhapeti, vātapānavārasaṅghāṭe ghaṭite lepo ca ghaṭiyati, paṭhamameva saṅghādisesoti dassento āha “**sace**”ti-ādi. Mattikākuṭṭameva mattikālepassaṅkhyāṃ gacchatīti āha “**sace mattikāya kuṭṭaṃ karoti, chadanalepena saddhim ghaṭane āpattī**”ti. **Ubhinnaṃ anāpattīti** purimassa lepessa aghaṭitattā dutiyassa attuddesikatāya asamभवato.

354. **Āpattibhedadassanattanti** tattha “sārambhe ca aparikkamane ca dukkaṭaṃ adesitavattukātāya, pamāṇātikantatāya ca saṃghādiseso”ti evaṃ āpattiyeva vibhāgadassanattam.

361. **Aniṭṭhite kuṭīkammeti** lepapariyosāne kuṭīkamme ekapiṇḍamattenapi aniṭṭhite. “**Aññassa puggalassa vā**”ti idaṃ mūlaṭṭhassa anāpattidassanattam vuttam. Yena pana laddham, tassāpi tam niṭṭhāpentassa “parehi vippakataṃ attanā pariyosāpeti, āpatti saṃghādisesassā”ti-ādi¹vacanato āpattiyeva. Pubbe katakammampi laddhakālato paṭṭhāya attano atthāyeva kataṃ nāma hoti, tasmā tenāpi saṃghassa vā sāmaṇerādīnam² vā datvā niṭṭhāpetabbam. “**Aññassa vā**”ti idaṃ anupasampannamyeva sandhāya vuttanti gahetabbam, keci pana “parato laddhāya kuṭiyā niṭṭhāpane anāpatti-ādito paṭṭhāya attano atthāya akatattā”ti vadanti. **Apacinitabbāti** yāva pācinā³ viddhamsetabbā. **Bhūmisamaṃ**⁴ **katvāti** pācinatalāvasānam katvā.

364. **Leṇanti** pabbataleṇam. **Na hettha lepo ghaṭṭiyatīti** chadanalepassa abhāvato vuttam, visum eva vā anuññātattā. Sace leṇassa anto uparibhāge cittakammādikaraṇattam lepaṃ denti, ullittakuṭṭisaṅkhyam na gacchati, vaṭṭati eva. Itthakādīhi kataṃ caturassakūṭāgārasaṅṭhānam ekakaṇṇikābaddham nāti-uccam paṭṭissayavisesam “**guhā**”ti vadanti, tādīsam mahantampi ullittāvalittam karontassa anāpatti. **Bhūmiguhanti** umaṅgaguham⁵.

Aṭṭhakathāsūti kukkuṭacchikagehanti-ādīsu aṭṭhakathāsu tiṇakuṭīkā kukkuṭacchika gehanti vatvā puna tam vivarantehi aṭṭhakathācariyehi chadanam daṇḍakehi -pa- vuttāti yojanā daṭṭhabbā. Tattha **daṇḍakehi jālabaddham katvāti** dīghato, tiriyato ca ṭhapetvā vallyādīhi baddhadaṇḍakehi jālam viya katvā. **So cāti** ullittādībhāvo. **Chadanameva sandhāya vuttoti** chadanassa anto ca bahi ca limpanameva sandhāya vutto. Mattikākuṭṭe bhittilepaṃ vināpi bhittiyā

1. Vi 1. 236 piṭṭhe.

2. Sāmaṇerānam (Ka)

3. Pācīrā (Sī)

4. Bhūmim samam (Sī)

5. Ummaggaguham (Sī)

saddhiṃ chadanalepassa ghaṭanamattenāpi āpattisambhavato chadanalepova padhānanti veditabbaṃ. Kiñcāpi evaṃ, atha kho “upacikāmocanattameva heṭṭhā pāsāṇakuṭṭam katvā taṃ alimpitvā upari limpāti, lepo na ghaṭīyati nāma, anāpattiyevā”ti-ādivacanato pana chadanalepaghaṭanattham¹ sakalāyapi bhittiyā lepo avassaṃ icchitabbova tassā ekadesassa alepepi chadanalepassa aghaṭanato. Tenāha “**lepo na ghaṭīyati**”ti. **Etthāti** tiṇakuṭṭikāyaṃ. Na kevalañca tiṇakuṭṭikāyaṃ eva, leṇaguhādīsupi sārambhāparikkamanapaccayāpi anāpatti eva, iminā pana nayena aññassatthāya kuṭṭim karontassāpi sārambhādipaccayāpi anāpattibhāvo atthato dassito eva hotīti.

Tattha pāḷivirodham pariharitum “**yaṃ panā**”ti-ādi vuttaṃ. Ayañhettha adhippāyo—aññassa upajjhāyādino atthāya karontassa sārambhādipaccayāpi anāpatti eva, yaṃ pana pāḷiyam “āpattikārukānam tiṇṇam dukkaṭānan”ti-ādivacanam, taṃ aññassatthāya karontassa, na sārambhādipaccayā āpattidassanattham vuttaṃ, kiñcarahi yathāsamādiṭṭhāya² kuṭṭiyā akaraṇapaccayā āpattidassanatthanti. Tattha **yathāsamādiṭṭhāyāti** “bhikkhu samādisitvā pakkamati, ‘kuṭṭim me karoṭhā’ti samādisati ca, desitavatthukā ca hotu anārambhā ca saparikkamanā cā”ti evaṃ kārapakena āṇattikkamaṃ muñcitvā karaṇapaccayāti adhippāyo. Katthaci pana potthake “kuṭṭilakkhaṇappattampi kuṭṭim aññassa -pa- karontassa anāpatti”ti imassa pāṭhassa anantaram “yaṃ pana āpatti kārukānan”ti-ādipāṭho dissati, sova yuttataro. Evañhi sati tattha adhippāyo pākaṭo hoti.

Anāpattīti vatvāti vāsāgāratthāya eva aniyamitattā anāpattīti vatvā. **Adesāpetvā karototi** pamāṇayuttampi karoto. **Acittakanti** paṇṇatti-ajānanacittena acittakam. Ullittādīnam aññataratā, heṭṭhimappamāṇasambhavo, adesitavatthukatā, pamāṇātikkantatā, attuddesikatā, vāsāgāratā, lepaghaṭanāti satta vā pamāṇayuttaṅgādīsū cha vā aṅgāni.

Kuṭṭikārasikkhāpadavaṇṇanā niṭṭhitā.

1. Vavatthā nattham (Ka)

2. Samādiṭṭhāya (Ka)

7. Vihārakārasikkhāpadavaṇṇanā

365. Sattame pūjāvacanappayoge kattari sāmivacanassapi icchitattā “**gāmassa vā pūjitan**”ti vuttam. Rūpindriyesu vijjamānam sandhāya ekindriyatā vuccatīti āha “**kāyindriyam sandhāyā**”ti. Te hi manindriyampi bhūtagāmānam icchanti.

366. **Kiriyato samuṭṭhānābhāvoti** vatthuno adesaṇāsaṅkhātāṃ akiriyaṃ vinā na kevaḷam¹ kiriyāya samuṭṭhānābhāvo. Kiriyākiriyaṭo hi idaṃ samuṭṭhāti. Imasmim sikkhāpade **bhikkhū vā anabhineyyāti** ettha **vā**-saddo samuccayattho, tena “mahallakaṇca vihāraṃ kareyya, bhikkhū ca anabhineyyā”ti kiriyāṇca akiriyaṇca samuccinoti.

Vihārakārasikkhāpadavaṇṇanā niṭṭhitā.

8. Paṭhamaduṭṭhadosaikkhāpadavaṇṇanā

380. Aṭṭhame pākārena ca parikkhittanti sambandho. **Gopuraṭṭālakayuttanti** ettha pākāresu yuddhatthāya kato vaṅkasaṅṭhāno sarakkhepachiddasahito patissayaviseso **aṭṭālako** nāma.

Soḷasavidhassāti catūhi maggehi paccekāṃ catūsu saccesu kattabbassa pariññāpahānasacchikiriyābhāvanāsaṅkhātassa soḷasavidhassa. **Te gāraṇvānāti** te kilantarūpā bhikkhū bhattuddesakaṭṭhāne sannipatitānaṃ bhikkhūnaṃ purato attano kilantasarīraṃ dassetvā uddisāpane gāraṇvāna, lajjāyāti attho. **Terasapīti** bhattuddesaka senāsanagāhāpaka bhaṇḍāgārika cīvarapaṭiggāhaka cīvarabhājaka yāgubhājaka phalabhājaka khajjabhājaka appamattakavissajjaka sāṭiyagāhāpaka pattagāhāpaka ārāmikapesaka sāmaṇerapesakasammutīnaṃ vasena terasapi.

Pāḷiyam “**apisū**”ti idaṃ “apicā”ti iminā samānattho nipāto. **Evam sabbapadesūti** pīṭhādīsu senāsanasādhāraṇesu, katikasaṅṭhānapavesanikkhamaṇakālādīsu pana visum visum adhiṭṭhahitvā kathāpeṭīti

1. Vinā kevaḷam (Sī)

veditabbarā. **Ayañhi nimmitānaṃ dhammatā**ti aniyamtvā nimmittānaṃ vasena vuttaṃ, niyamtvā pana “ettakā idañcidañca kathentu, ettakā tuñhī bhavantu, nānāppakāraṃ iriyāpathaṃ, kiriyañca kappentu, nānāvaṇṇasaṅghānavayoniyamā ca hontū”ti parikammaṃ katvā samāpajjitvā vuṭṭhāya adhiṭṭhite icchiticchitappakārā aññamaññampi visadisāva honti. **Avatthukavacananti** niratthakavacanaṃ.

383. **Ekacārikabhattanti** atimanāpattā sabbesampi paṭilābhatthāya visum ṭhitikāya pāpetabbabhattāṃ. **Taddhitavohārenā**ti cattāri pamāṇamassa catukkanti evaṃ taddhitavohārena. **Bhavoti** bhavitabbo. **Atītaṃ divasabhāganti** tasmiññeva divase salākadānakkhaṇaṃ sandhāya vuttaṃ. **Hiyyoti** imassa ajja icceva attho. Tenevāhaṃsu “sve amhe”ti-ādi. **Padhūpāyantā**ti punappunaṃ uppajjanakodhavasena padhūpāyantā. Pāḷiyaṃ **kissa manti** kena kāraṇena mayāti attho.

384. “Sarasi tvan”ti idaṃ ekaṃ vākyāṃ katvā, “kattā”ti idañca kattari ritupaccayantaṃ katvā, “asī”ti ajjhāhārapadena saha ekavākyāṃ katvā, “evarūpan”ti idaṃ, “yathāyaṃ bhikkhunī āhā”ti idañca dvīsu vākyesu paccakaṃ yojetabbanti dassetuṃ “**atha vā**”ti-ādimāha. **Ujukamevā**ti tvāpaccayantavasena paṭhamāṃ atthaggaṇaṃ ujukanti adhippāyo.

Dutiyo dabbasaddo paṇḍitādivacanoti āha “**na kho dabbā dabbā paṇḍitā**”ti. **Nibbeṭhentī**ti dosato mocenti. **Vinayalakkhaṇe tantinti** vinayavinicchayalakkhaṇavisaye āgamaṃ ṭhapento. Pāḷiyaṃ **yato ahanti-**ādīsu yasmim kāle ahaṃ jāto, tato pabhuti supinantenapi methunaṃ dhammaṃ nābhijānāmi, na ca tassa methunadhammassa paṭisevitā ahosinti attho daṭṭhabbo. Tenāha “**supinantenapī**”ti-ādi. Idāni ekavākyavasena yojanaṃ dassetuṃ “**atha vā**”ti-ādi vuttaṃ. **Na ghaṭatī**ti yasmā khīṇāsavassa vacanena etissā vacanaṃ na sameti, tañca na ghaṭanaṃ yasmā pubbe bhikkhūsu pasiddhāya eva accantadussīlatāya eva ahosi, tasmā mettiyaṃ bhikkhuniṃ nāsethāti adhippāyo.

Cara pireti cara gaccha pire para amāmaka tvaṃ. **Vinassāti** adassanaṃ gaccha. **Akārīkā**ti amūlakena codanāya na kārikā. **Kārako**

hotīti “ayyenamhi dūsitā”ti imāya paṭiññāya yadi nāsītā. Tadā thero bhikkhunīdūsakattasiddhito tassa dosassa kārako hoti. **Akārako hotīti** tāya katapaṭiññam anapekkhitvā sāmāññato “mettīyam bhikkhunim nāsethā”ti bagavatā vuttatā akārako hoti. Yadi hi thero kārako bhavēyya, avassam tameva dosaṃ apadisitvā iminā nāma kāraṇena “mettīyam bhikkhunim nāsethā”ti vattabam siyā, tathā avuttatā, “dabbañca anuyuñjathā”ti avatvā “ime ca bhikkhū anuyuñjathā”ti vuttatā ca sāmattiyato mettīyāya bhikkhuniyā aññena dosena nāsanārahātā, vatthussa ca amūlakabhāvo, therassa akārakabhāvo ca siddho hotīti adhippāyo.

Attano suttanti “sakāya paṭiññāyā”ti iminā pakkhepavacanena sahitam kūṭasuttam. **Thero kārako hotīti** ettha ayamadhippāyo—“sakāya paṭiññāyā”ti avatvā sāmāññato “mettīyam bhikkhunim nāsethā”ti otiṇṇavatthusmiṃyeva tassā nāsanā vihitāti tumhākam vāde thero kārako hoti, “sakāya paṭiññāyā”ti pana vutte pubbēyeva siddhassa pārājikassa sucikāya assā sakāya paṭiññāya nāsethāti sijjhanato amhākam vāde thero akārako hotīti.

Mahāvihāravāsīnampi pana “sakāya paṭiññāyā”ti vutte otiṇṇavatthusmiṃyeva tassā nāsanā vihitā hoti, na sāmāññatoti adhippāyo.

Etthāti imesu dvīsu vādesu, suttasu vā. **Yaṃ pacchā vuttanti** mahāvihāravāsīhi yaṃ vuttam, tam yuttanti attho. **Vicāritam hetanti** etam pacchimassa yuttatam vicāritam, “tatra saṃghādiseso vuṭṭhānagāminī -pa-asuddhatāyeva nāsesī”ti vakkhamānanayena vinicchitanti attho.

“**Bhikkhunim anuddhamseti dukkaṭan**”ti iminā mahā-aṭṭhakathāvādo dassito.

Tatrāti tesu dukkaṭapācittīyesu. **Dukkaṭanti** vuttamahā-aṭṭhakathāvādassa adhippāyam dassetvā “pācittīyan”ti pavattassa kurundivādassa adhippāyam dassetum “**pacchimanayepī**”ti-ādi vuttam. **Vacanappamāṇatoti** visamvādanādhippāye samānepi anuddhamśanādivisese saṃghādisesādino vidhāyakavacanabalenāti attho. **Bhikkhussa pana bhikkhuniyā dukkaṭanti** bhikkhunim anuddhamśentassa bhikkhussa dukkaṭam.

Evam dvīsupi aṭṭhakathāvacanesu adhippāyaṃ vibhāvetvā idāni pacchime pācittiyavāde dosaṃ dassetvā purimadukkaṭavādameva patiṭṭhāpetuṃ “**tatra panā**”ti-ādi vuttaṃ. Tattha **visunti sampajānamusāvāde pācittiyato**¹ visuṃ pācittiyaṃ vuttaṃ, tattha anantogadhabhāvāti² adhippāyo. **Tasmāti** yasmā amūlakānuddhaṃsane visuññeva pācittiyaṃ paññattaṃ, tasmā purimanayoti dukkaṭavādo. Evam antarā pavīṭṭhaṃ dukkaṭapācittiyavādaṃ dassetvā idāni pākaṭameva atthaṃ vibhāvetuṃ “**tathā bhikkhuni**”ti-ādi āraddhaṃ. Tattha **tathāti** yathā bhikkhussa bhikkhuṃ, bhikkhuniñca anuddhaṃsentassa saṃghādisesadukkaṭāni vuttāni, tathāti attho. **Etehi nāsanā natthīti** sāmāññato vuttaṃ, dukkaṭena imissā pana nāsanā natthīti adhippāyo. **Dussīlāti** pārājikā.

386. **Ākāranānattenāti** dūsitākārassa, dūsakākārassa ca nānattena. **Anabhiraddhoti** atuṭṭho. Tenāha “**na sukhito**”ti. **Na pasāditoti** anuppāditappasādo. Khīla-saddo thaddhabhāvavacano, kacavarapariyāyo ca hotīti āha “**citta -pa- khīlan**”ti. **Nappatītoti** pītisukhādīhi na abhigato na upagato. Tenāha “**na abhisāṭo**”ti.

Yena duṭṭhoti ca kupitoti ca vuttoti ettha yena duṭṭhoti ca vutto yena kupitoti ca vutto, taṃ **mātikāyañca**³ **padabhājane**³ ca vuttaṃ ubhayampetanti yojetabbaṃ. **Dvīhīti** “tena ca kopena, tena ca dosenā”ti vuttakopadosapadehi dvīhi, atthato pana dvīhipi dosova dassitoti āha “**saṅkhārakkhandhameva dassetī**”ti. **Yāyāti** anattamanatāya.

Na cuditakavasenāti yadi cuditakavasenāpi amūlakaṃ adhippettaṃ siyā, amūlakaṃ nāma anajjhāpananti padabhājanaṃ vadeyyāti adhippāyo. **Yaṃ pārājikanti** bhikkhuno anurūpesu ekūnavīsatiyā pārājikesu aññataram. **Padabhājane**⁴ pana **bhikkhuvibhaṅge**⁵ āgatāneva gahetvā “catunnaṃ aññatarenā”ti vuttaṃ. **Etaṃ idha appamāṇanti** etaṃ āpannānāpannataṃ

1. Vi 2. 1 piṭṭhe.

2. Anantābhāvāti (Sī, Ka)

3. Vi 1. 249 piṭṭhe.

4. Vi 1. 250 piṭṭhe.

5. Vi 1. 25, 56, 92, 116 piṭṭhesu.

idhānuddhamāsaṇe āpattiyā anaṅgaṃ, āpattiṃ pana āpanne vā anāpanne vā puggale “anāpanno eso suddho”ti suddhasaññāya vā vimatiyā vā cāvanādhippāyova idha aṅganti adhippāyo.

Tathevāti pasādasotena, dibbasotena vāti imamatthaṃ atidisati. Diṭṭhānusāreṇeva samuppannā parisāṅkāva **diṭṭhaparisāṅkitaṃ** nāma. Evaṃ sesesupi. “**Adisvā vā**”ti idaṃ ukkaṭṭhavasena vuttaṃ, disvā pakkantesupi doso natthiyeva. **Imesanti** imehi. **Karissantīti** tasmim khañe uppajjanākāradassanaṃ, pacchā pana ettakena kālena kataṃ vāti saṅkāya codeti. Na hi karissantīti codanā atthi. “**Ariṭṭhaṃ pītan**”ti idaṃ mukhe surāgandhavāyananimittadassanaṃ. Ariṭṭhañhi surāsadisavaṇṇagandhaṃ kappiyabhesajjaṃ.

Diṭṭhaṃ atthi samūlakanti-ādīsu ajjhācārassa sambhavāsambhavānaṃ mūlāmūlabhāvadassanaṃ. **Atthi saññāsamūlakanti**-ādi pana diṭṭhasaññāya sambhavāsambhavānaṃ mūlāmūlabhāvadassanaṃ. **Disvāva diṭṭhasaññī hutvā codetīti** ettha yaṃ codeti, tato aññaṃ puggalaṃ vītikkamantaṃ, paṭicchannokāsato nikkhamantaṃ vā disvā “ayaṃ so”ti saññāya codentopi saṅgayhati. Esa nayo sutādīsipi. **Samūlakena vā saññāsamūlakena vāti** ettha pārājikamāpannaṃ diṭṭhādīmūlakena ca “ayaṃ āpanno”ti asuddhasaññāya codento samūlakena codeti nāma. Saññāsamūlakatte eva anāpattisambhavato āpanne vā anāpanne vā puggale āpannasaññī diṭṭhādīsu, adiṭṭhādīsu vā mūlesu diṭṭhasutādīsaññī tena diṭṭhādīmūlakena taṃ puggalaṃ codento saññāsamūlakena codeti nāma. Imesaṃ anāpatti, vuttavipariyāyena āpattivāre attho vedītabbo.

Samīpe ṭhatvāti hatthavikāravacīghosānaṃ codanāvasena pavattiyamānānaṃ dassanasavanūpacāre ṭhatvāti attho. Keci pana “dvādasahatthabbhantare ṭhatvā”ti¹ vadanti, taṃ na yuttaṃ. Parato byatirekato anāpattiṃ dassentena “dūtaṃ vā paṇṇaṃ vā sāsanaṃ vā pesetvā”ti ettakameva vuttaṃ, na pana “dvādasahatthaṃ muñcivā codentassa sīsaṃ na etī”ti vuttaṃ. **Vācāya vācāyāti** sakim āṇattassa sakalampi divasaṃ vadato

1. Sārattha-Ṭī 2. 348 piṭṭhe.

vācāya vācāya codāpakasseva āpatti. **Sopīti** āṇattopi. Tassa ca “mayāpi diṭṭhan”ti-ādiṃ avatvāpi “amūlakan”ti saññāya cāvanādhippāyena “tvam pārājikam dhammam ajjhāpannosī”ti idameva vācam parassa vacanam viya akatvā sāmāññato vadantassāpi saṃghādiseso eva. Satipi pana anuddhamsanādhippāye “asukena evam vuttan”ti parena vuttameva vadantassa natthi saṃghādiseso. Sace pana parena avuttampi vuttanti vadati, āpatti eva.

Sambahulā sambahule sambahulehi vatthūhīti ettha **sambahuleti** cuditakabahuttaniddesena purimesu tīsu vāresu cuditakabahuttenāpi vārabhedasabbhāvam ñāpeti. Ekasmiñhi cuditakavatthu codakabhedenā idam catukkam vuttam, cuditakabahuttenāpi catukkantaram labbhatīti aṭṭhakam hoti eva.

Amūlakacodanāpasāṅgena samūlakacodanālakkhaṇādiṃ dassetuṃ “**codetuṃ pana ko labhati**”ti-ādi āradham. **Bhikkhussa sutvā codetīti**-ādi suttam yasmā ye codakassa aññesam vipattim pakāsentī, tepi tasmim khaṇe codakabhāve thatvāva pakāsentī, tesañca vacanam gahetvā itaropi yasmā codetuñca asampāṭicchantam tehi tithiyasāvaka pariyosānehi paṭhamacodakehi sampāṭicchāpetuñca labhati, tasmā idha sāvaka bhāvena uddhaṭanti veditabbam.

Dūtam vāti-ādīsu “tvam evam gantvā codehī”ti dūtam vā pesetvā yo codetuṃ sakkoti, tassa paṇṇam, mūlasāsanam vā pesetvā. **Samayenāti** pakatiyā jānanakkhaṇe.

Garukānam dvinnanti pārājikasaṃghādisesānam. **Micchādiṭṭhi** nāma “natthi dinnan”ti¹ ādinayappavattā dasavatthukā diṭṭhi, sassatucchedasaṅkhātāntam gaṇhāpakadiṭṭhi **antaggāhikā** nāma. **Ājīvahetu paññattānam channanti** ājīvahetupi āpajjitabbānam uttarimanussadhammapārājikam², sañcaritte³ saṃghādiseso, “yo te vihāre vasati, so arahā”ti⁴ pariyāyena thullaccayam, bhikkhussa paṇītabhojanaviññattiyā pācittiyam,⁵

1. Ma 1. 362; Ma 2. 62, 64, 182; Ma 3. 72, 99, 116; Sam 2. 169 piṭṭhādīsu.

2. Vi 1. 116 piṭṭhe. 3. Vi 1. 202 piṭṭhe. 4. Vi 1. 136 piṭṭhe. 5. Vi 2. 118 piṭṭhe.

bhikkhuniyāpaṇītabhojanaviññattiyā pāṭidesanīyam¹, sūpodanaviññattiyā² dukkaṭanti imesaṃ **parivāre**³ vuttānaṃ channaṃ. Na hetā āpattiyo ājīvahetu eva paññattā sañcarittādīnaṃ aññathāpi āpajjitabbato. Ājīvahetupi etāsaṃ āpajjanaṃ sandhāya evaṃ vuttaṃ, ājīvahetupi paññattānanti attho. Na kevalañca etā eva, aññāpi adinnādānakuladūsanapāṇavadhavejjakammādivasena ājīvahetu āpajjitabbāpi santi, tā pana āpattisabhāgatāya pārājikādīsu chasu eva saṅgayhantīti visuṃ na vuttāti veditabbā.

Ettāvatā pana sīsaṃ na etīti saṅghādisesaṃ sandhāya vuttaṃ, codanā pana katā eva hoti. **Timsānīti** timsaṃ etesamatthīti timsāni, timsādhikānīti vuttaṃ hoti. **Navutānīti** etthāpi eseva nayo.

Attādānaṃ ādātukāmenāti ettha attanā ādātābbato diṭṭhādīmūlakehi gahetābbato parassa vipphanditum adatvā paggayhanato attādānanti codanā vuccati, taṃ ādātukāmena, codanaṃ kattukāmenāti attho.

Ubbāhikāyāti ubbahanti viyojenti etāya alajjīnaṃ tajjanaṃ vā kalahāṃ vāti ubbāhikā, saṅghasammūti, tāya. Vinicchīnaṃ nāma tāya sammatabhikkhūhi vinicchīnānameva. Alajjussannāya hi parisāya **samathakkhandhake**⁴ āgatehi dasaṅgehi samannāgatā dve tayo bhikkhū tattheva vuttāya ñattidutiyakammavācāya sammānitābbā, tehi ca sammatehi visuṃ vā nisīditvā, tassā eva vā parisāya “aññehi na kiñci kathetābban”ti sāvetaṃ taṃ adhikaraṇaṃ vinicchītabbaṃ.

Kimhīti kismiṃ vatthusmiṃ, kataravipattiyanti attho. **“Kimhi naṃ nāmā”**ti idaṃ “katarāya vipattiyā etaṃ codesī”ti yāya kāyaci viññāyamānāya bhāsāya vuttepi codakassa vinaye apakataññūtāya “sīlacāradiṭṭhi-ājīvavipattīsu katarāyāti maṃ pucchati”ti ñātum asakkontassa pucchā, na pana kimhīti-ādīpadatthamattaṃ ajānantassa. Na hi anuvijjako codakaṃ bālaṃ aparicitabhāsāya “kimhi naṃ”ti pucchati. **“kimhi nampi na jānāsī”**ti idampi vacanamattaṃ sandhāya vuttaṃ na hoti,

1. Vi 2. 466 piṭṭhe. 2. Vi 2. 253 piṭṭhe. 3. Vi 5. 178 piṭṭhe. 4. Vi 4. 220 piṭṭhe.

“kataravipattiyā”ti vutte “asukāya vipattiyā”ti vattumpi na jānāsīti vacanassa adhippāyameva sandhāya vuttanti gahetabbaṃ. Teneva vakkhati “bālassa lajjissa nayo dātabbo”ti vatvā ca “kimhi naṃ codesīti silavipattiyā”ti-ādi adhippāyappakāsanameva nayadānaṃ vuttaṃ, na pana kimhi-naṃ-padānaṃ pariyaṃyamadassanaṃ. Na hi bālo “kataravipattiyāṃ naṃ codesī”ti imassa vacanassa atthe nātepi vipattippabhedanaṃ, attanā codiyamānaṃ vipattisarūpaṅca jānitum sakkoti, tasmā teneva ajānana alajjī apasādetabbo. “Kimhi naṃ”ti idampi upalakkhaṇamattaṃ, aññena vā yena kenaci ākārena aviññutaṃ pakāsetvā vissajjetabbova.

“Dummaṅkūnaṃ puggalānaṃ niggahāyā”ti-ādi¹ vacanato “**alajjīniggahatthāya -pa- paññattan**”ti vuttaṃ. **Ehitīti hi-kāro** ettha āgamo daṭṭhabbo, āgamissatīti attho. **Diṭṭhasantānenā**ti diṭṭhaniyāmena. **Alajjissa paṭiññāya eva kātabbanti** vacanapaṭivacanakkameneva dose āvibhūtepi alajjissa “asuddhohan”ti dosasampañcchanapaṭiññāya eva āpattiyā kātabbanti attho. Keci pana “alajjissa etaṃ natthīti suddhapaṭiññāya eva anāpattiyā kātabbanti ayamettha attho saṅgahito”ti vadanti, taṃ na yuttaṃ anuvijjakasseva niratthakattāpattito codakeneva alajjipaṭiññāya ṭhātabbato. Dosāpagamapaṭiññā eva hi idha paṭiññāti adhippetā. Teneva vakkhati “etampi natthīti paṭiññaṃ na detī”ti-ādi².

Tadatthadīpanatthanti alajjissa dose āvibhūtepi tassa dosāpagamapaṭiññāya eva kātabbatādīpanatthaṃ. Vivādavatthusāṅkhāte atthe paccatthikā **atthapaccatthikā. Saññaṃ datvā**ti nesam kathāpacchedatthaṃ, abhimukhakaraṇatthaṅca saddaṃ katvā. **Vinicchinitum ananucchavikoti** “asuddho”ti saññāya codakapakkhe pavitṭhattā anuvijjakabhāvato bahibhūtattā anuvijjituṃ asakkuṇeyyataṃ sandhāya vuttaṃ. Sandehe eva hi sati anuvijjituṃ sakkā, asuddhadiṭṭhiyā pana sati cuditakena vuttaṃ sabbaṃ asaccatopi paṭibhāti, kathaṃ tattha anuvijjanā siyāti.

1. Vi 1. 24; Vi 5. 2 piṭṭhādīsu.

2. Vi-Ṭṭha 2. 176 piṭṭhe.

“**Tathā nāsitakova bhavissatī**”ti iminā vinicchayaṃ adavā saṃghato viyojanaṃ nāma liṅganāsanā viya ayampi eko nāsanappakāroti dasseti. **Viraddhaṃ hotīti** sañcicca āpattim sahasā āpanno hoti. “**Ādito paṭṭhāya alajjī nāma natthī**”ti idaṃ “pakkhānurakkhaṇatthāya paṭiññāṃ na detī”ti imassa alajjilakkhaṇasambhavassa kāraṇavacanaṃ. Paṭicchāditakālato paṭṭhāya alajjī nāma eva, purimo lajjibhāvo na rakkhatīti attho. **Paṭiññāṃ na detīti** sace mayā katadosaṃ vakkhāmi, mayhaṃ anuvattakā bhijjissantīti paṭiññāṃ na deti. **Thāne na tiṭṭhatīti** lajjitthāne na tiṭṭhati, kāyavācāsu vītikkamo hoti evāti adhippāyo. Tenāha “**vinicchayo na dātabbo**”ti, pubbe pakkhikānaṃ paṭiññāya vūpasamitassāpi adhikaraṇassa duvūpasantatāya ayampi tathā nāsitakova bhavissatīti adhippāyo.

Cuditakacodakesu paṭipattim ñatvāti “tumhe amhākaṃ vinicchayena tuṭṭhā bhavissathā”ti-ādinā vuttaṃ cuditakacodakesu anuvijjakena paṭipajjitabbakammaṃ ñatvā. **Vinicchayo majjheti** āpattīti vā anāpattīti vā vinicchayapariyosāna-anuvijjanānaṃ majjhaṃ nāmāti attho.

Amūlakampi samūlakam katvā vadantīti āha “**dve mūlānī**”ti. **Kālena vakkhāmīti**-ādīsu okāsaṃ kārapetvā vadanto **kālena vadati** nāma. Salākaggayāgu-aggabhikkhācāraṭṭhānādīsu codento **akālena vadati** nāma. Dosato vuṭṭhāpetukāmatāya vadanto **atthasamhitena vadati** nāma. **Dosantaroti** dosacitto. **Pannarasasu dhammesūti** “parisuddhakāyasamācāratā, tathā vacīsamācāratā, sabrahmācārīsu mettacittatā, bahussutatā, ubhinnaṃ pātimokkhānaṃ svāgatādītā, kālena vakkhāmī”ti-ādinā¹ vuttapañcadhammā ca kāruññatā, hitesitā, anukampatā, āpattivuṭṭhānatā, vinayapurekkhāratā² imesu pannarasasu. Tatha “**kāruññatā**”ti iminā karuṇā dassitā. **Hitesitāti** hitagavesanatā. **Anukampatāti** tena hitena saṃyojanatā, imehi dvīhipi mettā dassitā. **Āpattivuṭṭhānatāti** suddhante paṭiṭṭhāpanatā. Vatthum codetvā sāretvā paṭiññāṃ āropetvā yathāpaṭiññāya kammakaraṇaṃ **vinayapurekkhāratā** nāma.

1. Vi 5. 283 piṭṭhe.

2. Vi 4. 439 piṭṭhe.

Adhikaraṇaṭṭhenāti adhikātabbaṭṭhena, samathehi vūpasametabbaṭṭhenāti attho. **Taṃ nānattaṃ dassetunti** idha anadhippetampi atthuddhāravasena taṃ nānattaṃ dassetunti adhippāyo. Teneva vakkhati “sesāni atthuddhāravasena vuttānī”¹. **Yaṃ adhikiccāti-ādinā** adhikaraṇasaddassa kammasādhanaṭṭā vuttā.

Gāhanti “asukāṃ codessāmī”ti manasā codanākārassa gahaṇaṃ. **Cetananti** “codessāmī”ti uppannacittabyāpārasaṅkhātaṃ cittaṃkammaṃ. **Akkhantinti** cuditaṃ vipattiṃ disvā uppannaṃ kodhaṃ asahaṇaṃ, tathā pavattaṃ vā yaṃ kiñci cittacetasaṅkarāsiṃ. **Vohāranti** codanāvasappavattavacanāṃ. **Paṇṇattinti** codanāvasappavattaṃ manasā parikkappaṃ nāmapaṇṇattiṃ. **Attādānaṃ gahetvāti** codanaṃ manasā gahetvā. **Taṃ adhikaraṇanti** taṃ gāhalakkhaṇaṃ adhikaraṇaṃ. **Nirujjhati** cetanāya khaṇikattā, sā ca samathappattā hotīti evamettha anīṭṭhappasaṅgo veditaṃ. Evaṃ uparipi “**tuṅhī hotī**”ti iminā vohāravacanassa nirodhaṃ dasseti. Tenāha “**taṃ adhikaraṇaṃ samathappattaṃ bhavissatī**”ti. “Tasmā paṇṇatti adhikaraṇaṃ”ti aṭṭhakathāsu katasanniṭṭhānaṃ dassetvā idāni tassāpi ekaccehi paṭikkhattabhāvaṃ dassetvā puna tampi paṭisedhetvā aṭṭhakathāsu vuttapaṇṇattiyā eva adhikaraṇataṃ samatthetum “**taṃ panetan**”ti-ādimāha. Tattha **taṃ panetanti** paṇṇatti adhikaraṇanti etaṃ gahaṇaṃ virujjhatīti sambandho. Pārājikādi-āpatti ekanta-akusalasabhāvā vā abyākatasabhāvā vā hotīti saññāya “**methunadhammapārājikāpattī**”ti-ādikāṃ suttāṃ paṇṇatti-adhikaraṇavādena virujjhatīti dassetum uddhaṭaṃ. Tenāha “**na hi te -pa-accanta-akusalattā**”ti-ādi. **Teti aṭṭhakathācariyā.**

Amūlakañceva taṃ adhikaraṇanti ettha amūlakapārājikameva adhikaraṇa-saddena adhippetanti dassetum “**yañcetan**”ti-ādi vuttaṃ. **Yasmā paṇṇāti-ādi** pana idhādhippetāya amūlakapārājikāpattiyā eva paṇṇattibhāvo yujjhatīti dassetum āraddhaṃ. Tattha **yāya paṇṇattiyāti** sabhāvato parisuddhepi puggale “pārājiko”ti-ādinā codakena pavattitaṃ nāmapaṇṇattiṃ sandhāya vadati. **Paññattoti** kathito. **Adhikaraṇe pavattattāti**

1. Vi-Ṭṭha 2. 180 piṭṭhe.

avijjamānepi manasā āropitamatte āpattādhikaraṇe vācakabhāvena pavattattā.

Evam nāmapaṇṇattivasena imasmim sikkhāpade āpattādhikaraṇassa paññattibhāvaṃ dassetvā idāni atthapaṇṇattivasenāpi dassetuṃ “**yasmā vāyan**”ti-ādi vuttaṃ. **Paññattimattamevāti** avijjamānassa vijjamānākārena manasā āropita-atthapaṇṇattimattamevāti attho. **Taṅca kho idhevāti** taṅca yathāvuttapariyāyena paṇṇattiyā adhikaraṇattaṃ idheva imasmim eva sikkhāpade. **Eketi** keci. **Taṃ na yuttanti** yaṃ ekaccehi aṭṭhakathāsu vuttaṃ, adhikaraṇassa paṇṇattibhāvaṃ nisedhetvā kusalādiparamatthabhāvaṃ sādhetuṃ “taṃ panetaṃ methunadhammapārājikāpattī”ti-ādinā papañcato dassito, taṃ na yuttanti attho. Tattha kāraṇamāha “**ādikammikassā**”ti-ādinā, tena ca tasmim vāde yadi āpatti nāma akusalā vā abyākata vā bhaveyya, kathaṃ ādikammikassa anāpatti bhaveyya? Tassāpi¹ akusalādīnaṃ uppannattā bhagavato sikkhāpadapaññattito paṭṭhāya yāva āpattītipi na sakkā vattuṃ, methunādīsu akusalādīnaṃ sikkhāpadapaññattito pubbepi samuppattito. Tato eva anupasampannānampi āpattippasaṅgo, gilānādīnaṃ uppannattā anupaññattiyāpi anāpatti-abhāvappasaṅgo ca siyā. Atha mataṃ “na kevalaṃ² akusalādi eva, atha kho bhagavatā paṭikkhittabhāvaṃ jānantassa samuppajjamānā eva akusalādayo āpattī”ti, tampi asāraṃ, sikkhāpadapaññattim ajānitvā vītikkamantassa methunādīsu anāpattippasaṅgato, akusalādisabhāvāya ca āpattiyā ekapayogādīsu ekattādīpi na siyā. Na hi sakalampi divasaṃ itthim kāyato amocetvā phusantassa ekamevākusalaṃ uppajjati, bahū vā itthiyo phusitvā apagacchantassa bahūni, yenāpattiyā ekattaṃ, bahuttaṃ vā siyāti evamādikam ayuttim saṅgahetvā dassitanti veditabbaṃ.

Tattha vatthuñcāti vītikkamo. Tañhi āpattisammutipaññāpanassa okāsaṭṭhena “vatthū”ti vuccati. Gottanti adinnādānādito buddhisaddhanivattanatthena parikappitasāmaññākāro gottaṃ. **Nāmanti** avijjamānanāmapaṇṇatti. **Tassa pana pārājikanti** nāmassa atthabhūtā āpatti atthapaññatti evāti

1. Tathā hi (Ka)

2. Atha na kevalaṃ (Sī)

daṭṭhabbam. Yam pana “vivādādhikaraṇam siyā kusalan”ti-ādi¹, “āpattādhikaraṇam siyā akusalan”ti-ādi² ca suttaṃ tehi samuddhaṭam. Tampi na vivādādīnam kusalādibhāvassa pariyāyadesitattāti yam ettha vattabbam, taṃ heṭṭhā paṭhamapārājikasamuṭṭhānādivaṇṇanāya **sāratthadīpanīyam**³ viraddhaṭṭhānasodhanattham vitthārato vuttanti tattheva taṃ gahetabbam, sāratthadīpanīkārakassa akusalādirūpāva āpattīti laddhi, teneva so idhāpi “tasmā paṇṇatti-adhikaraṇanti aṭṭhakathāsu katasanniṭṭhānam dassetvā idāni tampi na yuttanti dassetum ‘taṃ panetan’ti-ādimāhā”ti⁴ evaṃ attano laddhiṃ aṭṭhakathācariyassapi laddhiṃ katvā ganthavirodhampi anoloketvā dassesi. Na hettha buddhaghosācariyo aṭṭhakathāvādānam ayuttanti dassetum “taṃ panetan”ti-ādimārabhi “paṇṇattimattameva āpattādhikaraṇanti veditabban”ti sayameva upari kathanato, atha kho dulladdhikānam ekaccānam tattha vipaṭṭipattim dassetvā puna taṃ paṭisedhetukāmo ārabhi, teneva ante “eke”ti vuttanti veditabbam. Vivādādīnam kusalādikatte taṃsamathānampi tabbhāvo āpajjati paramatthesu paṇṇattiyā samathāyogāti āha “**kusalādisamathehi**”ti. Paññattisabhāvānameva catunnam adhikaraṇānam samathehi adhikaraṇīyatā, na pana kusalādīparamattharūpānam tesam tesam khaṇikatāya sayameva samathappattitoti heṭṭhā samatthitamattham nigamanavasena dassentena “**iti iminā adhikaraṇaṭṭhenā**”ti vuttam, tassa yathāvuttanayena samathehi adhikaraṇīyatāyāti attho. “**Idhekacco**”ti iminā idhādhippetam vivādānam nivatteti.

Anuvādoti vipattīhi upavadanā ceva codanā ca. Tattha upavadanā nāma garahā, akkoso ca. **Pañcapīti** mātīkāpariyāpannāpattiyo sandhāya vuttam. **Kiccayatāti** kattabbatā. **Sapadānukkamaniddesassāti** ettha **padānukkamaniddesoti** padabhājanam vuccati, tena sahitassa sikkhāpadassāti attho.

387. **Assāti** kattu-atthe sāmivacananti āha “**etena codakenā**”ti-ādi.
Diṭṭhamūlake panāti “diṭṭhassa hoti pārājikam dhammam

1. Vi 4. 216; Vi 5. 191 piṭṭhesu.

3. Sārattha-Ṭī 2. 96 piṭṭhe.

2. Vi 4. 217 piṭṭhe.

4. Sārattha-Ṭī 2. 353 piṭṭhe.

ajjhāpajjanto”ti-ādi¹ pālivāraṃ sandhāya vuttaṃ. Tattha itthiyā saddhiṃ rahonisajjādidassanattavasena pārājikaṃ dhammaṃ ajjhāpajjanto puggalo tena diṭṭho, na pana maggena maggappaṭipādanādidassanattavasena. Yadi hi tena so tathā diṭṭho bhavēyya, asuddhasaññī evāyaṃ tasmim puggale siyā, asuddhasaññāya ca suddham vā asuddham vā codentassa saṃghādiseso na siyā “anāpatti suddhe asuddhadiṭṭhissa, asuddhe asuddhadiṭṭhissa”ti-ādi²vacanato. Tasmā itthiyā saddhiṃ rahonisajjādimattameva disvāpi “saddho kulaputto, nāyaṃ pārājikaṃ āpajjati”ti tasmim suddhasaññissa vā vematikassa vā “suto mayā pārājikaṃ dhammaṃ ajjhāpajjanto”ti-ādinā niyametvā codentasseva saṃghādiseso, na asuddhasaññissa, tassa pana diṭṭhaṃ sutanti musāvādādīpaccayā lahukāpatti evāti veditabbaṃ. Yadi pana so tasmim suddhadiṭṭhicāvanādhippāyopi diṭṭhaṃ rahonisajjādimattameva vadati, adiṭṭhaṃ pana maggenamaggappaṭipādanādīpārājikavattuṃ vā “assamaṇosī”ti-ādikaṃ vā na vadati, tassa anāpatti. Adhikaṃ vadantassa pana āpattiyeva “adiṭṭhaṃ diṭṭhan”ti³ vuttattā. Yo pana diṭṭhena rahonisajjādinā paṭhamapārājikena asuddhasaññī hutvā cāvanādhippāyo adinnādānaṃ ajjhāpajjanto “diṭṭho”ti vā “suto”ti vā ādim vadati, tassāpi na saṃghādiseso asuddhe asuddhadiṭṭhitāyāti keci vadanti. Aññe pana “yena pārājikena codeti, tena suddhasaññābhāvā āpattiyevā”ti vadanti, idaṃ yuttaṃ. Tathā hi vuttaṃ **mātikāṭṭhakathāyaṃ** “yena pārājikena codeti, taṃ ‘ayaṃ anajjhāpanno’ti ñatvā cāvanādhippāyena -pa- saṃghādiseso”ti⁴. Iminā nayena sutādimūlakesupi vinicchayo veditabbo. **Aññatra āgatesūti** omasavādādisu āgatesu. **Avassutoti** tīhipi dvārehi pārājikavatthubhūtauccarītānuvassanena tinto. **Kasambujātoti** kacavarabhūto, nissāroti attho.

Koṇṭhoti coro, dussīloti attho. **Jeṭṭhabbatikoti** kāḷakaṇṇidevīvate niyutto titthiyoti vadati, sā kira kāḷakaṇṇisirideviyā jeṭṭhāti vuttā. **Yadaggenāti** yena kāraṇena, yattakenāti

1. Vi 1. 251 piṭṭhe.

3. Vi 1. 250 piṭṭhe.

2. Vi 1. 255 piṭṭhe.

4. Kaṅkhā-Ṭṭha 138 piṭṭhe.

attho. **Tadaggenā**ti etthāpi eseva nayo. **No kappetī**ti-ādi
vematikabhāvadīpanatthameva vuttanti mahāpadumattherassa adhippāyo.

389. **Etthā**ti codanāyam. Tajjanīyādikammaṃ karissāmīti-āpattiyā
codentassa adhippāyo **kammādhippāyo** nāma. Parivāsadānādikkamena
āpattito vuṭṭhāpetum āpattiyā codentassa adhippāyo **vuṭṭhānādhippāyo**.
Uposathaṃ, pavāraṇaṃ vā saṃghe kātuṃ adānatthāya āpattiyā codayato
adhippāyo **uposathapavāraṇaṭṭhapanādhippāyo**. **Asammukhā -pa-** dukkaṭanti
anuddhamsentassapi akkosantassapi dukkaṭaṃ.

Sabbatthevāti sabbāsu aṭṭhakathāsu. Uposathapavāraṇānaṃ
ñattikammabhāvato ñattiyā vattamānāya eva uposathapavāraṇaṭṭhapanānaṃ
hoti, na niṭṭhitāya, sā ca yya-kāre patte niṭṭhitā nāma hotīti āha “**yya-kāre**
patte na labbhatī”ti.

Anupāsakoti upāsakopi so bhikkhu na hoti saraṇagamanassāpi
paṭippassaddhattāti vadanti. “**Anodissa dhammaṃ kathentassā**”ti iminā
odissa kathentena okāsaṃ kāretabbanti dasseti. **Āpattiṃ desetvā**
okāsākārāpanāpattiṃ desetvā. Yam codeti, tassa upasampannoti
saṅkhyupagamanānaṃ, tasmim suddhasaññitā vematikatā vā, yena pārājikena
codeti, tassa diṭṭhādivasena amūlakatā, cāvanādhippāyena “tvaṃ pārājiko”ti-
ādinā niyametvā sammukhā codanā codāpanā, tassa taṅkhaṇavijānananti
imānettha pañca aṅgāni.

Paṭhamaduṭṭhadosasikkhāpadavaṇṇanā niṭṭhitā.

9. Dutiyaduṭṭhadosasikkhāpadavaṇṇanā

391. Navame **mettiam bhikkhuninti** liṅganāsanāya nāsītāyapi tassā
bhūtapubbavohāraṃ gahetvā vuttaṃ. **Aññabhāgassā**ti therassa
manussajātibhikkhubhāvato aññassa
tiracchānajātichagalakabhāvasaṅkhātassa koṭṭhāsassa. **Idanti** sāmāññato
napuṃsakaliṅgena vuttaṃ,

ayaṃ chagalakoti attho. **Aññabhāgoti** yathāvuttatiracchānājāticchagalakabhāvasaṅkhāto añño koṭṭhāso, aññabhāgassa idanti aññabhāgiyanti paṭhamaviggahassa attho, aññabhāgamatthīti dutiyaviggahassa, dvīhipi chagalakova vutto. Idāni dvīhipi viggahēhi vuttamevattham vitthārato dassento “**yo hi so**”ti-ādimāha. Tattha yo hi so chagalako vutto, so aññassa bhāgassa hotīti ca aññabhāgiyasaṅkhyam labhatīti ca yojanā. Dutiyaviggahassa attham dassetuṃ “**so vā**”ti-ādi vuttam. **Adhikaraṇanti veditabboti** etthāpi yo hi so “dabbo mallaputto nāma”ti chagalako vutto, soti ānetvā sambandhitabbam. **Taṅhi sandhāyāti** “dabbo”ti nāmakaraṇassa adhiṭṭhānabhūtam chagalakam sandhāya. **Te bhikkhūti** te anuyuñjantā bhikkhū. Āpattiyāpi puggalādhiṭṭhānattā “**puggalānaṃyeva lesā**”ti vuttam.

393. **Yā ca sā avasāne -pa- codanā vuttāti** “bhikkhu saṅghādisesam ajjhāpajjanto diṭṭho hoti saṅghādiseṣe saṅghādisesadiṭṭhi hoti, tañce pārājikena codetī”ti-ādim¹ codanābhedam sandhāya vadati. Sattannampi āpattīnam paccekam pārājikattādisāmaññepi methunādinnādānādivatthuto, rāgadosattādisabhāvato ca visabhāgatāpi atthīti āha “**yasmā pana -pa- na hotī**”ti.

Vuttanayenevāti “sabhāgavisabhāgavatthuto”ti-ādinā² vuttanayena. Kammalakkhaṇam, taṃmanasikāro ca avipannakammassa nimittato phalūpacārena kammanti vuccatīti āha “**taṃ nissāya uppajjanato**”ti. Parivāsādim nissāya mānattādīnam uppajjanato “**purimam puriman**”ti-ādi vuttam.

395. **Savatthukam katvāti** puggalādhiṭṭhānam katvā. **Dīghādinoti** dīgharassādilingassa. **Diṭṭhādinoti** diṭṭhapubbādino.

408. **Evam tathāsaññīti** aññassa methunādikiriyaṃ disvā “ayaṃ so”ti evam tathāsaññī. Aṅgāni paṭhamaduṭṭhadose vuttasadisāni, idha pana kiñcidesam lesamattam upādiyanā adhikā.

Dutiyaḍuṭṭhadosasikkhāpadavaṇṇanā niṭṭhitā.

1. Vi 1. 262 piṭṭhe.

2. Vi-Ṭṭha 2. 185 piṭṭhe.

10. Paṭhamasaṃghabhedasikkhāpadavaṇṇanā

410. Dasame **bahūnanti** dubbalatāya araṇṇādisevāya cittaṃ samāhitam kātuṃ asakkontānaṃ. Dukkassantakiriyāya tasmim attabhāve buddhavadanaggahaṇadhāraṇādisaṅkhātāṃ byañjanapadameva paramaṃ assa, na maggalābhoti **padaparamo**. **Abhisambhūṇitvāti** nipphādetvā. Dhammato apetaṃ **uddhammaṃ**. **Paṭikkhittamevāti** “na bhikkhave asenāsanikena vassaṃ upagantabban”¹ vacanato vuttaṃ, idameva vacanaṃ sandhāya pāḷiyampi “**aṭṭha māse**”²ti-ādi² vuttaṃ.

Tīhi koṭṭhīti asuddhamūlehi. Ettha ca bhikkhūnaṃ catūsu kulesu pakkapaṇḍiyālopabhojananissitatāya, macchamaṃsabhojanavirahitassa ca kulassa dullabhatāya tattha laddhesu bhattabyañjanesu macchamaṃsasaṃsaggasaṅkāya, dunnivāraṇatāya ca bhikkhūnaṃ sarīrayāpanampi na siyāti bhagavatā macchamaṃsaṃ sabbathā appaṭikkhipitvā tīhi koṭṭhī aparissuddhameva paṭikkhittam. Yadi hi taṃ bhagavā sabbathā paṭikkhipiyya, bhikkhū maramānāpi macchādisaṃsaggasaṅkitaṃ bhattaṃ na bhuñjeyyūṃ, tato taṇḍuladhaṇṇādīm paṭiggahetvā nidahitvā sayam pacitvā bhuñjituṃ tadupakaraṇabhūtaṃ dāsīdāsaṃ, udukkhalamusalādikaṅca bhikkhūnaṃ pattādi viya avassaṃ gahetuṃ anujānitabbaṃ siyāti titthiyānaṃ viya gahaṭṭhāvāso eva siyā, na bhikkhu-āvāsoti vedītabbaṃ. **Jālaṃ** macchabandhanaṃ. **Vāgura**³ migabandhanī. **Kappatīti** yadi tesam vacanena saṅkā na vattati, vaṭṭati, na taṃ vacanaṃ lesakappaṃ kātuṃ vaṭṭati. Teneva vakkhati “yattha ca nibbematiko hoti, taṃ sabbaṃ kappatī”⁴ti.

Pavattamaṃsanti āpaṇādisu pavattaṃ vikkāyikaṃ matamaṃsaṃ. **Bhikkhūnaṃyeva atthāya akatanti** ettha aṭṭhānappayutto eva-saddo, bhikkhūnaṃ atthāya akatamevāti sambandhitabbaṃ, tasmā bhikkhūnaṅca maṅgalādīnaṅcāti missetvā katampi na vaṭṭatīti vedītabbaṃ. Keci pana yathāṭṭhitavasena avadhāraṇaṃ gahetvā “vaṭṭatī”⁴ti vadanti, taṃ na sundaraṃ. “**Vattan**”⁴ti iminā āpatti natthīti dasseti.

Kappanti asaṅkheyyakappaṃ, “āyukappaṃ”⁴tipi⁴ keci. Mahākappassa hi catutthabhāgo asaṅkheyyakappo, tato vīsatiṃ bhāgo

1. Vi 3. 212 piṭṭhe. 2. Vi 1. 264 piṭṭhe. 3. Vākarā (Sī) 4. Sārattha-Ṭī 2. 360 piṭṭhe.

saṅghabhedakassa āyukappanti vadanti, taṃ aṭṭhakathāsu kappatṭhakathāya na sameti kappavināse eva muccati¹ti-ādi¹ vacanato. **Brahmaṃ puññanti** seṭṭhaṃ puññaṃ. **Kappaṃ saggamhīti** ettha paṭisandhiparamparāya kappatṭhatā veditabbā.

411. **Laddhinānāsamvāsakenāti** ukkhittānuvattakabhāvena bhāvappadhānattā niddesassa. **Kammaṇānāsamvāsakenāti** ukkhittabhāvena. “Bhedāya parakkameyyā”ti visum vuttattā bhedanasamvattanikassa adhikaraṇassa samādāya paggaṇhanato pubbepi pakkhapariyesanādivasena saṅghabhedāya parakkamantassa samanubhāsanakammaṃ kātuṃ vaṭṭatīti veditabbaṃ. Yopi cāyaṃ saṅghabhedo hotīti sambandho.

Kammenāti apalokanādinā. **Uddesenāti** pātimokkhuddesena. **Vohārenāti** tāhi tāhi upapattīhi “adhammaṃ dhammo”ti-ādinā² vohārena, paresaṃ paññāpanenāti attho. **Anusāvanāyāti** attano laddhiyā gahaṇatthameva anu punappunaṃ kaṇṇamūle mantasāvanāya, kathanenāti attho. **Salākaggāhenāti** evaṃ anusāvanāya tesaṃ cittaṃ upatthambhetvā attano pakkhe pavitṭhabhāvassa saññāṇattham “gaṇhatha imaṃ salākaṃ”ti salākaggāhena. Ettha ca kammameva, uddeso vā saṅghabhede padhānaṃ kāraṇaṃ, vohārādayo pana saṅghabhedassa pubbabhāgāti veditabbā. **Abbhussitanti** abbhuggatāṃ. **Accheyyāti** vihareyya.

“Lajjī rakkhissatī”ti³ vacanato āpattibhayena ārocanaṃ lajjīnaṃ eva bhāroti āha “**lajjīhi bhikkhūhi**”ti, alajjissapi anārocentassa āpattiyeva. **Appaṭinissajjato dukkaṭanti** visum visum vadantānaṃ gaṇanāya dukkaṭaṃ. **Pahontenāti** gantuṃ samatthena, icchantenāti attho. Āpatti pana aḍḍhajojanabbhantareneva agilānassa vasena veditabbā.

416. Ñattiyādīhi dukkaṭādisabbhāvaṃ sandhāya “**saṅghādisesena anāpatti**”ti vuttam. **Assāti** devadattassa. Apaññatte sikkhāpade samanubhāsanakammasseva abhāvato “**na hi paññattaṃ sikkhāpadaṃ vītikkamantassā**”ti vuttam. Sikkhāpadaṃ paññapenteneva hi samanubhāsanakammaṃ anuññātaṃ. **Uddissa anuññātatoti** “anujānāmi bhikkhave romanthakassa

1. Abhi-Ṭṭha 2. 409 piṭṭhe.

2. Am 3. 315, 317; Vi 4. 368 piṭṭhādīsu.

3. Visuddhi 1. 95; Vi-Ṭṭha 1. 199; Vinayasāṅgaha-Ṭṭha 323 piṭṭhesu.

romanathanan”ti-ādim¹ uddissānuññātaṃ sandhāya vadati. **Anāpattiyanti** anāpattivāre. **Āpattim ropetabboti** samanubhāsanāya pācittiya-āpattim ropetabbo. **Āpattiyeva na jātāti** saṃghādisesāpatti na jātā eva.

“Na paṭinissajjāmī”ti saññāya abhāvena muccanato **saññāvimokkhami**. **Sacittakanti** “na paṭinissajjāmī”ti jānanacittena sacittakaṃ. Yo visaññī vā bhīto vā vikkhitto vā “paṭinissajjitabban”tipi, “kammaṃ karissatī”ti vā na jānāti, tassa anāpatti. Bhedāya parakkamaṃ, dhammakammaṃ samanubhāsaṃ, kammavācāpariyosānaṃ, na paṭinissajjāmīti cittena appaṭinissajjananti imānettha cattāri aṅgāni.

Paṭhamasaṃghabhedasikkhāpadavaṇṇanā niṭṭhitā.

11. Dutiyasaṃghabhedasikkhāpadavaṇṇanā

418. ekādasame yasmā ubbāhikādisammutikammaṃ bahūnampi kātuṃ vaṭṭati, tasmā “**na hi saṃgho saṃghassa kammaṃ karotī**”ti idaṃ niggaḥavasena kattabbakammaṃ sandhāya vuttanti veditabbaṃ. Aṅgāni panettha bhedāya parakkamaṃ pahāya anuvattanaṃ pakkhipitvā heṭṭhā vuttasadisāneva gahetabbāni.

Dutiyasaṃghabhedasikkhāpadavaṇṇanā niṭṭhitā.

12. Dubbacasikkhāpadavaṇṇanā

424. Dvādasame **vambhanavacananti** garahavacanaṃ. Saṭa-saddo² patita-saddena samānattho, tassa ca visesanassa paranipātoti āha “**tattha tattha patitaṃ tiṇakatṭhapaṇṇan**”ti. **Kenāpīti**³ vātādisadisena upajjhāyādina.

426. Cittapariyonāho dalḥakodhova **upanāho**. Tatopi balavataro dummocaniyo **kodhābhisaṅgo**. **Codakaṃ paṭippharaṇatāti**

1. Vi 4. 272 piṭṭhe.

2. Kasaṭasaddo (Sī, Ka)

3. Tenāpīti (Sī, Ka)

codakassa paṭiviruddho hutvā avatṭhānaṃ. **Codakaṃ apasādanā**ti vācāya ghaṭṭanā. **Paccāropanā**ti “tvampi sāpattiko”ti codakassa āpatti-āropanā. **Paṭicaraanatā**ti paṭicchādanatā. **Apadānenā**ti attano cariyāya. **Na sampāyanatā**ti “yaṃ tvaṃ codako vadesi¹ ‘mayā esa āpattim āpanno diṭṭho’ti, tvaṃ tasmim samaye kiṃ karosi, ayaṃ kiṃ karoti, kattha ca tvaṃ ahosi, kattha ayan”ti-ādinā nayena cariyāya puṭṭhena sampādetvā akathanā.

“Yassa siyā āpatti”ti² iminā nidānavacanena sabbāpi āpattiyo saṅgahitāti āha “**yassa siyā**”ti-ādi. Aṅgāni cettha paṭhamasaṅghabhedasadisāni, ayaṃ pana viseso yathā tattha bhedāya parakkamaṃ, idha avacanīyakaraṇatā daṭṭhabbā.

Dubbacasikkhāpadavaṇṇanā niṭṭhitā.

13. Kuladūsakasikkhāpadavaṇṇanā

431. Terasame **kīṭāgiri**ti tassa nigamassa nāmaṃ. Tañhi sandhāya parato “na assajipunabbasukehi bhikkhūhi kīṭāgirisim vatthabban”ti vuttam, gāmanigamato ca pabbājanaṃ, na janapadato. Tena pana yogato janapadopi “kīṭāgiri”icceva saṅkhyāṃ gatoti āha “**evaṃnāmake janapade**”ti.

Tatrāti sāvattiyāṃ. **Dhuraṭṭhā**neti abhimukhaṭṭhāne, jetavanadvārasamīpeti attho. **Dvīhi meghehī**ti vassikena, hemantikena cāti dvīhi meghehi. Gaṇācariyehi chahi adhikatāya “**samadhikan**”ti vuttam.

Udakassāti akappiya-udakassa “kappiya-udakasiñcanan”ti visum vakkhamānattā, tañca “ārāmādi-atthāya rukkharopane akappiyavohāresupi kappiya-udakasiñcanādi vaṭṭatī”ti vakkhamānattā idhāpi vibhāgam katvā

1. Yaṃ taṃ codako vadati (Sī, Ka), Sārattha-Ṭī 2. 364 piṭṭhe passitabbaṃ.

2. Vi 3. 140, 141 piṭṭhesu.

kappiya-udakasiñcanādi visum dassitam. Yathā koṭṭanakhaṇanādikāyikakiriyāpi akappiyavohāre saṅgahitā, evaṃ mātikā-ujukaraṇādikappiyavohārepīti āha “**sukkhāmātikāya ujukaraṇan**”ti. Ettha purāṇapaṇṇādiharaṇampi saṅgayhati. Mahāpaccariyavādova pamāṇattā pacchā vutto. Akappiyavohārepi ekaccaṃ vaṭṭatīti dassetum “**na kevalaṅca sesan**”ti-ādimāha. **Yamkiñci mātikanti** sukkaṃ vā asukkaṃ vā. **Tatthāti** āramādi-atthāya rukkaropane. **Tathāti** kappiyavohārapariyāyādīhi ganthāpanaṃ sandhāya vuttaṃ. Iminā ca kulasaṅgahatthāya ganthāpanādīpi na vaṭṭatīti dasseti.

Vatthupūjanatthāya sayam ganthanaṃ kasmā na vaṭṭatīti codento “**nanu cā**”ti-ādimāha. Yathā āramādi-atthaṃ kappiyapathaviyaṃ sayam ropetumpi vaṭṭati, tathā vatthupūjanatthāya sayam ganthanaṃ kasmā na vaṭṭatīti codakassa adhippāyo. **Vuttanti**-ādi parihāro. Atha “**na pana mahā-aṭṭhakathāyan**”ti kasmā vadati? Mahāpaccari-ādīsu vuttampi hi pamāṇamevāti nāyaṃ virodho, mahā-aṭṭhakathāyaṃ avuttassa sayam ropanassa tattheva vuttena udakasiñcanena saha saṃsandananayadassanamukhena pamāṇamevāti patiṭṭhāpetum vuttattā. “Maññeyyāsi”ti padaṃ “taṃ kathan”ti iminā sambandhitabbaṃ. Tatthāyaṃ adhippāyo—kiñcāpi mahā-aṭṭhakathāyaṃ sayam ropanaṃ na vuttaṃ, kappiya-udakassa sayam āsiñcanaṃ vuttameva, tasmā yathā āramādi-atthāya kappiya-udakaṃ sayam siñcitumpi vaṭṭati, tathā vatthupūjanatthāya ganthanaṃ kasmā na vaṭṭatīti. **Tampi na virujjhatīti** yadetaṃ vatthupūjanatthāyapi ganthanaṃ paṭikkhipitvā āramādi-atthāya sayam ropanasiñcanaṃ vuttaṃ, tampi pāḷiyā saṃsandanato pubbāparaṃ na virujjhati.

Taṃ kathaṃ na virujjhatīti āha “**tatra hī**”ti-ādi. **Tatrāti** ropanasiñcanavisaye. Puppāhīhi kulasaṅgahappasaṅge “mālāvacchan”ti visisitattā kulasaṅgahatthameva ropanaṃ adhippetanti viññāyatīti āha “**mālāvacchanti vadanto**”ti-ādi. **Etaṃ vuttanti** “mālāvacchaṃ ropentipi ropāpentipi, siñcantipi siñcāpentipi”ti etaṃ vuttaṃ. **Aññatra panāti** āramādi-atthāya mālāvacchādīnaṃ ropane pana. **Pariyāyoti** sayamkaraṇakārāpanasaṅkhāto pariyāyo vohāro atthavisesoti attho **atthi**

upalabbhati, kulasaṅgahatthattābhāvāti adhippāyo. Evamettha pariyāyasaddassa karaṇakārāpanavasena atthe gayhamāne “ganthentipi ganthāpentipī”ti pāḷiyam paṭikkhittaganthanaganthāpanam ṭhapetvā yam parato “evam jāna, evam kate sobheyyā”ti-ādikappiyavacanehi ganthāpanam vuttam, tattha dosābhāvo samatthito hoti, “ganthehi”ti āṇattiyā kārāpanasseva ganthāpananti adhippetattā. **Tattha pariyāyam idha ca pariyāyābhāvam ñatvāti** tattha “mālāvacchan ropenti”ti-ādīsu “mālāvacchan”ti kulasaṅgahatthattāsūcanakassa visesanassa sabbhāvato karaṇakārāpanasaṅkhātāpariyāyasabbhāvam. Idha “ganthenti”ti-ādīsu tathāvidhavisavacanābhāvato tassa pariyāyassa abhāvañca ñatvā. Tam suvuttamevāti veditabbanti yojanā.

Sabham vuttanayeneva veditabbanti aṭṭhakathāsu āgatanayeneva ropanādi, ganthāpanādi ca sabham veditabbam. Na hettha sandeho kātabboti nigameti.

Haraṇādīsuti vatthupūjanatthāya haraṇādīsu. **Kulitthi-ādīnam atthāya haraṇatoti** kulitthi-ādīnam haraṇasseva visesetvā paṭikkhittattāti adhippāyo. Tenāha “haraṇādhikāre hī”ti-ādī. **Mañjarīti** pupphagocchan. **Vaṭamsakoti** kaṇṇassa upari piḷandhanattham katapupphavikati, so ca “vaṭamso”ti vuccati. **Kaṇṇikāti** bahūnam pupphānam vā mālānam vā ekato bandhitassa nāmam, “kaṇṇābharaṇam”tipi vadanti. **Hārasadisanti** muttāhārasadisam.

Kappiyenāti kappiya-udakena. **Tesamyeva dvinnanti** kuladūsanaparibhogānam dvinnam. **Dukkaṭanti** kulasaṅgahatthāya sayam siṅcane, kappiyavohārena vā akappiyavohārena vā siṅcāpane ca dukkaṭam, paribhogatthāya pana sayam siṅcane, akappiyavohārena siṅcāpane ca dukkaṭam. **Payogabahulatāyāti** sayam karaṇe, kāyapayogassa kārāpane ca vacīpayogassa ca bahuttena.

Ganthena nibbattam dāmam **ganthimam**. Eseva nayo sesesupi. **Na vaṭṭatīti** vatthupūjanatthāyapi na vaṭṭati, dukkaṭanti attho. **Vaṭṭatīti** vatthupūjanatthāya vaṭṭati, kulasaṅgahatthāya pana kappiyavohārena kārāpentassāpi dukkaṭameva.

Nīpapuppham nāma kadambapuppham. **Purimanayenevāti** “bhikkhussa vā”ti-ādinā vuttanayena.

Kadalikkhandhamhīti-ādinā vuttam sabbameva sandhāya “**taṃ ati-olārikamevā**”ti vuttam, sabbattha karaṇe, akappiyavacanena kārāpane ca dukkaṭamevāti attho. “**Pupphavijjhanattham kaṇṭakam bandhitumpi na vaṭṭati**”ti imassa upalakkhaṇattā pupphadāmolambanādi-atthāya rajjubandhanādipi na vaṭṭatīti keci vadanti, aññe pana “pupphavijjhanattham kaṇṭakanti visesitattā tadattham kaṇṭakameva bandhitum na vaṭṭati, tañca aṭṭhakathāpamāṇenā”ti vadanti, vīmaṃsitvā gahetabbam.

Pupphapaṭicchakam nāma daṇḍādīhi kataṃ pupphādhanam, etampi nāgadantakampi sachiddakameva gahetabbam. **Asokapiṇḍiyāti** asokasākhānam, pupphānam vā samūhe. **Dhammarajju** nāma cetiyādīni parikkhipitvā tesañca rajjuyā ca antarā pupphappavesanathāya bandharajju. “Sithilavaṭṭitā vā rajjuvaṭṭi-antare pupphappavesanathāya evam bandhā”tipi vadanti.

Matthakadāmanti dhammāsanādimattakalambakadāmanam. **Tesamīyevāti** uppālādīnam eva. **Vākena vā daṇḍakena vāti** pupphanālam phāletvā pupphena ekābaddham ṭhitavākena, daṇḍakena ca ekabandhaneneva, etena puppham bijagāme saṅgaham na gacchati pañcasu bījesu appaviṭṭhattā paṇṇam viya, tasmā kappiyam akārāpetvāpi kopane doso natthi. Yañca chinnassāpi maḷassa vikanam, tampi atitaruṇassa abhāvā vuḍḍhilakkhaṇam na hoti, pariṇatassa pana maḷassa pattānam sinehe pariyādānam gate visumbhāvo eva vikāso, teneva chinnamakuḷavikāso acchinnamakuḷavikāsato parihīno, milātayutto vā dissati. Yañca milātassa udakasaññoge amilānatāpajjanam, tampi tambulapaṇṇādīsu samānanti vuḍḍhilakkhaṇam na hoti, pāḷi-aṭṭhakathādīsu ca na katthaci pupphānam kappiyakaraṇam āgataṃ, tasmā puppham sabbathā abījamevāti viññāyati, vīmaṃsitvā gahetabbam. “**Pasibbake viyā**”ti vuttattā pupphapasibbake vā pasibbakasadisabandhe vā yattha katthaci cīvare vā pakkipitum vaṭṭatīti siddham. **Bandhitum na vaṭṭati**ti rajju-ādīhi bandhanam sandhāya vuttam, pupphasseva pana acchinnadaṇḍavākehi¹ bandhitum vaṭṭati eva.

1. ...daṇḍakehi (Ka), Sārattha-Ṭī 2. 372 piṭṭhe passitabbam.

Pupphapaṭe ca daṭṭhabbanti pupphapaṭam karontassa dīghato pupphadāmassa haraṇapaccāharaṇavasena pūraṇam sandhāya vuttam, tiriyato haraṇam pana vāyimaṇam nāma hoti, na pūrimaṇam. “**Purimaṭṭhānam atikkāmeti**”ti sāmāññato vuttattā, purimaṇam pupphakoṭim phusāpetvā vā aphasāpetvā vā parikkhipanavasena pana atikkamantassa āpattiyeva. **Bandhitum vaṭṭatīti** puppharahitāya suttavākakoṭiyā bandhitum vaṭṭati. “**Ekavāram haritvā vā parikkhipitvā vā**”ti idaṇṇam pubbe vuttacetiyādi-parikkhepaṇam, pupphapaṭakaraṇaṇca sandhāya vuttam.

Parehi pūritanti dīghato pasāritam. **Vāyitunti** tiriyato haritum, taṇṇam pana ekavāraṇampi na labbhati. **Pupphāni ṭhapentenāti** aganthitapupphāni aññamaññam phusāpetvāpi ṭhapentena. **Ghaṭikadāma-olambakoti** heṭṭhābhāge ghaṭikākārayutto, dārughaṭikākāro vā olambako. Suttamayaṇam **geṇḍukaṇam** nāma. **Sabbatthāti** ganthimādīsū sabbattha.

Recakanti abhinayaṇam, “evaṇṇam naccāhī”ti naṭanākāradassananti attho, “cakkam viya attānam bhamāpanan”tipi keci. **Ākāseyeva kīlantīti** “ayaṇṇam sārī asukapadaṇam mayā nītā”ti evaṇṇam mukheneva ubhopi vadantā kīlanti. **Jūtaphalaketi** jūtamaṇḍale. **Pāsakakīlayāti** dvinnam tivaṇṇgulappamāṇaṇam dārudantādimaṇṇaṇam pāsakānaṇam catūsū passetu ekakādivasena bindūni katvā phalake khipitvā uparibhāge diṭṭhabindūnaṇam vasena sārīyo apanetvā kīlanakajūtakīlayā.

Mañjaṭṭhi¹ nāma mañjaṭṭharukkhasārasāvaṇṇam. **Salākahatthanti** nāḷikerahīrādīnaṇam kalāpassetaṇam nāmaṇṇam. Pāḷiyaṇam **tharusminti** khagge. **Usseḷentīti** mukhena usseḷanasaddaṇam pamaṇṇcanti, mahantaṇṇam abyattasaddaṇam pavattentīti attho. **Apphoṭentīti** dviguṇitavāmahatthe dakkhiṇahatthena tāḷetvā saddaṇam karonti. **Mukhaḍḍimanti**² mukhabherī.

432. **Tesanti** samāse guṇibhūtāni pabbānīpi parāmasati. **Bondoti** lolo, mandadhātukoti attho. **Bhakuṭim katvāti** bhamukabhedam katvā. **Nelāti** niddosā.

1. Mañjīṭṭhi (Sī, Syā)

2. Mukhaḍḍimanti (Sī)

433. Pāḷiyam “**sāriputtā**”ti idam ekasesanayena sāriputtamoggallānānam ubhinnam ālapanam, teneva bahuvacananiddeso kato.

435. **Aṭṭhārasa vattānī**ti “na upasampādetabban”ti-ādīni “na bhikkhūhi sampayojetabban”ti pariyosānāni **kammakkhandhake**¹ āgatāni aṭṭhārasa vattāni. **Na pannalomāti** na patitamānalomā, ananukūlavattinoti attho.

437. **Parasantakam deti dukkaṭamevāti** vissāsagāhena dānam sandhāya vuttam. **Thullaccayanti** ettha bhaṇḍadeyyampi hoti eva.

Tañca kho vatthupūjanatthāyāti mātāpitūnampi puppham dentena vatthupūjanatthāyeva dātabbanti dasseti. **Maṇḍanatthāya pana sivaliṅgādipūjanatthāyāti** ettakameva vuttattā “imam vakkiṇitvā jīvissantī”ti mātāpitūnam dātuṃ vaṭṭati, sesañātīnam pana tāvakālikameva dātuṃ vaṭṭati. **Ñātisāmaṇerehevāti** tesam gihikamaparimocanatham vuttam. **Itareti** aññātakā, tehipi sāmaṇerehi ācariyupajjhāyānam vattasīsenā haritabbam. **Cūlakanti** upaḍḍhabhāgatopi upaḍḍham.

Sāmaṇerā -pa- thapentīti arakkhitāgopitam sandhāya vuttam. **Tattha tatthāti** magge vā cetiyaṅgaṇe vā. “**Sāmaṇerehi dāpetum na labhanti**”ti idam sāmaṇerehi gihīnam kammam kāritam viya hotīti vuttam, na pana pupphadānam hotīti sāmaṇerānampi na vaṭṭanato. Vuttañca “**sayamevā**”ti-ādī. “**Avisesena vuttan**”ti iminā sabbesampi na vaṭṭatīti dasseti.

Khīṇaparibbayānanti āgantuke sandhāya vuttam. Paricchinnesupi rukkhesu “**idha phalāni sundarāni**”ti-ādīm vadantena kulasaṅgaho kato nāma hotīti āha “**evam pana na vattabban**”ti.

Rukkhaच्चallīti rukkhattaco. Abhājanīyattā **garubhaṇḍam** vuttam. **Vuttanayenāti** paṇṇadānampi **pupphaphalādīsu**² vuttanayena kulasaṅgaho hotīti dasseti.

Pubbe vuttappakārananti mama vacanena bhagavato pāde vandathāti-ādīnā **vuttappakārasikkhāpade**³ paṭhamam vuttam. “Pakkamatāyasmā”ti idam

1. Vi 4. 10 piṭṭhe.

2. Vi-Ṭṭha 2. 209, 210 piṭṭhesu.

3. Vi 1. 275, 276 piṭṭhesu.

pabbājanīyakammavasena vuttaṃ. Puna “pakkamatāyasmā”ti idampi pabbājanīyakammakatassa vattavasena vuttaṃ. Ettha ca assajipunabbasukehi ācariyesu anekavidhesu anācāresu paññapetabbā āpattiyo sikkhāpadantaresu paññattā evāti tā idha apaññapetvā kuladūsakānaṃ pabbājanīyakammavasena niggahaṃ kātum tattheva sammā avattitvā kārakasaṃghaṃ chandagāmitādīhi pāpentānaṃ samanubhāsanāya saṃghādisesaṃ āropitañca idaṃ sikkhāpadaṃ paññattanti veditabbaṃ. **Paṭhamasaṃghabhedasadisānevāti** ettha aṅgesupi yathā tattha parakkamaṇaṃ, evamidha chandādīhi pāpanaṃ daṭṭhabbaṃ. Sesāṃ tādiseasevāti.

Kuladūsakasikkhāpadavaṇṇanā niṭṭhitā.

Nigamanavaṇṇanā

442. Itare pana yāvatiyakāti veditabbāti sambandho. Yo hi jaro ekasmiṃ divase āgantvāpi gato anantaresu dvīsu divasesu anuppajjitvā tatiye divase uppajjati, so **tatiyako**. Yo pana tatiyepi anuppajjitvā catutthe eva divase uppajjati, so **catutthako** cāti vuccati. Taṃ sandhāyāha “**yathā tatiye**”ti-ādi. “**Akāmena avasenā**”ti iminā appaṭikammakaraṇaṃ nāma yasmā alajjilakkhaṇaṃ, saggamokkhāvaraṇaṇca, tasmā āpanno puggalo “pacchā parivassissāmi”ti vikkipitum na labhati, saṃghena ca anicchantasseva parivāso dātabboti dasseti. Pāḷiyaṃ **ciṇṇamānatto bhikkhu -pa- abbhetaḥboti** ettha yo bhikkhu ciṇṇamānatto, so bhikkhu abbhetaḥboti evaṃ bhikkhusaddavayassa yojanā veditabbā. **Te ca bhikkhū gārayhāti** ūnabhāvaṃ ñatvā abbhenti, dukkaṭāpajjanena garahitabbā. **Sāmīcīti** vattaṃ.

Iti samantapāsādikāya vinayaṭṭhakathāya vimativinodaniyaṃ

Terasakavaṇṇanāyā niṭṭhito.

3. Aniyatakaṇḍa

1. Paṭhama-aniyatasikkhāpadavaṇṇanā

443. Puttasaddena sāmaññaniddesato, ekasesanayena vā puttīpi gahitāti āha “**bahū dhītaro cā**”ti. **Tadanantaranti** bhikkhūnaṃ bhojanānantaraṃ.

444-5. **Taṃ kammanti** taṃ methunādi-ajjhācārakammaṃ. Pāḷiyaṃ “**sotassa raho**”ti idaṃ atthuddhāravasena vuttaṃ, upari sikkhāpade “na heva kho pana paṭicchannaṃ”ti-ādinā¹ etassa sikkhāpadassa visayaṃ paṭikkhipitvā “alañca kho hoti mātugāmaṃ duṭṭhullāhi vācāhi obhāsitaṃ”ti¹ visayantarabhūtasotarahaṣṣa visuṃ vakkhamānattā, idha pana cakkurahova adhippeto “paṭicchanne āsane”ti-ādivacanato, “sakkā hoti methunaṃ dhammaṃ paṭisevitun”ti vuttattā ca. Tenāha “**kiñcāpi**”ti-ādi. **Paricchediti** rahonisajjāpattiyā vavatthānaṃ.

Idāni cakkuraheneva āpattiṃ paricchinditvā dassento “**sacepi hī**”ti-ādimāha. “**Pihitakavāṭassa**”ti iminā paṭicchannabhāvato cakkhussa rahova adhippeto, na sotassa rahoti dasseti. Tenāha “**apihitakavāṭassa -pa-anāpattiṃ**”ti. Na hi kavāṭapidahanena² sotassa raho vigacchati, cakkhussa raho eva pana vigacchati. “**Antodvādasahatthepi**”ti idaṃ dutiyasikkhāpade āgatasotassa rahena āpajjitabbaḍḍhullavācāpattiyā sabbathā anāpattibhāvaṃ dassetuṃ vuttaṃ. Dvādasahatthato bahi nisinna hi tattha sotassa rahasabbhāvato duṭṭhullavācāpattiyā anāpattiṃ na karoti, tathā ca “anāpattiṃ na karoti”ti sāmaññato na vattabbaṃ siyā, “methunakāyasaṃsaggāpattihi anāpattiṃ karoti”ti visesetvā vattabbaṃ bhavēyya. Tasmā tathā taṃ avatvā sabbathā anāpattiṃ dassetumeva “dvādasahatthe”ti vuttanti gahetabbaṃ. Yadi hi cakkhuisseva rahabhāvaṃ sandhāya vadeyya, “antodvādasahatthe”ti na vadeyya appaṭicchanne tato dūre nisinnepi cakkhussa

1. Vi 1. 290 piṭṭhe.

2. Kavāṭavivaraṇena (Ka)

rahāsambhavato. Yasmā nisīditvā niddāyanto kapimiddhapareto kiñci kālaṃ cakkhūni ummīleti, kiñci kālaṃ nimmīleti. Tasmā “**niddāyantopi anāpattim karoti**”ti vuttaṃ.

Paṭiladdhasotāpattiphalāti antimaparicchedato vuttaṃ. **Nisajjam paṭijānamā**noti methunakāyasamsaggādivasena raho nisajjam paṭijānamānoti attho. Tenāha “**pārājikena vā**”ti-ādi. **Na appaṭijānamā**noti alajjipi appaṭijānamāno āpattiyā na kāretabbova. So hi yāva dosaṃ na paṭijānāti, tāva “neva suddho, nāsuddho”ti vā vattabbo, vattānusandhinā¹ pana kāretabbo. Vuttañhetam—

“Paṭiññā lajjisu katā, alajjisu evaṃ na vijjati.

Bahumpi alajjī bhāseyya, vattānusandhitena kāraye”ti².

Nisajjādīsu -pa- paṭijānamānova tena so **bhikkhu kāretabboti** ettha **paṭijānamā**noti pāliyaṃ anāgatampi adhikārato āgatamevāti katvā vuttaṃ.

Vadāpethāti tassa iddhiyā vigatāsaṅkopi taṃ ovadanto āha, anupaparikkhitvā adese nisinnā “mātugāmena saddhim ekāsane thero raho nisinnō”ti evaṃ mādishepi tumhe tumhākaṃ avaṇṇaṃ vadāpetha kathāpayittha, mā puna evaṃ³ karitthāti adhippāyo. **Evamakāsinti** nigūhitabbampi imaṃ visesādhigamaṃ pakāsento taṃ saddhāpetumeva evamakāsinti attho. **Rakkheyyāsimanti** imaṃ uttarimanussadhammaṃ aññesaṃ mā pakāsaya.

451. **Nisajjāya pācittiyanti** rahonisajjassāde vattamāne pācittiyaṃ. Sace pana so rahonisajjassādaṃ paṭivinodetvā kammaṭṭhānāmanasikārādinā aññavihito, niddūpagato vā anāpatti eva. Tenāha “**assāde uppanne**”ti. “**Nisinnāya itthiyā**”ti iminā nisīdanakkhaṇe assādābhāvaṃ dasseti. Yadi hi nisīdanakkhaṇe assādo uppajjeyya, tena uṭṭhātabbaṃ. Itarathā āpatti eva itthiyā uṭṭhāyuṭṭhāya punappunaṃ nisīdane viya, tatthāpi

1. Vuttānusandhinā (Sī, Ka), Vi-Ṭṭha 4. 201 piṭṭhe passitabbaṃ. 2. Vi 5. 279 piṭṭhe.

3. Evarūpaṃ (Sī)

bhikkhussa uṭṭhahato anāpatti, tena rahonisajjāpatti akiriyasamuṭṭhānāpi hoṭīti vadanti. Idam̄ pana aniyatasikkhāpadam̄, anantarañcāti dvepi visum̄ āpattipaññāpanavasena paññattāni na honti rahonisajjādīsu āpattiyā sikkhāpadantaresu paññattattā. Pārājikādi-āpattīhi pana kenaci coditassa anuvijjakehi vinicchayakāraṇanayadassanattam̄ evam̄ vatthuvāsena dvidhā vibhajitvā paññattāni imāneva ca yasmā bhikkhunīnampi vinicchayanayaggahaṇāya alam̄, tasmā tāsam̄ visum̄ na vuttānīti vedītabbam̄. Yam̄ pana āpattim̄ paṭijānāti, tassa vasenettha aṅgabhedo vedītabbo. Teneva “ayam̄ dhammo aniyato”ti vuttam̄.

Idha aniyatavasena vuttānam̄ pārājikasam̄ghādisapācittiyānam̄ tiṇṇampi aññamaññam̄ sadīsasamuṭṭhānādītāya vuttam̄ “**samuṭṭhānādīni paṭhamapārājikasadisānevā**”ti.

Paṭhama-aniyatasikkhāpadavaṇṇanā niṭṭhitā.

2. Dutīya-aniyatasikkhāpadavaṇṇanā

452. “Na labhati mātugāmena saddhim̄ eko ekāya -pa- nisajjam̄ kappetun”ti avatvā “paṭikkhittam̄ mātugāmenā”ti-ādīnā vuttattā “eko”ti paccattapadam̄ paṭikkhittapadena na sameti, “ekassā”ti vattabboti sādiento āha “**itarathā hi**”ti-ādī.

453. **Pariveṇaṅgaṇādīti** pariveṇassa māḷakam̄. **Ādi**-saddena pākārādīparikkhittam̄ cetiyamāḷakādīm̄ saṅgaṇhāti. **Antogadhanti** appaṭicchannaṭṭhāne eva pariyāpannam̄. Idha itthīpi anāpattim̄ karotīti sambandho. Kasmā pana itthī idheva anāpattim̄ karoti, na purimasikkhāpadeti? Imassa sikkhāpadassa methunam̄ vinā duṭṭhullavācāya vasena āgatattā. Methunameva hi itthīyo aññamaññam̄ paṭicchādenti mahāvane dvāram̄ vivaritvā **niddūpagatamhi bhikkhumhi**¹ viya. Duṭṭhullam̄ pana na paṭicchādenti, teneva duṭṭhullavācāsikkhāpade “yā tā itthīyo hirimanā, tā nikkhamitvā bhikkhū ujjhāpesun”ti² vuttam̄,

1. Vi 1. 48 piṭṭhe.

2. Vi 1. 187 piṭṭhe.

tasmā **“itthīpi anāpattim karotī”**ti vuttam, “appaṭicchannaṭṭhānattā”tipi kāraṇam vadanti.

Kāyenāpi duṭṭhullobhāsasambhavato imasmim sikkhāpade cakkhussa raho, sotassa raho ca adhippetoti āha **“anandho abadhiro”**ti-ādi. Keci pana **vibhaṅge** “nālam kammaniyanti na sakkā hoti methunam dhammam paṭisevitun”ti¹ ettakameva vatvā ‘na sakkā hoti kāyasamsaggam samāpajjitun’ti avuttattā appaṭicchannepi ṭhāne raho aññesam abhāvam disvā ekāya itthiyā kāyasamsaggopi sakkā āpajjitunti antodvādasahatthe savanūpacāre ṭhito abadhiropi andho kāyasamsaggassāpi sabbhāvābhāvam na jānātīti kāyena duṭṭhullobhāsanasabbhāvam amanasikatvāpi kāyasamsaggāpattiyāpi parihārāya anandho abadhiroti-ādi vuttan”ti vadanti. Yam pana **sāratthadīpaniyam** “kāyasamsaggavasena anandho vutto”ti² vuttam, tam pana kāyena duṭṭhullobhāsanasambhavam amanasikatvā vuttam, kāyasamsaggavasenāpīti gahetabbam. Teneva “imasmim sikkhāpade sotassa raho eva adhippeto -pa-. Kenaci pana ‘dvepi rahā idha adhippetā’ti vuttam, tam na gahetabban”ti vuttam. Yam pana cakkhussa rahābhāvasādhanattham “na hi appaṭicchanne okāse cakkhussa raho sambhavatī”ti-ādi vuttam, tam na vuttam atidūratāre ṭhitassa kāyena obhāsanampi hatthagghāhādīnīpi sallakkhetum asakkuṇeyyattā. Teneva pāḷiyam “cakkhussa raho”ti vuttam, aṭṭhakathāyam appaṭikkhittam. Na kevalañca appaṭikkhittam, atha kho “anandho badhiroti ca andho vā abadhiropi na karotī”ti ca vuttam, tasmā dvepi rahā idha gahetabbā. **“Antodvādasahatthe”**ti-iminā sotassa raho dvādasahatthena paricchinnoti idam dasseti. Cakkhussa raho pana yattha ṭhitassa kāyavikārādayo na paññāyanti, tena paricchinditabboti daṭṭhabbam. **Badhiro pana cakkhumāpīti** duṭṭhullavācāsamghādisesam sandhāya vuttam. **Duṭṭhullāpatti vuttāti** purimasikkhāpade vuttehi adhikavasena duṭṭhullāpatti ca vuttāti evamattho gahetabbo, na pana duṭṭhullāpatti evāti kāyasamsaggassāpi idha gahetabbato. Teneva **“pārājikāpattiñca**

1. Vi 1. 291 piṭṭhe.

2. Sārattha-Ṭī 2. 382 piṭṭhe.

parihāpetvā”ti ettakameva vuttaṃ, itarathā “kāyasam̐saggañcā”ti vattabbaṃ bhaveyya.

Tisamuṭṭhānanti-ādi pana purimasikkhāpade āgatchi adhikassa duṭṭhullavācāsam̐ghādisesassa vasena vuttaṃ kāyasam̐ssaggādīnampi purimasikkhāpade eva vuttattā, idha pana na vuttantipi vadanti, vīmaṃsitvā gahetabbaṃ.

Dutiya-aniyatasikkhāpadavaṇṇanā niṭṭhitā.

Niṭṭhito aniyatavaṇṇanānayo.

4. Nissaggiyakaṇḍa

1. Cīvaravagga 1. Paṭhamakathinasikkhāpadavaṇṇanā

459. **Samitāvināti** samitapāpena. **Gotamakacetiyam** nāma gotamayakkhassa cetiyaṭṭhāne katavihāro vuccati.

461. **Navamaṃ vā dasamaṃ vāti** bhummatthe upayogavacanaṃ. **Sace bhaveyyāti** sace kassaci kaṅkhā bhaveyya. **Vuttasadisanti** dasamaṃ vāti vuttasadisam̐ paricchadasadisam̐, “vuttasadisamevā”tipi likhanti. **Dhāretunti** ettha āhāti pāṭhaseso daṭṭhabbo.

463. **Sūciyā paṭisāmananti** sūcihare saṃgopanaṃ, idaṅca sūcikkamma sabbassa pariniṭṭhitabhāvadassanattamaṃ vuttaṃ. **Etanti** naṭṭhacīvaraṃ. **Etesampīti** naṭṭhacīvarādīni parāmasati, tena cīvarapalibodhābhāvaṃ dasseti. **Dutiyassa palibodhassāti** āvāsapalibodhassa. Ettha ca niṭṭhita cīvarasmim̐, ubbhatasmim̐ kathineti dvīhi padehi dvinnaṃ palibodhānaṃ abhāvadassanena atthatakathinassa pañcamāsabbhantare yāva cīvarapalibodha-āvāsapalibodhesu aññataraṃ na upacchijjati, tāva atirekacīvaraṃ dhāretuṃ vaṭṭatīti dīpeti. Pakkamaṇaṃ anto assāti **pakkamanantikā**, evaṃ sesāpi veditabbā. Vitthāro panettha āgataṭṭhāne āvi bhavissati.

Dasāhaparamaṃ kālanti accantasamyogavacanaṃ. **Idaṅhi vuttaṃ hoti -pa- dasahaparamabhāvoti** idaṃ dasāhaparamatāpadassa atthamattadassanaṃ, dasāhaparamabhāvoti idaṅhi vuttaṃ hotīti evamettha yojanā veditabbā. Ayamattoti-ādi dasāhaparamapadasseva adhippetatthadassanavasena vuttaṃ. Tatha **ettako kāloti** “dasāhaparamatā”ti vutto yo kālo, so ettako kāloti attho.

Khomanti khomasuttehi vāyitaṃ khomapaṭacīvaraṃ, taṃ vākamayanti vadanti. Kappāsasuttehi vāyitaṃ **kappāsikaṃ**, evaṃ sesānīpi. **Kambalanti** eḷakādīnaṃ lomamayassuttena vāyitapaṭaṃ. **Bhaṅganti** khomasuttādīni sabbāni, ekaccāni vā missetvā vāyitaṃ cīvaraṃ. Bhaṅgampi vākamayamevāti keci. Dukūlaṃ pattuṇṇaṃ somārapaṭaṃ cīnapaṭaṃ iddhijaṃ devadinnanti imāni pana cha cīvarāni

etesaññeva anulomānīti visum na vuttāni. **Dukūlañhi** sāṇassa anulomaṃ vākamayattā. “**Pattuṇṇaṃ** koseyyaviseso”ti **abhidhānakose** vuttaṃ. Somāradese, cīnadese ca jātavatthāni **somāracīnapaṭāni**. Pattuṇṇādīni tīṇi koseyyassa anulomāni pāṇakehi katasuttamayattā. **Iddhijanti** ehibhikkhūnaṃ puññiddhiyā nibbattacīvaraṃ. Kapparukkhe nibbattaṃ, **devadinnā**ñca khomādīnaṃ aññataraṃ hotīti tesaṃ sabbesaṃ anulomāni. Manussānaṃ pakativadatthiṃ sandhāya “**dve vidatthiyo**”ti-ādi vuttaṃ. Iminā dīghato vaḍḍhakīhatthappamāṇaṃ vitthārato tato upaḍḍhappamāṇaṃ vikappanupaganti dasseti. Tathā hi “sugatavidatthi nāma idāni majjhimassa purisassa tisso vidatthiyo, vaḍḍhakīhatthena diyaḍḍho hattho hotīti”ti¹ **kuṭikārasikkhāpadaṭṭhakathāyaṃ** vuttaṃ, tasmā sugataṅgulaena dvādasāṅgulā sugatavidatthi vaḍḍhakīhatthena diyaḍḍho hattho hoti siddhaṃ. Evañca katvā “sugataṅgulaena aṭṭhaṅgulaṃ vaḍḍhakīhatthappamāṇaṃ”ti āgataṭṭhānehi ca sameti.

Taṃ atikkāmayatoti ettha **tanti** cīvaraṃ, kālaṃ vā parāmasati. **Tassa yo aruṇoti** cīvaruppādadivasassa yo atikkanto aruṇo. **Cīvaruppādadivasena saddhinti** cīvaruppādadivasassa ādibhūtena atikkanta-arūṇena saddhinti attho, idañca bhagavatā “dasāhaparamaṃ”ti vatvā puna “ekādase aruṇuggamane”ti vuttattā pubbāparasāmsandanatthaṃ saddato gammamānampi “cīvaruppādadivasena saddhin”ti evaṃ vuttaṃ. “Dasame aruṇe”ti vutte eva hi dasāhaparamena² saddhiṃ sameti. Divasapariyosānassa avadhibhūta-anāgatāruṇavasena hi divasaṃ atikkantaṃ nāma hoti, na pana divasassa ādibhūtāruṇavasena parivāsādīsu tathā aggahaṇato, idha pana bhagavatā divasassa ādi-antaparicchedadassanavasena “**ekādase aruṇuggamane**”ti vuttaṃ, tasmā **aṭṭhakathāyaṃ** divasassa ādibhūtaṃ taṃdivasanissitampi aruṇaṃ gahetvā “ekādase aruṇuggamane nissaggiyaṃ hoti”ti vuttaṃ. **Aruṇoti** cettha sūriyuggamanassa purecaro vaḍḍhanaghanaratto pabhāvisesoti daṭṭhabbo.

Vacanīyoti saṃghāpekkho. **Vacanabhedoti** “ñattiyaṃ dve āpattiyo saratī”ti-ādinā vattabbanti adhippāyo.

1. Vi-Ṭṭha 2. 153 piṭṭhe.

2. Dasāhaparamapadena (Sī)

468. “**Na idha saññā rakkhati**”ti idaṃ vematikañca anatikkantasaññañca sandhāya vuttaṃ. **Yopi evaṃsaññī tassapīti** yo anatikkantasaññī, vematiko vā, tassapīti attho. Anaṭṭhato aviluttassa visesamāha “**pasayhāvahāravasena**”ti. Theyyāvahāravasena gahitampi idha naṭṭhaṃ.

Anāpatti aññena kataṃ paṭilabhitvāti-ādi nisīdanasanthataṃ sandhāya vuttaṃ. Yena hi purāṇasanthatassa sāmantaṃ sugatavidatthiṃ anādiyivā navaṃ nisīdanasanthataṃ kataṃ, tassa taṃ nissaggiyampi tato aññassa paṭilabhitvā paribhuñjantassa anāpattikaranti sījhanato ayamattho sabbanissaggiyesupi sījhati.

469. **Ticīvaraṃ adhiṭṭhātunti** saṅghāṭi-ādināmena adhiṭṭhātuṃ. “**Na vikappetun**”ti iminā nāmena na vikappetuṃ, etena vikappitaticīvaro tecīvariko na hoti. Tassa tasmim adhiṭṭhitaticīvare viya avippavāsādinā kattabbavidhi na kātabboti dasseti, na pana vikappane dosoti. **Tato paranti** catumāsato paraṃ vikappetvā paribhuñjituṃ anuññātanti keci vadanti, aññe pana “vikappetvā yāva āgāmivassānaṃ, tāva ṭhapetumeva vaṭṭati”ti vadanti, apare pana “vikappane na doso, tathā vikappitaṃ parikkhārādināmena adhiṭṭhahitvā paribhuñjitabban”ti vadanti.

Muṭṭhipaṇcakanti muṭṭhiyā upalakkhitaṃ pañcakaṃ, catuhatthe minitvā pañcamaṃ hatthaṃ muṭṭhiṃ katvā minitabbanti adhippāyo. Keci pana “muṭṭhihatthānaṃ pañcakaṃ muṭṭhipaṇcakaṃ, tasmā pañcapi hatthe muṭṭhiṃ katvāva minitabbā”ti vadanti. **Muṭṭhittikanti** etthāpi eseva nayo. Dvihatthena antaravāsakena timaṇḍalaṃ paṭicchādetuṃ sakkāti āha “**pārupanenā**”ti-ādi. **Atirekanti** sugatacīvarappamāṇato adhikaṃ. **Ūnakanti** muṭṭhipaṇcakādito ūnakaṃ, tena ca tesu ticīvarādhiṭṭhānaṃ na ruhatīti dasseti.

Imaṃ saṅghāṭiṃ paccuddharāmīti imaṃ saṅghāṭi-adhiṭṭhānaṃ ukkhipāmi pariccajāmīti attho. **Kāyavikāraṃ karontenāti** hatthena cīvaraṃ parāmasantena, cālentena vā. **Vācāya adhiṭṭhātābbāti** ettha kāyenapi cāletvā vācampi bhindivā kāyavācāhi adhiṭṭhānampi saṅgahitanti veditabbam “kāyena aphasivā”ti vuttattā. **Duvidhanti** ahatthapāsahatthapāsavasena duvidhaṃ. Tattha **hatthapāso** nāma aḍḍhateyyahattho vuccati. Dvādasahatthanti keci

vadanti, taṃ idha na sameti. **“Sāmantavihāre”**ti idaṃ
 ṭhapitaṭṭhānasallakkhaṇayogge ṭhitaṃ sandhāya vuttaṃ. Tato dūre ṭhitampi
 ṭhapitaṭṭhānaṃ sallakkhenta adhiṭṭhātabbameva. Tatthapi cīvarassa
 ṭhapitabhāvasallakkhaṇameva pamāṇaṃ. Na hi sakkā sabbathā ṭhānaṃ¹
 sallakkhetuṃ. Ekasmim vihāre ṭhapetvā tato aññasmim ṭhapitanti
 adhiṭṭhātuṃ na vaṭṭati. Keci pana “tathāpi adhiṭṭhite na doso”ti vadanti, taṃ
 aṭṭhakathāya na sameti, vīmaṃsitabbaṃ. **Adhiṭṭhahitvā ṭhapitavatthehi**
 parikkhāraḥaṇāmena adhiṭṭhahitvā ṭhapitavatthehi, teneva “imaṃ
 paccuddharāmi”ti parikkhāraḥassa paccuddharāṃ dasseti. Etena ca
 tecīvaradhutaṅgaṃ pariharantena paṃsukūlādivasena laddhaṃ vatthaṃ
 dasāhabbhantare katvā rajitvā pārupituṃ asakkontena parikkhāraḥavasena
 adhiṭṭhahitvāva dasāhaṃ atikkametabbaṃ, itarathā nissaggiyaṃ hotīti
 dasseti. Teneva “rajitakālato pana paṭṭhāya nikkhipituṃ na vaṭṭati,
 dhutaṅgacoro nāma hotī”ti² **visuddhimagge** vuttaṃ. **“Puna**
adhiṭṭhātabbāni”ti idaṅca saṅghāṭi-āditi cīvaranāmena adhiṭṭhahitvā
 paribhuñjitukāmassa vasena vuttaṃ, itarassa pana purimādhīṭṭhānameva
 alanti veditabbaṃ. **“Puna adhiṭṭhātabban”**ti iminā kappabindupi dātabbanti
 dasseti.

Baddhasīmāyaṃ avippavāsasīmāsammutisambhavato na tattha
 dupparihārātāti āha **“abaddhasīmāyaṃ dupparihāran”**ti.

Atirittappamāṇāya chedanakaṃ pācittiyanti āha **“anarittappamāṇā”**ti.
Tato paraṃ paccuddharitvā vikappetabbāti vassikamāsato paraṃ
 adhiṭṭhānaṃ paccuddharitvā vikappetabbā, iminā catunnaṃ vassikamāsānaṃ
 upari adhiṭṭhānaṃ tiṭṭhatīti viññāyati tato paccuddharāyogā. Yaṅca
mātikāṭṭhakathāyaṃ “vassikasāṭikā vassānamāsāṭikkamenāpi,
 kaṇḍupaṭicchādi ābādhavūpasamenāpi adhiṭṭhānaṃ vijahatī”ti³ vuttaṃ, taṃ
samantapāsādikāyaṃ natthi. **Parivāraṭṭhakathāyaṅca** “atthāpatti hemante
 āpajjati, no gimhe”ti ettha idaṃ vuttaṃ “kattikapuṇṇamāsiyā pacchime
 pāṭipadadivase vikappetvā ṭhapitaṃ vassikasāṭikaṃ nivāseno hemante
 āpajjati, kurundiyaṃ pana ‘kattikapuṇṇamadivase apaccuddharitvā hemante
 āpajjati’ti vuttaṃ, tampi suvuttaṃ, ‘catumāsāṃ adhiṭṭhātuṃ tato paraṃ

1. Sabbatṭhānaṃ (Sī)

2. Visuddhi 1. 62 piṭṭhe.

3. Kaṅkhā-Ṭṭha 155 piṭṭhe.

vikappetun'ti hi vuttan"ti¹. Tattha **mahā-aṭṭhakathāyaṃ** nivāsanapaccayā dukkaṭaṃ vuttaṃ, **kurundaṭṭhakathāyaṃ** pana apaccuddhārapaccayā, tasmā kurundiyaṃ vuttanayenāpi vassikasāṭikā vassānamāsāṭikkamepi adhiṭṭhānaṃ na vijahatīti paññāyati. Adhiṭṭhānavijahanesu ca vassānamāsa-ābādhanāṃ vigamena vijahanāṃ **Mātikāṭṭhakathāyampi** na uddhaṭaṃ, tasmā **samantapāsādikāyaṃ** āgatanayena yāva paccuddhārā adhiṭṭhānaṃ tiṭṭhatīti gahetabbaṃ. Nahānatthāya anuññātattā "**vaṇṇabhedamattarattāpi cesā vaṭṭati**"ti vuttaṃ. "**Dve pana na vaṭṭanti**"ti iminā saṅghāṭi-ādīsu viya dutiye adhiṭṭhānaṃ na ruhati, atirekacīvaraṃ hotīti dasseti. **Mahāpaccariyaṃ** cīvaravasena paribhogakiccassa abhāvaṃ sandhāya anāpatti vuttā senāsanaparikkhāratthāya dinnapaccattharaṇe viya. Yaṃ pana "paccattharaṇampi adhiṭṭhātabban"ti vuttaṃ, taṃ senāsanatthāyevāti niyamitaṃ na hoti navasu cīvaresu gahitattā, tasmā attano nāmena adhiṭṭhahitvā nidahitvā parikkhāraṇaṃ viya yathā tathā viniyujjitabbamevāti gahetabbaṃ. **Pāvāro kojavoti** imesampi paccattharaṇādīnaṃ lokepi voharaṇato senāsanaparikkhāratthāya dinnapaccattharaṇato visuṃ gahaṇaṃ kataṃ.

"**Hināyāvattanena**"ti-idaṃ antimavatthum ajjhāpajjitvā bhikkhupaṭiññāya ṭhitassa ceva tiṭṭhiyapakkantassa ca bhikkhuniyā ca bhikkhunibhāve nirapekkhatāya gihiliṅgatitthiyaliṅgagahaṇaṃ sandhāya vuttaṃ. Sikkhaṃ apaccakkhāya gihibhāvūpagamaṃ sandhāya vuttanti keci vadanti, taṃ na yuttaṃ tadāpissa upasampannattā, cīvarassa ca tassa santakattāvijahanato. **Pamāṇacīvarassāti** pacchimappamāṇaṃ sandhāya vuttaṃ. **Dve cīvarāni pārūpantassāti** gāmappavese diguṇaṃ katvā saṅghāṭiyo pārūpanaṃ sandhāya vuttaṃ. "**Esa nayo**"ti iminā pamāṇayuttesu yattha katthaci chiddam² adhiṭṭhānaṃ vijahatīti-ādī-atthaṃ saṅgaṇhāti.

Aññaṃ pacchimappamāṇaṃ nāma natthīti sutte āgataṃ natthīti adhippāyo. Idāni tameva vibhāvetum "**yañhi**"ti-ādī vuttaṃ, taṃ na sameti, saṅghāṭi-ādīnaṃ muṭṭhipaṇcakādiheṭṭhimappamāṇassa sutte anāgatattāti adhippāyo.

Mahantaṃ vā khuddakaṃkarotīti ettha atimahantaṃ cīvaraṃ muṭṭhipaṇcakādi pacchimappamāṇayuttaṃ katvā samantato chindanenaṃ vicchindanakāle chijjamānaṭṭhānaṃ

1. Vi-Ṭṭha 4. 164 piṭṭhe.

2. Chidde (Ka)

chiddasaṅkhyam na gacchati adhiṭṭhānam na vijahati evāti sijjhati, “ghaṭetvā chindati, na bhijjati”ti vacanena ca sameti. Parikkhāraḥaṇam pana vikappanupagapacchimmappamāṇato ūnam katvā chinnaṃ adhiṭṭhānam vijahati adhiṭṭhānassa anissayattā. Tāni puna baddhāni ghaṭitāni adhiṭṭhātabbamevāti veditabbaṃ. Keci pana “vassikasāṭhikacīvare dvidhā chinne yadipi ekekaṃ khaṇḍaṃ pacchimapacchimmappamāṇam pahoti, ekasmiṃyeva khaṇḍe adhiṭṭhānam tiṭṭhati, na itare, “dve pana na vaṭṭanti”ti vuttattā. Nisīdanakaṇḍuppaṭicchādīsipi eseva nayoti vadanti.

Sammukhe pavattā **sammukhā**ti paccattavacanam, tañca vikappanavisesanam, tasmā “sammukhe”ti bhummatthe nissakkavacanam katvāpi attham vadanti, abhimukheti attho. Atha vā sammukhena attano vācāya eva vikappanā **sammukhāvikkappanā**. Parammukhena vikappanā **parammukhāvikkappanā**ti karaṇatthenāpi attho daṭṭhabbo, ayameva pāliya sameti. **Sannihitāsannihitabhāvanti** āsannadūrabhāvam. **Ettāvataṃ nidhetum vaṭṭatī**ti ettakeneva vikappanākiccassa niṭṭhitattā, atirekacīvaram na hotīti dasāhātikkame na nissaggiyam janetīti adhippāyo. **Paribhuñjitum -pa- na vaṭṭatī**ti sayam apaccuddharaṇam paribhuñjane pācittiyam, adhiṭṭhāne paresam vissajjane dukkaṭaṇca sandhāya vuttam.

Paribhogādayopi vaṭṭantīti paribhogavissajjana-adhiṭṭhānāni. **Apīsaddena nidhetumpi vaṭṭatī**ti attho, etena ca paccuddhārepi kate cīvarampi vikappitacīvareva hoti, na atirekacīvaram. Tam pana ticīvarādīnāmena adhiṭṭhātukāmena adhiṭṭhahitabbaṃ, itarena vikappitacīvareva katvā paribhuñjitabbanti dasseti. Keci pana “yam vikappitacīvaram, tam yāva aparibhogakālā apaccuddharāpetvāva nidahitabbaṃ, paribhogakāle pana sampatte paccuddharāpetvā adhiṭṭhahitvā paribhuñjitabbaṃ. Yadi hi tato purepi¹ paccuddharāpeyya, paccuddhāreneva vikappanāya vigatattā atirekacīvaram nāma hoti, dasāhātikkame ca nissaggiyam pācittiyam. Tasmā yam aparibhuñjitvāva ṭhapetabbaṃ, tadeva vikappetabbaṃ, paccuddhāre ca kate antodasāheyyeva adhiṭṭhātabbaṃ. Yañca aṭṭhakathāyam ‘tato pabhuti paribhogādayopi vaṭṭanti’ti-ādi vuttam, tam pāliya virujjhati”ti vadanti, tam tesam matimattameva.

Pāliyañhi “antodasāhaṃ adhiṭṭheti, vikappeti”¹ ca “sāmaṃ cīvaraṃ vikappetvā apaccuddhāraṇaṃ paribhuñjeyya pācittiyā”² ca “anāpatti so vā deti, tassa vā vissāsanto paribhuñjati”³ ca sāmāññato vuttattā, aṭṭhakathāyañca “imaṃ cīvaraṃ vā vikappanaṃ vā paccuddharāmi”⁴ ti-ādinā paccuddhāraṃ adassetvā “mayhaṃ santakaṃ paribhuñja vā vissajjehi vā”⁵ ti evaṃ attano santakattaṃ amocetvā vā paribhogādivaseneva paccuddhārassa vuttattā, “tato pabhuti paribhogādayopi vaṭṭanti”⁶ ti adhiṭṭhānaṃ vināpi visum paribhogassa, nidahanassa ca vuttattā vikappanānantarameva paccuddharāpetvā anadhiṭṭhahitvā eva ticīvaravirahitaṃ vikappanārahaṃ cīvaraṃ paribhuñjitum, nidahituñca idaṃ pāṭekkaṃ vinayakammanti khāyati. Apica bahūnaṃ pattānaṃ vikappetum, paccuddhāretuñca vuttattā paccuddhārena tesāṃ atirekapattatā dassitāti sijjhati tesu ekasseva adhiṭṭhātabbato. Tasmā aṭṭhakathāyaṃ āgatanayeneva gaḥetabbaṃ.

Paññattikovidō na hotīti evaṃ vikappite “anantaremeva evaṃ paccuddharitabbaṃ”⁷ ti vinayakammaṃ na jānāti. Tenāha “**na jānāti paccuddharitun**”⁸ ti, imināpi cetāṃ veditabbaṃ “vikappanānantarameva paccuddhāro kātabbo”⁹ ti.

Avisesena vuttavacananti ticīvarādīnaṃ sādharāṇavacanena vuttavacanāṃ. Yaṃ panettha “viruddhaṃ viya dissatī”¹⁰ ti vatvā taṃ virodhāsaṅkaṃ nivattetum “**ticīvarasaṅkhepena -pa- vikappanāya okāso dinno hotī**”¹¹ ti vuttaṃ, taṃ “adhiṭṭheti vikappeti”¹² ti sāmāññato vuttepi ticīvarampi vikappetīti ayamatto na sijjhati, “ticīvaraṃ adhiṭṭhātum na vikappetun”¹³ ti¹⁴ visesetvā vuttattā. Yaṃ pana adhiṭṭhātabbaṃ, taṃ adhiṭṭhāti. Yaṃ ticīvaravirahitaṃ, taṃ vikappetabbaṃ, taṃ vikappetīti evamattho sijjhatīti. Tasmā ettha pubbāparavirodho na dissati sāmāññavacanassa vuttāvaseseyeva avatiṭṭhanato. Yaṃ panettha ticīvarassāpi vikappanavidhiṃ dassetum “**ticīvaraṃ ticīvarasaṅkhepenā**”¹⁵ ti-ādi vuttaṃ. Tattha ticīvarasaṅkhepena parihariyamānesu ekampi paccuddharitvā vikappetum na vaṭṭati, ticīvarato pana ekaṃ vā sakalameva vā apanetvā aparaṃ ticīvaraṃ ticīvarasaṅkhepena pariharitukāmassa vā ticīvarādhiṭṭhānaṃ muñcitvā parikkhāraṇavāseneva sabbacīvaraṃ

1. Vi 1. 296 piṭṭhe. 2. Vi 2. 160 piṭṭhe. 3. Vi 2. 161 piṭṭhe. 4. Vi 3. 411 piṭṭhe.

paribhuñjitukāmassa vā purimaṃ adhiṭṭhitacīvaraṃ paccuddharitvā vikappetuṃ vaṭṭatīti evamadhippāyena “**ticīvare ekena cīvarena vippavasitukāmo hotī**”ti-ādi vuttaṃ siyā, iccetaraṃ pāḷiyā saddhiṃ sameti. Atha punapi tadeva ticīvarādhiṭṭhānena adhiṭṭhātukāmo hutvā vippavāsasukhatthaṃ paccuddharitvā vikappetīti iminā adhippāyena vuttaṃ siyā, taṃ “ticīvaraṃ adhiṭṭhātuṃ na vikappetuṃ”ti¹ iminā vacanena na sameti. Yadi hi sesacīvarāni viya ticīvarampi paccuddharitvā vikappetabbaṃ siyā, “ticīvaraṃ adhiṭṭhātuṃ na vikappetuṃ”ti¹ idam vacanameva niratthakaṃ siyā sesacīvarehi ticīvarassa visesābhāvā. Tasmā “vikappetī”ti idam ticīvaravirahitameva sandhāya vuttaṃ. Ticīvaraṃ pana vikappetuṃ na vaṭṭatīti viññāyati, teneva dutiyakathinasikkhāpadassa anāpattivāre “vikappetī”ti idam na vuttaṃ, vīmaṃsitvā yathā pāḷiyā saddhiṃ na virujjhati, tathā ettha adhippāyo gahetabbo.

Tuyhaṃ demīti-ādīsu pariccattattā manasā asampaṭicchante pi sampadānabhūtasēva santakaṃ hoti, so icchitakkhaṇe gahetuṃ labhati. **Itthannāmassāti** parammukhe ṭhitaṃ sandhāya vadati. **Yassa pana ruccatīti**-ādi ubhohipi pariccattatāya assāmikataṃ sandhāya vuttaṃ.

“**Taṃ na yujjati**”ti idam antodasāhe eva vissāsaggahaṇam sandhāya anāpattivārassa āgatattā, idha nissaggiyacīvarassa kappiyabhāvakaraṇatthaṃ lesena gahitattā ca vuttaṃ, keci pana “parehi sabhāgena acchinne, vissāsaggahite ca puna laddhe doso na dissatī”ti vadanti. **Anadhiṭṭhānenāti** kāyavācāhi kattabbassa akaraṇenāti adhippāyo. Cīvarassa attano santakatā, jātipamāṇayuttatā, chinnapalibodhabhāvo, atirekacīvaratā, dasāhātikkamoti imānettha pañca aṅgāni.

Paṭhamakathinasikkhāpadavaṇṇanā niṭṭhitā.

2. Udositasikkhāpadavaṇṇanā

473. Dutiye **avippavāseti** avippavāse nipphādetabbe, vippavāsadosābhāve sādhetabbe kattabbā sammutīti attho.

1. Vi 3. 411 piṭṭhe.

475. **Paṭisiddhapariyāpannenāti** vippavasitum paṭisiddhesu tīsu cīvaresu antogadhena, ekena ca avayave samudāyopacāram dasseti.

478-9. **Ettāvatāti** “parikkhitto”ti iminā. “Sabhāyeti liṅgabyattayena sabhā vuttā”ti vatvā puna sayampi “**sabhāye**”ti iminā voharanto sabhāsaddassa pariyāyo sabhāyasaddo napuṃsakaliṅgayutto atthīti dasseti. “Sabhāyanti liṅgabyattayena sabhā vuttā”ti vā pāṭho. Liṅgabyattayena sabhāti ca liṅgantarayutto sabhāsaddapariyāyo sabhāyasaddoti attho.

Sabhāyaṃ gacchatīti sabhaṃ gacchati. **Vasitabbaṃ natthīti** cīvarahatthapāseyeva vasitabbaṃ natthīti attho. **Tassāti** vīthiyā. **Sabhāyassa ca dvārassa ca hatthapāsā na vijahitabbanti** ettha sabhāyadvārānamantare vīthi gehāpi gahitā eva honti ādipariyosānānaṃ gahitattā. Ettha ca dvāravīthigharesu vasantena gāmapavesanasahaseyyādidosāṃ pariharitvā supāṭicchannatādiyutteneva bhavitabbaṃ, sabhā pana yadi sabbesaṃ vasanatthāya sālāsadisā katā, antarārāme viya yathāsukhaṃ vasitum vaṭṭatīti veditabbaṃ. Parikkhittatāya ca ekūpacāratāṃ, aparikkhittatāya nānūpacāratañca nivesanādīsupi atidisanto āha “**etenevūpāyenā**”ti-ādi. Nivesanādīni bahigāmato sanniviṭṭhāni gahitāni antogāme ṭhitānaṃ gāmaggaḥaṇeneva gahitattā. **Sabbatthāti** gāmanigamanivesanādīsu pannarasasu. **Parikkhepādīti ādi**-saddena aparikkhepasseva gahaṇaṃ, na ekakulādīnampi tesāṃ ekūpacāratānānūpacāratānimittatābhāvā. Ettha ca sathassa katipāhaṃ katthaci niviṭṭhasseva parikkhepo hoti, na gacchantassa.

482-7. Gāmato bahi issarānaṃ samuddatīrādīsu katabhaṇḍasālā udositoti āha “**yānādīnan**”ti-ādi. **Muṇḍacchadanapāsādoti** nāti-ucco candikaṅgaṇayutto sikharakūṭamālādivirahito pāsādo.

489. **Pariyādiyitvāti** ajjhottharivā. **Nadīparihāroti** visumgāmādīnaṃ viya nadīparihārassa avuttattā cīvarahatthapāso evāti vadanti, aññe pana “iminā aṭṭhakathāvacaṇena nadīparihāropi visum siddho,

nadiyā hatthapāso na vijahitabbo”ti vadanti. **Vihārasīmanti** avippavāsasīmam sandhāyāha. Ettha ca vihārassa nānākulasantakabhāvepi avippavāsasīmāparicchedabbhantare sabbattha cīvara-avippavāsasambhavato tassā padhānattā tattha satthaparihāro na labbhatīti “**vihāram gantvā vasitabban**”ti vuttam. “**Satthasamīpe**”ti idam yathāvuttam abbhantarapricchedavasena vuttam. Pāḷiyam **nānākulassa sattho hoti, satthe cīvaram nikkhipitvā hatthapāsā na vijahitabbanti** ettha satthahatthapāso gahito.

490. **Ekakulassa khetteti** aparikkhittam sandhāya vadati.

491-4. **Vihāro** nāma upacārasīmā. Tattha **yasmim vihāreti** tassa antopariveṇādim sandhāya vuttam, ekakulādisantakatā cettha kārāpakānam vasena. **Chāyāya phutthokāsassāti** ujukam avakkhittaleḍḍupātabbhantarām sandhāya vadati.

Agamanapatheti tadaheva gantvā nivattetuṃ na sakuṇeyyake samuddamajjhe ye dīpakā, tesūti yojanā. **Itarasminti** puratthimadisāya cīvare. “**Uposathakāle -pa- vaḍḍhati**”ti iminā cīvaravippavāsasattabbhantarato samānasamvāsāya sattabbhantarāsīmāya accantavisadisatam dasseti. Tathā hi bahūsu bhikkhūsu ekato nisīditvā samantā sattabbhantarapricchedesu yathāsakam cīvaram ṭhapetvā pariharantesu ekekassa bhikkhuno nisinnokāsato paṭṭhāya paccekam sattabbhantarassa paricchedo aññamaññavisadiso anekavidho hoti, na eko parisapariyantato paṭṭhāya animitabbattā. Teneva tattha parisavasena vuḍḍhi, hāni vā na hoti, na evam sattabbhantarāsīmāya. Sā hi yojanikāyapi parisapariyantatova paṭṭhāya samantā sattabbhantarapricchinnā ekāva hoti. Teneva sā parisavasena vaḍḍhati, hāyati ca, tasmā aññāva sattabbhantarāsīmā añño sattabbhantarato paricchinno cīvaravippavāsaparihāro abbhokāsoti veditabban. Yañcetha vattabban, tam **khandhake sīmākathāyameva**¹ vakkhāma.

1. Vi 3. 147 piṭṭhe.

495. **Nadim otaratī**ti hatthapāsam muñcitvā otarati. **Bahigāme** **ṭhapetvā**ti apārupitabbatāya vuttam. **Vinayakammam kātabbanti** uttarāsaṅge ca bahigāme **ṭhapitasaṅghāṭiyañca** paṭhamam vinayakammam katvā pacchā uttarāsaṅgam nivāsetvā antaravāsake kātabbam. Ettha ca bahigāme **ṭhapitassāpi** vinayakammavacanato parammukhāpi **ṭhitam** vissajjitum, nissaṭṭham dātuñca vaṭṭatīti veditabbam. Daharānam gamane sa-ussāhattā **“nissayo pana na paṭippassambhatī”**ti vuttam. **Muhuttam -pa-paṭippassambhatī**ti sa-ussāhatte gamanassa upacchinnattā vuttam. Tesam pana purāruṇāva uṭṭahitvā sa-ussāhena gacchantānam aruṇe antarā uṭṭhitepi na paṭippassambhati **“yāva aruṇuggamanāsayantī”**ti vuttattā. Teneva **“gāmam pavisitvā -pa- na paṭippassambhatī”**ti vuttam. **Aññamaññassa vacanam aggahetvā**ti-ādimhi sa-ussāhattā gamanakkhaṇe paṭippassaddhi na vuttā. **Dhenubhayenā**ti taruṇavacchagāvīnam abhidhāvitvā siṅgena paharaṇabhayena. **Nissayo ca paṭippassambhatī**ti ettha dhenubhayādīhi **ṭhitānam** yāva bhayavūpasamā **ṭhātabbato** “anto-arūṇeyeva gamissāmī”ti niyametum asakkuṇeyyattā vuttam. Yattha pana evam niyametum sakkā, tattha antarāruṇe uggatepi nissayo na paṭippassambhati bhesajjathāya gāmappaviṭṭhadaharānam viya. **Antosīmāyam gāmanti** avippavāsasīmāsammutito pacchā patiṭṭhāpitagāmam sandhāya vadati gāmañca gāmūpacārañca **ṭhapetvā** sammannitabbato. **Paviṭṭhānanti** ācariyantevāsikānam visum visum gatānam avippavāsasimattā neva cīvarāni nissaggiyāni honti. Sa-ussāhatāya nissayo na paṭippassambhati. **Antarāmaggeti** dhammam sutvā āgacchantānam antarāmagge.

“Idha apaccuddharaṇan”ti iminā adhiṭṭhānavikappanāni viya paccuddharaṇampi kāyena vā vācāya vā kattabbanti dasseti. Kāyavācāhi kattabbassa akaraṇatoti idam kāyavācāsamuṭṭhānam vuttam. Adhiṭṭhitaticīvaratā, anattatakathinatā, aladdhasammutitā, rattivippavāsoti imānettha cattāri aṅgāni.

Udositasikkhāpadavaṇṇanā niṭṭhitā.

3. Tatiyakathinasikkhāpadavaṇṇanā

497. Tatiye pāḷiyam **cīvarapaccāsā nikkhipitunti** cīvarapaccāsāya satiyā nikkhipitunti attho. **Niṭṭhitacīvarasmim bhikkhunā**ti ettha dutiyakathine viya sāmivaseneva karaṇavacanassa attho veditabbo.

499-500. **Tuyham dammīti dinnanti** “tuyham bhante akālacīvaram dammī”ti evam dinnam, etampi kāle ādissa dinnam nāma hotīti adhippāyo. Idam pana aṭṭhakathāvacanam, pāḷiyam “kālepi ādissa dinnan”ti idaṅca “akālacīvaran”ti vacanasāmaññato labbhamānam sabbampi dassetuṃ atthuddhāravasena vuttam paṭhama-aniyate sotassa raho viya. Saṅghassa hi kālepi ādissa dinnam akāle uppannacīvaram viya sammukhībhūtehi vutthavassehi, avutthavassehi ca sabbehipi bhājetabbatāsāmaññena akālacīvaram nāma hotīti dassanattam atthuddhāravasena pāḷiyam “kālepi ādissa dinnan”ti vuttam, na pana “tato bhājetvā laddhacīvarampi akāle laddhacīvarampi vutthavassānam ekamāsaparihāram, pañcamāsaparihāram vā na labhati, paccāsācīvare asati dasāhaparihārameva labhātī”ti dassanattam vuttam, aṭṭhakathāyampi “ādissa dinnan”ti vacanasāmaññato labbhamānam sabbam atthuddhāravasena dassetuṃ “ekapuggalassa vā idam tuyham dammīti dinnan”ti vuttam, na pana tathā laddham vā akāle laddham vā anattakathinānam dasāhabbhantare adhiṭṭhātabbanti dassetunti veditabban itarathā pāḷi-aṭṭhakathāhi virujjhanato. Tathā hi **accekcīvarasikkhāpade** akāle uppannampi accekcīvaram “yāvācīvarakālasamayam nikkhipitabban”ti¹ vuttam, tassa aṭṭhakathāyaṅca “pavāraṇamāsassa juṅhapakkhapañcamiyam uppannassa accekcīvarassa anattate kathine ekādasadivasādhiko māsō, atthate kathine ekādasadivasādhikā pañca māsā ca parihāro vutto, tameva parihāram sandhāya ‘chaṭṭhito paṭṭhāya pana uppannam anaccekcīvarampi paccuddharitvā ṭhapitacīvarampi etam parihāram labhatiyevā’²ti vuttam. Tasmā kālepi akālepi ca yathātathā laddham atirekcīvaram vutthavassānam ekamāsam, pañcamāsam vā yathāraham parihāram labhati evāti gahetabban.

Evam pana avatvā padabhājanam vuttanti sambandho. Tattha **evanti** yam aṭṭhakathāyam “tato ce uttarī”ti imassa māsaparamato

1. Vi 1. 375 piṭṭhe.

2. Vi-Ṭṭha 2. 306 piṭṭhe.

uttarīti attho vutto, taṃ parāmasati. Padabhājanīyaṃ evamatthaṃ avatvā aññathā attho vuttoti adhippāyo. **Tāva uppannaṃ paccāsācīvaranti** paccattavacanaṃ. **“Mūlacīvaran”**ti idaṃ upayogavacanaṃ. **Attano gatikaṃ karotīti** anantarā dutiyadivasādīsu uppannaṃ paccāsācīvaraṃ māsaparamaṃ mūlacīvaraṃ ṭhabetuṃ adatvā attano dasāhaparamatāya eva patiṭṭhāpetīti attano gatikaṃ karotīti. **Tato uddhaṃ mūlacīvaranti** ettha pana **mūlacīvaranti** paccattavacanaṃ. Tañhi vīsatiṃadivasato uddhaṃ dvāvīsatiṃadivasādīsu uppannaṃ paccāsācīvaraṃ attanā saddhiṃ ekato sibbetvā ghaṭitaṃ dasāhaparamaṃ gantuṃ adatvā navāhaparamatādivasena attano gatikaṃ karoti, ekato asibbetvā viṣuṃ ṭhapitaṃ pana paccāsācīvaraṃ dasāhaparamameva.

Pāliyaṃ **dasāhāti** dasāhena. **Ekādase uppanneti-ādīsu** ekādasāhe uppanneti-ādinā attho, ayameva vā pāṭho gahetabbo. **Ekavīse uppanne -panavāhā kāretabbanti-ādi** paccāsācīvarassa uppannadivasāṃ ṭhabetvā vuttaṃ. Teneva **“tīmse -pa- tadaheva adhiṭṭhātabban”**ti vuttaṃ. **“Aññaṃ paccāsācīvaraṃ -pa- kāretabban”**ti idaṃ satiyā eva paccāsāya vuttaṃ. Sace pana **“ito paṭṭhāya cīvaraṃ na labhissāmī”**ti icchitaṭṭhānato paccāsāya upacchinnāya aññatthāpi yena kenaci upāyena paccāsaṃ uppādeti, mūlacīvaraṃ na adhiṭṭhātabbaṃ, sabbathā paccāsāya upacchinnāya dasāhātikkantaṃ mūlacīvaraṃ tadaheva adhiṭṭhātabbaṃ. **Paccāsācīvarampi parikkhāraḥaṃ adhiṭṭhātabbanti** paṭhamataraṃ uppannaṃ visabhāgaṃ sandhāya vadati. **Aññaṃaññanti** aññaṃ aññaṃ, ayameva vā pāṭho. Aṅgaṃ panettha paṭhamakathine vuttasadisameva. Kevalañhi tattha dasāhātikkamo, idha māsātikkamoti ayaṃ viseso.

Tatīyakathinasikkhāpadavaṇṇanā niṭṭhitā.

4. Purāṇacīvarasikkhāpadavaṇṇanā

503-5. Catutthe pāliyaṃ **bhattavissagganti** bhattassa udare vissajjanaṃ, pavesanaṃ ajjhoharaṇaṃ bhattakiccanti attho, bhojanapariyosānena bhattassa

vissajjanantipi vadanti. **Tattha nāma tvanti** so nāma tvaṃ, tāya nāma tvanti vā attho. Pitā ca mātā ca pitaro, pitūnaṃ pitā ca mātā ca **pitāmahā**, te eva yugaḷatṭhena **yugo**, tasmā yāva sattamā pitāmahayugā pitāmahāvaṭṭāti evamettha attho daṭṭhabbo. Evañhi pitāmahaggahaṇena mātāmaho ca pitāmahī mātāmahī ca gahitāva honti. Sattamayugato param “aññatakā”ti veditabban. **Yāti bhikkhunī**. Pitu mātā **pitāmahī**, mātu pitā **mātāmaho**.

Payoge payoge bhikkhussa dukkaṭanti “dhovā”ti āṇāpanavācāya ekāya eva tadanugūṇassa sabbassāpi payogassa āṇattattā vuttam.

506. Tadavinābhāvato dhovanassa “**kāyavikāraṃ katvā**”ti ca “**antodvādasahatthe**”ti ca vuttattā kāyena dhovāpetukāmataṃ appakāsetvā dānakhīpanapesanādiṃ karontassa ca dvādasahatthaṃ upacāraṃ muñcitvā bahi ṭhatvā kāyavācāhi āṇāpetvā khīpanapesanādiṃ karontassa ca anāpatti eva.

Ekena vatthunāti paṭhamakatena. Pañcasatāni pamāṇaṃ etāsanti **pañcasatā**. Bhikkhubhāvato parivattalingāpi bhikkhunī bhikkhūnaṃ santike ekato-upasampanā eva.

507. **Tāvakālikaṃ gahetvāti** attanā katipāhaṃ pārūpanādi-atthāya tāvakālikaṃ yācitvā. Purāṇacīvaratā, upacāre ṭhatvā aññātikāya bhikkhuniyā āṇāpanaṃ, tassā dhovāpanādīni cāti imānettha tīṇi aṅgāni.

Purāṇacīvarasikkhāpadavaṇṇanā niṭṭhitā.

5. Cīvarapaṭiggahaṇasikkhāpadavaṇṇanā

508. Pañcame **apaññatte sikkhāpadeti gaṇamhā ohīyanasikkhāpade**¹ apaññatte. **Koṭṭhāsasampattīti** kesādipañcakakoṭṭhāsānam kalyāṇatā. **Hatthataleyeva dassetvāti** hatthatalato sesakāyassa adassanam dīpeti.

510. **Vihatthatāyāti** vihatatāya, amissitatāya apaṭisaraṇatāyāti attho. Tenāha “**samabhittunnattā**”ti, byadhitattāti attho. Parivattetabbaṃ parivattam, tadeva **pārivattakam**, parivattetvā diyyamānanti attho.

Purimasikkhāpade² viya idha dvādasahattho upacāranīyamo natthīti āha “**upacāram muñcitvā**”ti. **Aññatra pārivattakāti** yaṃ antamaso harīṭakakhaṇḍampi datvā vā “**dassāmī**”ti ābhogaṃ katvā vā parivattakam gaṇhāti, taṃ ṭhapetvā. “**Taṃ acittakabhāvena na sameti**”ti iminā ñātībhāvājānanādīsu viya bhikkhunībhāvājānanādivasenāpi acittakataṃ pakāseti.

513-4. Tikañca taṃ pācittiyañcāti **tikapācittiyam**, pācittiyatikanti attho. **Pattatthavikādīti** anadhiṭṭhānupagaṃ sandhāya vadati. **Ko pana vādo pattatthavikādīsūti** mahatiyāpi tāva bhisicchaviyā anadhiṭṭhānupagattā anāpatti, vikappanupagapacchimappamāṇavirahitatāya anadhiṭṭhātabbesu kimeva vattabbanti dasseti. Pattatthavikādīni pana vikappanupagapacchimāni gaṇhitum na vaṭṭati eva. Paṭiggahaṇam **kiriya**, aparivattanam **akiriya**. Vikappanupagacīvaratā, pārivattakābhāvo, aññātīkāya hatthato gahaṇanti imānettha tīṇi aṅgāni.

Cīvarapaṭiggahaṇasikkhāpadavaṇṇanā niṭṭhitā.

1. Vi 2. 296 piṭṭhe.

2. Vi 1. 306 piṭṭhe.

6. Aññātakaviññattisikkhāpadavaṇṇanā

515. Chaṭṭhe paṭu eva **paṭṭo**. Pāḷiyam **dhammanimantanā**ti samaṇesu vattabbācāraddhammattavasena nimantanā, dātukāmatāya katanimantanā na hotīti attho. Teneva “**viññāpessati**”ti vuttam. Aññātakā-appavāritato hi viññatti nāma hoti.

517. “Tiṇena vā paṇṇena vā paṭicchādetvā āgantabban”ti iminā bhūtagāmapāpānam anuññātanti āha “**neva bhūtagāmapāpābyatāyā**”ti-ādi. Paṭhamam suddhacittena liṅgam gahetvā pacchā laddhim gaṇhantopi titthiyapakkantako evāti āha “**nivāsetvāpi laddhi na gahetabbā**”ti.

Yam āvāsam paṭhamam upagacchatīti etthāpi vihāracīvarādi-atthāya pavasantenapi tiṇādīhi paṭicchādetvāva gantabban, na tveva naggena āgantabbanti sāmāññato dukkaṭassa vuttattā. **Cimilikāhī**ti paṭapilotikāhi. **Paribhogenevā**ti aññam cīvaram alabhitvā paribhuñjanena. **Paribhogajijñanti** yathā tam cīvaram paribhuñjijyamānam obhaggavibhagatāya asārupam hoti, evam jijñam.

521. **Aññassatthāyā**ti etthāpi “ñātakānam pavāritānan”ti idam anuvattati evāti āha “**attano ñātakapavārite**”ti-ādi. Idha pana aññassa acchinnanaṭṭhacīvarassa atthāya aññātakā-appavārite viññāpentassa nissaggiyena anāpattīti attho gahetabbo, itarathā “ñātakānam pavāritānan”ti iminā viseso na bhavēyya. Teneva anantarasikkhāpade vakkhati “aṭṭhakathāsu pana ñātakaparivātaṭṭhāne -pa- pamāṇameva vaṭṭatīti vuttam, tam pāḷiyā na sametī”ti¹ ca “yasmā panidam sikkhāpadam aññassatthāya viññāpanavattusmiṃyeva paññattam, tasmā idha ‘aññassatthāyā’ti na vuttan”ti¹ ca. Vikappanupagacīvaratā, samayābhāvo, aññātakaviññatti, tāya paṭilābhoti imānettha cattāri aṅgāni.

Aññātakaviññattisikkhāpadavaṇṇanā niṭṭhitā.

7. Tatuttarisikkhāpadavaṇṇanā

522-524. Sattame pāḷiyam **paggāhikasālanti** dussāpaṇam. Tañhi vāṇijakehi dussāni paggahetvā dassanaṭṭhānatāya “paggāhikasālā”ti vuccati. **Assa cīvarassāti** sādītabbacīvarassa. “**Ticīvarikenā**”ti iminā acchinnaticīvarato aññassa vihārādīsu nihitassa cīvarassa abhāvam dasseti. Yadi bhaveyya, viññāpetum na vaṭṭeyya. Tāvakālikam nivāsetvā attano cīvaram gāhetabbaṃ, tāvakālikampi alabhantassa bhūtagāmaṃvīkopaṇam katvā tiṇapaṇṇehi chadanam viya viññāpanampi vaṭṭati eva. **Aññenāti** acchinna-asabbacīvarena. **Dve natṭhānīti** adhikārato vuttam “**dve sādītabbānī**”ti.

526. **Pāḷiyā na sametīti** “anāpatti nātakānam pavāritānan”ti¹ imāya pāḷiyā na sameti tatuttariviññāpana-āpattippasaṅge eva vuttattā. “**Aññassatthāyāti na vuttan**”ti idaṃ aññassatthāya tatuttari viññāpane nissaggiyam pācittiyam hotīti imamattham dīpeti, tañca pācittiyam yesam atthāya viññāpeti, tesam vā siyā, viññāpakasseva vā, na tāva tesam tehi aviññāpitattā, nāpi viññāpakassa attānam uddissa aviññāpitattā. Tasmā aññassatthāya viññāpentassāpi nissaggiyam pācittiyam na dissati. Pāḷiyam pana imassa sikkhāpadassa attano sādīyanapaṭibaddhatāvasena pavattattā “aññassatthāyā”ti anāpattivāre na vuttanti, vadanti, tañca yuttam viya dissati, vīmaṃsitvā gahetabbaṃ. Tatuttaricīvaratā, acchinnādikāraṇatā, aññātakaviññatti, tāya ca paṭilābhoti imānettha cattāri aṅgāni.

Tatuttarisikkhāpadavaṇṇanā niṭṭhitā.

8. Paṭhama-upakkhaṭasikkhāpadavaṇṇanā

528-531. Aṭṭhame **yo kattāti** dāyakam sandhāya vuttam. Paṭo eva **paṭako**. “**Appaggham cetāpeti**”ti idaṃ nissaggiyapācittiyā anāpattim sandhāya vuttam, viññattipaccayā pana dukkaṭameva. “Pubbe appavārito”ti hi

1. Vi 1. 317 piṭṭhe.

sutte viññattikāraṇaṃ vuttaṃ. **Mātikāṭṭhakathāyampi** “cīvare bhiyyokamyatā, aññātakaviññatti, tāya ca paṭilābhoti imānettha tīṇi aṅgāni”¹ aññātakaviññattitā pakāsītā, keci pana “dāyakena dātukāmomhīti attano santike avuttepi yadagghanakaṃ so dātukāmo, tadagghanakaṃ āharāpetuṃ vaṭṭati evā”² ti vadanti, taṃ **rājasikkhāpadatṭhakathāyapi**² na sameti, dūtena vā dāyakena vā “āyasmantaṃ uddissa cīvaracetāpannaṃ ābhatan”³ ti ārocitepi mukhavevaṭṭiyakappiyakāraḍānāṃ santikā āharāpanassa tattha paṭikkhittatā. Vuttañhi tattha “ime dve aniddiṭṭhakappiyakāraḍā nāma, etesu aññātika-appavāritesu viya paṭipajjitabbaṃ -pa- na kiñci vattabbā. Desanāmetameva cetāṃ ‘dūtena cīvaracetāpannaṃ paṇeyyā’³ ti sayāṃ āharitvāpi piṇḍapātādīnaṃ atthāya dadantesupi³ eseva nayo”². Mukhavevaṭṭiyakappiyakāraḍādayo hi dāyakena pariccattepi vatthumhi “asukassa santike cīvarapiṇḍapātādīnaṃ gaṇhathā”³ ti aniddiṭṭhattā eva “na kiñci vattabbā”³ ti vuttaṃ, na pana tassa vatthuno mukhavevaṭṭiyādīnaṃ santakattā, tasmā idhāpi dāyakena vā dūtena vā “yaṃ icchatha, taṃ vadathā”³ ti appavāritassa vadato dukkaṭameva. **Agghavaḍḍhanakanti** cīvare agghavaḍḍhanakaṃ nissāya pavattaṃ idaṃ sikkhāpadaṃ, na piṇḍapātādīsū tesu agghavaḍḍhanassa dukkaṭamattattā, paṇītapīṇḍapāte suddhikapācittiyattā cāti gahetabbaṃ. Teneva “cīvare bhiyyokamyatā”³ ti aṅgaṃ vuttaṃ.

Paṭhama-upakkhaṭasikkhāpadavaṇṇanā niṭṭhitā.

9. Dutīya-upakkhaṭasikkhāpadavaṇṇanā

533. Navame pāḷiyāṃ **paccekacīvaracetāpannā**ti paccekaṃ niyametvā cīvaracetāpannā, ekekena visuṃ visuṃ niyamitā cīvaracetāpannāti attho. **Ubhova santā ekenā**ti ubho ekatova santā, ubho ekato hutvāti attho.

Dutīya-upakkhaṭasikkhāpadavaṇṇanā niṭṭhitā.

1. Kaṅkhā-Ṭṭha 168 piṭṭhe.

2. Vi-Ṭṭha 2. 256 piṭṭhe.

3. Vadantesupi (Ka)

10. Rājasikkhāpadavaṇṇanā

537. Dasame “ajjaṇho”ti “ajja no”ti vattabbe hakārāgamaṃ, nakārassa ca ṇa-kāraṃ katvā vuttoti āha “**ajja ekadivasam amhākan**”ti.

538-9. Yam vuttaṃ **mātikāṭṭhakathāyam**¹ “iminā cīvaracetāpanna cīvaraṃ cetāpetvā itthannāmaṃ bhikkhuṃ cīvarena acchādehīti idaṃ āgamanasuddhiṃ dassetuṃ vuttaṃ, sace hi ‘idaṃ itthannāmassa bhikkhuno dehī’ti peseyya, āgamanassa asuddhattā akappiyavattumu ārabha bhikkhunā kappiyakāraṃ niddisitaṃ na bhavyeyā”ti, taṃ nissaggiyavattudukkaṭavattubhūtaṃ akappiyacīvaracetāpannaṃ “asukassa bhikkhuno dehī”ti evaṃ āgamanasuddhiyā asati, sikkhāpade āgatanayena dūtavacane ca asuddhe sabbathā paṭikkhepo eva kātuṃ vaṭṭati, na pana “cīvaraṇca kho mayam paṭiggaṇhāmā”ti vuttuṃ, tadanusārena na veyyāvaccakaraṇca niddisituṃ āgamanadūtavacanānaṃ ubhinnaṃ asuddhattā. Pāḷiyam āgatanayena pana āgamanasuddhiyā sati dūtavacane asuddhepi sikkhāpade āgatanayena sabbam kātuṃ vaṭṭatīti dassanattamaṃ vuttaṃ. Tena ca yathā dūtavacanāsuddhiyampi āgamane suddhe veyyāvaccakarampi niddisituṃ vaṭṭati, evaṃ āgamanāsuddhiyampi dūtavacane suddhe vaṭṭati evāti ayamatto atthato siddhova hoti, ubhayasuddhiyam vattabbameva natthīti ubhayāsuddhipakkhameva sandhāya **mātikāṭṭhakathāyam** “kappiyakāraṃ niddisitaṃ na bhavyeyā”ti¹ vuttanti veditabbaṃ.

Yam panettha **sāratthadīpaniyam** “āgamanassa suddhiyā vā asuddhiyā vā visesappayojanaṃ na dissatī”ti-ādi² vuttaṃ, taṃ mātikāṭṭhakathāvacanassa adhippāyam asallakkhetvā vuttaṃ yathāvuttanayena āgamanasuddhi-ādinā sappayojanattā. Yo panettha “mūlasāmikena kappiyavohārasena, pesitassa dūtassa akappiyavohārasena ca vadatopi kappiyakāraṃ niddisitaṃ na bhavyeyā”ti anīṭṭhappasaṅgo vutto, so anīṭṭhappasaṅgo eva na hoti abhimatattā. Tathā hi **sikkhāpade** eva “paṭiggaṇhātu āyasmā cīvaracetāpanna”ti akappiyavohārena vadato dūtassa

1. Kaṅkhā-Ṭṭha 169 piṭṭhe.

2. Sārattha-Ṭṭi 2. 407 piṭṭhe.

kappiyena kammaena veyyāvaccakaro niddisitaḅbo vutto āgamanassa suddhattā, āgamanassāpi asuddhiyaḅ pana kappiyenāpi kammaena veyyāvaccakaro na niddisitaḅboti attheva āgamanassa suddhi-asuddhīsu payoḅanaḅ. Kathaḅ pana dūtavacanena āgamanasuddhi viññāyatīti? Nāyaḅ bhāro. Dūtena hi akappiyavohāreneva vutte eva āgamanasuddhi gavesitaḅbā, na itarathā, tattha ca tassa vacanakkamena pucchitvā ca yutti-ādīhi ca sakkā viññātuḅ. Idhāpi hi **sikkhāpade** “cīvaracetāpannaḅ ābhatan”ti dūtavacaneneva cīvaraḅ kiḅitvā dātuḅ pesitaḅbhāvo viññāyati. Yadi hi sabbathā āgamanasuddhi na viññāyati, paṭikkhepo eva kattaboti.

Pāliyaḅca “cīvaraḅca kho mayaḅ paṭiggaḅhāḅmā”ti-ādi dūtavacanassa akappiyattepi āgamanasuddhiyā sati paṭipajjanavidhidassanatthaḅ vuttaḅ. “Eso kho -pa- na vattabbo ‘tassa dehi’ti”ādi akappiyavatthusādiyanaparimocanatthaḅ vuttaḅ. “Saḅñatto”ti-ādi “evaḅ dūtena puna vutte eva codetuḅ vaṭṭati, na itarathā”ti dassanatthaḅ vuttaḅ. “Na vattabbo ‘dehi me cīvaraḅ -pa- cetāpehi me cīvaran’ti” idaḅ dūtenābhatarūpiyaḅ paṭiggahetuḅ attanā niddiṭṭhakappiyakārakattāva “dehi me cīvaraḅ -pa- cetāpehi me cīvaran”ti vadanto rūpiyassa pakatattā tena rūpiyena parivattetvā “dehi cetāpehi”ti rūpiyaḅvaḅhāraḅ samāpajjanto nāḅa hotīti taḅ dosaḅ dūrato parivajjetuḅ vuttaḅ rūpiyapaṭiggahaḅena samḅghamaḅjje nissaṭṭharūpiye viya. Vuttaḅhi tattha “na vattabbo imaḅ vā imaḅ vā āharaḅ”ti¹. Tasmā na idaḅ viññattidosāḅ parivajjetuḅ vuttanti veditaḅbanaḅ, “attho me āvuso cīvarenaḅ”tipi avattabbatāpasaḅgato, teneva dūtaniddiṭṭhesu rūpiyaḅvaḅhārasaḅkābhāvato aḅñnaḅ kappiyakāraḅkaḅ ṭhapetvāpi āharāpetabbanti vuttaḅ. Tatthāpi “dūtena ṭhapitarūpiyena cetāpetvā cīvaraḅ āharāpehi”ti avatvā kevalaḅ “cīvaraḅ āharāpehi”ti evaḅ āharāpetabbanti adhippāyo gahetabbo. **Ṭhānaḅ bhaḅñjati**ti ettha **ṭhānanti** ṭhitiyā ca kāraḅassa ca nāḅaḅ, tasmā āsane nisīdanena ṭhānampi kuppanti, āgatakāraḅampi tesāḅ na viññāyati. Ṭhitaḅ pana akopetvā āmisapaṭiggahaḅādīsu² āgatakāraḅameva bhaḅñjati, na ṭhānaḅ. Tenāḅa “**āgatakāraḅaḅ bhaḅñjati**”ti. Keci pana “āmisapaṭiggahaḅādīnaḅ ṭhānampi bhaḅñjati”ti vadanti, taḅ aṭṭhakathāya na sameti.

1. Vi-Ṭṭha 2. 270 piṭṭhe.

2. Āmisapaṭiggahaḅādīsu pana (Sī, Ka)

Yatassa cīvaracetāpannanti-ādi yena attanā veyyāvaccakaro niddiṭṭho, cīvaraṅca anipphāditaṃ, tassa kattabbavidhidassanaṃ. Evaṃ bhikkhunā vatthusāmikānaṃ vutte te codetvā denti, vaṭṭati “sāmikā codetvā denti”ti anāpattiyāṃ vuttattā. Tena ca yo sayāṃ acodetvā upāsakādihi pariyāyena vatvā codāpeti, tesu sattakkhattumpi codetvā cīvaraṃ dāpentesu tassa anāpatti siddhā hoti sikkhāpadassa anāṇattikattā.

Kenaci aniddiṭṭho attano mukheneva byāvaṭaḥbhāvaṃ veyyāvaccakarattaṃ patto **mukhavevaṭiko**. “**Avicāretukāmatāyā**”ti iminā vijjamānampi dātuṃ anicchantā ariyāpi vañcanādhippāyāṃ vinā vohārato natthīti vadantīti dasseti. **Bhesajjakkhandhake** meṇḍakasetṭhivatthumhi¹ vuttaṃ “santi bhikkhave”ti² ādivacanameva **meṇḍakasikkhāpadam** nāma. **Kappiyakārakānaṃ hattheti** dūtena niddiṭṭhakappiyakārake sandhāya vuttaṃ, na pana bhikkhunā niddiṭṭhe, aniddiṭṭhe vāti. Tenāha “**ettha ca codanāya pamāṇaṃ natthī**”ti-ādi.

Sayāṃ āharitvā dadantesūti sambandho. “**Piṇḍapātādīnaṃ atthāyā**”ti iminā cīvaratthāyeva na hotīti dasseti. “**Eseva nayo**”ti iminā vatthusāminā niddiṭṭhakappiyakārakabhedesupi piṇḍapātādīnaṃ atthāya dinne ca ṭhānacodanādi sabbaṃ heṭṭhā vuttanayeneva kātabbanti dasseti.

“**Samghaṃ vā -pa- anāmasitvā**”ti vuttattā “samghassa vihāratthāya demā”ti-ādinā āmasitvā vadantesu paṭikkhipitabbameva. “**Samghosampaṭicchati**”ti idaṃ ukkaṭṭhavasena vuttaṃ, gaṇādīsipi samghassatthāya sampāṭicchantesupi paṭiggahaṇepi paribhogepi dukkaṭameva. **Sāratthadīpaniyāṃ** “paṭiggahaṇe pācittiyāṃ”ti³ vuttaṃ, taṃ na yuttaṃ samghacetiyādīnaṃ atthāya dukkaṭassa vuttattā. **Codeṭīti** tassa dosābhāvaṃ ṇatvāpi kodhena vā lobhena vā bhaṇḍadeyyanti codeti. So eva hi musāvādāpaccayā pācittiyadukkaṭādi-āpattīhi sāpattiko hoti, gīvātisaññāya pana vatvā niddosabhāvaṃ ṇatvā viramantassa natthi āpatti.

1. Vi 3. 341 piṭṭhe.

2. Vi 3. 342 piṭṭhe.

3. Sārattha-Ṭī 2. 410 piṭṭhe.

Taḷākaṃ khette pavitṭhattā “na sampaṭicchitabban”ti vuttaṃ. **Cattāro paccaye saṃgho paribhuñjatūti deti, vaṭṭatī**ti ettha “bhikkhusaṃghassa catupaccayaparibhogatthāya taḷākaṃ dammī”ti vā “bhikkhusaṃgho cattāro paccaye paribhuñjituṃ taḷākaṃ dammī”ti vā “ito taḷākato uppanne cattāro paccaye dammī”ti vā vattumpi vaṭṭati, idaṅca saṃghassa paribhogatthāya diyyamānaññeva sandhāya vuttaṃ, puggalassa pana evampi dinnam taḷākakhetṭādi na vaṭṭati. Suddhacittassa pana udakaparibhogattham kūpapokkharanī-ādayo vaṭṭanti. “Saṃghassa taḷākaṃ atthi, taṃ kathan”ti hi ādinā sabbattha saṃghavaseneva vuttaṃ. **Hattheti** vase.

“**Ṭhapethāti vutte**”ti idam sāmīcivasena vuttaṃ, avuttepi ṭhapentassa doso natthi. Tenāha “**udakaṃ vāretuṃ labbhati**”ti. Sassakālepi tāsetvā muñcituṃ vaṭṭati, amuñcato pana bhaṇḍadeyyam. **Puna detī**ti acchinditvā puna deti, evampi vaṭṭatīti sambandho. Iminā “yena kenaci issarena ‘pariccattamidaṃ bhikkhūhi, assāmikan’ti saññāya attanā gahetvā dinnam vaṭṭatī”ti dasseti. Kappiyavohārepi vinicchayaṃ vakkhāmāti pāṭhaseso.

Udakavasenāti udakaparibhogattham. “**Suddhacittānan**”ti idam sahatthena ca akappiyavohārena ca karonte sandhāya vuttaṃ. Sassasampādanatthanti evam asuddhacittānampi pana sayam akatvā kappiyavohārena āṇāpetuṃ vaṭṭati eva. “**Kappiyakāraṃ ṭhapetuṃ na vaṭṭatī**”ti idam sahatthādinā katataḷākattā “asāruppan”ti vuttaṃ, ṭhapentassa, pana taṃ paccayam paribhuñjantassapi vā saṃghassa āpatti na viññāyati, aṭṭhakathāpamāṇena vā ettha āpatti gahetabbā. **Lajjibhikkhunāti** lajjināpi, pageva alajjinā mattikuddharaṇādīsu kārāpitesūti adhippāyo. **Navasasseti** akatapubbe kedāre. “**Kahāpane**”ti iminā dhaññuṭṭhāpane tasseva akappiyanti dasseti, dhaññuṭṭhāpane cassa payogepi dukkaṭameva, na kahāpaṇuṭṭhāpane viya.

“**Kasatha vapathā**”ti vacane sabbesampi akappiyam siyāti āha “**avatvā**”ti. **Ettako nāma bhāgoti** ettha ettako kahāpaṇoti idampi sandhāya vadati. Tathā vuttepi hi tadā kahāpaṇānam

avijjāmanattā āyatim uppannam aññesaṃ vaṭṭati eva. Tenāha “**tasseva taṃ akappiyan**”ti. Tassa pana sabbapayogesu, paribhogesupi dukkaṭam. Keci pana “dhañṇaparibhoge eva āpatti, na pubbapayoge”ti vadanti, taṃ na yuttaṃ, yena minanarakkhaṇādipayogena pacchā dhañṇaparibhoge āpatti hoti, tassa payogassa karaṇe anāpattiyā ayuttattā. Pariyāyakathāya pana sabbattha anāpatti. Teneva “**ettakehi vīhīhi idañcīdañca āharathā**”ti niyamavacane akappiyaṃ vuttaṃ, kahāpaṇavicāraṇepi eseva nayo. Vatthu ca evarūpaṃ nāma saṃvijjati, kappiyakāraṇo natthīti vattabbanti-ādivacanañcetta sādhamā.

Vanam dammi -pa- vaṭṭatiti ettha nivāsaṭṭhānattā puggalassāpi suddhacittena gahetuṃ vaṭṭati. **Sīmam demāti** vihārasīmādisādhāraṇavacanena vuttattā “**vaṭṭati**”ti vuttaṃ.

“**Veyyāvaccakaran**”ti-ādinā vuttepi puggalassāpi dāsaṃ gahetuṃ vaṭṭati “**anujānāmi bhikkhave ārāmikaṃ**”ti¹ visesetvā anuññātattā, tañca kho pilindavacchena gahitaparibhuttakkamena, na gahaṭṭhānaṃ dāsaparibhogakkamena. Khettādayo pana sabbe saṃghasseva vaṭṭanti **pāliyaṃ** puggalikavasena gahetuṃ ananuññātattāti daṭṭhabbāṃ. **Vihārassa demāti** saṃghikavīhāraṃ sandhāya vuttaṃ, “khettavatthupaṭiggahaṇā paṭivirato hoti”ti-ādinā² suttantesu āgatapaṭikkhepo bhagavatā āpattiyāpi hetubhāvena katoti bhagavato adhippāyaṃ jānantehi saṅgītimahātherehi khettapaṭiggahaṇādinissito ayaṃ sabbopi pālimuttavinicchayo vuttoti gahetabbo. Kappiyakāraṇassa niddiṭṭhabhāvo, dūtena appitatā, tatuttari vāyāmo, tena paṭilābhoti imānettha cattāri aṅgāni.

Rājasikkhāpadavaṇṇanā niṭṭhitā.

Niṭṭhito cīvaravaggo paṭhamo.

1. Vi 1. 360; Vi 3. 300 piṭṭhesu.

2. Dī 1. 5, 61 piṭṭhesu.

2. Kosiyavagga 1. Kosiyasikkhāpadavaṇṇanā

542. Dutiyassa paṭhame pāḷiyam **kosiyakāra**keti kosakārapāṇānam kosato nibbattatā kosiyena suttena vatthādim karonte. **Saṅghātanti** vināsam.

544. “**Avāyiman**”ti vuttatā vāyitvā karaṇe anāpatti. **Missetvāti** eḷakalomehi missetvā. **Paṭilābhenāti** pariniṭṭhānena “pariyosāpeti, nissaggiyan”ti¹ vuttatā, kosiyamissakatā, attano atthāya santhatassa karaṇakārāpanam, paṭilābho cāti imānettha tīṇi aṅgāni.

Kosiyasikkhāpadavaṇṇanā niṭṭhitā.

547-552. Dutiyāñca tatiyāñca uttānameva. Tattha pana odātādimissakasaññāya suddhakāḷakānaññeva santhatassa karaṇavasena cettha dvebhāgato adhikesu suddhakāḷakesu anadhikasaññāya santhatassa karaṇavasena ca acittakatā veditabbā.

4. Chabbassasikkhāpadavaṇṇanā

557. Catutthe **hada** karīsussagge, **miha** secaneti dhātu-attham sandhāyāha “**vaccampi passāvampi karonti**”ti. Ūnakachabbassesu atirekachabbassasaṅkitādivasenettha² acittakatā veditabbā.

Chabbassasikkhāpadavaṇṇanā niṭṭhitā.

1. Vi 1. 329 piṭṭhe.

2. Saññitādivasenettha (Sī)

5. Nisīdanasanthasikkhāpadavaṇṇanā

565. Pañcame **tattha sandississatī**¹ sakāya katikāya ayuttakāritāvasena viññūhi sandississatī² attho. Araññakaṅgādīni tīṇi pāḷiyam senāsanādipaccayattayassa ādi-aṅgavasena vuttāni, sesānipi te samādiyimsu evāti veditabbam.

566. **Pihayantā**ti patthayantā. Santhatassa avāyimattā, senāsanaparikkhāratā ca³ cīvaratā, adhiṭṭhātabbatā ca natthīti āha “**catutthacīvarasaññitāyā**”ti, vipallāsasaññāyāti attho. Keci pana “idaṃ nisīdanasanthakam nāma navasu cīvaresu nisīdanacīvameva, nāññam. **Nisīdanasikkhāpade**⁴ imasmim sikkhāpade viya ‘nisīdanam nāma sadasam vuccatī’ti ca aṭṭhakathāyañcassa ‘santhatasadisam santharivā ekasmim ante sugatavidatthiyā vidatthimatte padese dvīsu ṭhānesu phāletvā tisso dasā karīyanti, tāhi dasāhi sadasam nāma vuccatī’ti⁵ ca vuttattā”ti vadanti, tam na yuttam idha pamāṇaniyamassa avuttattā, santhatassa ca avāyimacīvarattā, adhiṭṭhānupagattābhāvā aṭṭhakathāyam avuttattā ca. Nisīdanacīvaram pana channam cīvarānam khaṇḍapilotikāni pamāṇayuttameva santharivā santhataṃ viya karonti. Teneva “santhatasadisam”ti sadisaggahaṇam kataṃ, tasmā tadeva cīvaram adhiṭṭhānupagañca, na idanti gahetabbam.

567. Sugatavidatthikam anādāya ādiyantisāññāya, sugatavidatthi-ūne anūnantisaññāya ca vasenettha acittakatā veditabbā. Vitānādīnaññeva atthāya karaṇe anāpattivacanato nipajjanatthāya karotopi āpatti eva. **Paribhuñjitum na vaṭṭatī**ti kosiyesu suddhakāḷakānañca vatthūnam akappiyattā vuttam. Teneva **pāḷiyam** “aññena kataṃ paṭilabhitvā paribhuñjati, āpatti dukkaṭassā”ti⁶ tattha tattha vuttam, itaresu panadvīsu “anāpatti”ti vuttam. Tattha catutthe aññassatthāya karaṇepi anāpatti, pañcame tattha dukkaṭanti daṭṭhabbam. Nissaṭṭhadānavacanato pana gahaṇe doso natthi, paribhuñjane ca vijaṭetvā kappiyavasena kate na doso.

Nisīdanasantha tasikkhāpadavaṇṇanā niṭṭhitā.

1. Sandissatī (Sī, Syā, Ka)

3. Sayanāsanaparikkhāratā ca (Sī)

5. Vi-Ṭṭha 3. 155 piṭṭhe.

2. Sandissati ñāyissatī (Sī)

4. Vi 2. 221 piṭṭhe.

6. Vi 1. 329, 331 piṭṭhādīsu.

6. Eḷakalomasikkhāpadavaṇṇanā

572. Chaṭṭhe pāḷiyam “**addhānamaggappaṭipannassā**”ti idaṃ vatthuvaseṇa vuttam. Nivāsaṭṭhāne laddhānipi tiyojanato param haritum na vaṭṭati eva. **Asante hāraketi** anurūpato vuttam. Santepi hārake harato natthi doso. **Āpattiyevāti** anāñattena haṭattā. Pakkhadvayassapi kāraṇamāha “**sa-ussāhattā**”ti, anuparatagamanicchattāti attho. Suddhacittapakksasseva kāraṇamāha “**acittakattā**”ti. **Na sametīti** “anāpatti, aññam harāpeti”ti ettakasseva parihaṇe vuttattā. **Agacchanteti** ṭhite. **Heṭṭhāti** bhūmiyā.

575. **Tam harantassāti** paṭhamam paṭilābhaṭṭhānato paṭṭhāya tiyojanato uddham harantassāti attho. Tathā harantassa hi corehi acchinditvā puna adinnaṭṭhānato tiyojanam haritum vaṭṭati. Keci pana “**mātikāṭṭhakathāyam**” aṅgesu ‘paṭhamappaṭilābho’¹ vuttattā dutiyappaṭilābhaṭṭhānato tiyojanātikamepi anāpatti”ti vadanti, tam na yuttam, dutiyappaṭilābhassāpi paṭilābhaṭṭhāne pavisanato vāsathāya gamanaṭṭhānato puna gamane viya. **Kāyabandhanādīnanti** dvipaṭalakāyabandhanādīnam antare pakkhittam pasibbake pakkhittasadisam, na katabhaṇḍanti vuttam, tathā **nidhānamukhanti**. Akatabhaṇḍatā, paṭhamappaṭilābho, tiyojanātikamanam, āharaṇapaccāharaṇam, avāsādhippāyatāti imānettha pañca aṅgāni.

Eḷakalomasikkhāpadavaṇṇanā niṭṭhitā.

7. Eḷakalomadhovāpanasikkhāpadavaṇṇanā

581. Sattame pāḷiyam anāpattivāre **aparibhuttam katabhaṇḍam dhovāpetīti** ettha paribhuttassa kambalādikatabhaṇḍassa dhovāpanam purāṇacīvaradhovāpanasikkhāpadena āpattikaranti tannivattanattham “**aparibhuttam katabhaṇḍan**”ti vuttam. Sesamettha uttānatthameva.

Eḷakalomadhovāpanasikkhāpadavaṇṇanā niṭṭhitā.

1. Kaṅkhā-Ṭṭha 174 piṭṭhe.

8. Rūpiyasikkhāpadavaṇṇanā

583-4. Aṭṭhame suvaṇṇamayakahāpaṇena kahāpaṇopi rajate eva saṅgayhatīti āha “sovaṇṇamayo vā”ti. Rūpiyamayo vāti rajatena rūpaṃ samuṭṭhapetvā katakahāpaṇo. Pākatico nāma etarahi pakatikahāpaṇo.

Iccetaṃ sabbampīti sikkhāpadena, vibhaṅgena ca vuttaṃ sabbampi nidasseti. Tassa catubbidhaṃ nissaggiyavatthūti imināva sambandho, na pana anantarena “rajatan”ti padena. Idāni taṃ catubbidhaṃ nissaggiyavatthūṃ sarūpato dassento “**rajatan**”ti-ādimāha. Tattha kiñcāpi heṭṭhā rajatamāsakova vutto, na kevalaṃ rajataṃ, tathāpi sikkhāpade “jātarūparajatan”ti padeneva vuttanti tampi dassetuṃ “rajatan”ti idaṃ visuṃ vuttaṃ. Padabhājane pana mātikāpadeneva siddhattā taṃ avatvā tena saha saṅgayhamānameva dassetuṃ “rajataṃ nāma kahāpaṇo”ti-ādi vuttanti veditabbaṃ. **Jātarūpamāsakoti** suvaṇṇamayakahāpaṇo. **Vuttappabhedoti** “rūpiyamayo vā pākatico vā”ti-ādinā vuttappabhedo. Paṭova **paṭako**, vatthaṃ. **Dukkaṭamevāti** paṭiggāhakasseva paṭiggahaṇapaccayā dukkaṭaṃ, paribhoge pana pañcasahadhammikehi paṭiggahitānaṃ dhaññavirahitamuttādīnaṃ kāraṇā uppannapaccayaṃ paribhuñjantānaṃ sabbesampi dukkaṭammeva. Keci pana “dhaññampi pañcasahadhammikehi paṭiggahitaṃ muttādikhettādi viya sabbesampi paribhuñjituṃ na vaṭṭati, kevalaṃ saṅghikabhūmiyaṃ kappiyavohārena ca uppannassa dhaññassa vicāraṇameva sandhāya ‘tassevetāṃ akappiyaṃ’ti vuttan”ti vadanti.

Eko sataṃ vā sahasaṃ vāti-ādi rūpiye heṭṭhimakoṭiyā pavattanākāraṃ dassetuṃ vuttaṃ, na pana “evaṃ paṭipajjitabbamevā”ti dassetuṃ. “Idha nikkhipāhi”ti vutte uggaṇhāpanaṃ hotīti āha “**idha nikkhipāhīti na vattabbaṃ**”ti. **Kappiyañca -pa-** hotīti yasmā asāditattā tato uppannapaccayā vaṭṭanti, tasmā kappiyaṃ nissāya ṭhitaṃ. Yasmā pana dubbicāraṇāya satī tato uppannampi na kappati, tasmā akappiyaṃ nissāya ṭhitaṃ veditabbaṃ.

“**Na tena kiñci kappiyabhaṇḍaṃ cetāpitan**”ti iminā cetāpitaṃ ce, natthi paribhogūpāyo uggaṇhetvā anissaṭṭharūpiyena cetāpitattā. Īdisaṅhi saṅghamajjhe nissajjanaṃ katvāva chaḍḍetvā pācittiyaṃ desetabbanti dasseti.

Keci pana “yasmā nissaggiyavattum paṭiggahetvāpi cetāpitaṃ kappiyabhaṇḍaṃ saṃghe nissaṭṭhaṃ kappiyakārakehi nissaṭṭharūpiyaṃ parivattetvā ānītakappiyabhaṇḍasadisam hoti, tasmā vināva upāyaṃ bhājetvā paribhuñjitum vaṭṭatī”ti vadanti, taṃ **pattacatuḅkādikathāya**¹ na sameti. Tattha rūpiyena parivattitapattassa aparibhogova dassito, na nissajjanavidhānanti. **Upanikkhepaṃ ṭhapetvā**ti kappiyakārakehi vaḍḍhiyā payojanaṃ sandhāya vuttaṃ. **Akappiyanti** tena vatthunā gahitattā vuttaṃ.

585. “**Patitokāsaṃ asamannāharantenā**”ti idaṃ nirapekkhabhāvadassanaparanti veditabbaṃ. **Asantasambhāvanāyāti** pariyaādinā abhūtārocanaṃ sandhāya vuttaṃ. **Theyyaparibhogoti** paccayasāminā bhagavatā ananuññātattā vuttaṃ. **Ṇaparibhogoti** bhagavatā anuññātampi kattabbaṃ akatvā paribhuñjanato vuttaṃ, tena ca paccayasannissitasīlaṃ vipajjatīti dasseti. **Paribhoge paribhogeti** kāyato mocetvā mocetvā paribhoge. Pacchimaāmesu paccavekkhitabbanti yojanā. **Ṇaparibhogatṭhāne tiṭṭhatīti** ettha “hiyyo yaṃ mayā cīvaraṃ paribhuttaṃ”ti ādināpi atītapaccavekkhaṇā vaṭṭatīti vadanti. **Paribhoge paribhogeti** udakapātanaṭṭhānato antopavesanesu, nisīdanasayanesu ca. **Satipaccayatā vaṭṭatīti** paccavekkhaṇasatiyā paccayattaṃ laddhum vaṭṭati. Paṭiggahaṇe ca paribhoge ca paccavekkhaṇāsati avassaṃ laddhabbāti dasseti. Tenāha “**satim katvā**”ti-ādi. Keci pana “satipaccayatā paccaye sati bhesajjaparibhogassa kāraṇe satī”ti evampi atthaṃ vadanti, tesampi paccaye satīti paccayasabbhāvasallakkaṇe satīti evamattho gahetabbo paccayasabbhāvamattena sīlassa asujjhanato. “**Paribhoge akarontasseva āpattī**”ti iminā pātimokkhasaṃvarasīlassa bhedo dassito, na paccayasannissitasīlassa, tassa atītapaccavekkhaṇāya visujjhanato. Etasmiṃ, pana sesapaccayesu ca Ṇaparibhogādivacanena paccayasannissitasīlasseva bhedoti evamimesaṃ nānākaraṇaṃ veditabbaṃ.

Evam paccayasannissitasīlassa visuddhiṃ dassetvā teneva pasaṅgena sabbāpi visuddhiyo dassetuṃ “**catubbidhā hi suddhī**”ti-ādimāha. Tattha

1. Vi-Ṭṭha 2. 277 piṭṭhe.

sujjhati desanādihi, sodhīyatīti vā suddhi, catubbidhasīlaṃ. Tenāha “**desanāya sujghanato**”ti-ādi. Ettha desanāggahaṇena vuṭṭhānampi chinnamūlānaṃ abhikkhutāpaṭiññāpi saṅgahitā. Chinnamūlānampi hi pārājikāpattivuṭṭhānena heṭṭhā parirakkhitaṃ bhikkhusīlaṃ visuddhaṃ nāma hoti, tena tesam maggapaṭilābhopi sampajjati.

Dātabbatṭhena dāyaṃ, taṃ ādiyantīti **dāyādā**. **Sattannaṃ sekkhānanti** ettha kalyāṇaputhujjanāpi saṅgahitā tesam āṇaṇyaparibhogassa dāyajjaparibhoge saṅgahitattāti veditabbaṃ. **Dhammadāyādasuttanti** “dhammadāyādā me bhikkhave bhavatha, mā āmisadāyādā”ti-ādinā¹ pavattaṃ suttaṃ. Tattha mā me āmisadāyādāti evaṃ me-saddaṃ ānetvā attho gahetabbo. Evañhi tathā vuttatthasādhakaṃ hoti.

Lajjinā saddhiṃ paribhogoti dhammāmisavasena missabhāvo. **Alajjināsaddhinti** etthāpi eseva nayo. “**Ādito paṭṭhāya hi alajjī nāma natthi**”ti iminā diṭṭhaditṭhesu āsaṅkā nāma na kātabbā, diṭṭhasutādikāraṇe sati eva kātabbāti dasseti. **Attano bhārabhūtā** saddhivihārikādayo. **Sace na oramatīti** agatigamanena dhammāmisaparibhogato na oramati. “**Āpatti nāma natthi**”ti idaṃ alajjīnaṃ dhammena uppannapaccayaṃ, dhammakammaṅca sandhāya vuttaṃ. Tesampi hi kuladūsanādisamuppannapaccayaṃ paribhuñjantānaṃ, vaggakammādiṃ karontānaṃ āpatti eva.

“**Dhammiyādhammiyaparibhogo paccayavasena veditabbo**”ti vuttattā heṭṭhā lajjiparibhogo² paccayavasena ca ekakammādivasena ca vutto evāti veditabbaṃ. Teneva **duṭṭhadosasikkhāpadatṭhakathāyaṃ** codakacuditakabhāve ṭhitā dve alajjino dhammaparibhogampi sandhāya “ekasambhogaparibhogā hutvā jīvathā”ti vuttā tesam aññamaññaṃ dhammāmisaparibhoge virodhābhāvā. Lajjīnameva hi alajjīnā saha tadubhayaparibhogā na vaṭṭantīti.

Dhammaparibhogāti “ekakammaṃ ekuddeso”ti-ādinā⁴ vuttasaṃvāso ceva nissayaggahaṇadānādiko sabbo nirāmisaparibhogo ca

1. Ma 1. 15 piṭṭhe.

3. Vi-Ṭṭha 2. 177 piṭṭhe.

2. Lajjiparibhogāljjiparibhogo (Ka)

4. Vi 1. 34, 58, 94 piṭṭhādīsu.

veditabbo. “**Na so āpattiyā kāretabbo**”ti vuttattā lajjino alajjipaggahe āpattīti veditabbaṃ. **Itaropīti** lajjīpi. Tassāpi attānaṃ paggaṇhantassa alajjino, iminā ca lajjino vaṇṇabhaṇaṇādilābhaṃ paṭicca āmisagarukatāya vā gehasitapemena vā taṃ alajjīm paggaṇhanto lajjī sāsanaṃ antaradhāpeti nāmāti daseti. Evaṃ gahaṭṭhādīsu upatthambhito alajjī balaṃ labhitvā pesale abhibhavitvā na cirasseva sāsanaṃ uddhammaṃ ubbinayaṃ karotīti.

“**Dhammaparibhogopi tattha vaṭṭati**”ti iminā āmisaparibhogato dhammaparibhogova garuko, tasmā ativiya alajjivivekena kātabboti dasseti. “**Dhammānuggahena uggaṇhituṃ vaṭṭati**”ti vuttattā alajjussannatāya sāsane osakkante, lajjīsu ca appahontesu alajjimpī pakatattaṃ gaṇapūraṇaṃ gahetvā upasampadādikaraṇena ceva keci alajjino dhammāmisaparibhogena saṅgahetvā sesālaṅgāṇassa niggaṇhena ca sāsanaṃ paggaṇhituṃ vaṭṭati eva.

Keci pana “koṭiyāṃ ṭhito ganthoti vuttattā ganthapariyāpuṇanameva dhammaparibhogo, na ekakammādi. Tasmā alajjīhipi saddhiṃ uposathādikaṃ kammaṃ kātuṃ vaṭṭati, āpatti natthī”ti vadanti, taṃ na yuttaṃ, ekakammādīsu bahūsu dhammaparibhogesu alajjināpi saddhiṃ kattabbāvattahāyuttaṃ dhammaparibhogaṃ dassetuṃ idha nidassanavasena ganthasseva samuddhaṭṭatā. Na hi ekakammādiko vidhi dhammaparibhogo na hotīti sakkā vattum anāmisattā dhammāmisesu apariyāpannassa kassaci abhāvā. Teneva **aṭṭhasālīniyaṃ** dhammapaṭisandhārahakathāyaṃ¹ “kammaṭṭhānaṃ kathetabbaṃ, dhammo vācetaṃ -pa- abbhānavuṭṭhānamānattaparivāsā dātābā, pabbajjāraho pabbājetabbo, upasampadāraho upasampādetabbo -pa- ayaṃ dhammapaṭisandhāro nāmā”ti evaṃ saṅghakammādīpi dhammakotṭhāse dassitaṃ. Tesu pana dhammakotṭhāsesu yaṃ gaṇapūraṇādivasena alajjino apekkhitvā uposathādi vā tesāṃ santikā dhammuggahaṇaṇissayaggahaṇādi vā karīyati, taṃ dhammo ceva paribhogo cāti dhammaparibhogoti vuccati, etaṃ tathārūpapaccayaṃ vinā kātuṃ na vaṭṭati, karontassa alajjiparibhogo ca hoti dukkaṭaṇca. Yaṃ pana alajjisataṃ² anapekkhitvā

1. Abhi-Ṭṭha 1. 427 piṭṭhe.

2. Alajjīsu taṃ (Ka)

tajjanīyādiniggahakammaṃ vā parivāsādi-upakārakammaṃ vā
uggahaparipucchādānādi vā karīyati, taṃ dhammo eva, no paribhogo. Etaṃ
anurūpānaṃ kātuṃ vaṭṭati, āmisadānaṃ viya āpatti natthi. Nissayadānampi
terasasammutidānādi ca vattapaṭivattasādiyanādiparibhogassāpi hetuttā na
vaṭṭati.

Yo pana mahā-alajjī uddhammaṃ ubbinayaṃ satthu sāsanaṃ karoti,
tassa saddhivihārikādīnaṃ upasampadādi-upakārakammampi
uggahaparipucchādānādi ca kātuṃ na vaṭṭati, āpatti eva hoti,
niggahakammameva kātabbaṃ. Teneva alajjipaggahopi paṭikkhitto.
Dhammāmisaparibhogavivajjanenāpi hi dummaṅkūnaṃ puggalānaṃ
niggaho adhippeto, so ca pesalānaṃ
phāsuvihārasaddhammaṭṭhitivinayānuggahādi-atthāya etadatthattā
sikkhāpadapaññattiyā. Tasmā yaṃ yaṃ dummaṅkūnaṃ upatthambhāya
pesalānaṃ aphāsuvihārāya saddhammaparihānādi-atthāya hoti, taṃ
sabbampi paribhogo vā hotu aparibhogo vā kātuṃ na vaṭṭati, evaṃ karontā
sāsanaṃ antaradhāpenti, āpattiñca āpajjanti. Dhammāmisaparibhogesu
cettha alajjīhi ekakammādidhammaparibhogo eva pesalānaṃ
aphāsuvihārasaddhammaparihānādi-atthāya hoti, na tathā āmisaparibhogo.
Na hi alajjīnaṃ paccayaparibhogamattena pesalānaṃ aphāsuvihārādi hoti,
yathāvuttadhammaparibhogena pana hoti, tapparivajjanena ca
phāsuvihārādayo. Tathā hi katasikkhāpadavītikkamā alajjipuggalā
uposathādīsu pavīṭṭhā “tumhe kāyadvāre, vacīdvāre ca vītikkamaṃ
karoṭhā”ti-ādinā bhikkhūhi vattabbā honti, yathā vinayañca atīṭṭhantā
saṃghato bahikaraṇādivasena suṭṭhu niggahetabbā, tathā akatvā tehi saha
saṃvasantāpi alajjinova honti “ekopi alajjī alajjisatampi karotī”ti¹
ādivacanato. Yadi hi te evaṃ na niggahitā siyūṃ, saṃghe kalahādīṃ
vaḍḍhetvā uposathādisāmaggīkammaṭṭibāhanādinā pesalānaṃ aphāsuṃ
katvā kamena te devadattavajjiputtakādayo viya parisāṃ vaḍḍhetvā attano
vippaṭipattīṃ dhammato vinayato dīpentā saṃghabhedādīṃpi katvā na
cirasseva sāsanaṃ antaradhāpeyyūṃ, tesu pana saṃghato
bahikaraṇādivasena niggahitesu sabbopāyaṃ upaddavo na hoti. Vuttañhi—

1. Vi-Ṭṭha 2. 273 piṭṭhe.

“Dussīlapuggale nissāya uposatho na tiṭṭhati, pavāraṇā na tiṭṭhati, saṅghakammāni nappavattanti, sāmaggī na hoti -pa-. Dussīlesu pana niggaḥitesu sabbopi ayaṃ upaddavo na hoti, tato pesalā bhikkhū phāsu viharantī”¹.

Tasmā ekakammādidhammaparibhogova āmisaparibhogatopi ativiya alajjivivekena kātabbo, āpattikaro ca saddhammaparihānihetuttāti veditabban.

Apica uposathā na tiṭṭhati, pavāraṇā na tiṭṭhati, saṅghakammāni nappavattantīti evaṃ alajjīhi saddhiṃ saṅghakammākaraṇassa aṭṭhakathāyaṃ pakāsītattāpi cetam sījḥati, tathā parivattaliṅgassa bhikkhuno bhikkhunupassayaṃ gacchantassa **paṭipattikathāyaṃ** “ārādhikā ca honti saṅgāhikā lajjiniyo, tā kopetvā aññattha na gantabban. Gacchati ce, gāmantaranadīpārarattivippavāsagaṇa-ohīyanāpattīhi na muccati -pa- alajjiniyo honti, saṅgahaṃ pana karonti, tāpi pariccajivā aññattha gantuṃ labbhati”² evaṃ alajjiniṣu dutiyikāgahaṇādīsu saṃvāsāpattiparihārāya nadīpāragamanādigarukāpattīṭṭhānānam anuññātattā tatopi alajjisamvāsāpattī eva saddhammaparihānihetuto garukatarāti viññāyati. Na hi lahukāpattīṭṭhānam, anāpattīṭṭhānam vā pariharituṃ garukāpattīṭṭhānavītikkamaṃ ācariyā anujānanti, tathā **asamvāsapadassa aṭṭhakathāyaṃ** “sabbehipi lajjipuggalehi samaṃ sikkhitabbabhāvato samasikkhātā nāma. Ettha yasmā sabbepi lajjino etesu kammādīsu saha vasanti, na ekopi tato bahiddhā sandissati, tasmā tāni sabbānīpi gahetvā eso samvāso nāmā”³ evaṃ lajjiheva ekakammādisamvāso vaṭṭatīti pakāsito.

Yadi evaṃ kasmā asamvāsikesu alajjī na gaṇitoti? Nāyaṃ virodho, ye gaṇapūrake katvā kataṃ kammaṃ kuppati, tesam pārājikādi-apakatattānaññeva asamvāsikatte gahitattā. Alajjino pana pakatattabhūtāpi santi, te ce gaṇapūraṇā hutvā kammaṃ sādheti, kevalam katvā agatigamanena karontānam āpattikarā honti

1. Vi-Ṭṭha 1. 188-9 piṭṭhesu. 2. Vi-Ṭṭha 1. 238 piṭṭhe. 3. Vi-Ṭṭha 1. 224 piṭṭhe.

sabhāgāpatti-āpannā viya aññamaññaṃ. Yasmā alajjitañca lajjitañca puthujjanānaṃ cittakkhaṇapaṭibaddhaṃ, na sabbakālikaṃ. Sañcicca hi vītikkamacitte uppanne alajjino “na puna īdisaṃ karissāmi”ti cittena lajjino ca honti, tesu ca ye pesalehi ovadiyamānāpi na oramanti, punappunaṃ vītikkamanti, te eva asaṃvasitabbā, na itare lajjidhamme okkantattā. Tasmāpi alajjino asaṃvāsikesu agaṇetvā tapparivajjanatthaṃ sodhetvāva uposathādikaraṇaṃ anuññātaṃ. Tathā hi “pārisuddhiṃ āyasmanto ārocetha, pātimokkhaṃ uddisissāmi”ti-ādinā¹ aparisuddhāya parisāya uposathakaraṇassa ayuttatā pakāsītā, “yassa siyā āpatti so āvikareyya -pa-phāsu hoti”ti² evaṃ alajjimpi lajjidhamme patiṭṭhāpetvā uposathakaraṇappakāro ca vutto, “kaccitthaparisuddhā -pa-parisuddhetthāyasmanto”ti³ ca pārisuddhi-uposathe “parisuddho ahaṃ bhante parisuddhoti maṃ dhārethā”ti⁴ ca evaṃ uposathaṃ karontānaṃ parisuddhatā ca pakāsītā, vacanamattena anoramantānañca uposathapavāraṇaṭṭhapanavidhi ca vuttā, sabbathā lajjidhammaṃ anokkamantehi saṃvāsassa ayuttatāya nissayadānaggahaṇapaṭikkhepo, tajjanīyādiniggahakammakaraṇaṃ ukkhepanīyakammakaraṇena sānuvattakaparisassa alajjissa asaṃvāsikattapāpanavidhi ca vuttā. Tasmā yathāvuttehi suttanayehi, aṭṭhakathāvacanehi ca pakatattehipi apakatattehipi sabbehi alajjīhi ekakammādisaṃvāso na vaṭṭati, karontānaṃ āpatti eva dummaṅkūnaṃ puggalānaṃ niggahatthāyeva sabbasikkhāpadānaṃ paññattattāti niṭṭhamettha gantabbaṃ. Teneva dutiyasaṅgītiyaṃ pakatattāpi alajjino vajjiputtakā yasattherādīhi mahantena vāyāmena saṃghato viyojitā. Na hi tesu pārājikādi-asaṃvāsikā atthi tehi dīpitānaṃ **dasannaṃ vatthūnaṃ**⁵ lahukāpattivisayattā.

Tassa pana santiketi mahārakkhitattherassa santike. **Kharapattanti** kharasaṅkhātāṃ suvaṇṇapatirūpakaṃ vatthu. Dāyakehi asatiyā dinnāṃ rūpiyaṃ tehi puna sakasaññāya gaṇhante adātum, nissaggiyavatthum gaṇhāhīti

1. Vi 3. 140 piṭṭhe.

2. Vi 3. 141 piṭṭhe.

3. Vi 1. 158, 283, 293, 381; Vi 2. 226, 238, 272 piṭṭhādīsu.

4. Vi 3. 167 piṭṭhe.

5. Vi 4. 498, 499 piṭṭhesu.

dātuñca na vaṭṭatīti āha “**tava coḷakam passāhi**”ti. Evañ vatvāpi pana naṭṭhavatthusmim viya nissajjitabbābhāvepi āpatti desetabbāva. Asatiyāpi hi tañ vatthum vatthādinā sahatthena gahetvā “idañ demī”ti dinnam, tadā pariccāgasabbhāvato dānameva hoti “appaggham dassāmī”ti mahagghassa dāne viya. Paṭiggaṇhantassa ca asatiyā diyyamānante nātepi adinnādānam na hoti dāyakehi dinnatā, tasmā rūpiyam nissaggiyameva hoti. Keci pana “īdisam nāma na hoti, teneva cettha ‘tava coḷakam passā’ti vuttan”ti vadanti, tañ no nakkhamati, vīmañsitabbañ.

586. **Ekaparicchedanī**ti siyā kiriyattam, siyā akiriyattañca sandhāya vuttam. Jātarūparajatabhāvo, attuddesikatā, gahaṇādīsu aññatarabhāvoti imānettha tīṇi aṅgāni.

Rūpiyasikkhāpadavañṇanā niṭṭhitā.

9. Rūpiyasamvohārasikkhāpadavañṇanā

587. Navame jātarūpādicatubbidhanissaggiyavatthu idha rūpiyaggahaṇeneva gahitanti āha “**jātarūparajataparivattanan**”ti. **Paṭiggahitaparivattaneti** kappiyavohārena, akappiyavohārena vā paṭiggahitassa rūpiyassa parivattane.

589. Pāliyam **ghanakatanti** iṭṭhakādi. **Rūpiyam nāma satthuvañṇoti-**ādīsu kiñcāpi kevalam rajatam na gahitam, tathāpi rūpiyapadeneva tañ gahitanti daṭṭhabbañ. Suddho rūpiyasamvohāro eva vuttoti ajjhāharitabbañ. **Rūpiye rūpiyasaññīti-**ādimhi vinicchayam vakkhāmāti pāṭhaseso.

591. Pāliyam **rūpiye rūpiyasaññīti** attanā diyyamānam sakasantakam sandhāya vuttam. **Rūpiyam cetāpetīti** parasantakam. Esa nayo sesesupi. Tattha arūpiyasaddena dukkaṭavathumpi saṅgaṇhāti. Pacchime pana tike “arūpiye rūpiyasaññī arūpiyam cetāpeti, āpatti dukkaṭassā”ti iminā nayena sabbattha yojanā veditabbā. Imasmiñca tike arūpiyasaddena kappiyavatthuyeva gahitam, na muttādidukkaṭavattu ante “pañcannam saha

anāpattī”ti¹ vuttattā. Kiñcāpi dukkaṭavattthu na gahitaṃ, tathāpi dukkaṭavattthunā dukkaṭavattthum, kappiyavattthunā dukkaṭavattthuñca parivattayato dukkaṭaṃ, nayato siddhameva hoti. Tañca dukkaṭavattthumhi tathasaññāya vā atathasaññāya vā vimatiyā vā parivattentassapi hotiyeva acittakattā imassa sikkhāpadassa. **Pañcannaṃ sahāti** pañcahi sahadhammikehi saha.

Idāni “nissaggiyavattthunā dukkaṭavattthum vā”ti-ādinā vuttassa atthassa pāḷiyam sarūpena anāgatattepi nayato labbhamānataṃ dassetuṃ **“yo hi ayan”**ti-ādi vuttaṃ. Ettha ca yasmā rūpiyena parivattitaṃ arūpiyam nissaṭṭhampi sabbesampi akappiyattā nissaggiyameva na hoti nissajjitvā paribhuñjitabbasseva nissajitabbato, kevalaṃ pana idaṃ chaḍḍetvā pācittiyameva parivattakena desetabbaṃ, tasmā “rūpiye rūpiyasaññī arūpiyam cetāpeti, nissaggitaṃ pācittiyam”ti-ādi tiko bhagavatā na vutto, tīsupi padesu parivattiyamānassa arūpiyattena nissaggiyavacanāyogā rūpiyasewa nissajjitabbato. Rūpiyasewa hi nissaṭṭhassa āramikādīhi paṭipajjanavidhi pāḷiyam dassito, na arūpiyassa. Tasmā pācittiyamattasambhavadassanattameva panettha aṭṭhakathāyaṃ “avuttopi ayaṃ -pa- tiko veditabbo”ti vuttaṃ, na pana tassa vatthuno nissaggiyatādassanattam. Teneva pattacatukke “na sakkā kenaci upāyena kappiyam kātun”ti-ādi vuttaṃ. Ayaṃ amhākaṃ khanti. **Attano vā hīti**-ādi dutiyatikānulomeneva tatiyattikassa sijjhanappakāraṃ samatthetuṃ vuttaṃ. Tatrāyaṃ adhippāyo—yasmā hi yathā attano arūpiyena parassa rūpiyam cetāpentassa ekasmiṃ ante rūpiyasambhavato “rūpiyasamvohāro kato eva hotī”ti dutiyattiko vutto, evaṃ attano rūpiyena parassa arūpiyam cetāpentassāpi hotīti tatiyo tiko vattabbo bhavēyya, so pana dutiyattikeneva ekato rūpiyapakkhasamaññena sijjhatīti pāḷiyam na vuttoti. Tattha **ekantena rūpiyapakkheti** ekena antena rūpiyapakkhe, “ekato rūpiyapakkhe”ti vā pāṭho.

Idāni dutiyattike arūpiyapadassa atthabhūtesu dukkaṭavattthukappiyavattthūsu dukkaṭavattthunā rūpiyādiparivattane āpattibhedam dassetuṃ

1. Ādhunikapottakesu natthi.

“**dukkaṭavatthunā**”ti-ādi āradham. **Dukkaṭavatthunā dukkaṭavatt hunti**-ādi pana dukkaṭavatthunā parivattanappasaṅge pāḷiyam avuttassāpi atthassa nayato labbhamānataṃ dassetuṃ vuttaṃ. Tattha **imināti** rūpiyasamvohārasikkhāpadena, tena ca dukkaṭassa acittakatampi dasseti. **Aññatra sahadhammikehī**ti “pañcannaṃ saha anāpatti”ti vacanato vuttaṃ, tenāpi kayavikkayasikkhāpadassa kappiyavatthunissitataṃ eva sādheti. Imaṃ -pa- rūpiyacetāpanaṅca sandhāya vuttanti pakatena sambandho. **Idhāti** imasmim sikkhāpade. **Tatthāti** kayavikkayasikkhāpade¹.

Evam dukkaṭavatthunā rūpiyādirivattane āpattibhedam dassetvā idāni kappiyavatthunāpi dassetuṃ “**kappiyavatthunā panā**”ti-ādi āradham. Tattha **tenevāti** kappiyavatthunā eva. “**Rūpiyam uggaṇhitvā**”ti idam ukkaṭṭhavasena vuttaṃ. Muttādidukkaṭavattumpi uggaṇhetvā kāritampi pañcannampi na vaṭṭati eva. **Samuṭṭhāpetī**ti sayam gantvā, “imaṃ kahāpaṇādīm kammakārānaṃ datvā bījam samuṭṭhāpehī”ti evam aññam āṇāpetvā vā samuṭṭhāpeti. **Mahā-akappiyoti** attanāva bījato paṭṭhāya dūsitattā aññassa mūlasāmikassa abhāvato vuttaṃ. So hi corehi acchinnopi puna laddho jānantassa kassacipi na vaṭṭati. Yadi hi vaṭṭeyya, taḷakādīsu viya acchinno vaṭṭatīti ācariyā vadeyyuṃ. **Na sakkā kenaci upāyenāti** saṅghenissajjanena, corādi-acchindanādinā ca kappiyam kātuṃ na sakkā, idaṅca tena rūpena ṭhitaṃ, tammūlikena vatthumuttādirūpena ṭhitaṅca sandhāya vuttaṃ. Dukkaṭavattumpi hi tammūlikakappiyavattthuṅca na sakkā kenaci upāyena tena rūpena kappiyam kātuṃ. Yadi pana so bhikkhu tena kappiyavattHUDUKKAṬAVATT HUNĀ puna rūpiyam cetāpeyya, taṃ rūpiyam nissajjāpetvā aññesaṃ kappiyam kātumpi sakkā bhavēyyāti daṭṭhabbam.

Pattam kiṇṭīti ettha “iminā kahāpaṇādinā kammārakulato pattam kiṇitvā ehi”ti āramikādīhi kiṇāpanampi saṅgahitanti veditabbam. Teneva **rājasikkhāpadaṭṭhakathāyam** “ettakehi kahāpaṇehi sātake āhara, ettakehi yāgu-ādīni sampādehīti vadati, yam te āharanti, sabbesaṃ akappiyam. Kasmā? Kahāpaṇānaṃ vicāritattā”ti²

1. Vi 1. 349 piṭṭhe.

2. Vi-Ṭṭha 2. 260 piṭṭhe.

vuttaṃ. Iminā pana vacanena yaṃ **mātikāṭṭhakathāyaṃ** rūpiyaṃvohārasikkhāpadaṃ “anāṇattikaṃ”¹ ti vuttaṃ, taṃ na sameti. Na kevalaṅca iminā, pāliyaṃpi taṃ na sameti. Pāliyaṅhi nissaṭṭharūpiyena āramikādīhi sappiyādiṃ parivattāpetuṃ “so vattabbo ‘āvuso imaṃ jānāhi’ ti. Sace so bhaṇati ‘iminā kiṃ āharīyatū’ ti, na vattabbo ‘imaṃ vā imaṃ vā āharā’ ti. Kappiyaṃ ācikkhitabbaṃ ‘sappi vā’ ti” ādinā rūpiyaṃvohāraṃ parimocetvā vuttaṃ. “Iminā rūpiyena kiṃ āharīyatū” ti pucchanto “imaṃ āharā” ti vuttepi adhikārato “iminā rūpiyena imaṃ āharā” ti bhikkhūhi āṇatto eva hotīti taṃ rūpiyaṃvohāraṃ parivajjetuṃ “na vattabbo ‘imaṃ vā imaṃ vā āharā’ ti” paṭikkhepo kato, anāpattivārepi “kappiyakārakassa ācikkhatī” ti na vuttaṃ. **Kayavikkayasikkhāpade**² pana tathā vuttaṃ, tasmā idaṃ sāṇattikaṃ kayavikkayameva anāṇattikanti gahetabbaṃ.

Mūlassa anissaṭṭhattāti yena uggahitamūlena patto kīto, tassa mūlassa saṃghamajjhe anissaṭṭhattā, etena rūpiyameva nissajjitabbaṃ, na tammūlikaṃ arūpiyanti dasseti. Yadi hi tena rūpiyena aññaṃ rūpiyaṃ cetāpeyya, taṃ rūpiyaṃvohārasikkhāpade āgatanayeneva nissajjāpetvā sesehi paribhuñjitabbaṃ bhaveyyāti. “**Mūlassa asampaṭicchitattā**” ti iminā mūlassa gihisantakattaṃ, teneva pattassa rūpiyaṃvohārānuppannataṅca dasseti. Pañcasahadhammikasantakeneva hi rūpiyaṃvohāradoso. Tattha ca attano santake pācittiyaṃ, itarattha dukkaṭaṃ.

Nissajjīti dānavasena vuttaṃ, na vinayakammavasena. Teneva “**sappissa pūretvā**” ti vuttaṃ. Yaṃ attano dhanena parivatteti, tassa vā dhanassa rūpiyabhāvo, parivattanaparivattāpanesu aññatarabhāvo cāti imānettha dve aṅgāni.

Rūpiyaṃvohārasikkhāpadavaṇṇanā niṭṭhitā.

1. Kaṅkhā-Ṭṭha 177 piṭṭhe.

2. Vi 1. 351 piṭṭhe.

10. Kayavikkayasikkhāpadavaṇṇanā

593-5. Dasame pāliyaṃ **jānāhī**ti idāneva upadhārehi, idaṃ pacchā chaḍḍetum na sakkāti adhippāyo. **Iminā**ti bhikkhunā diyyamānaṃ vuttaṃ. **Imanti** parena paṭidiyyamānaṃ. Sesañātakesu saddhādeyyavinipātasambhavato tadabhāvaṭṭhānampi dassetum “**mātaraṃ pana pitaraṃ vā**”ti vuttaṃ. **Na sakkā taṃ**¹ **paṭikkhipitunti** ettha yathā rūpiyaṃ bhatakānaṃ datvā assāmikabhūmiyaṃ ayobījasamuṭṭhāpane bhatiyā khaṇantānaṃ santikā gahitabhaṇḍakabhāvepi pācittiyaṃ hoti, evamidhāpīti keci vadanti, taṃ na yuttaṃ. Yañhi assāmikabhūmiṃ khaṇitvā samuṭṭhāpitaṃ ayobījaṃ, taṃ bhatakānaṃ santakaṃ nāma hoti, tadatthañca tesāṃ rūpiyaṃ dentassa rūpiyaṃvohārova hoti akappiyavohārena rajanacchalli-ādīnaṃ āharāpane kayavikkayo viya, tādīsampi parabhaṇḍaṃ idha vatthadhovanādīsu natthi, tasmā aṭṭhakathāpamāṇenevettha pācittiyaṃ gahetabbaṃ.

597. **Puññaṃ bhavissatīti detīti** ettha sace bhikkhu attano bhaṇḍassa appagghataṃ ñatvāpi akathetvā “idāneva upaparikkhitvā gaṇha, mā pacchā vippaṭisārī hotī”ti vadati, itaro ca attano diyyamānassa mahagghataṃ ajānanto “ūnaṃ vā adhikaṃ vā tumhākamevā”ti² datvā gacchati, bhikkhussa anāpatti upanandassa viya paribbājakavatthuggahaṇe. Vippaṭisārissa puna sakasaññāya āgatassa yaṃ adhikaṃ gahitaṃ, taṃ dātabbaṃ. Yena yaṃ parivatteti, tesāṃ ubhinnaṃ kappiyavatthutā, asahadhammikā, kayavikkayāpajjanañcāti imānettha tīṇi aṅgāni.

Kayavikkayasikkhāpadavaṇṇanā niṭṭhitā.

Niṭṭhito kosiyavaggo dutiyo.

3. Pattavagga 1. Pattasikkhāpadavaṇṇanā

602. Tatiyavaggassa paṭhame **aḍḍhaterasapalā**ti māgadhikāya mānatulāya aḍḍhaterasapalaparimitaṃ udakaṃ gaṇhantaṃ sandhāya vuttaṃ,

1. Etaṃ (Sī)

2. Tumhākaṃ demāti (Sī)

tathā parimitaṃ yavamāsādiṃ gaṇhantiṃ sandhāyāti keci.

Ācariyadhammapālattherena pana “pakaticatumuṭṭhikaṃ kuḍuvaṃ, catukuḍuvaṃ nāḷi, tāya nāḷiyā soḷasa nāḷiyo doṇaṃ, taṃ pana magadhanāḷiyā dvādasa nāḷiyo hontiṃ vadanti”ti vuttaṃ. **Damiḷanāḷi**ti purāṇanāḷiṃ sandhāya vuttaṃ. Sā ca catumuṭṭhikehi kuḍuvehi aṭṭha kuḍuvā, tāya nāḷiyā dve nāḷiyo magadhanāḷiṃ gaṇhāti. Purāṇā pana “sīhaḷanāḷi tisso nāḷiyo gaṇhāti”ti vadanti, tesāṃ matena magadhanāḷi idāni pavattamānāya catukuḍuvāya damiḷanāḷiyā catunāḷikā hoti, tato magadhanāḷito upaḍḍhañca purāṇadamīḷanāḷisaṅkhātāṃ patthaṃ nāma hoti, etena ca “omako nāma patto patthodanaṃ gaṇhāti”ti pāḷivacanañca sameti, lokiyehipi—

“Lokiyaṃ magadhañceti, patthadvayamudāhaṭaṃ.

Lokiyaṃ soḷasapalaṃ, māgadhaṃ diguṇaṃ matan”ti—

evaṃ loke nāḷiyā magadhanāḷi diguṇāti dassitā, evañca gayhamāne omakapattassa ca yāpanamattodanagāhikā ca siddhā hoti. Na hi sakkā aṭṭhakuḍuvato ūnodanagāhinā pattena athūpīkataṃ piṇḍapātaṃ pariyesitvā yāpetuṃ. Teneva **veraṅjakaṇḍaṭṭhakathāyaṃ**¹ “pattho nāma nāḷimattaṃ hoti ekassa purisassa alaṃ yāpanāya. Vuttampi hetāṃ ‘patthodano nāla’mayāṃ duvinnan’ti²” vuttaṃ, “ekekassa dvinnaṃ tiṇṇaṃ pahoti”ti ca āgataṃ, tasmā idha vuttanayānusāreṇeva gahetabbāṃ.

Ālopassa anurūpanti ettha “byañjanassa mattā nāma odanato catutthabhāgo”ti³ **brahmāyusuttaṭṭhakathāyaṃ** vuttattā ālopassa catutthabhāgameva byañjanaṃ anurūpanti daṭṭhabbāṃ. **Odanagatikānevāti** odanassa anto eva pavisanasilāni siyūṃ, attano okāsaṃ na gavesantiṃti attho. **Nāmamatteti** “majjhimo patto majjhimomako”ti-ādināmamate.

607-8. **Evaṃ payoge payogeti** pariyoṣānālopajjhoharaṇapayoge payoge, ālope ālopeti attho. **Katvāti** pākāpariyoṣānaṃ katvā. **Pacitvā ṭhapessāmīti** kāḷavaṇṇapākāṃ

1. Vi-Ṭṭha 1. 144 piṭṭhe.

2. Khu 6. 99 piṭṭhe Jātake.

3. Ma-Ṭṭha 3. 268 piṭṭhe.

sandhāya vuttaṃ. **Chiddanti** mukhavaṭṭito dvaṅgulassa heṭṭhāchiddaṃ vuttaṃ. Sesāṃ paṭhamakathine vuttanayameva.

Pattasikkhāpadavaṇṇanā niṭṭhitā.

2. Ūnapañcabandhanasikkhāpadavaṇṇanā

609-613. Dutiye pāḷiyāṃ ahaṃ pattena te bhikkhū santapessāmīti seso. “**Apatto**”ti iminā adhiṭṭhānavijahanampi dasseti. Pañcabandhanepi patte aparipuṇṇapāke patte viya adhiṭṭhānaṃ na ruhati. “**Tipupattakena vā**”ti vuttatā tambalohādīhi kappiyalohehi ayopattassa chiddaṃ chādetuṃ vaṭṭati. Teneva “**lohamañḍalakenā**”ti vuttaṃ. Imasmim sikkhāpade akāḷavaṇṇampi kappiyapattaṃ viññāpentassa āpatti evāti daṭṭhabbaṃ. Adhiṭṭhānupagapattassa ūnapañcabandhanatā, attuddesikatā, akataviññatti, tāya ca paṭilābhoti imānettha cattāri aṅgāni.

Ūnapañcabandhanasikkhāpadavaṇṇanā niṭṭhitā.

3. Bhesajjasikkhāpadavaṇṇanā

618-621. Tatiye pāḷiyāṃ pilindavacchattherena “na kho mahārāja bhagavatā ārāmiko anuññāto”ti paṭhamāṃ paṭikkhipitvā “anujānāmi bhikkhave ārāmikaṃ”ti puggalānampi ārāmikanāmena dāsaggahaṇe anuññāte eva ārāmikānaṃ gahitattā khettavattḥādīni kappiyavohārenapi puggalānaṃ gahetuṃ na vaṭṭati, tathā ananuññātattāti viññāyati. “Khettavattḥupaṭiggahaṇā paṭivirato hotī”ti-ādinā¹ hi paṭikkhittesu ekasseva puggalikavasena gahaṇe anuññāte itarītarānaṃ tathā na gahetabbatā siddhāva hoti. Yañca pilindavacchattherena dāyakakulassa dārikāya suvaṇṇamālāvasena tiṇaṇḍupakassa nimmānaṃ, taṃ “anāpatti bhikkhave iddhiṃmassa iddhivisaye”ti² vacanato kulasaṅgahādi na hotīti katanti daṭṭhabbaṃ, keci pana “khīṇāsavānaṃ lābhicchāya abhāvato

1. Dī 1. 5, 61 piṭṭhesu.

2. Vi 1. 85 piṭṭhe.

kulasaṅgahepi ājīvakoṇo natthī”ti vadanti, taṃ na yuttaṃ khīṇāsavānampi ājīvavipattihetūnaṃ piṇḍapātādīnaṃ parivajjetabbato. Vuttañhi dhammasenāpatinā “neva bhindeyyamājīvaṃ, cājamānopi jīvitaṃ”ti¹. Bhagavatā ca “gāthābhigītaṃ me abhojanīyaṃ”ti-ādi² vuttaṃ.

622. **Uggahitakanti** paribhogatthāya sayam gahitaṃ. **Sayam karotīti** pacivā karoti. **Purebhattanti** tadahupurebhattameva vaṭṭati savatthukapaṭiggahitattā. **Sayamkatanti** khīranavanītaṃ pacivā kataṃ. **Nirāmisamevāti** tadahupurebhattaṃ sandhāya vuttaṃ. Ajja sayamkataṃ nirāmisameva bhūñjantassa kasmā sāmāpāko na hotīti āha “**navanītaṃ tāpentassā**”ti-ādi. **Paṭiggahitehīti** khīradadhīni sandhāya vuttaṃ. Uggahitakehi kataṃ abbañjanādīsu upanetabbanti yojanā. **Eseva nayoti** nissaggiyāpattim sandhāya vuttaṃ. **Akappiyamaṃsasappimhīti** hatthi-ādīnaṃ sappimhi.

Ettha panāti navanīte viseso atthīti attho. **Dhotam vaṭṭatīti**³ dhotameva paṭiggahitumpi na vaṭṭati, itarathā savatthukapaṭiggahitaṃ hotīti therānaṃ adhippāyo.

Mahāsivattherassa pana vatthuno viyojitattā dadhiguḷikādīhi yuttatāmattena savatthukapaṭiggahitaṃ nāma na hoti, tasmā takkato uddaḥamatthameva paṭiggahetvā dhovivā, pacivā vā nirāmisameva katvā paribhuñjimsūti adhippāyo, na pana dadhiguḷikādīhi saha vikāle bhūñjimsu. Tenāha “**tasmā navanītaṃ paribhuñjantena -pa- savatthukapaṭiggahitaṃ nāma na hotī**”ti. Tattha adhotam paṭiggahetvāpi taṃ navanītaṃ paribhuñjantena dadhi-ādīni apantevā paribhuñjitabbanti attho. **Khayam gamissatīti** nirāmisam hoti, tasmā vikālepi vaṭṭatīti attho. **Ettāvatāti** navanīte laggamattena visum dadhi-ādivohāram aladdhena appamattena dadhi-ādīnāti attho, etena visum paṭiggahitadadhi-ādīhi saha pakkaṃ savatthukapaṭiggahitasāṅkhyameva gacchatīti dasseti. **Tasmimpīti** nirāmisabhūtepi. Kukkuccakānaṃ pana ayaṃ adhippāyo—paṭiggahaṇe tāva dadhi-ādīhi asambhinnarasattā bhattena sahiteṇa guḷapiṇḍādi viya savatthukapaṭiggahitaṃ nāma na hoti,

1. Khu 11. 352 piṭṭhe Milindapañhe.

2. Khu 1. 292, 349; Khu 11. 222; Saṃ 1. 175 piṭṭhesu.

3. Vaṭṭissatīti (Syā)

taṃ pana pacantena dhovitvāva pacitabbaṃ, itarathā pacanakkhaṇe paccamānadadhiguḷikādīhi sambhinnarasatāya sāmānpakkaṃ jātaṃ, tesu khīṇesu sāmānpakkameva hoti, tasmā nirāmisameva pacitabbanti. Teneva “**āmisena saha pakkattā**”ti kāraṇaṃ vuttaṃ.

Ettha cāyaṃ vicāraṇā—savatthukapaṭiggahitattābhāve āmisena saha bhikkhunā pakkassa sayānpākadoso vā parisāṅkīyati yāvakālikatā vā, tattha na tāva sayānpākadoso ettha sambhavati sattāhakālikattā. Yañhi tattha dadhi-ādi āmisagataṃ, taṃ parikkhīṇanti. Atha paṭiggahitadadhiguḷikādīnā saha attanā pakkattā savatthukapakkaṃ viya bhavyeyyāti parisāṅkīyati, tadā āmisena saha paṭiggahitattāti kāraṇaṃ vattabbaṃ, na pana pakkattāti. Tathā ca upaḍḍhattherānaṃ matameva aṅgī¹ kataṃ siyā. Tattha ca sāmaṇerādīhi pakkampi yāvakālikameva siyā paṭiggahitakhīrādīṃ pacitvā anupasampannehi katasappi-ādi viya ca, na ca taṃ yuttaṃ, bhikkhācārena laddhanavanīṭādīnaṃ takkādi-āmisasāmsaggasambhavana aparibhuñjitabbabhāpasaṅgato. Na hi gahaṭṭhā dhovitvā, sodhetvā vā patte ākirantīti niyamo atthi, aṭṭhakathāyañca “yathā tattha patitataṇḍulakaṇādayo na paccanti, evaṃ -pa- puna pacitvā deti, purimanayeneva sattāhaṃ vaṭṭati”ti iminā vacanenapetaṃ virujjhati, tasmā idha kukkuccakānaṃ kukkucuppattiyā nimittameva na dissati. Yathā cettha, evaṃ “lajjī sāmaṇero yathā tattha patitataṇḍulakaṇādayo na paccanti, evaṃ sāmīsapākaṃ mocento aggimhi vilīyāpetvā -pa- vaṭṭati”ti vacanassāpi nimittaṃ na dissati. Yadi hi etaṃ yāvakālikasāmsaggaparihārāya vuttaṃ siyā, attanāpi tathā kātabbaṃ bhavyeya. Gahaṭṭhehi dinnasappi-ādīsu ca āmisasāmsaggasaṅkā na vigaccheyya. Na hi gahaṭṭhā evaṃ vilīyāpetvā pana taṇḍulādīṃ apanetvā puna pacanti, apica bhesajjehi saddhīṃ khīrādīṃ pakkhipitvā yathā khīrādi khayaṃ gacchati, evaṃ parehi pakkabhesajjatelādīpi yāvakālikameva siyā, na ca tampi yuttaṃ dadhi-ādīkhayakaraṇatthaṃ “puna pacitvā deti”ti vuttattā. Tasmā mahāsivattheravāde kukkuccaṃ akatvā adhotampi navanītaṃ tadahupi punadivasādīsūpi pacituṃ, taṇḍulādīmissaṃ sappi-ādīṃ attanāpi aggimhi vilīyāpetvā parissāvetvā puna takkādikhayatthaṃ pacituñca vaṭṭati.

Tattha vijjamānassapi paccamānakkhaṇe sambhinnarasassa yāvakālikassa abbohārikattena savatthukapaṭiggahitapurepaṭiggahitānampi abbohārikatoti niṭṭhamettha gantabbanti. Teneva “**ettāvata savatthukapaṭiggahitaṃ nāma na hoti**”ti vuttaṃ. Visuṃ paṭiggahitena pana khīrādi-āmisena navanītādiṃ missetvā bhikkhunā vā aññehi vā pakkatelādibhesajjāṃ savatthukapaṭiggahitasāṅkhyameva gacchati tattha pavitṭhayāvakālikassa abbohārikattābhāvā. Yam pana purepariggahitabhesajjehi appaṭiggahitaṃ khīrādiṃ pakkhipitvā pakkatelādikaṃ anupasampanneheva pakkampi savatthukapaṭiggahitampi sannidhipi na hoti, tattha pakkhattakhīrādikassapi tasmim̐ khaṇe sambhinnarasatāya purepaṭiggahitattāpattito. Sace pana appaṭiggahiteheva, aññehi vā pakkatelādīsupi sace āmisaraso paññāyati, taṃ yāvakālikameva hotīti veditabbaṃ. **Uggahetvā**ti sayameva gahetvā.

Parissāvetvā gahitanti taṇḍulādivigamattaṃ parissāvetvā, takkādivigamattaṃ puna pacitvā gahitanti attho. **Paṭiggahetvā thapitabhesajjehī**ti atirekasattāhapaṭiggahitehi, etena tehi yuttampi sappi-ādi atirekasattāhapaṭiggahitaṃ na hotīti dasseti. **Vaddalisamayeti** vassakālasamaye, anātapakāleti attho.

Nibbaṭṭitattāti yāvakālikavatthuto vivecitattā, etena tele sabhāvato yāvakālikattābhāvaṃ, bhikkhuno savatthukapaṭiggahaṇena yāvakālikattupagamanaṅca dasseti. **Ubhayampī**ti attanā, aññehi ca kataṃ.

623. **Acchavasanti** dukkaṭavattahūnaññeva upalakkhaṇanti āha “**thapetvā manussavasan**”ti. **Samsaṭṭhanti** parissāvitāṃ. **Tiṇṇaṃ dukkaṭānanti** ajjhohāre ajjhohāre tīṇi dukkaṭāni sandhāya vuttaṃ. Kiñcāpi paribhogatthāya vikāle paṭiggahaṇapacanaparissāvanādīsu pubbapayogesu pāḷiyāṃ, aṭṭhakathāyaṅca āpatti na vuttā, tathāpi ettha āpattiyā eva bhavitabbaṃ paṭikkhattassa karaṇato āhāratthāya vikāle yāmakālikādīnaṃ paṭiggahaṇe viya. Yasmā khīrādiṃ pakkhipitvā pakkabhesajjatele kasaṭaṃ āmisagatikaṃ, tena saha telaṃ paṭiggahetuṃ, pacituṃ vā bhikkhuno na vaṭṭati. Tasmā vuttaṃ “**pakkatelakasaṭe viya kukkucāyati**”ti. Sace vasāya saha pakkattā na vaṭṭati, idaṃ kasmā na vaṭṭatīti pucchantā

“bhante -pa- vaṭṭati”ti āhaṃsu. Thero atikukkuccatāya ca “etampi āvuso na vaṭṭati”ti āha. Roganiggahatthāya eva vasāya anuññātattaṃ sallakkhetvā pacchā “sādhū”ti sampaṭicchi.

“Madhukarīhi nāma madhumakkhikāhī”ti idaṃ khuddakabhamarānaṃ dvinnāṃ eva visesananti keci vadanti, aññe pana “daṇḍakesu madhukārikā madhukarīmakkhikā nāma, tāhi saha tisso madhumakkhikājātiyo”ti vadanti. **Bhamaramakkhikā**ti mahāpaṭalakārikā. **Silesasadisanti** sukkhatāya vā pakkatāya vā ghanībhūtaṃ. **Itaranti** tanukamadhu.

Ucchurasam upādāyāti nikkasaṭarasassapi sattāhakālikataṃ dasseti “ucchumhā nibbattan”ti pāḷiyam sāmāññato vuttatā. Yam pana **suttantaṭṭhakathāyam** “ucchu ce, yāvakāliko. Ucchuraso ce, yāmakāliko. Phāṇitam ce, sattāhakālikam. Taco ce, yāvajīvako”ti vuttam, tam ambaphalarasādimitatāya yāmakālikattam sandhāya vuttanti gahetabbam, avinayavacanattā tam appamaṇanti. Teneva “**purebhattam paṭiggahitena aparissāvita-ucchurasenā**”ti-ādi vuttam. **Nirāmisameva vaṭṭati** tattha pavitṭhayāvakālikassa abbohārikattāti idaṃ guḷe kate tattha vijjamānampi kasaṭam pākena sukkhatāya yāvajīvikattam bhajatīti vuttam. Tassa yāvakālikatte hi sāmānpākena purebhattepi anajjhoharaṇīyam siyāti. “**Savatthukapaṭiggahitattā**”ti idaṃ ucchurase cuṇṇavicuṇṇam hutvā ṭhitakasaṭam sandhāya vuttam, tena ca aparissāvitena appaṭiggahitena anupasampannehi kataṃ sattāham vaṭṭatīti dasseti. **Jhāma-ucchuphāṇitanti** aggimhi ucchum tāpetvā kataṃ. **Koṭṭita-ucchuphāṇitanti** khuddānukhuddakam chinditvā koṭṭetvā nippīletvā pakkam.

Tam tattha vijjamānampi kasaṭam pakkakāle yāvakālikattam vijahatīti āha “**taṃ yuttan**”ti. **Sītodakena katanti** madhukapupphāni sītodakena madditvā parissāvetvā pacitvā kataṃ, amadditvā katanti keci, tattha kāraṇam na dissati. **Khīrajallikanti** khīraphenaṃ. **Madhukapuppham panāti**-ādi yāvakālikarūpena ṭhitassapi avaṭṭanakamerayabījavatthum dassetum āraddham.

Sabbānipīti sappi-ādīni pañcapi. Āhāra-kiccaṃ karontāni etāni kasmā evaṃ paribhuñjitabbānīti codanāparihārāya bhesajjodissaṃ dassentena tappasaṅgena sabbānipi odissakāni ekato dassetuṃ “**sattavidhaṃ hī**”ti-ādi vuttaṃ. Apakatibhesajjattā vikaṭāni virūpāni visaharaṇato mahāvisayattā mahantāni cāti **mahāvikaṭāni**. **Upasampadādīnīti ādi**-saddena gaṇaṅgaṇūpāhanādīṃ saṅgaṇhāti.

Adhiṭṭhetīti bāhiraparibhogatthametanti cittaṃ uppādeti, evaṃ paribhoge anapekkhatāya paṭiggahaṇaṃ vijahatīti adhippāyo. Evaṃ aññesu pi kālikesu anajjhoharitikāmatāya suddhacittena bāhiraparibhogatthāya niyamepi paṭiggahaṇaṃ vijahatīti idampi visuṃ ekaṃ paṭiggahaṇavijahanakāraṇanti daṭṭhabbam.

625. **Sace dvinnam -pa- na vaṭṭatīti** ettha pāṭho gaḷito, evaṃ panettha pāṭho veditabbo “sace dvinnam santakam ekena paṭiggahitam avibhattam hoti, sattāhātikkame dvinnampi anāpatti, paribhuñjitum pana na vaṭṭatī”ti. Aññathā hi saddappayogopi na saṅgahaṃ gacchati. “**Gaṇṭhipade**pi ca ayameva pāṭho dassito”ti¹ **sāratthadīpaniyam** vuttaṃ. **Dvinnampi anāpattīti** avibhattattā vuttaṃ. “**Paribhuñjitum pana na vaṭṭatī**”ti idaṃ “sattāhaparamaṃ sannidhikāraṃ paribhuñjitabban”ti vacanato vuttaṃ. “**Yena paṭiggahitam, tena vissajjitattā**”ti iminā upasampannassa dānampi sandhāya “vissajjetī”ti idaṃ vuttanti dasseti. Upasampannassa nirapekkhadinnavatthumhi paṭiggahaṇassa avigatattepi sakasantakatā vigatāva hoti, tena nissaggiyam na hoti. Attanāva paṭiggahitattam, sakasantakattañcāti imehi dvīhi kāraṇehi nissaggiyam hoti, na ekena. Anupasampannassa nirapekkhadāne pana tadubhayampi vijahati, paribhogopettha vaṭṭati, na sāpekkhadāne dānalakkhaṇābhāvato. “Vissajjetī”ti etasmiṅca pālipade kassaci adatvā anapekkhatāya chaḍḍanampi saṅgahitanti veditabbam. “**Anapekkho datvā**”ti idaṅca paṭiggahaṇavijahanavidhidassanattameva vuttaṃ. Paṭiggahaṇe hi vijahite puna paṭiggahetvā paribhogo sayameva vaṭṭissati, tabbijahanañca vatthuno sakasantakatāpariccāgena hotīti, etena ca vatthumhi ajjhoharaṇāpekkhāya sati paṭiggahaṇavissajjanam nāma visuṃ na labbhatīti sijjhati. Itarathā hi “paṭiggahaṇe

1. Sārattha-Ṭī 2. 434 piṭṭhe.

anapekkhova paṭiggahaṇaṃ vissajjetvā puna paṭiggahetvā bhuñjati”ti vattabbaṃ siyā. “**Appaṭiggahitattā**”ti iminā ekassa santakaṃ aññena paṭiggahitampi nissaggiyaṃ hotīti dasseti.

Evanti “puna gahessāmi”ti apekkhaṃ akatvā suddhacittena pariccattataṃ parāmasati. **Paribhuñjantassa anāpattidassanattanti** nissaggiyamūlikāhi pācittiyādi-āpattīti anāpattidassanattanti adhippāyo. **Paribhoge anāpattidassanattanti** ettha pana nissatṭhapaṭiladdhassa kāyikaparibhogādīsu yā dukkaṭāpatti vuttā, tāya anāpattidassanattanti adhippāyo. Sappi-ādīnaṃ paṭiggahitabhāvo, attano santakatā, sattāhātikkamoti imānettha tīṇi aṅgāni.

Bhesajjasikkhāpadavaṇṇanā niṭṭhitā.

4. Vassikasāṭikasikkhāpadavaṇṇanā

628. Catutthe **jetṭhamūlapuṇṇamāsiyā -pa- karaṇakkhettañcāti** paṭhamaddhamāsampi karaṇakkhettaṃ vuttaṃ. Taṃ “katvā nivāsetabbaṃ”ti imassa purimaddhamāse vā pacchimaddhamāse vā katvā pacchimamāseva nivāsetabbanti evamatthaṃ gahetvā vuttaṃ nivāsaneyeva āpattiyā vuttattāti. Yaṃ pana **mātikāṭṭhakathāyaṃ** “gimhānaṃ pacchimo māso pariyesanakkhettaṃ, pacchimo addhamāso karaṇanivāsanakkhettampī”ti¹ vuttaṃ, taṃ tasmimyeva addhamāse katvā nivāsetabbanti evamatthaṃ gahetvā vuttaṃ. Idha vuttanayeneva atthe gahite virodho natthi.

“**Vattabhede dukkaṭaṇ**”ti idaṃ vassikasāṭika-adinnapubbe sandhāya vuttaṃ. Tenāha “**ye manussā**”ti-ādi. **Pakatiyā vassikasāṭikadāyakā** nāma saṃghaṃ vā attānaṃ vā appavāretvāva anusamvaccharaṃ dāyakā.

630. “**Cha māse parihāraṃ labhati**”ti etena antovassepi yāva vassānassa pacchimadivasā akatā parihāraṃ labhatīti dīpitaṃ hoti. **Ekamāsanti** hemantassa pacchimuposathena saha gaṇetvā vuttaṃ. Tasmim

1. Kaṅkhā-Ṭṭha 182, 183 piṭṭhesu.

uposathadivase eva hi taṃ mūlacīvaram kātabbam, itarathā hi nissaggiyato. **Ekāhadvīhādivasena -pa- laddhā ceva niṭṭhitā cāti** ettha ekāhānāgatāya vassūpanāyikāya laddhā ceva niṭṭhitā ca dvīhānāgatāya -pa- dasāhānāgatāya vassūpanāyikāya laddhā ceva niṭṭhitā ca, antovasse vā laddhā ceva niṭṭhitā cāti evamattho daṭṭhabbo. Tattha āsaḥhīmāsassa juṇhapakkhapuṇṇamiyaṃ laddhā, tadaheva rajanakappariyosānehi niṭṭhitā ca vassikasāṭikā “ekāhānāgatāya vassūpanāyikāya laddhā ceva niṭṭhitā cā”ti vuccati. Eteneva nayena juṇhapakkhassa chaṭṭhiyaṃ laddhā, niṭṭhitā ca “dasāhānāgatāya vassūpanāyikāya laddhā ceva niṭṭhitā cā”ti vuccati. Yāva paṭhamakattikatemāsipuṇṇamā, tāva laddhā, niṭṭhitā ca “antovasse laddhā ceva niṭṭhitā cā”ti vuccati. Paṭhamakattikatemāsipuṇṇamito param laddhā ceva niṭṭhitā ca yāva cīvarakālo nātikkamati, tāva anadhiṭṭhahitvāpi ṭhapetum vaṭṭatīti adhippāyo.

Ettha ca “tasminīyeva antodasāhe adhiṭṭhātabbā”ti avisesena vuttepi vassānato pubbe ekāhadvīhādivasena anāgatāya vassūpanāyikāya laddhā tehi divasehi dasāham anatikkamantena vassūpanāyikadivasato paṭṭhāya adhiṭṭhānakkhettaṃ sampattā eva adhiṭṭhātabbā, tato pana pubbe dasāhātikkamena niṭṭhitāpi na adhiṭṭhātabbā adhiṭṭhānassa akhettattā. Tādisā pana vassūpanāyikadivase eva adhiṭṭhātabbā, anadhiṭṭhahato aruṇuggamanena nissaggiyaṃ hoti. Yadi evaṃ “dasāhānāgatāyā”ti iminā kim payojananti ce? Vassānato pubbe eva dasāhe atikkante niṭṭhitā vassūpanāyikadivase eva adhiṭṭhātabbāti dassanattham vuttaṃ. Tenevāha “**dasāhātikkame niṭṭhitā tadaheva adhiṭṭhātabbā**”ti.

Dasāhe appahonte cīvarakālam nātikkametabbāti temāsabbhantare dasāhe appahonte navāhānāgatāya kattikatemāsipuṇṇamāya sattamito paṭṭhāya laddhā, niṭṭhitā ca cīvarakālam nātikkametabbāti attho. Tathā hi “māso seso gimhānanti bhikkhunā vassikasāṭikacīvaram pariyesitabban”ti pariyesanakkhettaṃ vatvā “vassikasāṭikam vassānam cātumāsam adhiṭṭhātun”ti¹ vuttattā katāyapi

1. Vi 3. 411 piṭṭhe.

akatāyapi māsamattam anadhiṭṭhātabbatā siddhā. Yasmā ca akatā vassikasāṭikasaṅkhyam na gacchati, akaraṇaṅca kenaci vekallena, na anādarena, tasmā cātumāsam akatattā eva parihāram labhati, katā pana adhiṭṭhānakkhette, akatā ca cīvarakāle dasāhaparamasikkhāpadeneva parihāram labhatīti ayamatto labbhati. **Kasmāti** attano matiyā kāraṇapucchā. **Tasmāti** vassāneyeva vassikasāṭikāya adhiṭṭhātabbatāvacanato. “**Ticīvaram adhiṭṭhātun**”ti suttam panettha sesacīvarānam evam kālaniyamābhāvam sādhetum uddhaṭam. Na hi tenettha aññam payojanam atthi.

Kadā adhiṭṭhātabbāti-ādikurundivacanenāpi “yadā vā tadā vā adhiṭṭhātum vaṭṭatī”ti idam paṭikkhipitvā dasāhabbhantare eva katāya adhiṭṭhātabbatam dasseti.

Pāliyam **acchinnacīvarassāti**-ādīsu acchinnasesacīvarassa naṭṭhasacīvarassa. Etesaṅhi asamaye pariyesananivāsanāpattiyā eva anāpatti vuttā. Teneva **mātikāṭṭhakathāyam** “acchinnacīvarassa vā naṭṭhacīvarassa vā anivattham corā harantīti evam āpadāsu vā nivāsayato ummattakādīnaṅca anāpattī”ti¹ vuttam, idha pana samantapāsādikāyam ayam nissaggiyā anāpatti pālito sayameva sijjhatīti imam adassetvā asijjhamānam naggassa nhāyato dukkaṭāpattiyā eva anāpattim dassetum **acchinnacīvarassā**”ti-ādi vuttanti gahetabban. Na hi esā anāpatti avutte sijjhatīti. Vassikasāṭikāya attuddesikatā, asamaye pariyesanatā, tāya ca paṭilābhoti imāni tāva pariyesanāpattiyā tīṇi aṅgāni. Nivāsanāpattiyā pana sacīvaratā, āpadābhāvo, vassikasāṭikāya sakabhāvo, asamaye nivāsananti cattāri aṅgāni.

Vassikasāṭikasikkhāpadavaṇṇanā niṭṭhitā.

1. Kaṅkhā-Ṭṭha 183 piṭṭhe.

5. Cīvara-acchindanasikkhāpadavaṇṇanā

631. Pañcame **yampi -pa- acchindīti** ettha yaṃ te ahaṃ cīvaraṃ adāsim, taṃ “mayā saddhim pakkamissatī” tisaññāya adāsim, na aññathāti kupito acchindīti evaṃ ajjhāharitvā yojetabbaṃ.

633. **Ekam dukkaṇṭanti** yadi āṇatto avassaṃ acchindati, āṇattikkhaṇe pācittiyameva. Yadi na acchindati, tadā eva dukkaṇṭanti daṭṭhabbaṃ. **Ekavācāya sambahulā āpattiyoti** yadi āṇatto anantarāyena acchindati, āṇattikkhaṇeyeva vatthugaṇānāya pācittiya-āpattiyō payogakaraṇakkhaṇeyeva āpattiyā āpajjitabbato, cīvaraṃ pana acchinneyeva nissaggiyaṃ hoti. Yadi so na acchindati, āṇattikkhaṇe ekameva dukkaṇṭanti daṭṭhabbaṃ. Evaṃ aññatthāpi īdisesu nayo ñātabbo.

635. **Upajjhaṃ gaṇhissatīti** sāmaṇerassa dānaṃ dīpeti, tena ca sāmaṇerakāle datvā upasampannakāle acchindatopi pācittiyaṃ dīpeti. “Bhikkhussa sāmaṃ cīvaraṃ datvā”ti idaṃ ukkaṭṭhavasena vuttaṃ. **Āharāpetuṃ pana vaṭṭatīti** kamme akate bhatisadisattā vuttaṃ. Vikappanupagapacchimacīvaratā, sāmaṃ dinnatā, sakasaññitā, upasampannatā, kodhavasena acchindanaṃ vā acchindāpanaṃ vāti imānettha pañca aṅgāni.

Cīvara-acchindanasikkhāpadavaṇṇanā niṭṭhitā.

6. Suttaviññattisikkhāpadavaṇṇanā

636. Chaṭṭhe vītavītaṭṭhānaṃ yasmiṃ caturassadārumhi paliveṭṭenti, tassa **turīti** nāmaṃ. Vāyantā tiriyaṃ suttaṃ pavesetvā yena akoṭṭatā vatthe ghanabhāvaṃ āpādentī, taṃ “**vemaṇ**”ti vuccati.

“**Itarasmīṃ tatheva dukkaṇṭan**”ti iminā vāyitūṃ āradhakālato paṭṭhāya yathāvuttaparichedaniṭṭhiteyeva dukkaṇṭampi hoti, na tato pubbe vāyanapayogesūti dasseti.

Tante ʒhitaṃyeva adhiṭṭhātabbanti ettha ekavāraṃ adhiṭṭhite pacchā vītaṃ adhiṭṭhitagatikameva hoti, puna adhiṭṭhānakiccaṃ natthi. Sace pana antarantarā dasā ʒhapetvā visuṃ visuṃ saparicchedaṃ vītaṃ hoti, paccekaṃ adhiṭṭhātabbamevāti daṭṭhabbaṃ. Ettha ca kappiyasuttaṃ gahetvā aññātaka-appavāritenāpi akappiyatantavāyena “suttamatthi, vāyanto¹ natthī”ti-ādipariyāyamukhena vāyāpentassa anāpatti. Teneva **mātikāṭṭhakathāyam**² “vāyāpeyyā”ti padassa “cīvaraṃ me āvuso vāyathāti akappiyaviññattiyā vāyāpeyyā”ti attho vutto, evaṃ vadanto akappiyatantavāyena vāyāpeti nāma, nāññathā.

640. **Anāpatti cīvaraṃ sibbetunti**-ādīsu iminā sikkhāpadeneva anāpatti, akataviññattipaccayā pana dukkaṭamevāti vadanti. Akappiyasuttatā, attuddesikatā, akappiyatantavāyena akappiyaviññattiyā vāyāpananti imānettha tīṇi aṅgāni.

Suttaviññattisikkhāpadavaṇṇanā niṭṭhitā.

7. Mahāpesakārasikkhāpadavaṇṇanā

642. Sattame “**kiñcimattaṃ anupadajjeyyā**”ti idaṃ payogabhedadassanaṃ, dānaṃ panettha aṅgaṃ na hoti. Teneva tassa **vibhaṅge** “antamaso dhammampi bhaṇati”ti vuttaṃ. Sesamettha uttānameva. Aññātaka-appavāritānaṃ tantavāye upasaṅkamtivā vikappamāpajjanatā, cīvarassa attuddesikatā, tassa vacanena suttavaḍḍhanaṃ, cīvaraapaṭilābhoti imānettha cattāri aṅgāni.

Mahāpesakārasikkhāpadavaṇṇanā niṭṭhitā.

1. Vāyāpentā (Si), vāyāpento (Ka)

2. Kañkhā-Ṭṭha 184 piṭṭhe.

8. Accekacīvarasikkhāpadavaṇṇanā

646. Aṭṭhame chaṭṭhiyaṃ uppannacīvarassa ekādasamāruṇo cīvarakāle uṭṭhātīti āha “**chaṭṭhito paṭṭhāyā**”ti-ādi, tena ca “dasāhānāgatan”ti vuttattā pañcamito paṭṭhāya puṇṇamito pubbe dasasu aruṇesu uṭṭhitesupi cīvaram nissaggiyaṃ na hoti. Puṇṇamiyā saha ekādasa divasā labbhantīti ettakameva iminā sikkhāpadena laddhaṃ, chaṭṭhito paṭṭhāya uppannaṃ sabbacīvaram paṭhamakathinasikkhāpadavaseneva yāva cīvarakālaṃ nissaggiyaṃ na hotīti dasseti.

650. Idāni paṭhamakathinādisikkhāpadehi tassa tassa cīvarassa labbhamānaṃ parihāraṃ idheva ekato sampiṇḍetvā dassento “**atirekacīvarassa**”ti-ādimāha. “Anatthate kathine ekādasadivasādhiko māso, atthate kathine ekādasadivasādhikā pañca māsā”ti ayameva pāṭho pāḷiyā sameti. Keci pana “dasadivasādhiko māso, dasadivasādhikā pañca māsāti pāṭhena bhavitabban”ti vadanti, taṃ na yuttaṃ, aññathā “navāhānāgatan”ti vattabbato. Yaṃ panettha **mātikāṭṭhakathāya**ñca “kāmañcesa ‘dasāhaparamaṃ atirekacīvaram dhāretabban’ti imināva siddho, aṭṭhuppattivasena pana apubbaṃ viya atthaṃ dassetvā sikkhāpadam ṭhapitan”ti¹ likhanti, taṃ pamādalikhitaṃ “pavāraṇamāsassa juṇhapakkhapañcamito paṭṭhāya uppannassa cīvarassa nidhānakālo dassito hotī”ti¹ vuttattā. Imameva ca pamādalikhitaṃ gahetvā **bhadantabuddhadattācariyena** ca “parihārekamāsova, dasāhaparamo mato”ti-ādi² vuttanti gahetabbaṃ.

Accekacīvarasadise aññasminti pubbe adhiṭṭhite uppannakālākārādi³ sādiseṇa accekacīvarasadise aññasmim cīvare accekacīvarasaññāya cīvarakālaṃ atikkametīti attho. Tenevettha dukkaṭaṃ, anāpatti ca vuttā, itarathā tīsupi padesu pācittiyasseva vattabbato. Anaccekacīvarampi hi cīvarakālaṃ atikkamayato pācittiyameva accekacīvarattike viyāti daṭṭhabbaṃ, vikappanupagapacchimappamāṇassa accekacīvarassa attano

1. Kañkhā-Ṭṭha 187 piṭṭhe.

2. Vinayavinicchaye.

3. Uppannakārākālādi (Sī)

santakatā, dasāhānāgatāya kattikatemāsipuṇṇamāya uppanabhāvo,
anadhittihita-avikappitatā, cīvarakālātikkamoti imānettha cattāri aṅgāni.

Accekacīvarasikkhāpadavaṇṇanā niṭṭhitā.

9. Sāsaṅkasikkhāpadavaṇṇanā

652-3. Navame antarantarā gharametthāti **antaragharanti** gāmo vuttoti āha “**antogāme**”ti. “Paṭhamam jhānam upasampajja viharatī”ti¹ imassa vibhaṅge “upasampajjan”ti sānusāram uddhaṭam. Tam sandhāyāha “**upasampajjanti-ādīsu viyā**”ti. **Tassāpīti** “vutthavassānan”ti vibhaṅgapadassapi. **Vutthavassānanti** ca niddhāraṇe sāmivacanam, etena ca purimasikkhāpade anattatakathinānam kathinamāsepi asamādānacāro na labbhatīti siddham hoti, itarathā sikkhāpadasseva niratthakattāti daṭṭhabbam.

Parikkhepārahaṭṭhānatoti ettha gāmapariyante tithagharūpacārato paṭṭhāya eko leḍḍupāto parikkhepārahaṭṭhānam nāma. **Visuddhimaggepi** “aparikkhittassa paṭhamaledḍupātato paṭṭhāyā”ti² vuttam. **Tanti** tam paṭhamasenāsanādīm. **Majjhimanikāyaṭṭhakathāyam** pana vihārassapi gāmasseva upacāram nīharitvā ubhinnaṃ leḍḍupātānam antarā minitabbanti vuttam.

“Kosambiyam aññataro bhikkhu gilāno hotī”ti āgatattā “**kosambakasammuti anuññātā**”ti vuttam. “**Ayañca pacchimidisaṃ gato hotī**”ti iminā antaraghare cīvaram nikkhipitvā tasmim vihare vasantassa sakalampi cīvaramāsam vippavasitum vaṭṭati, tato aññattha gamanakicce sati viharato bahi chārattam vippavāso anuññātoti dīpeti. Tenāha “**senāsanam āgantvā sattamam aruṇam uṭṭhāpetun**”ti-ādi. **Vasitvāti** aruṇam uṭṭhāpetvā. **Tatthevāti** tasmiññeva gataṭṭhāne. Aṅgāni panettha aṭṭhakathāyameva vuttāni.

Sāsaṅkasikkhāpadavaṇṇanā niṭṭhitā.

1. Abhi 2. 274 piṭṭhe.

2. Visuddhi 1. 70 piṭṭhe.

10. Pariṇatasikkhāpadavaṇṇanā

660. Dasame **ropitamālavacchatoti** kenaci niyametvā ropitaṃ sandhāya vuttaṃ. Anocitaṃ milāyamānaṃ ocinitvā yattha katthaci pūjetuṃ vaṭṭati. **Ṭhitaṃ disvāti** sesakaṃ gahetvā ṭhitaṃ disvā. **Yattha icchatha, tattha dethāti** ettha niyametvā “asukassa dehi”ti vuttepi doso natthi “tumhākaṃ ruciya”ti vuttattā. Saṃghe pariṇatabhāvo, taṃ ñatvā attano pariṇāmanaṃ, paṭilābhoti imānettha tīṇi aṅgāni.

Pariṇatasikkhāpadavaṇṇanā niṭṭhitā.

Niṭṭhito pattavaggo tatiyo.

Iti samantapāsādikāya vinayaṭṭhakathāya vimativinodaniyam

Timsakavaṇṇanānayo niṭṭhito.

Paṭhamo bhāgo niṭṭhito.

Vimativinodanīṭkāya paṭhamabhāge

Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akataviññatti	235	Acopetvā	88
Akatvā	223	Accekacīvarasadise	360
Akappiyamaṁsasappimhi	350	Acchariyaṁ	248
Akātuṁ	235	Acchavaśaṁ	352
Akārikā	281	Acchinditvā	158
Akitti	105	Acchinnacīvarassa	357
Akiriyato	149	Acchīni	168
Akiriyā	327	Accheyya	296
Akuppadhammatā	70	Achaddetukāmo	179
Akusalavipāke	159	Ajānato	217
Akosallasambhūtaṭṭhena	69	Ajjabhāvaṁ	88
Akosallasambhūte	209	Ajjhavasatā	99
Akkhadassā	174	Ajjhāvutthāni	184
Akkharaṁ	65	Aññacittena	225
Akkhasīsehi	181	Aññamaññaṁ	322
Akkhuddhīhi	181	Aññāya	68
Agacchante	335	Aṭavimukhaṁ	179
Agamanapathe	319	Aṭṭālako	280
Aggīhi	143	Aṭṭhakathā	124
Agghavaḍḍhanakaṁ	327	Aṭṭhānaṁ	93
Agghiyaṁ	166	Aṭṭhimkatvā	129
Aṅgamattaṁ	153	Aḍḍhaterasapalā	347
Aṅgārakāsuṁ	142	Aṇḍakosaṁ	70
Acāvetukāmo	179	Atādisameva	189
Acittakaṁ	279	Atipātentō	224

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Atimaññissati	90	Adhammikāya	127
Atirekaṃ	312	Adhikusalā	102
Atirekakāraṇaṃ	124	Adhigamapucchā	242
Atirekāyananatto	107	Adhiṭṭhahato	222
Attadutiya	192	Adhiṭṭhātabbā	357
Attabhāve	198	Adhiṭṭhānavasī	220
Attā	104	Adhiṭṭhānasampannaṃ	208
Attādānaṃ	286	Adhiṭṭhānidhi	205
Atthaṃ	140	Adhiṭṭheti	354
Atthato	125	Adhimattaṃ	213
Atthadīpane	240	Adhimuccato	222
Atthapaccatthikā	287	Adhimokkho	221
Atthapadasamāyogato	65	Adhivāsetvā	253
Atthayojanākkamaṃ	209	Adhisayitāni	70
Atthavase	105	Anacchariyā	69
Atthasataṃ	107	Anajjhāvutthakaṃ	197, 272
Atthasampatti	65	Anatthasañhite	90
Atthasādhako	173, 174	Anatthāya	253
Atthāya	253	Anadhiṭṭhānena	317
Atthe	129	Anadhippetāṃ	131
Atthena	122	Ananucchaviko	287
Attho	65	Anantabuddhi	135
Athabbaṇaṃ	224	Anabhirato	252
Adinnādānato	194	Anabhiraddho	283
Adutiya	163	Anavakāso	93
Adūhalaṃ	203	Anavayo	165
Adūhalapāsāṇā	237	Anāgatasambandhe	244
Addhānavasena	211	Anāgate	183
Addhānasankhāte	211	Anāṇatto	182

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anāpattim	126	Anuvahanā	215
Anābhogarasā	76	Anuvādo	291
Anāmaṭṭhapiṇḍapāto	237	Anusañcaraṇaṃ	72
Anāmāsadukkaṭaṃ	175	Anusaṭaṃ	70
Anārammaṇaṃ	216	Anekavihitā	69
Anāvikatvā	133	Anejaṃ	86, 249
Anikkhante	186	Anokappanaṃ	100
Aniggate	186	Anovassakaṃ	165
Anicchantassa	233	Antaggāhikā	285
Aniṭṭhite	278	Antaragharaṃ	361
Anisīditvā	190	Antarā	70
Anissaṭṭhattā	346	Antarāpattim	125
Anissarā	203	Antarāmagge	320
Anu	69	Antogadhaṃ	307
Anukampatā	288	Antogāme	179
Anukampāya	285	Antodvādasahatthe	323
Anugataṃ	70	Antolittā	274
Anugamaṃ	216	Antovatthumhi	179, 194
Anuggaho	72	Antosīmāyaṃ	320
Anudhammatā	96, 163	Apacinitabbā	278
Anupaghāto	92	Apaccuddharaṇaṃ	320
Anupavādo	92	Apaññatte	101
Anupassanāñāṇaṃ	212	Apatto	349
Anupāsako	293	Apadānena	298
Anupubbaṃ	217	Apade	162
Anupubbādhiḡatena	70	Apanetabbo	242
Anuppabandhābhāvā	233	Apabyūhanto	177
Anubandhitvā	97	Aparagaṅgaṃ	143
Anubhūtapubbaṃ	253		
Anumajjanaṃ	72		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Aparāparampi	119	Abhinīhārakkhamam	78
Aparibhuttam	335	Abhinīhāro	80
Aparo	226	Abhiyuñjati	182
Apasādeti	264	Abhiyogavasena	171
Apassāya	162	Abhiramāmi	134
Api	315	Abhivitarivā	223
Apidhāya	139	Abhūtam	241
Apunabbhavabhūtā	69	Amarisanam	100
Appaṭikūlam	86	Ayaso	105
Appaṭiggahitattā	355	Ayuttakam	181
Appaṭivattiyam	122	Ayuttanti	178
Appaṭisamam	70	Ayoniso	96
Appatīto	283	Araññasanīkhepam	170
Appamāṇam	283	Arahatte	241
Appavattim	85	Arahantāpi	230
Appavesento	145	Ariṭṭham	284
Appātaṅkam	67	Ariyāya	127
Appābādham	67	Aruṇe	161
Appitavatthassa	89	Aruṇo	311
Appitā	73	Alam	230
Abandhitvā	193	Alaṅkaritvā	233
Abbohārikam	275	Alaṅkārabhaṇḍam	200
Abbohārikattā	118	Alajjiniyo	155
Abbohārikā	252	Alābhakena	233
Abbhantarimam	192	Allasarīre	144
Abbhāghātam	276	Allokāse	138
Abbhūṇhe	199	Avajjhāyanti	169
Abbhussitam	296	Avatthukavacanam	281
Abhiññeyyam	222	Avasesapadāni	222

Padānukkamo	Piṭṭhaṅko	Padānukkamo	Piṭṭhaṅko
[A]		[Ā]	
Avasesānaṁ	69	Ā	97
Avassutānaṁ	138	Ākāraṇānattena	283
Avahari	200	Ākārehi	210
Avahārena	180	Ākāro	65
Avahāro	177, 187	Ākiritvā	236
Avāyimaṁ	333	Āgantukaṁ	237
Avikkhepaṁ	210	Āgantukā	203
Avijahanto	124	Āgamanato	244
Avippavāse	317	Āgamanapaṭipadā	242
Avipphāriko	102	Āgamma	180
Avisesena	316	Ācariyake	96
Avuttattā	73	Ācariyadhanu	171
Avokkamanto	124	Ācariyaparamparā	125
Asaṁvāso	120	Ācariyabhāgo	236
Asaddhammapaṭisaññuttaṁ	264	Ācariyavāde	122
Asantaṁ	241	Ācariyavādo	123
Asampajjamāne	241	Ācariyuggaho	215
Asampaṭicchitattā	346	Ācariyo	126
Asampatte	186	Ājīvahetu	285
Asambhuṇantena	95	Ājīvo	87
Asammohatthaṁ	196	Āṭhapito	193
Asahāyakassa	192	Āṇattikaṁ	195
Asiṁ	232	Āṇattikapayogo	174
Asubhāya	207	Āṇattikassa	195
Asurasadisam	84	Āṇattiyā	190
Assa	221	Āṇattena	201
Assāmikaṁ	197	Āṇattehi	201
Assāsapassāse	218	Āṇāpakena	196
Assāsavasena	209	Āṇāpentassa	228
		Āthabbaṇikā	224

Padānukkamo	Piṭṭhaṅko	Padānukkamo	Piṭṭhaṅko
[Ā]		[Ā]	
Ādātukāmena	286	Āvāso	213
Ādi	132	Āvāhetvā	238
Ānantariyaṃ	226	Āvāho	267
Āneñjasamādhī	249	Āvikate	133
Āpattim	125	Āsabhiṃ	68
Āpattibhedadassanattamaṃ	278	Āsayaposanaṃ	71
Āpattiviseso	227	Āsayabhedato	252
Āpattivuṭṭhānatā	288	Āsavehi	94
Āpucchitvā	204	Āharāpentesu	202
Ābhidosikaṃ	100	Āharāma	235
Āmaṇḍasārake	169	Āharitvā	204
Āmasanaṃ	108	Āhiṇḍantā	107
Āmodeti	223		
Āyassa	84	[I]	
Āyūhitassa	248	Icchāmattaṃ	224
Āyogo	92	Icchāvacaṛānaṃ	78
Āraṇṭakamaṃ	168	Ṇāyikā	101
Ārakkhā	76	Ītarathā	224
Āraggena	166	Īto	218
Āraddhacitto	129	Īttaramaddhānaṃ	211
Ārammaṇato	75, 221	Īttaravasena	212
Ārāmaṃ	172, 182	Ītthattāya	86
Āropitacammaṃ	263	Ītthinimitte	147
Āropetvā	180	Ītthiyā	146
Ālambanarukkho	232	Iddhi	213
Ālokapariggahena	81	Iddhijaṃ	311
Ālopassa	348	Iddhivisaye	205
Āvajjato	222	Idhūpapattiyā	80
Āvāsaṃ	183	Indakhilā	171

Padānukkamo	Piṭṭhaṅko	Padānukkamo	Piṭṭhaṅko
[I - Ī]		[U]	
Iriyāpathaṃ	240	Udakavāhakaṃ	180
Issaravatāya	202	Udukkhalabhaṇḍikaṃ	233
Issaro	204	Uddānagāthā	153
Iha	129	Uddissa	229
Ītim	224	Uddesaṃ	209
[U]		Uddeso	275
Ukkaṇṭhito	134	Uddhate	241
Ukkamanti	274	Uddhammaṃ	96
Ukkiranti	166	Uddharaṇaṃ	142
Ukkiritvā	166	Uddharati	201
Ukkocaṃ	182	Uddhāre	189, 191
Ukkipati	125	Uddhāro	99
Uggaṇhanaṃ	214	Uddhumātakasaññā	129
Uggate	161	Unnaḷe	241
Uggahitakaṃ	350	Upakkamantassa	159
Uggahetvā	352	Upakkamena	233
Ujukaṃ	187, 281	Upakkilesā	217
Ujjhāyanattho	169	Upagacchati	325
Uṇhodakena	67	Upacārabhūmiyaṃ	219
Ututtayānukūlaṃ	210	Upacāre	191
Utunī	102	Upacchindītabbo	213
Uttarimanussānaṃ	242	Upajjhā	156
Uttāsītattā	246	Upajjhāyassa	235
Udakaṃ	236	Upaṭṭhānaṃ	209, 212, 221
Udakakaṇḍhiyaṃ	100	Upaḍḍhakumbhiyaṃ	177
Udakantaṃ	72	Upaddavaṃ	224
Udakapūjaṃ	204	Upanāho	297
Udakamaṇiko	185	Upanikkhipati	232
Udakavasena	331	Upanibandhanatthambhamūle	216
		Upapatti	248

Padānukkamo	Piṭṭhaṅko	Padānukkamo	Piṭṭhaṅko
[U - Ū]		[E]	
Upapattivāsena	68	Ekacārikabhaddhā	281
Upapannaphalo	91	Ekantena	344
Uparibhāgena	139	Ekapadampi	215
Uparopakā	158	Ekapadikasaṅkamo	264
Upaladdho	175	Ekapasse	191
Upalabbhanti	241	Ekabhaṅgena	162
Upasamharati	233	Ekamantaṃ	188
Upasampanno	130	Ekamekaṃ	183
Upahatakāyappasādo	160	Ekarasaṃ	160
Upādinnakena	146	Ekalakkhaṇaṃ	178
Upāsako	87	Ekādase	322
Upekkhā	212, 221	Ekābaddhaṃ	193
Upekkhānubrūhanā	207	Ekībhāvaṃ	67
Uppanne	160	Ekībhāvato	209
Uppāṭṭe	159	Ekūnavīsatiḥedassa	221
Ubbāsetvā	237	Eko	194
Ubbāhikāya	286	Etadaggaṃ	162, 250
Ubbāḷhā	105	Ettakaṃ	230
Ubbinayaṃ	96	Evamsaññī	312
Ummattako	147	Evarūpaṃ	101
Ummujjamānā	96	Evarūpāni	240
Uraparicchedamajjhe	182		
Ussite	233	[O]	
Ūnakaṃ	312	Okallako	135
		Okāsaparikappe	199
[E]		Okāsābhāvena	229
Ekaṃ	160	Okkantikadhammadesanā	104
Ekakkhaṇavasena	75	Okkantikavinicchayo	155
Ekagotto	80	Ocarake	195
Ekaggataṃ	210		

Padānukkamo	Piṭṭhaṅko	Padānukkamo	Piṭṭhaṅko
[O]		[Ka]	
Oṭṭhamāṃse	159	Katachidde	178
Oḍḍessanti	146	Kataparikkhepo	170
Oṇim	194	Katabhaṇḍam	335
Otarati	122	Katassa	178
Otāretabbam	123	Katahatthā	249
Otiṇṇattā	238	Katāni	184
Otiṇṇe	125, 206	Katikavattāni	163
Otthatopi	238	Katupāsana	249
Odanagatikāni	348	Kathāphāsukā	102
Odapattakinī	269	Kathinasamuṭṭhānaṃ	148, 149
Onahitum	263	Katheti	122
Opammanidassanaṃ	210	Kapimiddhapareto	255
Opammasampaṭipādanaṃ	70	Kappaṃ	295
Obhāsaṃ	82	Kappakatā	181
Obhāsādayo	221	Kappāsikaṃ	310
Obhāso	274	Kappiyaṃ	171
Oramati	338	Kappiyakāraḱānaṃ	330
Oloketvā	276	Kappo	80
Olokesim	68	Kambalaṃ	310
Ohitasoto	129	Kammaṃ	213
[Ka]		Kammaṭṭhānaṃ	126
Kaṃsalohaṃ	262	Kammaṭṭhānassa	214
Kaṃse	213	Kammabhāvo	153
Kaṅkhaṃ	221	Kammassakataññaṃ	132
Kaḍḍhati	179	Kammādhippāyā	237
Kaṇṭakadvāraṃ	160	Kammāpattibyattibhāvatthaṃ	225
Kaṇṭhena	177	Kammāragagarī	221
Kaṇṇasuttakaṃ	167	Kammunā	225
Kaṇṇikā	300	Kammaṇa	130
		Kayo	267

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Karaṇabhāvaṃ	165	Kāraṇacchāyā	124
Karuṇāvipphāraṃ	69	Kāraṇato	125
Karontānaṃ	165	Kārukānaṃ	271
Kalalalepo	276	Kāruṇṇatā	288
Kalāpabaddhaṃ	179	Kāretabbo	180
Kalāpasammasanavasena	221	Kālañca	255
Kalisāsanāropanatthāya	103	Kālitthī	259
Kasambujāto	135	Kicchena	241
Kasirena	241	Kiñcimattaṃ	359
Kahāpanagghanako	237	Kiṭṭikāsu	160
Kahāpaṇe	331	Kitavassa	241
Kājakotiyaṃ	193	Kiriyato	149, 280
Kājabhattaṃ	127	Kiriyā	324
Kātabbaṃ	155-156	Kiriyākiriyato	149
Kāmāvacarāni	131	Kiriyāsamuṭṭhānaṃ	153
Kāmesu	103	Kilāsuno	92
Kāyakammaṃ	150, 153	Kilesavasena	85
Kāyagatāsati	129	Kilesā	219
Kāyaṅgaṃ	88	Kīlataṃ	216
Kāyaduccaritaṃ	69	Kuñcikapanaḷimattaṃ	264
Kāyadvāreṇeva	153	Kuṭṭikamme	278
Kāyabandhanādīnaṃ	335	Kuṭṭikāya	165
Kāyavikāraṃ	312	Kuṭṭaṃ	204
Kāyavivekādayo	71	Kumārako	135
Kāyasaṃsaggarāgena	146	Kumīnamukhaṃ	203
Kāyasaṅkhāraṃ	212	Kumbhijajarakaraṇena	178
Kāyo	212	Kulaṃ	213
Kāraṇasaṃghasadisāṃ	122	Kulaparivaṭṭo	235
Kāraṇaṃ	124	Kulasāṅgahaṇatthāya	202
		Kulasamudācārakammaṃ	69

Padānukkamo	Piṭṭhaṅko	Padānukkamo	Piṭṭhaṅko
[Ka]		[Kha]	
Kulassa	205	Khantiṁ	88
Kulumbassa	224	Khandhakavattāni	163
Kusaṁ	200	Khandhasaṅgahavasena	75
Kusalaṁ	135	Khamanīyaṁ	67
Kusalacittāni	131	Khayaṁ	350
Kusalattikavasena	75	Kharapattāṁ	342
Kusalūpasamhitaṁ	129	Khāṇuṁ	147
Kuse	154	Khāṇukaṁ	177, 232
Kerāṭikassa	241	Khāṇuke	147
Kevala	66	Khāyitaṁ	144
Kesaggamattampi	177, 182	Khāyite	198
Kesehi	154	Khiḍḍādhippāyena	238
Kojavo	314	Khīṇaparibbayaṁ	237
Koṭṭita-ucchuphāṇitaṁ	353	Khīrajallikaṁ	353
Koṭṭhāsasampatti	324	Khuddakaṁ	314
Koṇasuttapiḷakā	166	Khettameva	134
Koṇṭho	135, 292	Khepaṁ	123
Koṭūhalacchare	86	Khobhakarapaṇaccayo	253
Kodhābhisaṅgo	297	Khomaṁ	310
Kopetvā	155	[Ga]	
Kosambakasammuti	361	Gacchati	203
Kosiyakārake	333	Gacchantāṁ	228
[Kha]		Gacchante	193
Khaṇe	142	Gaṇanānupubbatā	73
Khaṇeneva	210	Gaṇasaṅgaṇikāpapañcena	102
Khaṇḍaṁ	215	Gaṇasaṅgaṇikāya	104
Khaṇḍadvāraṁ	194	Gaṇṭhike	167
Khaṇḍiccādibhāvaṁ	67	Gaṇhato	201
		Gaṇhante	189

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ga]	
Gataṭṭhāne	193	Gocarabhūmi	276
Gatikam	322	Gocaro	219
Gatimantā	267	Gotamacetiyaṃ	310
Gatesu	191	Gottam	290
Gandhabba	100	Gonasā	139
Gabbhaṃ	224	Gopuraṭṭālakayuttam	280
Gabbhassa	102	Gopentopi	232
Gabbhitena	139	Gopphetvā	160
Gambhīrā	65	[Gha]	
Garaham	123	Ghaṃsanto	182
Garukabhāve	124	Ghaṃsitabbe	165
Garukānam	285	Ghaṭati	281
Garumedhassa	136	Ghaṭiyati	126
Galavāṭako	181	Ghaṭiyati	277
Gahaṇena	158	Ghaṭṭanam	108
Gahitam	352	Ghaṭṭentassa	147
Gahitattā	190	Ghanakatam	343
Gahetabbaṃ	122	Gharaṇī	270
Gahetvāna	156	Ghātako	225
Gāmato	179	Ghāteti	194
Gāmadvāram	189	[Ca]	
Gāme	227	Cakkavīriyo	266
Gārayhācariyavādo	123	Cakkhukiccakaraṇena	81
Gāravena	280	Cakkhubhūtā	248
Gāhāpetabbo	192	Caccaranissitam	276
Gāḷhataram	118	Caṇḍapajjotamātu	101
Giñjakāvasathasankhepena	165	Catukoṇameva	166
Gihipalibodham	120		
Gīvā	177, 202		
Guṇavasena	130		

Padānukkamo	Piṭṭhaṅko	Padānukkamo	Piṭṭhaṅko
[Ca]		[Ca]	
Catukkaṃ	143	Corānaṃ	191
Catucakkaṃ	241	Corāpi	229
Catubhāga-udakasambhinne	204	[Cha]	
Caturaṅgasamannāgataṃ	70	Chaḍḍentassa	178
Capale	241	Chattadaṇḍaggāhakaṃ	166
Cammakhīlaṃ	139	Chattamaṇḍalikaṃ	166
Cara	281	Chattamukhavaṭṭiyaṃ	167
Carimakacitta	99	Chadanaṃ	278
Cāretvā	88	Chadanānaṃ	163
Cāletvā	236	Chandarāgo	71
Cikkaṇaṃ	177	Chandavasena	211
Cittaṃ	84, 211	Chando	206
Cittakoṭṭhāso	171	Challiyā	184
Cittaṅgaṃ	149	Chasamuṭṭhānaṃ	148
Cittato	75	Chātajjhataṃ	203
Cittapaṭisaṃveditā	223	Chārattaṃ	159
Cittassa	208	Chiddaṃ	349
Cintayi	102	Chindanti	238
Cimilikāhi	325	Chinnachadditaṃ	197
Cīvarakālaṃ	356	Chinnamate	177
Cīvaracetāpannaṃ	330	Chinno	140
Cīvarapaccāsā	321	Chupati	145
Cuṇṇavicuṇṇā	211	Chupanaṃ	145
Cuditakena	125	Chupantaṃ	138
Ceṭako	135	Chekā	267
Cellako	135	Chedanaṃ	226
Codakena	125	[Ja]	
Codanāsodhanāhi	213	Jagganathāya	256
Codeti	285	Jaggitvā	273

Padānukkamo	Piṭṭhaṅko	Padānukkamo	Piṭṭhaṅko
[Ja]		[Ña]	
Jaggenti	192	Ñāṇasatāni	107
Jacco	127	Ñāṇasamodhānam	245
Janakāye	174	Ñāṇuppādanādīsu	212
Jahitukāmo	134	Ñātakapavāritaṭṭhānato	235
Jāgaranti	143	Ñātakā	235
Jātapathavī	232	Ñātapariññā	103
Jātarūpamāsako	336	Ñātikā	155
Jātānam	208	Ñātiparivaṭṭo	95
Jāti-uṇṇā	223	[Tha]	
Jātivasena	68	Ṭhapayaṃ	218
Jāto	193	Ṭhipitamattameva	193
Jānato	222	Ṭhapite	277
Jānanti	191	Ṭhapeti	192
Jānātu	134	Ṭhapenti	192
Jāyābhāve	268	Ṭhānam	329
Jārabhāve	268	Ṭhānā cāveti	177
Jālabaddham	278	Ṭhānāni	181
Jīrāpeti	191	Ṭhāne	288
Jīvāti	194	Ṭhānesu	103
Jīvitaparikkhārā	266	Ṭhitam	142, 227
Jeṭṭhabbatiko	292	Ṭhitakālasadisam	122
[Jha - Ña]		Ṭhitassa	194
Jhānaṅgāni	220	[Ta]	
Jhānappaṭilābhapaccayānam	78	Tam	156
Jhāne	221	Tamñāṇatā	245
Jhāpeti	73	Tammissitarūpāni	220
Jhāma-ucchuphāṇitam	353	Tamsamuṭṭhānena	76
Ñātticatutthena	130	Taṅkhaṇaññeva	134
Ñāṇacakkhunā	241	Tacchetvā	230

Padānukkamo	Piṭṭhaṅko	Padānukkamo	Piṭṭhaṅko
[Ta]		[Ta]	
Tajjaṃ	221	Tipupaṭṭakena	349
Tatīyapañcomesu	173	Tibbaṃ	129
Tattakā	226	Tividhakalyāṇaṃ	207
Tatthajātakayaṭṭhi	232	Tisamuṭṭhānaṃ	149
Tathābhūtaṣṣa	212	Tihatthā	275
Tadaṅgavivekādayo	71	Tihetukapaṭṭisandhikā	135
Tadadhigamāya	73	Tīraṇaṃ	76
Tadadhimuttatā	220	Tīraṇapariññā	103
Tadupiyāṃ	89	Tucchapokkharaṃ	263
Taddhitalopaṃ	101	Tumbāni	97
Taddhitavohārena	281	Turī	358
Tantiṃ	281	Tulayitvā	174
Tante	359	Tulādaṇḍasadisāṃ	139
Tannissaraṇato	71	Tejosaṃvaṭṭo	80
Tappaccayā	186	Tebhūmakavaṭṭaṃ	103
Taraṅgā	73	Telatambamattikāya	165
Taḷākarakkhaṇatthāya	185	[Tha]	
Tādiso	212	Thaddhataṃ	232
Tārakarūpaṃ	218	Tharunā	228
Tālapaṇṇaṃ	238	Thāmaṃ	95
Tālavatthukatā	68	Thāmagatāya	73
Tāvakālikāṃ	323	Thālake	167, 237
Timsāni	286	Thullaccayaṃ	159, 180
Tikadukkaṭaṃ	125	Thullaccayakkhette	144
Tikapācittiyāṃ	324	Thenetvā	241
Tikkhakaravippa-		Theyyacittena	178, 191
sannasūrabhāvo	70	Theravādaṅgaṃ	125
Tiṭṭhanti	180	Theravādo	122
Tiṇḍupakaṃ	260	Therānaṃ	203
Titthiyadhajo	165	Thoke	198
Titthiyā	80		

Padānukkamo	Piṭṭhaṅko	Padānukkamo	Piṭṭhaṅko
[Da]		[Da]	
Dakasotaṃ	252	Dibbavīhārasannissitattā	81
Daṇḍakehi	278	Diyyamānaṃ	201
Daṇḍabunde	166	Dirattatirattaṃ	133
Daṇḍavāgurāhi	208	Divase	156
Daṇḍo	234	Dīghamaṣṣāsavasena	210
Dantavidamaṃsakam	139	Dukūlaṃ	311
Dantesu	159	Dukkaṭaṃ	146
Dabbūpakaraṇāni	238	Dujjānaparicchedaṃ	241
Damiḷanāli	348	Duṭṭhullāpatti	308
Davā	245	Dutiyapadavāre	194
Dasalakkhaṇasampannaṃ	207	Dutiyappahārena	225
Dasasahassacakkavāle	96	Dutiyādīnaṃ	154
Dasāhā	322	Dutiyena	71
Dassanaṭṭhena	81	Dupparāmaṭṭhaṃ	243
Dātabbaṃ	184	Dubbalaṃ	186
Dānaṃ	100	Dubbala-akusalena	155
Dāmarikacorassa	237	Dubbalakusalena	155
Dāyādā	338	Dubbalaḍḍubbalaṇaṃ	246
Dāraḱā	204	Dubbalyaṃ	133
Dāru-atthaṃ	174	Dubbalye	133
Dārūni	184	Dubbharataṃ	104
Dāsassa	193	Durūpaciṇṇadukkaṭaṃ	175
Diguṇaṃ	192	Dussaddhāpayā	248
Diṭṭhapaṛisaṅkitaṃ	284	Dussasāṇidvāraṃ	160
Diṭṭhasantānena	287	Dussīlapuggalā	105
Diṭṭhānugatiṃ	165	Dussīlā	283
Diṭṭhiṃ	84	Dūtaṃ	134
Dinnāpi	101	Deddubhasīsaṃ	168
Dibbacakkhuvijjāya	244	Devadinnaṃ	311
Dibbavīhārasavasa	81	Devarājanaṃ	238

Padānukkamo	Piṭṭhaṅko	Padānukkamo	Piṭṭhaṅko
[Da]		[Dha]	
Devavaṇṇaṁ	274	Dhuranikkhepavasena	182
Desato	218	Dhuranikkhepena	186
Desanā	65	Dhuranikkhepo	174
Desanāvīlāsappatto	69	Dhenubhayena	320
Dolā	216	Dhotam	99, 350
Dosantaro	288	Dhovanadaṇḍakaṁ	234
Dosā	100	Dhovantā	234
Dvattimsākāraṁ	126	Dhovāpeti	335
Dvayaṁ	178	[Na]	
Dvārassa	318	Nakhasikhā	70
[Dha]		Naṭā	100
Dhaññakaraṇaṭṭhāne	88	Naṭṭhakāyappasādaṁ	139
Dhanaṁ	193	Nadīparihāro	318
Dhanukaṁ	203	Nappahonti	235
Dhammaṁ	135	Nayo	226
Dhamma	135	Navasasse	331
Dhammagandhikā	276	Navāvutaṁ	265
Dhammatāya	230, 233	Nassati	191
Dhammatāsiddhaṁ	116	Nassissanti	232
Dhammadhātuṁ	69	Nāṭakā	100
Dhammadhātu	248	Nānākāraṁ	218
Dhammanimantanā	325	Nānāvajjane	76
Dhammaparibhogo	338	Nānāverajjakā	248
Dhammānuggahena	339	Nānāsuttakehi	166
Dhammiyādhammiya		Nāmaṁ	290
paribhogo	338	Nāmakāyo	105
Dhammo	65	Nāmamate	348
Dhātucariyānukūlaṁ	210	Nālakapaṭipadaṁ	163
Dhiraṁ	135	Nāsikagge	217
Dhuraṭṭhāne	298		

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Nāsetukāmatāpakke	179	Nimittakusalatā	219
Nikkhantassa	179	Nimittato	144
Nikkhamantānaṃ	70	Nimittasaññaṃ	196, 204
Nikkhamitvā	171	Nimittasaṅghānaṃ	144
Nikkhittattā	189	Nimitte	190, 218
Nikkhipeyya	156	Nimittena	138
Nigamaṇaṃ	95	Nimmitānaṃ	281
Nijjhāmatanḥikā	159	Niyato	96
Nidānappabhedadīpanaṃ	97	Niyamitaṃ	202
Niddāvasena	162	Niraṅkato	140
Niddeso	65	Nirutti	65
Niddosatāya	92	Niruttivasena	130
Niddoso	231	Niruttisatāni	107
Niddhamanatumbaṃ	180, 186	Nirumbhitvā	183
Nidhānamukhaṃ	335	Nivāsa	79
Nipajjati	162	Nisajjaṃ	306
Nipanno	194	Nisajjāya	306
Nippakkhacamme	249	Nisinnā	160
Nibaddhaṃ	192	Nissajji	346
Nibaddhagocaraṭṭhānaṃ	276	Nissayo	320
Nibaddhadānassa	89	Nissitake	192
Nibbaṭṭitattā	352	Nissenṇiṃ	161
Nibbattā	198	Nissevālapaṇakakaddamo	249
Nibbattikaṃ	85	Nīlakahāpaṇo	169
Nibbahana-udakaṃ	185	Nīharanto	214
Nibbindanto	221	Nīharitvā	120
Nibbeṭhenti	281	Nīhareyyuṃ	175
Nimittaṃ	144, 213	Nekkhamaṃ	71
Nimittakammaṃ	274	Nhārudaddulaṃ	208

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṁsupacchim	230	Pacchimikāya	159
Pakatattehi	140	Pajānato	210
Pakatatto	156	Pajjarakaṁ	224
Pakappetvā	223	Pajjhāyi	102
Pakārehi	79	Pañcakaṁ	172
Pakāsaṇaṁ	65	Pañcakāmaguṇikarāgassa	69
Pakiṇṇakaṁ	148	Pañcaṅgadasaṅgasīlaṁ	130
Pakkatelakasaṭe	352	Pañcaṅgavippahīnaṁ	207
Pakkamanantikā	310	Pañcapañcappabhedena	206
Pakkhandiyaṁ	224	Pañcasatā	323
Pakkhavārena	192	Pañcasandhikaṁ	214
Paguṇaṁ	86	Pañcasenāsanaṅga-	
Paggahena	88	samannāgataṁ	214
Paggāhikasālaṁ	326	Paññattānaṁ	285
Paṅguḷo	216	Paññatti	131
Pacanto	241	Paññattikovido	316
Pacāpanaṁ	267	Paññattigatikā	119
Pacitvā	348	Paññattivinayo	106
Paccatthikā	142	Paṭako	326, 336
Paccanīkato	243	Paṭaggi	238
Paccavekkhaṇavasī	220	Paṭikuṭati	208
Paccavekkhato	222	Paṭikkamma	188
Paccāropanā	298	Paṭikkhipanti	191
Paccupaṭṭhitaṁ	129	Paṭikkhipitum	347
Paccekaśivaracetāpannā	327	Paṭiggaṇhantassa	229
Paccakabodhiññaṁ	70	Paṭiggahaṇe	229
Pacchindamānā	118	Paṭiggahitaparivattane	343
Pacchinditabbaṁ	124	Paṭiggahitamatte	228
Pacchimaṁ	178	Paṭiggahetvā	156
Pacchimadvayaṁ	178	Paṭicaraṇatā	298
		Paṭicchannakarūpaṁ	154

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭiññāya	287	Patimānesi	68
Paṭipakkham	141	Pattam	345
Paṭipajjati	207	Pattatthavikādīsu	324
Paṭipattim	288	Pattamaṇḍale	167
Paṭipatham	191	Pattuṇṇam	311
Paṭipannakassa	146	Pattuṇṇapattapaṭe	97
Paṭimukho	88	Patte	160
Paṭiyādiyati	235	Padam	65
Paṭilātam	125	Padapacchābhaṭṭham	134
Paṭilābhena	333	Padavārena	189
Paṭivaṭṭati	208	Padānam	100
Paṭividdhā	250	Paduminiyam	179
Paṭivīsam	89	Padhamseti	154
Paṭivedho	65	Padhānam	217
Paṭisanthāro	237	Padhūpāyantā	281
Paṭisandhi	101	Papañcasaṅkhā	171
Paṭisāmanam	310	Pappaṭakojaṃ	90
Paṭisiddhapariyāpannena	318	Pabujjhitvā	161
Paṭṭamukhe	166	Pabbajjāsāṅkhepena	95
Paṭṭo	325	Pabhaggo	249
Paṭhamadutiyajjhānesu	72	Pabhuti	218
Paṭhamapārājikaṃ	135	Pamāṇato	275
Paṭhamappahāreneva	225	Pamāṇayutto	275
Paṭṭhapetabbam	218	Pamāṇe	230
Paṇamanti	210	Payāgapatiṭṭhānam	97
Paṇḍiccena	267	Payuttavācam	208
Paṇṇam	204	Payogaṃ	217
Paṇṇasālam	277	Payogattā	182
Patitam	231	Payoge payoge	323, 348
Patitāya	144	Payojanam	224

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Payojenti	224	Paribhogajiṇṇaṁ	325
Parato	224	Paribhogatthāya	203
Paradesato	194	Paribhoge	337
Parammukhāvikkappaṇā	315	Paribhogeneva	325
Paravādī	122	Paribhogo	338
Parājitakilesena	206	Parimajjitvā	236
Parikathā	274	Pariyante	166
Parikappāvahāro	200	Pariyādiyitvā	143
Parikappitaṭṭhānaṁ	172	Pariyāyaṁ	209
Parikappo	200	Pariyāyato	85
Parikkhepādi	318	Pariyāyavacanamattaṁ	103
Parikkhepārahaṭṭhānato	361	Pariyāyena	129, 194
Pariggahitaniyyānaṁ	210	Pariyāyehi	67, 86
Pariggahetvā	220	Pariyāyo	73
Paricitā	217	Pariyuṭṭhitānaṁ	138
Paricchinnakāle	177	Pariyuṭṭhito	200
Paricchedalekhā	168	Pariyesitvā	235
Paricchedo	177	Pariyonaddhaṁ	184
Pariññeyyaṁ	222	Parivattitvā	192
Pariṇāmakālo	70	Parivattetvā	224
Parittakaraṇaṁ	238	Parivāsadānaṁ	159
Paripācetuṁ	241	Pariveṇaṁ	183
Paripucchaṁ	209	Pariveṇaṅgaṇādi	307
Paripucchā	124	Parisaṅkamāno	134
Paripuṇṇā	217	Parissāvetvā	352
Paribandhaṁ	233	Parihīnavegassa	223
Paribbajo	243	Paro	123
Paribhuñjantassa	156	Palibujjhissati	177
Paribhuñjanto	191	Palibuddho	101

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pavattati	131	Pāṇātipātā	108, 226
Pavattaphalabhojano	80	Pātabyatānaṃ	103
Pavattamaṃsaṃ	295	Pātabyabhāvaṃ	165
Pavāritā	165	Pātetī	234
Pavicayo	76	Pātetvā	200
Paviṭṭhakāle	142	Pādāni	86
Paviṭṭhānaṃ	320	Pādesu	236
Paviṭṭhe	147	Pānīyaghaṭe	169
Pavesentassa	139	Pānīyasaṅkho	262
Pavesento	138	Pāpakānaṃ	78
Pasannamukhavaṇṇā	240	Pāmojjaṃ	211
Pasādānurakkhaṇattā	205	Pārājikakkhette	144
Pasādito	283	Pārājiko	126
Passato	222	Pārivattakaṃ	324
Passesu	181	Pārisuddhiṃ	220
Pahara	226	Pārisuddhi	215
Paharivā	194	Pāvāro	314
Pahānapariññā	103	Pāḷiyā	122
Pahānavinayo	106	Pi	201
Pahontena	296	Piṭṭhasaṅghāṭo	276
Pākaṭā	216	Pitāmahī	323
Pākatikaṃ	84, 232	Pitāmahā	323
Pākatiko	336	Pitucchā	235
Pākatindriye	241	Pinayati	72
Pākavattatthāya	192	Pipphalike	168
Pākāraṃ	204	Pire	281
Pākārānaṃ	184	Pihayantā	334
Pācinaṃ	276	Pītipharaṇena	76
Pāṇātipātāṃ	165	Pīlakā	167
Pāṇātipātassa	230	Puggalato	75

Padānukkamo	Piṭṭhaṅko	Padānukkamo	Piṭṭhaṅko
[Pa]		[Ba]	
Puggalassa	180	Bajjhati	225
Puggalena	76	Baddhā	186
Pucchanti	236	Bandhanaṃ	128
Pubba	79	Bandhitabbaṃ	238
Pubbaṅhe	227	Balaṃ	67
Pubbabhāge	221	Balavadhamma-	
Pubbāparānusandhito	125	vinidhānavasena	246
Purimavadanāpekkhaṃ	94	Balavā	180
Purimena	71	Balasā	199
Purisamado	103	Bahi	192
Purisayugavasena	95	Bahigataṃ	178
Purejātabhāvaṃ	70	Bahigāme	155
Purebhattaṃ	350	Bahiddhā	147
Peṭake	72	Bahiddhāvimaṭṭhaṃ	269
Petaloko	249	Bahinagare	194
Potthakarūpaṃ	261	Bahilittā	274
Potthakarūpasadisassa	135	Bahussutopi	124
[Pha]		Bāttimsāya	210
Pharaṇarasā	72	Bāhaṃ	181
Pharati	174	Bāhusīsaṃ	252
Phalaṃ	215	Bījāni	139
Phalakesu	160	Buddhānaṃ	122
Phātikammaṃ	207	Buddhuppādā	131
Phāsuvihāro	67	Buddhuppāde	131
Phuṭattā	76	Bundena	176
Phusati	146	Bodhim	70
Phusanaṃ	108	Bodhi	70
		Bodhipaññāṇo	135
		Byañjanaṃ	65
		Byañjanasampatti	65
		Byañjane	223

Padānukkamo	Piṭṭhaṅko	Padānukkamo	Piṭṭhaṅko
[Ba]		[Bha]	
Byantī	217	Bhikkhācāre	241
Byākaritvā	234	Bhikkhubhāvepi	155
Byāmappabhāya	89	Bhikkhubhāvo	243
Brahmaṃ	296	Bhikkacchāpaṃ	194
Brahmaghosam	128	Bhijjanti	101
Brahmacariyam	128	Bhindantassa	178
Brahmacariya	66	Bhinditvā	146
[Bha]		Bhiyyo	243
Bhaṅgam	310	Bhūmattharaṇe	169
Bhaṅṅhe	174	Bhūmiṃ	85
Bhaṅṅho	140	Bhūmiguham	278
Bhaṅṅati	126	Bhūmito	75
Bhaṅṅakam	234	Bhūmisamaṃ	278
Bhaṅṅadeyyam	184, 201, 202	Bhedanam	226
Bhaṅṅappayojanam	99	Bherisaṅghāṭo	263
Bhaṅṅu	128	Bhesajjam	235
Bhattavissaggam	322	[Ma]	
Bhattasammadam	215	Maṃsapesiyā	144
Bhabbakulaputto	99	Maggabrahmacariyam	102
Bhavitabbam	191	Maggānantaraphalasadisā	197
Bhavo	281	Maggo	215
Bhassam	219	Maṅkutam	105
Bhāyanto	247	Maṅguli	249
Bhārabaddham	179	Maṅgusā	140
Bhārabhūtā	338	Majjham	138
Bhāvanā	217	Majjhimaṃ	207
Bhāvanāmayiddhiyā	224	Majjhimapabbapiṭṭhiyā	138
Bhāvavikappākārena	133	Majjhe	288
Bhikkhamānā	88	Majjhena	138

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mañjarī	300	Mahāhatthipatham	214
Maññamāno	200	Māgasirassa	96
Maññe	69	Mātāṅgapaṇḍitassa	101
Maṇi	261	Mātā	102
Maṇikaṇṭho	274	Mātāpitaro	102
Maṇinā	167	Mātāmaho	323
Maṇḍalam	168	Mātikam	180, 207
Maṇḍūkakaṇṭakam	187	Mātikā-ujukaraṇena	178
Matasarīre	144	Mātikā mukham	186
Mate	144, 191	Mātunānattato	252
Mattam	143	Mātulo	235
Maddanto	203	Mānattameva	159
Maddāpetvā	234	Mānamado	103
Madhukarīhi	353	Mārāvāṭṭanāya	89
Madhumakkhikāhi	353	Māreyya	238
Manāpiyepi	232	Migaṁ	249
Manussā	237	Micchādiṭṭhi	285
Mandiram	89	Missetvā	333
Maraṇam	233	Mukham	139
Marati	233	Mukhanimitte	217
Maritvā	180	Mukhare	241
Mariyādam	186	Mukhavevaṭiko	330
Marissati	233	Mukhasaṅṭhānam	140
Masāragallam	261	Mukhāruḷhatā	133
Mahantam	314	Mukheneva	145
Mahāpadesā	121	Muggaro	234
Mahāpariveṇam	161	Muccati	232
Mahāpavāraṇāya	165	Muṭṭhittikam	312
Mahāvanam	206	Muṭṭhipañcakam	312
Mahāvikaṭāni	354	Muṇḍacchadanapāsādo	318

Padānukkamo	Piṭṭhaṅko	Padānukkamo	Piṭṭhaṅko
[Ra]		[La]	
Rundhitabbaṃ	124	Lekhā	167
Ruḷhīsaddena	255	Leṇaṃ	278
Rūpaṃ	238	Lepaghaṭanena	277
Rūpadassanena	82	Lepo	277
Rūpasaññā	129	Lesāṃ	146
Rūpiyaṃ	343	Lokaṃ	217
Rūpiyamayo	336	Lokasannivāso	70
Rūpiyasaññī	343	Lokāmisabhūtaṃ	95
Rūpiye	343	Lokiya-aṭṭhasamāpatticittāni	131
Rogena	225	Lokuttaranibbānaṃ	103
[La]		Lomasā	256
Lakkhaṇaṃ	214	Lolamahāthero	191
Lakkhaṇacchinnassa	184	Lohatuṇḍehi	248
Lakkhaṇato	219	Lohamaṇḍalakena	349
Lakkhaṇehi	125	Lohitakaṃ	226
Laguḷaṃ	224	Lohitaṅko	261
Lagganatthāya	167	[Va]	
Laggitasāṭake	198	Vaggumudā	208
Lajjino	141	Vacanappamāṇato	282
Lajjiniyo	155	Vacanabhede	169
Lajjibhikkhunā	331	Vacanabhedo	311
Labbhamānapadavasena	173	Vacanīyo	311
Labhamānova	192	Vacībhedena	134
Lambī	250	Vaccamaggena	146
Lahuṭṭhānaṃ	67	Vajjīnaṃ	100
Lābhagarutāya	124	Vaṭaṃsako	300
Liṅgasampaṭicchana	127	Vaṭṭakhāṇubhūtaṃ	70
Limpati	154	Vaṭṭamaṇikaṃ	168
Luṭṭhitvā	170		

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vaṭṭalohaṃ	262	Vallūravikkayena	249
Vaṭṭitaṃ	232	Vasaṃ	268
Vaḍḍhati	193	Vasantavanaṃ	163
Vaṇasaṅkhepaṃ	140	Vassikasāṭikadāyakā	355
Vaṇṇajjhakkhaṃ	88	Vassetvā	97
Vaṇṇapaṭṭhānaṃ	135	Vahacchinno	102
Vaṇṇapokkharatāya	154	Vācaṃ	84
Vaṇṇappaṭibhāgaṃ	223	Vācaṅgaṃ	88
Vaṇṇamatṭhatthāya	166	Vācuggataṃ	124
Vaṇṇavā	240	Vātamukhaṃ	187
Vaṇṇā	212	Vātūpaladdhiyā	213
Vattaṃ	273	Vāyamato	256
Vattasīseṇa	204	Vāsadhurayutto	127
Vatthiṃ	257	Vāsi	128
Vatthikosesu	144	Vāḷānaṃ	276
Vatthisīsaṃ	252	Vikubbaniddhi	205
Vatthum	290	Vikkayo	267
Vatthu	141	Vikkhitto	133
Vatthuvipannā	250	Vicāraṇā	188
Vatthuvisadakiriyā	219	Vicāritaṃ	282
Vitthuviseṇa	227	Vijjhaṇaṃ	226
Vaddalisamaye	352	Viññattipathe	246
Vanantaṃ	72	Vitakkasampannaṃ	208
Vambhanavacanaṃ	297	Vitarati	221
Vayakammampi	165	Vituḍenti	248
Varapotthakacittattharaṇaṃ	237	Vitthunati	125
Varabhūrimedhaso	70	Vinaṭṭhe	191
Varasenāsanāni	204	Vinayakammaṃ	156
Valitakaṃ	168	Vinayagarukānaṃ	143
		Vinayadhammatā	177

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vinayapurekkhāratā	288	Vivāho	267
Vinayalakkhaṇe	281	Vivekānaṁ	247
Vinassa	281	Visaṅketo	230, 234
Vinicchayaṁ	124	Visaññaṁ	159
Vinicchinituṁ	287	Visabhāgasarīre	199
Vinivaṭṭanā	215	Visamaṇḍalam	232
Vinivijjhivā	184	Visahati	89
Vinīvaraṇatā	244	Visūcikaṁ	224
Vipatti	87	Visesādhigamaṁ	234
Vipannaṭṭhanāvā	180	Vihatthatāya	324
Vipassanā	215	Vihāraggena	88
Vipassanā ṇāṇaṁ	132	Vihāravāriko	191
Vipassanupekkhā	74	Vihārasīmaṁ	319
Vipulabhāvena	96	Vīciyo	73
Vipulāya	73	Vīṇāsaṅghāṭo	263
Vippatisāre	232	Vītikkamābhāvo	118
Vippasannacchavivaṇṇā	240	Vuṭṭhahati	161
Vipphāravā	72	Vuṭṭhahantesu	202
Vibhajanto	207	Vuṭṭhānavasī	228
Vibhāvane	67	Vuttasassaṁ	88
Vibhāvayaṁ	218	Vutthavassānaṁ	361
Vimuccanto	221	Veṇiṁ	166
Vimuccimsu	94	Vedanupekkhā	74
Vimokkho	243	Vemaṁ	358
Virajjati	103	Vemajjhaṁ	138
Virajjanto	221	Veyyattiyena	267
Virattaṁ	259	Veḷuriyo	261
Vilomitāṁ	274	[Sa]	
Vivattati	211	Samgharāji	125
Vivaraṇavibhajanāni	65	Samghalābho	248

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Samyogabhāvo	176	Sañcetanā	252
Samyojanā	217	Sañchaviṃ	95
Samvaṇṇitam	79	Saññaṃ	287
Samvaravinayo	106	Saññajam	218
Samvaro	212	Saññānānatāya	218
Samvidhāya	195	Saññāvimokkham	149
Samsaṭṭham	352	Saññāsampayuttā	223
Samsīdati	265	Saṅghaheyya	68
Samhato	86	Saṅghāti	212
Sa-uppattikaṃ	66	Satipaccayatā	337
Sakakammaṃ	272	Satova	210
Sakaṭena	276	Sattāham	156
Sakavādī	122	Satthasaṅgaho	224
Sakkaṃ	238	Satthahāraṅgaṃ	224
Sagottehi	268	Satthuvaṇṇo	343
Saṅkapparāgo	71	Satthusāsaṅgaṃ	105
Saṅkappo	71	Sadvārabandhā	163
Saṅkarīyati	170	Sanidānaṃ	66
Saṅkāsaṅgaṃ	65	Santaṅgavā	188
Saṅketakammaṃ	195	Santānassa	223
Saṅkocetvā	138	Santhātādibhedehi	146
Saṅkhamuṇḍakaṃ	226	Santhātāya	146
Saṅkhalikaṃ	166	Sandiṭṭhamānā	105
Saṅkhārā	126	Sandhāritattā	187
Saṅkhārupekkhā	74	Sannipatitā	102
Saṅkhepena	89	Sannisinnā	219
Saguṇato	244	Sappatisso	90
Saṅghātāṃ	333	Sappāyassa	266
Sacittakapakkhe	108	Sappīṭike	221
Sañcaraṇabhāvo	268	Sabbakiccasādhakaṃ	78

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sabbaṅgagataṁ	147	Samullapesi	236
Sabbadubbalā	122	Samūlakaṁ	284
Sabbantimena	129	Sameti	122
Sabbapacchimako	95	Samentameva	122
Sabbāvantaṁ	169	Sampatijāto	67
Sabhaṇḍahāraṁ	187	Sampatti	87
Sabhāgassa	135	Sampannaṁ	90
Sabhāyaṁ	318	Sampannabyākaraṇo	243
Sabhusaṁ	183	Sampahaṁsanā	207
Samagghaṁ	174	Sambahule	285
Samaṇakaraṇānaṁ	103	Sambhavavegaṁ	252
Samaṇakuttako	208	Sammaddo	174
Samaṇabhāvato	133	Sammā	70
Samaṇuddeso	135	Sammukhasāvakaṇaṁ	93
Samathavinayo	106	Sammukhā	315
Samayaññū	134	Sammūtisu	159
Samasīlasaddhānaṁ	234	Sayaṁ	232
Samādhinimittaṁ	207	Saraṇaṁ	87
Samādhiparipanthake	249	Saraṇagamaṇaṁ	87
Samādhisampannaṁ	208	Sarasato	243
Samānācariyakā	143	Salākaggāhena	296
Samāpajjanavasī	220	Salākapaṇjaraṁ	166
Samāpattikkhaṇe	221	Salākabhattāni	192
Samitāvinā	310	Sallakkhaṇā	215
Samīpe	284	Savatthukaṁ	204
Samuṭṭhānaṁ	148	Saviññāṇakeneva	171
Samuṭṭhānābhāvo	280	Sassaṁ	186
Samuṭṭhāpeti	345	Sahajīvitā	105
Samuttejetvā	97	Sahadhammikānaṁ	238
Samudānetabbā	266	Sahadhammikehi	264

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sahapayogo	174	Sibbetum	359
Sahāyehi	191	Silā	261
Sahoḍḍhaggahito	108	Silesasadisaṃ	353
Sāṭako	199	Siveyyakaṃ	201
Sātalakkhaṇaṃ	72	Sitodakaṃ	67
Sātasahagatā	129	Silaṃ	87
Sādiyantassa	141	Sīlāni	126
Sādhu	353	Sīsato	182
Sāpateyyaṃ	101	Sīse	160
Sāmaṃ	156	Sīhokkantaवासena	80
Sāmaññaṃ	243	Su-uddharā	232
Sāmapaṇḍitassa	101	Sukkhasotā	264
Sāmikānaṃ	186	Sukhaṃ	194
Sāmikena	201	Sukhapāramippatte	76
Sāmīci	174	Sukhāditameva	202
Sārakkhā	269	Sukhumakā	213
Sāraṇaṃ	99	Sukhumā	126
Sārattaṃ	259	Suṅkaghātaṃ	172, 192
Sāvakaṇāpāramiññaṇaṃ	70	Suṅkaṭṭhānassa	193
Sāsaṅko	187	Sujjhanato	338
Sāsaṇaṃ	92	Suññattā	244
Sāhatthikaṃ	195	Suṭṭhu	145
Sikkhāpadaṃ	150	Suttaṃ	122
Sikkhāpadasīseṇa	153	Suttato	124
Sikkhāpade	101	Suttānulomaṃ	122
Sikkhitabbaṃ	129	Sutte	123, 124
Sikhāpatta	223	Sudinnaṃ	201
Sīhilaṃ	119	Suddhi	337
Sīhilo	243	Supati	161
Sipāṭikāya	168	Supantassa	162

